

ملكة الجمار

رواية بالعامية المصرية

عمر أحمد



دار كليوباترا للنشر والتوزيع

فهرسة أثناء النشر إعداد إدارة الشؤون الفنية

أحمد/ عمر

ملكة الجمال / عمر أحمد

ط1. / القاهرة : دار كليوباترا للنشر والتوزيع.


ص 206، المقاس 14*20

الترقيم الدولي : 9-44-6619-977-978

رقم الإيداع : 2017/25543

تصنيف الكتاب :

رواية



الناشر دار كليوباترا للنشر والتوزيع

المدير التنفيذي: ضحى جبر

إشراف عام: عفاف محمد على

تصميم الغلاف : عمر أحمد

عمليات الإخراج الداخلى والتصحيح اللغوي

(دار كليوباترا للنشر والتوزيع)

المراسلات:

لاتصال: / 01125574129 / 0225244534/01019983371

dar.cleopatra@gmail.com

الطبعة الأولى

جميع الحقوق محفوظة للمؤلف والناشر، ويحظر نشر أو اقتباس
هذا العمل، ومن يخالف ذلك يتعرض للمساءلة القانونية.

إهداء

إلى من يدفعه الفضول لأن يدخل إلى العالم الخفى..

احذر!!!

مقدمة

الجان والعفاريت وباقي أجناسهم الكثيرة شركاؤنا في الحياة ولكننا لا نتعايش معهم.. فمنهم من يسكن الديار والقبور، وبعضهم يعيش في دورات المياه، والخرائب والأماكن المهجورة، ومنهم من يسكن الجبال والغابات، ومنهم من يفسد حياة البشر كالتفريق بين المرء وزوجه، ولهم طوائف عديدة فمنهم المؤمن والكافر ﴿وَأَنَا مِنَّا الصَّالِحُونَ وَمِنَّا دُونَ ذَلِكَ كُنَّا طَرَائِقَ قَدَدًا﴾ [سورة الجن 11](#)-

ومنهم من يحب نساء الإنس، ومنهن من تعشق رجال الإنس، وهناك من الإنس من يطلب مناجاة الجن؛ والجن ليس من أنفسنا لذلك لا يمكن حدوث هذا الزواج لاستحالة السكن بيننا فهناك اختلاف في مادة الخلق ﴿وَلَقَدْ خَلَقْنَا الْإِنْسَانَ مِن صَلْصَالٍ مِّنْ حَمَإٍ مَّسْنُونٍ (26) وَالْجَانَّ خَلَقْنَاهُ مِن قَبْلُ مِن نَّارِ السَّمُومِ (27)﴾ [سورة الحجر 27](#)-

فالإنسيات للإنس والجنيات للجن، وقد خلق الله للإنس أزواجاً من أنفسهم ليسكنوا إليها ﴿وَمِنْ آيَاتِهِ أَن خَلَقَ لَكُمْ مِنْ أَنْفُسِكُمْ أَزْوَاجًا لِتَسْكُنُوا إِلَيْهَا وَجَعَلَ بَيْنَكُمْ مَوَدَّةً وَرَحْمَةً إِنَّ فِي ذَلِكَ لَآيَاتٍ لِّقَوْمٍ يَتَفَكَّرُونَ﴾ [سورة الزوم 21](#)-

وقوله تعالى: ﴿يَا أَيُّهَا النَّاسُ اتَّقُوا رَبَّكُمُ الَّذِي خَلَقَكُمْ مِنْ نَفْسٍ وَاحِدَةٍ وَخَلَقَ مِنْهَا زَوْجَهَا وَبَثَّ مِنْهُمَا رِجَالًا كَثِيرًا وَنِسَاءً ۚ وَاتَّقُوا اللَّهَ الَّذِي تَسَاءَلُونَ بِهِ وَالْأَرْحَامَ ۚ إِنَّ اللَّهَ كَانَ عَلَيْكُمْ رَقِيبًا﴾ [سورة النساء، آية 1](#)-

وقد وضع الله لهم قدرة على التشكل في أجسام مادية فعن أبي هريرة رضي الله عنه، قال: قال رسول الله صلى الله عليه وسلم : "إن عفريتاً من الجن تفلت البارحة ليقطع عليّ صلاتي فأمكنني الله منه، فأخذته فأردت أن أربطه على سارية من سواري المسجد حتى تنظروا إليه كلكم، فذكرت دعوة أخي سليمان " رب هب لي ملكاً لا ينبغي لأحد من بعدي، فرددته خاسئاً" [متفق عليه](#)-

والعداوة متأصلة منذ بدء الخليقة بين الشيطان والإنسان وذريتهما فهما لن يتوافقا أبداً ﴿قَالَ اهْبِطُوا بَعْضُكُمْ لِبَعْضٍ عَدُوٌّ وَلَكُمْ فِي الْأَرْضِ مُسْتَقَرٌّ وَمَتَاعٌ إِلَىٰ حِينٍ﴾ [سورة الأعراف 24](#)-

والشيطان معه الإذن بالإغواء ﴿وَاسْتَفْزِزْ مَنِ اسْتَعْظَمَ مِنْهُمْ بِصَوْتِكَ وَأَجْلِبْ عَلَيْهِم بِخَيْلِكَ وَرَجِلِكَ وَشَارِكْهُمْ فِي الْأَمْوَالِ وَالْأَوْلَادِ وَعَدْهُمْ وَمَا يَعْدُهُمُ الشَّيْطَانُ إِلَّا غُرُورًا﴾ [الإسراء 64](#)-

وعندما لا يقاوم الإنسان إغواء الشيطان له فيحاول الاستعانة به فذلك بمثابة بداية لممارسة السحر الذي يكون من عمل الشياطين، لذلك فقد نهى الله عباده من بني آدم عنه، وليس في العلم بالسحر إثم؛ وإنما الإثم في استخدامه للضرر بالخلائق كالخطف، والزجر، والحجب، والقهر، والمحبة، وقضاء

الحوائج، والإرسالات والتساليط.. كما أن الأسماء المعجمة والسريانية والعبرانية لها أسرار عظيمة فلا يجوز النطق بأسماء ليس لنا بها علم لأنها قد تكون دعوات لاستحضار الجان، ومن ثم الدخول في متاهات هذا العالم العميق..

إن الالتجاء إلى هذا العالم كفر صريح، فلا يجوز الالتجاء إلا الله سبحانه وتعالى فقط في قضاء جميع الحوائج ((وَإِذَا سَأَلْتَ فَاسْأَلِ اللَّهَ، وَإِذَا اسْتَعَنْتَ فَاسْتَعِنْ بِاللَّهِ)).

عمر أحمد

عندما يداعبك فضولك الكامن بداخلك محاولاً إثارتك..

اختبىء منه ولا تتردد

فقد يدفعك إلى الهلاك!!

ليلة حالكة السواد يلفها الصقيع.. تتأرجح أضواء النجوم فتنتشر حولها ظلالاً مرعبة..

شخص يدفع جسده ببطء ليسير بين ممرات المقابر المكسوة برائحة الموت.. جذبه فحيح ضوء خافت فى الظلام؛ ليلقى به أمام إحدى المقابر التى فُتح بابها مصدراً صريخاً مكتوماً..

أطل من داخلها وجه قاسٍ عابسٍ بلا روح وقال:

- أهلاً يا حاج أحمد.. خير؟

- رد الحاج أحمد بصوت حزين نازف:

- أزيك يا حمدان أنا قصدك فى خدمة..

- خير يا حاج؟

- عايزك تفتح لى تربة..

- حمدان بلا مبالاة: وماله يا حاج.. أنت بقى عايز جثة؟ ولا هتدفن عمل؟ ولا.... قاطعه الحاج أحمد متلعثماً:

- تعال بس وأنا هوريك التربة اللى هنفثها. ثم أخرج نقوداً من جيبه، ودسها فى جيب حمدان الذى دلف لداخل مقبرته مُسرِعاً، وخرج حاملاً عدة الحفر، وناول الحاج أحمد مصباح الغاز قائلاً:

- امسك أنت ده، وأغلق خلفه باب المقبرة التى يسكن بها، وسار أمامه وسأله:

- عايزنا نفتح بقى أنهى تربة؟

- متقلقش يا حمدان امشي أنت معاي بس، وأنا هقولك هنفث أنهى تربة..

- اللي تشوفه يا حاج.. مع إنى مبعملش كدة مع حد.. أنا شغلتي تربي صحيح، ومش هأخذ فيش وتشبيه لى يقصدنى فى شغلانة.. بس لازم أعرف هو عايز أيه؛ وأييه اللى هيعمله؟! دية مسئولية برضة وأنت سيد العارفين..

وضع الحاج أحمد يده فى جيبه مرة أخرى، وأخرج بعض النقود ودسها بيد حمدان فتناولها قائلاً بهدوء: أنا مش قصدى يا حاج..

- قال له الحاج أحمد مستاءً: يلا بس شهل شوية خلينا نخلص..

سارا داخل ممرات المقابر المظلمة لمسافات طويلة.. دارا حول المدافن أكثر من مرة. إلى أن وقف

الحاج أحمد فجأة مشيراً بيده بذعر شديد إلى بعيد قائلاً: أنت شايف اللي أنا شايفه يا حمدان؟

نظر حمدان إلى مكان إشارة الحاج أحمد فلم ير شيئاً، وقال:

- أنا مش شايف حاجة خالص.. أنت عايز تخوفنى ولا أيه يا حاج.. لأ أنا مبخافشى.. ده أنا قاعد وسطهم ليل ونهار..

بوقوف الحاج أحمد المفاجئ اعتراه رعب جامح. فقد لاح له تحت أضواء الظلام ثعبان عملاق قابع فوق شاهد إحدى المقابر، وحوله دائرة هائلة من النار.. كأنه مخلوق أسطوري؛ وبتردد.. مضى نحوه كالشهاب وخلفه حمدان الثربي لاهثًا، وبوجه شديد الذعر أشار إلى هذا الشاهد وقال:

- هي دية التربة يا حمدان..

نظر له حمدان متعجبًا وسأله:

- وأنت عرفتھا إزاي يا حاج فى الضلعة دية؟

لم يرد عليه وإنما توجه بصره صوب المقبرة المنشودة ناظرًا إليها بوجل..

توجه حمدان نحوها، وبدأ بحفر هذه المقبرة مستطرًا: حال الدنيا ده غريب.. أهل الميت يجيبوا الميت، وهات يا صوات وعياط وبعد كدة يدفنوه، ويقفوا يدعوا له، ويمشوا ومحدثش بيشوف وشهم تاني، ولا حس ولا خبر..

لم يعره الحاج أحمد أى انتباه، وإنما ظل بصره عاليًا بدرجات المقبرة التى بدأت بالظهور، والتى لا تسمح إلا بنزول شخص واحد لأسفل، ونزل حمدان إلى داخل المقبرة مارًا من كوة صغيرة ونادى:

انزل يا حاج أحمد.. التربة مفتوحة أهي.. شوف أنت عايز تعمل أيه؟

نزل الحاج أحمد درجات المقبرة بوجه شاحب، وانحنى حتى انخفض رأسه لمستوى جذعه، ومر من الكوة إلى جوف القبر مرتعشًا جاثمًا فوق صدره الرعب متممًا «أنتم السابقون ونحن بكم إن شاء الله للاحقون.. السلام عليكم دار قومٍ مؤمنين.. نسأل الله لنا ولكم المغفرة، الله يرحم أمواتنا وأموات المسلمين اللهم لا تحرمنا أجرهم، ولا تفتننا بعدهم». ثم نظر إلى الموتى بحزن شديد وتنهد قائلاً:

ياه لو الناس تعرف أنه مهما طال بيهم العمر فهو برضه قصير.. شوف البنى آدم فى الآخر بيبقى إزاي.. لا إله إلا الله، وبتلقائية أزاح حمدان بعض العظام إلى أحد جوانب القبر قائلاً:

أنا كدة مهمتى خلصت وهستناك فوق، وناولته الكلوب وخرج من المقبرة صاعدًا إلى ظهر الأرض.

استجمع الحاج أحمد قواه بعدما وجد نفسه وحيدًا فى المقبرة، ورائحة الموت متربصة به تحوطه من كل جانب..

مر بعينيه على كل ما بداخل المقبرة من عظام بشرية، ورفات جثث.. إلى أن تعلق بصره بأحد الهياكل العظمية المستلقية داخل المقبرة، وازداد توترًا وخوفًا عندما اقترب منها ثم جثا على ركبتيه، وقال لنفسه ليذكرها:

هَي دية الجثة اللى وصفتها لى الحاجة.. قالتلى: أنت هتشوف الجثة رأسها مرفوعة عن الأرض شوية زى ما تكون نائمة على مخدة.. دور تحتها وهتلاقى الأمانة..

مد يده نحوها وقال بصوت عالٍ بث فى نفسه بعض الشجاعة والطمأنينة:
بسم الله الرحمن الرحيم. ثم رفع رأس الجثة، ونبش فى التراب الذى تحتها؛ حتى اصطدمت يده بشيء تحسسه، ثم أمسكه بيديه، وأخرجه ونفض عنه الأتربة. ثم لفه بقطعة من القماش كان قد أحضرها معه وتراجع صاعدًا درجات القبر مرة أخرى وهو يقرأ ما يتذكره من القرآن..
نظر حمدان التربى نحوه ببلاهة وقال: أيه اللى فى اللفة اللى معاك دية؟
لم ينظر له الحاج أحمد ولم يرد عليه..

تأفف حمدان قائلاً: أيه المصلحة خلصت فمبقتش عارفنى..
انصرف الحاج أحمد واجماً فى صمت.. ناظرًا إلى الفراغ مشدوهاً مشتت الذهن حتى وصل إلى ضفاف النهر، وقام بفتح اللفافة التى يحملها؛ وأخرج ما بداخلها ونظر له ملياً يتفحصه.. إنه حذاء من أحذيته القديمة!!

دس يده داخل هذا الحذاء، وأخرج منه شيئاً مغلفاً بالشمع وقشره بيده فوجده جورباً من جواربه القديمة. فأفرغ ما بداخل الجورب على قطعة القماش ليرى ما بداخله وتعجب!!
إنه ملح..

أفرغ هذا الملح بمجرى النهر، ولف الحذاء والجورب فى قطعة القماش مرة أخرى ليتسلل إلى نفسه شعور بالراحة استطاع به إزالة العبء النفسى الملقى داخل روحه.. ثم استكمل سيره مشتت البال حتى وصل إلى داره ودخلها وهو زائغ النظرات..

قابله زوجته بابتسامتها المعهودة وقالت: حمد الله على السلامة يا حاج.. أيه اللى أخرك برة كدة؟

قال لها باقتضاب: اعملى حسابك من الفجرية هنسافر نزور الحاجة فى مصر!!
ودخل إلى غرفته صامتاً..

عاد الحاج أحمد من زيارته للحاجة فى مصر إلى منزله الكائن بهذه القرية الريفية جدًا التي ينتشر بها الجهل بتوسع؛ لتكون الحياة بها أشبه بالحياة البدائية التي تفتت من التخلف الذي يتم التعايش معه، وتدهورت حالته الصحية، إلى أن سقط مغشيًا عليه فى أحد الأيام، واستدعى أولاده طبيب الوحدة؛ الذى أخبرهم بأن والدهم قد وافته المنية.

جال الحزن بأرجاء المنزل، وأقامت الأسرة سرادق عزاء كبيرًا..

وقف ولداه يأخذان واجب العزاء فى والدهما إلى أن دخل إلى سرادق العزاء بعض الأشخاص لتأدية واجب العزاء وعلى رأسهم شخص تظهر عليه الهيبة والوقار..

مد هذا الشخص يده إلى أول الواقفين لاستقبال العزاء قائلاً:

- البقاء لله يا زياد يا بنى. فتحرك بانفعال شاب واقف بجوار زياد.. ليمسك بيده، ويمنعه من السلام موجهاً حديثه لهذا الشخص:

- أنت أيه اللى جابك هنا؟ مش كفاية اللى أنت عملته فينا؟!

ظهر على زياد ملامح الاستياء وقال للشاب المنفعل:

- لأ عيب يا سيد ده برضه عمك..

نظر سيد إلى عمه باستهجان قائلاً:

لأ يا زياد.. إحنا مش عايزين نشوفه ولا نعرفه؛ ثم طرده من السرادق..

رد عمه بهدوء شديد:

- أنا عملت الأصول يا ابن الأصول، وبرده أنت زى ابنى ومش هزعل منك؛ لأنى مقدر الحالة اللى أنت فيها. ثم رجع عائداً هو ومن معه من حيث أتوا..

انتهى عزاء الحاج أحمد والد زياد.. هذا الرجل الطيب المكند الذى استغل أخوه جهله وطيبته؛ وأقنعه بأن يوقع على أوراق تنازله عن أرضه بحجة أنه معدوش ولا عيل ولا تيل، وزوجته عندها أرض وبیت فى مصر ورثاه عن أبوها؛ بيجيب لها إيجار، وهو ظروفه على قدها، ولم تمر السنوات على الحاج أحمد إلا وقد رُزق بثلاثة أطفال.. هم زياد وسيد وإسراء، واحتفل مع زوجته السيدة البسيطة الطيبة التى تعيش راضية مسكينة، والتى قد وهبته أرضها بصدر رحب ومنحته إيجار بيتها فى مصر..

كانت هذه الأسرة تعيش بسرور، ولم يشعر أفرادها بالحرمان أبدًا برغم ظروفهم البسيطة.. فقد كان رب الأسرة يحاول توفير الاحتياجات والمطالب المادية للأسرة في حدود دخله ككافة الأسر المصرية البسيطة..

نما الأطفال وتكونت شخصية كل منهم..

زياد شخصية هادئة ودودة موضوعية، وسيد شخصية عصبية بمزاج متقلب، وإسراء آخر العنقود دلوعة الأسرة..

دفع الإرهاق كافة أفراد الأسرة بعد هذا اليوم الطويل إلى الاستسلام للنوم.. إلا زياد كان بمنتهى القلق؛ لأن نتيجة التنسيق ستظهر في الغد، ولا يعلم بأي مجال تعليمي سوف يلقي به هذا التنسيق..

لم يستطع النوم بسهولة إلى أن فتك به التعب ونام، وفي اليوم التالي استيقظ ليتابع نتيجة التنسيق الذي الحقه بإحدى الكليات بمصر..

جلس يفكر في الحدث الجلل الذي حل به وبأسرته، فقد انقلبت كافة أمانهم للمستقبل بوفاة والده، وعليه أن يبدأ بتنظيم حياته معهم حتى يتبين له كيفية استمراره في تعاطي دراسته، ولكي يحصل على المؤهل العالي الذي كان إحدى أمنيات والده..

خرج من غرفته لتناول طعام الإفطار مع والدته وأخوته، وقال بدون توجيه الكلام لشخص محدد:

- نتيجة التنسيق ظهرت، وأنا هاضطر أنزل مصر عشان أكمل دراستي، ومش عايز أنزل إلا لما أطمئن عليكم، ونشوف إحنا هنعمل أيه في الأيام اللي جاية؟

سيد: أيه يا جدع.. أنت مستهون بيّا ولا أيه؟ سافر أنت وشوف دراستك.. أنت سايب هنا راجل.. أنا هاخلي بالي كويس من العيلة، وبعدين هو أنت نسيت إنى كنت مع ابوك في الزايجة والجاية وعارف كل حاجة عن شغله هنا في البلد... تدخلت إسراء في الكلام وقالت بحنان:

- متخليش مصر تاخذك منّا يا زياد وتعال شقر علينا على طول..

قبل زياد يد أمه.. واحتضن أخوته، وقال ضاحكًا لأمه محاولًا تخفيف وطأة ألم لحظة الفراق:

- أيه يا أم زياد، ولا أقولك يا أم سيد.. أنت مبتتكلميش ليه؟

تساقطت دموعها. فقام أولادها بالالتفاف حولها واحتضانها..

بعد مرور أسبوع على وفاة والد زياد، وبعد استقرار الأمور داخل الأسرة إلى حدٍ ما؛ قرر زياد الرحيل إلى مصر لتكملة دراسته، وودع أمه وأخوته ذاهبًا إلى محطة القطار ليلحق به..

لحق بالقطار، وجلس على أحد المقاعد التى تئن من الشيخوخة مودعًا لطُرقات وشجيرات بلدته.. نهب القطار الطريق نهبًا كأنه يسابق الزمن لقذف ركابه فى محطات وصولهم؛ ليستريح من عناء حملهم، ليلقى بزياد فى محطة مصر.. تلك المحطة العتيقة التى تحملت زفرات ملايين الناس على مر السنين..

استنشق الهواء كأنه يتنفس لأول مرة؛ وبتنهّد قال لنفسه: ياه يا مصر.. أخيرًا ناديتى عليّ.. وقف سارحًا يتفرس فى وجوه المارة إلى أن أخرجه من حالة السرحان التى يمر بها صوت عالٍ: شيال يابيه فقال له: لأ شكرًا..

خرج من محطة مصر حاملاً لشنطة سفره، وسار متلأماً مستنشقاً رائحة الأصالة التى تفوح من كل شيء حوله، وشعر بإحساس الترابط والجو الأسرى مع كل الأطياف التى يراها، وبدأ بالسؤال عن عنوان المنزل الذى تمتلكه والدته بمصر وسار مترجلاً محاولاً حفظ كل التفاصيل التى تراها عيناه.. إلى أن وصل إلى المنزل..

المنزل يقع بأحد الأحياء الشعبية القديمة جدًا التى يمكن أن تُصنف من ضمن المناطق الأثرية.. قريب من حى السيدة زينب.. يقع داخل عطفة متفرعة من أحد الأزقة بها ثلاث منازل فقط من جانب.. والجانب الآخر به سور عالٍ لمخزن أحد المصانع..

منزل أمه هو الثالث والأخير فى هذه العطفة..

وقف أمام المنزل متأملاً إياه فهو يراه لأول مرة..

إنه منزل قديم.. مكون من دورين فقط، ويشبه كثيرًا المنازل الريفية فى تصميمه، وسقف الدور الثانى تبرز منه العروق الخشبية، وشبابيك الدور الثانى متهاكة متكسرة تبوح بعدم سكن بشر داخل جدرانها..

دخل إلى المنزل ورأى أمام مدخل باب المنزل السلم الذى يصعد عليه السكان للوصول للدور الثانى، ولم ير أبوابًا لشقة الدور الأرضى التى يقصدها..

دخل والتف إلى يمين السلم هابطاً إلى أسفل بعض الدرجات ورأى باب الشقة التى سيسكن بها..

موقع الشقة يشبه موقع بدروم عالٍ.. فأخرج مفاتيح الشقة، وبمجرد وضعه للمفتاح فى باب الشقة؛
فزع عندما سمع صوتًا يقول له من خلفه:

- أنت عايز مين؟

استدار لمصدر هذا الصوت.. فرأى سيدة ليست شابة وليست عجوزًا.. شكلها بث الخوف فى نفسه،
وشعر بعدم ارتياح لها من النظرة الأولى..
تمتلك شعراً أبيض شبه متجدد.. إحدى عيناها بيضاء تميل إلى اللون الرمادى الفاتح..
فرد متلعثمًا:

- أنا زياد ابن الحاج أحمد..

- بابتسامة باهتة ردت عليه:

- أهلاً وسهلاً.. أومال مكنتش بتيجى مع أمك وأبوك ليه؟!

- رسم على وجهه نفس إبتسامتها الباهتة، وبصوت يملؤه التهكم قال لها:

- بابا مكنش بيرضى يخلينا نيجى.. أصله كان بيخاف علينا من مصر- وضغط على الحروف- والناس
اللي فى مصر..

وبنظرة فاحصة له من فوقه لتحتته قالت:

- وأمك عاملة أيه هي، واخواتك؟

- بلهجة استنكار قال لها:

- كويسين الحمد لله.. هو مين حضرتك متعرفتش ببيكى؟

تجاهلت الرد على سؤاله وقالت:

- طيب يا بنى إذا احتجت حاجة خبط عليا.. أنا ساكنة فى الشقة اللي قصادك ديه على طول. ثم
أشارت له عليها، وتركته عائدة إلى شقتها..

دخل زياد إلى الشقة، وأثار المكان فرأى التراب وهو يعلو كل شيء..

إضاءة الشقة قاسية صفراء تزيدها كآبة.. الرائحة مكتومة غير مرغوب فيها، ورأى فى أحد الأركان
مبخرة بها أثار للفحم فقال لنفسه متأففاً:

«أناهاقعد هنا إزاي؟ ده مكان متنضفش من ساعة ما اتبنى وبدأ عملية التنظيف».

كنس الشقة ومسح الأتربة عن بقايا الأثاث الموجود إلى أن احتاج لمياه لإزالة أثار المخلفات والأتربة،
فبحث عن شيء يضع فيه مياهًا فلم يجد أى أدوات لوضع المياه..

بحث عن الحمام فلم يجد له أى أثر إلا حوض صغير داخل الصالة به حنفية قديمة صدئة..

خرج من الشقة قاصداً لتلك الجارة التي رآها منذ قليل ليطلب منها إستعارة بعض الأدوات لمسح الشقة بالمياه.. طرق باب شقة جارته، وفُتح الباب فقال بصوت خفيض خجلاً:

- لو سمحتي أنا عايز بس حاجة أحط فيها ميه عشان أنظف الشقة..

- وماله يا حبيبي دقيقة واحدة. ثم عادت إلى الداخل..

- قام بالنداء عليها عندما تأخرت بالداخل:

- يا حاجة.. فظهرت حاملة لأدوات النظافة مبتسمة له وقائلة بحنان:

- أنا يا بنى اسمي: محاسن، وممكن تعتبرني زي أمك..

- متشكر قوى على تعبك، وعندما استدار ليعود مرة أخرى إلى شقته نادى عليه:

- خد أنت رايح فين؟

- هروح على الشقة عشان أملا ميه وأكمل تنضيف..

- فقالت ضاحكة:

- ملي المية من هنا.. الحمام أهو..

- وقف مندهشاً: وقال لها؟ أهو فين؟!؟

- قدامك أهو، وأشارت إليه، وقالت وهى تُغلق باب شقتها: إذا احتجت أى حاجة تانية تعال خدّها متكسفش..

وقف طويلاً أمام هذا الحمام يتأمله..

الحمام مشترك بين الشقتين.. يقع تحت بير السلم المظلم، ويستمد إضاءته من لمبة الطُرقَة التي بين الشقتين.. بابه من الخشب البنى المتآكل المتراص بجوار بعضه البعض، ولا يصل للسقف من أعلى وقصير أيضاً من أسفل كأنه باب لكوخٍ قديم، والخشب به فتحات عندما اقترب منها استطاع رؤية ما وراءها بسهولة..

ملاً بعض المياه، وعاد إلى الشقة لإتمام عملية النظافة، وفارقه التعب عند شعوره بإنجاز عمله، فتجول في الشقة لاستكشافها..

الشقة عبارة عن غرفتين.. غرفة في أقصى اليمين وغرفة في أقصى الشمال.. يتوسطهما صالة واسعة بها فتحة علوية كبيرة عندما نظر لها من الأسفل شعر كأنه في قاع بئر عميقة.. هذه الفتحة العلوية كانت منور المنزل.. بعض شبابيك الدور العلوى مظلة على المنور الذى يتوسط الشقة.. هناك بعض من بصيصٍ لأنوارٍ خافتة ضعيفة تخترق الظلام مع بعض الأصوات من هنا أو هناك..

لفت نظره شيء معلق بأحد حوائط هذا المنور.. أنه شنطة أو كيس..

أحضر كرسيًا وتناوله.. فوجده شنطة جلدية قديمة عليها تراب كثيف جدًا.. لم يفتحها بل تركها بلا اهتمام بأحد أركان الشقة، فقد تسلل إليه شعور بالإجهاد والإرهاق؛ وهاجمه النوم ولكنه يشعر بأرق.. فالجو خائق مخيف مُشبع بالنداءات الغامضة؛ والخيالات المُرعبة..

قام باحثًا عن أي شباك فوجد شباكًا مغلقًا فتحه بمشقة، الجزء السفلى من هذا الشباك تحت الأرض والعلوى منه لا يرى الشارع إلا من خلال طاقة صغيرة جدًا، وبمعنى أدق تعتبر هذه الشقة بدون أي منافذ للتهوية إنها تُشبه الكهف..

لم يدر كم مر عليه من الوقت؟ فخرج قليلًا أمام المنزل لاستنشاق بعض الهواء النقي؛ فرأى جاريته محاسن جالسة على مصطبة صغيرة أمام مدخل البيت، وضحكت عندما رآته وقالت:

- أيه اللي مسهرك؟ مش جايلك نوم صح..؟ ده طبيعى يا بنى عشان غيرت نومتك!!

- أنا لقيت الشقة جوة مكتومة قوى؛ قلت أطلع أشم شوية هوا.. إلا بالمناسبة:

- هيَّ الشقة مفهاش شبابيك غير الشباك ده المدفون تحت الأرض؟

- لأ مفهاش إلا الشباك ده، والمنور هوا المكان الوحيد اللي هيجبك هوا.. أصل زمان كان مكان شقة أبوك وشقتى مخزن متأجر للناس، وسابوه بعد فترة.. أبوك فكر يأجرهم شقق، وهو خد شقة وأجر الشقتين اللي فى الدور اللي فوق، وبعدين يا سيدى أبقى هاتلك مروحة.. رد عليها زهقًا بما يسمعه وقال بلامبالاة:

- عن إذن حضرتك أنا داخل أنام.. تصبى على خير، وعاد إلى الشقة مرة أخرى..

راوده بشدة الشعور بعدم الارتياح تجاه تلك السيدة الغامضة فقال وهو يُحدث نفسه: وبعدين أمى مجبتليش سيرة أن فى حد ساكن فى البيت هنا.. عمومًا مش مهم لما أبقى أشوفها هاسألها.. «وبعدين أمى مجبتليش سيرة أن فى حد ساكن فى البيت هنا.. عمومًا مش مهم لما أبقى أشوفها هاسألها...».

الجو البارد الخائق، والملل جعله يبحث عن أى شيء يملأ به فراغه لعله يقتل الوقت..

لمح الكيس الجلدي الذى كان قد تركه بإهمال بجوار أحد جدران الشقة، فانقض عليه ونفض عنه الأتربة ومسحه.. فرأى كتابة عليه من الخارج وقرأ المكتوب عليه:

«اكتم ما ترى من الأسرار، وعليك طاعة الأملاك، واعلم أن جميع الأمكنة لا تخلو من الأرواح الخفية!!

وإن أردت عملاً من الأعمال فى أى مكان؛ عليك أولاً صرف سكانه من الأرواح والغُتار.. لأن سكان كل مكان من الأرواح الخفية لا يسمحون لغيرهم من الأرواح الموكلين بخدمة الأسماء والدعوات بالدخول إلى أماكنهم إلا إذا أمرهم الطالب بإخلائه لهم!! ثم بعد إتمامك للعمل ءأمرهم بالعودة إلى أماكنهم مرة أخرى».

فتح الكيس الجلدى، ووجد به مجموعة من الأوراق الصفراء القديمة فجلس يقرأ إلى أن غاص فى القراءة فقال لنفسه متعجباً: أية الكلام ده؟ ده كل المكتوب فى الورق بيتكلم عن الروحانيات، وأيه الرسومات الغريبة دية؟!!

شرد ذهنه فقد كان يسمع بقريته حكايات كثيرة عن الجنية، والنداهة، والمس والسحر وكان لا يكذب ولا يصدق ما يسمع.. غافله النوم فجأة.. فنام، واستيقظ فى الصباح التالى.. ثم ذهب إلى الكلية وهو مرهق جداً..

مر عليه اليوم الأول بالكلية سريعاً، وقام بإنهاء الإجراءات وكارنيه الكلية الخاص به، وحضر أولى المحاضرات وكانت المفاجأة الكبيرة له فيمن رآه يأتى للجلوس بجواره.. أنه بدر.. ابن عمه!!

رحب به واحتضنه وقال:

- أية اللى جابك هنا يا بدر؟!

- أنت أية اللى جابك هنا؟

- أنا طالب هنا فى الكلية..

- يا محاسن الصدف.. أنا كمان طالب هنا..

- مش عايزك تزعل ولا تشيل من اللي حصل فى العزا.. أنت عارف سيد أخويا عصبى..

- ولا يهملك.. هو معذور برضه، وبعدين إحنا ولاد عم، والدم عمره ما يبقى ميه.. هو أنت قاعد فين؟

- قاعد فى شقتنا بمنزل أمى القديم فى حطة شعبية.. إنما مية مية،،

شرد زياد بذهنه.. فقد تذكر والدته عندما كانت تحكى له ولأخوته عن عمه وزوجته وابنهما بدر.. كانت تروي أن بدر مزهو بنفسه كثيراً ومغرور، وذلك اتضح له عندما رأى زملاء وزميلات بدر يلتفون حوله..

سأل نفسه: كيف استطاع بدر معرفة كل هؤلاء الزملاء من أول يوم دراسى؟ إنه متفتح يجيد عمل الصداقات.. يتميز بمظهر راقٍ يضىفى على وسامته غموضاً مثيراً.. له أسلوب ناعم سلس لا يخلو من التجارب الكثيرة.. واسع الخيال..

مرت الأيام واعتصر الملل زياد، ولم يتخلص منه إلا بعض سويغات يقضيها مع بدر وبعض الزملاء والزميلات بالكلية، وأفصح بدر لزياد عن رغبته فى العمل؛ الذى يمكن أن يُدر عليه دخلًا يُضاف إلى النقود التى تُرسل له من البلد، وفى نفس الوقت يُشغل نفسه بهذا العمل..

- بقولك يا بدر؟ أنت بتروح كل يوم البلد وتيجى، ولا بتعمل أيه؟

- أنا عملت كدة أول كام يوم؛ بس تعبت من المشوار والمصاريف، ودورت على لوكاندة كدة فى الحئين اسكن فيها.. بس يا زياد الملل هيموتني، والمصاريف كتيرة، وادينى هاشتغل مؤقتًا آخر النهار فى مطعم، ويومى تقريبًا هيكون مليون، وهسلي وقتى وبرضه أجيب فلوس.. ما أنت عارف أن الفلوس اللي بيبعتوها من البلد بتكفى بالعافية.

- طب ما تيجى تسكن معايا، وتوفر فلوس اللوكاندة، وأدينا نشجع بعض ونذاكر سوا، وأنا عندي أوضة فاضية..

رد ضاحكًا:

- لأ يا عم زياد أنت عايز الحاجة والدتك وأخوك يزعلوا منك.. ما أنت عارف أنهم ولا بيطيقونى، ولا بيطيقوا أبويا وكمان مش عايز أثقل عليك..

- يا عم خليها على الله.. هما هيعرفوا منين؟ جهز نفسك أنت وشوف بس هتيجى أمتى؟

مرت الأيام على زياد ثقيلة، وأخيرًا قابل بدر فى الكلية، والذى قال له بمجرد رؤيته:

- يلا يا عم شقتك هتنور.. أخوك بدر هيتعطف عليك وهيسكن معاك.. هنخلص المحاضرات النهاردة، وتيجى معايا اللوكاندة أصفى حسابي، ونروح على طول على السكن بتاعك..

بعد إنتهاء اليوم الدراسى والذهاب إلى اللوكاندة وشراء بعض الحاجات الضرورية والأغذية توجهها إلى شقة زياد؛ وانكسر الملل قليلًا بوجود أنيس لزياد يتكلم معه ويأكل معه، وفى المساء جلس بدر يُحدث زياد عن نفسه وعن أسرته، وعن عدم رضاه للقطيعة التي كانت بين والده ووالد زياد، وعن معاناته عندما تزوج أبوه بامرأة أخرى غير والدته، وتركه له، ولوالدته بمفردهما، وانتقال والده للسكن مع زوجته الجديدة بإحدى القرى المجاورة القريبة، وأن له أختًا لم يرها كثيرًا، وكيف كان والده لا يرسل لهم المصاريف إلا بالكاد وللضروريات؛ مما دفعه للقبول بأى عمل مهما كان وذلك من أجل تحصيل المال..

تبلّور حديثه حول كتلة عظيمة من الكره العميق لأبيه، والشعور بمدى الحرمان من الإحساس بأن لديه أبا يراعاه كبقية زملائه؛ مما ملأه حقًا وغلاً تجاه كل ما يمتلكه الغير، وحرزته لإحساسه النفسى

بأنه مظلوم فى هذه الحياة البائسة، وأنه يستحق حياة أفضل من تلك التى يحيها، وأنه لا يرى نفسه إلا بمركز كبير يُدر عليه احترام وقبول الناس له، وإن حيازته لمؤهل عالٍ يمكن أن يكون بداية الطريق لتحقيق ذاته، وأمانيه، ولا يعنى بحثه عن عمل أنه لا يجد دخلًا يعيش به.. بل إنه قبل العمل بأحد المطاعم الكبيرة والعمل بوردية مسائية لوقت متأخر من الليل- مع أن الشغل ده مش من مقامه- لأنه يشعر بوحدة رهيبة، وفى نفس الوقت الاستفادة من علاقات العمل.. لعلها تنفعه فيما بعد. فطموحه ليس له حدود، وإنه يتمنى إمتلاكه للقدرة المطلقة حتى يحقق كل أمانيه.. كما تفاخر بعلاقاته مع الجنس الآخر ثم استطرد قائلاً: أنا وجعت لك دماغك أنا هخرج أتھوى برة، وأشرب سيجارة..

بعد خروج بدر مر الوقت بطيئًا على زياد الذى جال بالشقة باحثًا عن أى شيء يُشغل به نفسه.. فرأى الشنطة الجلدية وأخرج ما بها من أوراق صفراء وبدأ بقراءتها بغرض التسلية: إنها كتابات تشبه قصص ألف ليلة وليلة تحكى عن العالم الخفى والمرعب «عالم الجن والعفاريت». عن تجارب شيقة مثيرة سهلة التنفيذ عن الإتصال بعالم الجن؛ تستفز قارئها لتجربتها؛ فهذه طريقة إستحضار لملوك الجن، وأخرى عن خواص الحروف والأرقام، وتلك عن جلب الأحبة وحرق القلوب، وبعضها عن الدخول على الحكام، وغيرها وغيرها...

لفت انتباهه وجود إحدى الصفحات بيضاء بدون كتابة ثم ظهرت فجأة كتابة خافتة على هذه الصفحة البيضاء واختفت مرة أخرى، قلب الصفحات وعاد مرة أخرى إلى هذه الورقة فرأها بيضاء كما رآها أول مرة، وتكرر ظهور الكلمات عند النظر إليها مرة أخرى؛ كأن الأوراق تستمد مدادها من نظرات عينيه لها.. فلم تظهر أى كتابة إلا فى المكان الذى ينظر إليه، وتختفى هذه الكتابة عندما يشيح بنظره عنها مثل الشمعة تضىء المكان عندما يشتد لهبها، ويُظلم المكان فلا يُرى أى شيء عندما تخبو نارها. فقام مسرعًا، وأحضر قلمًا وورقة محاولًا كتابة الكلمات والسطور.

كان يُعيد وضع الأوراق كما كانت وفتحها للقراءة مرة أخرى كما لو كانت هذه قراءته لها لأول مرة، وذلك حتى يتسنى له كتابة ما بها من كلمات وسطور..

بعد معاناة قراءة الأوراق مرة تلو الأخرى أكثر من مرة كتب كل ما فيها، وبدأ بقراءة ما كتبه: «لقد اطلعت على قسم شريف عظيم من الأسرار المكنونة، والزخائر النفيسة المخزونة؛ فاحفظه جهدك عن غير أهله، واكتم سره، ولا تُظهر أمره».

أكمل القراءة بتركيز، وكرر قراءة ما كتبه أكثر من مرة، ولم يشعر بنفسه إلا فى صباح اليوم التالى.. فقرر عدم الذهاب إلى الكلية، وهرب إلى الخارج باحثاً عن محل يبيع مستلزمات العطرة ووجده، وقال للعطار:

- لو سمحت عايز تشكيلة البخور اللي موجودة فى الورقة ديه، وناولته الورقة..
- قرأ العطار بصوت عالٍ وقد قضب حاجبيه: «جاوى، عود، كندر مستكى، ميعة، سندروس، طقش مغربى»، ونظر إلى زياد نظرة ثاقبة وكأنه يعلم ما ينوى فعله ثم قال له:
- عايز قد أيه من كل صنف؟
- أي كميات..
- قال العطار بتهكم:

هو أنت مش عارف المقادير ولا أيه؟ عمومًا أنا هديك كميات صغيرة، وإذا احتجت تانى أدبك عرفت الدكان تعال خذ تانى..

- عاد زياد إلى الشقة، وأشعل فحمًا فى المبخرة القديمة الموجودة فى الشقة ووضع عليه البخور ذو الرائحة الزكية جدًا، والذي يبعث الطمأنينة فى النفس.. ثم قام بتنظيف الشقة مرة أخرى، ورش بعض المطهرات الكيماوية هنا وهناك وفى الأركان، ثم ذهب لأخذ حمام واستبدل ملابسه فقد كان الأمر يستلزم طهارته جسديًا ووثوبًا، ومكانًا..
- تطهر وتوضأ وصلى، والبخور منطلق فى الشقة يخترق كل ركن وجانب..

قرأ المطلوب فى الأوراق مائة مرة بعد الصلاة، وكان عليه أن يقرأه بعد منتصف الليل مائة مرة..

وفى صبيحة اليوم التالى ذهب للعطار ليشتري بودة تسمى بدم الغزال فقد كانت مطلوبة لكتابة رسم معين مرسوم بالورق الأصفر عرف من قراءته لتلك الأوراق أن اسمه «طلسم»، ورسمه على كف يده اليمنى وكف يده اليسرى مثلما هو مرسوم مع استمراره لإطلاق البخور كل يوم وكل ليلة وتكرار القراءة لمدة سبعة ليال، ومرت عليه الليلة الثامنة وهو ما زال على مداومته لتكرار الطقوس اليومية المعتادة بعد كل صلاة وقبل النوم، ونام واضعًا كفه اليمنى تحت خده الشمال على صدره، وزاره طائر الأحلام فقد رأى نفسه جالسًا على كرسى شبيهًا بكرسى الملوك سامعًا لوقع خطوات كأن أشخاصًا يتحركون حوله، ولكنه لم يرى أحدًا، وسمع صوتًا داخل عقله يقول: «إكشفوا الحجاب الذى بينه وبينكم حتى يراكم بعينه ويخاطبكم بلسانه».

استيقظ فى الصبح متثائبًا متكاسلاً وكأن المصباح الذى يُنير الغرفة كان ينتظر صحوه من نومه لينطفئ، وينتشر الظلام بالشقة التى كانت لا تختلف كثيرًا عن القبر.. فى تلك اللحظة ضرب هواء ساكن رطب صدره ليلقى عليه شعورًا بالراحة والطمأنينة، وملأ المكان دخان أبيض مثل الضباب.

عاد بدر من عمله متأخرًا كالمعتاد، ووجد الحاجة محاسن تجلس على باب المنزل فبادرها بالسلام:

- السلام عليكم.

لم ترد السلام وقالت:

- أنا لسه شاربة شاي.. تشرب شاي؟

لم تنتظر رده بل نادت قائلة: ماريا.. اعملى كوباية شاي..

وقف يتحدث مع الحاجة محاسن حتى أتت فتاة فاتنة تحمل صينية عليها كوب واحد من الشاي، ولم

تخرج من المنزل بل وضعت الصينية بمدخل المنزل، ولم تنطق بأية كلمات ثم دخلت مرة أخرى..

اندهش بدر من هذا التصرف وحدث نفسه: أيه قلة الذوق دية؟ بس سيبك أنت البت أمورة قوى..

بدأت الحاجة محاسن بالكلام مرة أخرى:

- دية بنتى ماريا بتدرس فى ثانوى، والمدرسين مببطلوش دروس خصوصية وملهموش دعوة بظروف

الأسر.. نجيب لهم فلوس منين؟ ده ناس معندهاش رحمة..

هاجس بداخل نفسه ألح عليه باستغلال هذا الموقف.. فرد عليها سريعًا قبل تفويت الفرصة: أنا

ممكن أساعد ماريا فى الدراسة..

تلك المساعدة التى تجسد رغبته الدفينة فى الحصول على أي مقابل أو على الأقل استغلال براءة

الفتاة الفاتنة..

- مش عايزين نتعبك..

- قال بدر بطريقة تمثيلية: لا تعب ولا حاجة أنا تحت أمركم.. ده حتى الجار للجار، وعمومًا أنا بكرة

قاعد مش رايح الكلية، ولو يناسبكم تكون أول حصّة بكرة..

أتم شرب الشاي واستأذن منصرفًا..

دلف إلى داخل الشقة، ورأى زياد نائمًا فاستبدل ملابسه ونام مرهقًا بعد معاناة يوم كامل ما بين

الكلية والعمل فمر أمامه كابوس كأنه حقيقة فرأى: «كائنات بشعة بلا رؤوس، وأخرى كأنها قردة،

ورأى نفسه فى مكان عالٍ يَسْقُطُ منه متهاوياً لأسفل». فاستيقظ من نومه ضيقَ الصدر.. يساوره

شعور يرهق عقله إرهابًا ينبهه بوجود أخطار يمكن أن تحقيق به، ولكنه لم يُلْقِ له بالًا ونام مرة

أخرى..

فى صباح اليوم التالى استيقظ بدر على صوت طرقات فقام متثائباً كسولاً مضطراً لترك السرير، وقام بفتح باب الشقة بتأفف وعلى وجهه شعوراً بالضيق فارقه فوراً بمجرد رؤيته لوجه الطارقة فقال بترحاب:

- أهلاً يا حاجة محاسن إزاي حضرتك؟ اتفضلتي..
- قلت أفكرك بعد ما تظفر تيجى تشرب الشاي معانا، وتبص على منهج الدراسة اللي بتدرسه ماري..
- حاضر.. اتفضلى أنت، وأنا هاجى ورا حضرتك..

خالجه إحساس بالانتصار.. فالظروف تخدمه، فربما توجد إستفادة من هذه المعرفة الجديدة بجيرانه.. وبعد مرور فترة وجيزة ذهب للحاجة محاسن، وأجلسته مع ابنتها ماري ليتجاذب معها أطراف الحديث عن الدراسة لاستكشاف كيفية البدء فى شرح الدرس الأول لها، وللتعرف على المناهج الدراسية، وبعد فترة وجيزة من إطلاعها على مقرراتها الدراسية نادت على ماري أمها..

فى تلك اللحظة رفع عينيه عن الكتاب الذى بيده لأنه تخيل أنه رأى بطرف عينه شيئاً يجرى أمامه بسرعة فى ركن الغرفة فركز بصره على المكان الذى خُيل له رؤية هذا الشيء فيه فرأى كائنًا أو ما شابه ليست له ملامح..

استمر ظهور هذا الخيال مجرد جزء بسيط من الثانية، ثم اختفى كل شيء.. هز رأسه محاولاً الاستفاقة من الحالة التى أصابته، وألقى بتبعات تخيلاته على الإرهاق الذى أدى به إلى غياهب الوسوسات التى جعلته غير مدرك للحظة الفاصلة بين الواقع والخيال..

فى نفس اللحظة دخلت ماري حاملة لكوب من الشاي وبعض قطع الكيك، وتذاكر معها بعض الدروس، وبعد وقت ليس بطويل قال لها:

- إحنا خلصنا جزءاً كبيراً، وهنكمل بعد كدة..

انصرف تتثاقل خطواته فحملها ذاهباً إلى غرفته يفترسه الخوف.. فما رآه أو تخيله بمنزل ماري ما زال شاخصاً بخياله..

هدد نفسه وأقنعها بأن ما رآته عيناه ليس بواقع وما هو إلا مجرد عارض..

مر الوقت بطيئاً.. ففكر فى أن يغتسل وخرج من الشقة حاملاً أدوات الاغتسال، وسمع صوت مياه بالحمام.. وقف متردداً وهم بالرجوع إلى الشقة مرة أخرى؛ ولكنه لم يعد لسكنه بل حدثته نفسه:

((أه لو البت ماريالى فى الحمام تبقى أمك دعايلك))..

ذلك التردد الذى عايشه منذ لحظات تلاشى مع شعوره باحتمالية رؤية ماريا بالحمام؛ فسبقته عيناه
لجنبات خشب باب الحمام، واسترق النظر فلم ير ما بداخل الحمام جيداً.. فاقترب منه أكثر حابساً
لأنفاسه فرأى ماريا تغتسل وبانجذاب جنسى قابل للاشتعال تفحصتها شهوته..

جسد ثائر ينبض بالأنوثة..

شعر أسود فاحم..

بياض شفاف كالحليب..

نهدان صلبان..

ساقان مغرورتان يلهث لرؤيتهما الكبرياء..

لغة جسدها تحترف ملكات الإغواء والإغراء.. فتتباطأ أمواج إحناءاتها لتصطدم بشهوته المتأججة،

لم يقاوم لذة شعوره بالرغبة وهى تُشعل جزيئات جسده احتراقاً!!

فالشهوة لا عقل لها، ولا صبر عليها..

لمعت عينها عندما تلاقت بعينيهِ فتراجع مذعوراً خجلاً، ولم تتفاجأ هي ولم تخجل.. بل إنها لم تستر
حتى نفسها بل زاد تبسمها مع استمتاعها بتدفق المياه، واتسع لهوها بعفوية طفلة لاعبة تحت
المطر..

ترك المكان لاهئاً متراجعاً إلى سكنه محتوياً توتره الجنسي مع احتضانه لأدوات الاغتسال فتعثر
بالحاجة محاسن فوقعت أدوات الاغتسال منه على الأرض..

الانفعال كاد أن يمزق أوصاله..

استرد أنفاسه ونظر إليها ببلاهة مُصطنعة. ثم انحنى لالتقاط هذه الأدوات قائلاً ببرود:

- ازيك يا حاجة؟

نظرت إليه بصمت وكأنها تغوص بداخله. فأفلت من نظراتها قائلاً لها ببراءة خبيثة:

- أنا كنت داخل الحمام بس لقيته مشغول، وتركها عائداً إلى سكنه مع تنفسه الصعداء فقد أفلت من
فضيحة مدوية..

وقع بدر بمرحلة بينية بين تصديق وإنكار فعلته، وتذبذب شعوره بين قطبين متناقضين هما: «احتقار الذات من جهة، والتعالى بتلك الذات من جهة أخرى»، وانفصل عقله عن وجدانه، واختلط بإرادته فى استمراريته لتعاطى الشهوة التى تُحيط به. فلم يُحذر نفسه من السقوط فى بئر الرغبة.. بل شجعها.. شعر بنشوة غريبة وزاد جوعه نحو ماريّا؛ عندما تذكرت عيناه جسدها، ولم يشعر بدناءة نفسه بل جلس يفكر فى كيفية إشباع رغبته بأية طريقة..

استلقى على سريره ناظرًا إلى سقف الغرفة.. فتخيل نفسه فى بستان رائحة زكية.. كثير الأزهار، والفاكهة، والخضرة وماريّا هناك تلعب كالأطفال مع الفراشات وتشير له وتنادى: تعال.. هناك شيء ما يحرك نفسه لها..

فى تلك اللحظة أتى زياد من الخارج، ودخل إلى الشقة، وقام باستبدال ملابسه. ثم دخل على بدر فى غرفته، وتنحنح: إحم إحم نحن هنا..

نادى أكثر من مرة: بدر.. بدر بدر فلم يجبه بدر فاتجه إليه وهزه من كتفه قائلاً: أنت سرحان فى أيه؟

انتبه بدر ونظر له مبتسمًا.. فقال له زياد: إيه يا سى بدر؟ رحت لحد فين؟ أنا جيت من بدرى وعمال أكلكم وأنت مش هنا.. أنت مكنتش بترد عليّا ليه؟ أنت بتحب جديد ولا إيه؟

رد بدر عليه وما زال مبتسمًا هادئًا: معلش أنا كنت سرحان شوية..

ضحك زياد قائلاً: مش معقولة نبقى قاعدين مع بعض وأشوفك كدة زى الضيوف، يا أخى أنا بشوفك كل فين وفيين..

- غصب عنى يا زياد ما أنت عارف الظروف.. الكلية من ناحية والشغل من ناحية تانية..
- طب بمناسبة أنك قاعد وأنا قفشتك لازم ناكل لقمة مع بعض.. إيه رأيك تحب تاكل إيه؟ أنا يا عم اللى هاعمل الأكل.. ده بس عشان بقالنا كتير مكلناش مع بعض، ومتخدش على كدة..

تم وضع الطعام وجلسا يأكلان فقال بدر: إيه رأيك يا زياد فى الحاجة محاسن؟

زياد: أنا مقابلتهاش إلا مرة أو مرتين.. عادى يعنى..

بدر: وماريّا...

رد زياد مندهشاً وبتركيز شديد: ماريا مين؟

بدر: بنتها!!

رد زياد باندهاش أعرق: بنتها.. أنا مشفتهاش خالص.. هو أنت شفتها فين؟

قال بدر ضاحكاً متجاهلاً الإجابة: هو أنا مقولتكش.. الحاجة محاسن طلبت مني أديها درس، وأنا من ناحيتي قلت أساعدها في الدراسة.. ما أنت عارف الثانوية العامة وصعوبتها..

رد زياد بغضب هائل: وكمان هتديها درس.. إزاي يعني متقوليش على حاجة زي كدة؟

قال بدر محتئداً: بقولك أيه ديه حرية شخصية..

زياد: حرية شخصية لما تبقى قاعد لوحذك، ولو ده تفكيرك تبقى فاهم الحرية غلط..

الحرية اللي بتتكلم عنها يا أستاذ يا جامعي مش مُطلقة.. حرية الاعتقاد هي بس اللي مُطلقة.. لكن الحرية في المجتمع بيحكمها القانون والأصول.. يعني مش كل واحد دماغه تقول له يعمل حاجة يقوم يعملها، وبعدين أنت من أمتي بتخدم حد؟ ده حتى يوم الإجازة يأما بتخرج أو بتنام؛ وحتى مبئهنش عليك تنظف الشقة اللي أنت قاعد فيها!! كأنك ساكن في لوكاندة..

بدر: أنت هتتفلسف ولا بتذلني على القعدة معاك، ولا قصدك أيه؟ وبعدين أنت زعلان عليهم كده ليه؟ هما من بقية عيلتك.. ثم تصنع الهدوء والبراءة جاعلاً من اللامبالاة ستاراً يخفي وراءه توتره وقال: ناس محتاجين خدمة، وأنا وقفت جنبهم محصلش حاجة يعني!!

رد زياد متهمكاً: وقفت جنبهم.. علياً أنا الكلام ده.. يا أخى قول كلام غير ده.. قولي حاجة أصدقها..

حاول بدر تغيير دفة الحديث وقال: خلي نواياك كويسة، وهدي أعصابك بس وقولي: أنا بشم ريحة بخور من وقت للتاني وبشوفك على طول بتبخر الشقة.. هو أنت قاتل ناس ودافنهم هنا زي ريا وسكينة.. قولي بس وأنا هغطى عليك؟

قال زياد بحدة: شوف أنا بكلمك في أيه، وأنت بتدخلنا في موضوع تاني ملوش لازمة، وعلى العموم أيوة ياسيدى: أنا قاتل ناس ودافنهم هنا زي ريا وسكينة.. تحب تجرب؟ ثم أضاف متأففاً: ماهو اللي بيفهم بيريح.. حاجة بالعقل كده مكان مفهوش شبابيك، ولا أي منفذ تهوية إلا المنور.. أكيد ريحة المكان بتبقى مكتومة ولازم ريحته تتغير..

انتفض بدر بصورة مفاجئة وقال: أعوذ بالله من الشيطان الرجيم.. بيتهيالى إني شفت حاجة..

زياد: حاجة أيه؟

- كأنى شفت حاجة بتجرى من قدامى بسرعة.. بس لما بصيت ملقتش حاجة!!
- عادى يا عم المرعب.. ما أنا كمان كتير بيتهيالى إنى شفت حاجة زي الخيال بتجرى من قدامى، ولما أبص كويس ملاقيش حاجة.. بس بينى وبينك مبالغش بالى، وبأقول لنفسى أنا متهاىلى..

بدر: أنا هخش أنام شوية عشان أقدر أروح الشغل بالليل. ثم انصرف إلى غرفته..

جلس زياد وحيداً يُفكر ملياً فى تصرفات بدر. ونهشته التساؤلات نهشاً، وتملكه حدس غامض بالشك فى ابن عمه وسأل نفسه: من هذه البنت التى يتحدث عنها بدر؟ إنه لم يرها منذ قدم إلى الشقة.. وهل نسى بدر أن يُخبره فعلاً؟ أم ينم هذا التصرف عن سوء نية تجاه ابنة جارتة؟!

تمنى وقتها أن يكون لديه قوة خارقة؛ حتى يتمكن من أن يشعر بمكنونات نفس رفيق السكن.. تشوشت الأفكار داخله، ووسوست له نفسه بأنه يجب عليه أن يتلاشى لديه الشعور بالإيمان بالصدقة..

هاجمه الإغفاء مرة أخرى، ورفرف حوله طائر الأحلام مُحلقاً، ورأى رفيق السكن صارخاً ضاحكاً بهيستريا وممسكاً بيديه شُعلة يُشعل بها النار فى كل محتويات الشقة؛ لتشب نار عظيمة بأرجائها.. لكنها لم تُحرق أى شيء، ولمح فى أحد الأركان فتاة تنظر له مبتسمة ولم يتبين ملامحها.. فى هذه الأثناء استيقظ متكاسلاً لا يعرف تفسيراً لما رآه.. فهل يمكن للخواطر والمشاعر التى نعيشها كل لحظة وكل يوم أن تؤثر فىنا لنرى أثارها فى أحلامنا؟

هل يمكنها أن تخلق عداءً حاداً متعاضماً يُغير دفة مشاعرنا تجاه الغير؟ فى تلك اللحظة سمع صوت خطوات خافتة متسللة.. لم يرفع رأسه حتى لا يُشعر المُتسلل بأنه مستيقظ بل فتح عين وأغلق الأخرى؛ فرأى بدر وهو يمشى بخفة. ثم أتى بهدوء إلى فراشه ليتأكد من نومه؛ ثم اتجه لباب الشقة وفتحه بخفة وخرج، ولم يُغلق الباب خلفه..

تسلل زياد خلفه بخفة أكثر، ولم يخرج من الشقة وإنما وقف على مدخلها مرهقاً السمع؛ فسمع طرقات خفيفة على الشقة المجاورة، وصوت بدر قائلاً:

أنا بدر.. أمك هنا؟ أنا عايز أتكلم معاك..

لم يسمع زياد إلا صوت بدر فسأل نفسه: هو بدر اتجنن؟ ده بيكلم نفسه. ثم عاد إلى الشقة مسرعاً، وأحضر بشكيراً وخرج مسرعاً إلى الحمام لأنه كان متصوراً فى قرارة نفسه أنه سيرى بدر متلبساً

بمحاولة معاكسة بنت الجيران التى حدثه عنها، وفى نفس الوقت يرى تلك البنت التى تسمى ماريا.. فلم يجد بدر..

قال لنفسه: أنا بيجبلى تهيؤات ولا أياه؟ أنا متأكد أنه خرج قدامى من باب الشقة، ومتأكد إنى سمعته بيتكلم.. وفجأة انتبه ونظر مشدوهاً إلى باب شقة الجيران وقال لنفسه: إزاي ملفتش نظرى المنظر ده قبل كدة؟

فقد رأى كمية أتربة كبيرة متراكمة على باب الشقة المجاورة تُدلل على أنها لم تفتح منذ زمن طويل فعاد إلى شقته مرة أخرى.

فى هذه الأثناء كان بدر فى الطابق الثانى الطارد لساكنيه ينتظر ماريا، فقد واعدتها فى هذا المكان؛ لأنه يُريد أن يجلس معها بعيداً عن أعين الناس.. فشىعر بأن الإغفاء يهاجمه، وحاول مقاومته فرأى ماريا أمامه تنظر له بوجه فاتن كالقمر، وترتدى ملابس أنثوية رقيقة خلاصة.. تُظهر أكثر مما تُخفى، وبصوت عميق هامس رقيق قالت له: اتأخرت عليك؟

مرت فترة من الصمت وهو يُنظر إليها، وكأن نفسه تراها لأول مرة..

إنها فتاة فاتنة ذات قوام رائع تفوح منه رائحة الأنوثة بتناغم آخاذ..

إنها فتاة ناضجة تحمل كافة مزايا الأنوثة مجتمعة..

أجلسها بجواره على مرتبة قديمة مهملة على الأرض، وتودد إليها، وبث بداخلها مشاعره..

غازلها؛ فأشعرته بأن سهام كلماته نجحت فى اختراق مشاعرها، وألهبت رغبته..

لاطفها؛ فلم تُبد له أية مقاومة..

تاھت الكلمات فيما بينهما بسيل من المداعبة والملامسة والعناق..

اھدت له جسدها مُستخدمة مفاتنها كامرأة منحرفة؛ فانقض عليها انقضاض الوحش الجائع على

فريسته ناهشاً لكل تفاصيلها..

تغغلا معاً داخل سراديب اللذة..

انغمسا معاً فى أعماق النشوة..

مارسا الحب إلى حد الاحتراق..

خلقا السعادة بقاءٍ مُمتع؛ حتى وصلا للأدوية النهائية..

شُفيت ذكورة جسده بعد نهلها من ترياق أنوثتها..

تحطم الوقت سريعًا متخطيًا حاجز الزمان، ورأى على جسده آثار غرقه فى بحر النشوة.. فنظر حوله فلم يجد ماريا وسأل نفسه: أين هى، وكيف غادرت المكان من دون أن يراها؟؟!!
نزل إلى سكنه متسللاً بهدوء حتى لا يراه زياد وهو فى تلك الحالة. فأغتسل واستبدل ملابسه وانصرف ذاهبًا إلى عمله.

وبعد خروجه بفترة وجيزة استيقظ زياد ليوواجه بشغف الليلة التاسعة، وتكرر معه ما حدث فى الليلة الثامنة، والفارق الوحيد أنه لم يخالجه أى شعور بالخوف، وكأنه قد اعتاد على الأمر..
ضرب الهواء الساكن الرطب غير معلوم المصدر صدره مرة أخرى ليُلْقَى عليه شعورًا بالراحة والطمأنينة، وملاً المكان نفس الدخان الأبيض الذى يُشبه الضباب..

هذا الدخان تشكل ليصبح قططاً كثيرة سوداً وبيضاءً، وسمع نفس الصوت الذى تكلم داخل عقله سابقًا يُحدثه مرة أخرى: «تذكر كتمان الأسرار لأن كشفها يورث البوار وانقلاب الحال، واعلم أنه بعد هذه الليلة سيكون لك أثراً ظاهراً فى جذب الأرواح».

انقطع سماعه لهذا الصوت على أثر سماعه لصوت طرقات عنيفة على باب الشقة؛ فقام بالتحرك نحو باب الشقة متعصبًا، وقام بفتحه.. فوجد الحاجة محاسن واقفة بصمت تنظر لداخل الشقة، ولم تنبس ببنت شفة.. بل رمقته بغضب جم.. فبادرها بالقول: أيوة يا حاجة.. خير؟ ءأمرى؟

لم تجبه، وتركته مغادرة إلى شقتها فضرب كفًا على كف وقال: هي الناس اتجننت ولا أيه؟! ثم دخل إلى غرفته مرة أخرى، وقد اختفى الدخان وعاد المكان لسابق عهده.. فأمسك تليفونه المحمول وقام بالاتصال بأمه للاطمئنان عليها، وعلى أخوته. ثم جلس وحيدًا شارد الذهن إلى أن فُتح باب الشقة وعاد بدر من الخارج فوجده فى حالته الشاردة فقال له: أيه يا زياد اللى مسهرك لحد دلوقتي؟ وأييه يا بنى ريحة البخور الجامدة دية؟ كفاية بقى خنقنا..

رد زياد ببرود: فُكك بقى من الدور اللى بيجيك ده.. هقعد أقولك الحكاية والرواية تانى..
بدر: ماشي يا عم عمومًا كويس إنى شفتك عشان أنا هروح البلد أزور أمى، وأقعد كام يوم لحسن أنا مقصر معاها جامد. ثم تركه ودخل لينام..

فى الصباح الباكر وبعد سفر بدر إلى البلدة لرؤية أمه سمع زياد طرقات على باب الشقة؛ فقام بفتح الباب ليتفاجأ بأسرته فرحب بهم باقتضاب، وأخذته أمه وأخوته بالأحضان..

سيد: أيه يا ندل ولا سؤال ولا كلام؟

زياد: مشاغل.. أزيك يا اما..

أمه: قلنا نسأل إحنا مدام أنت مبتسألش، وقلنا نقعد معاك كام يوم نزور السيدة والحسين..

إسراء: أيه ريحة البخور الجامدة دية؟

زياد: ريحة البخور بتجلب الخير، وكمان الشقة مكتومة..

إسراء: أنا عايزة أدخل الحمام..

زياد: روى.. بس نوري لمبة الطرقة هتديك نور فى الحمام؛ عشان لمبة الحمام مش شغالة..

أم زياد: استنى أنا هروح معاك، وخرجا إلى الحمام، ودخلت إسراء الحمام، وظلت أمها خارجًا بانتظارها..

فى هذه الأثناء فُتح باب الشقة المقابلة وخرجت منه الحاجة محاسن متوجهة إلى أم زياد قائلة لها: أيه الغيبة الطويلة دية؟

ارتعبت أم زياد للحظة ونظرت إليها راجفة وقالت: أزيك أنت يا حاجة محاسن عاملة أيه؟

محاسن: من زمان محدش شفاك.. أنت خلصتي مصلحتك وقلتي عدو لى..

أم زياد: لا أبدًا. ما أنا كنت عارفة أن الحاج كان بيشر عليك، وبعدين أنت عارفة العيال ومشاكلهم، معلش يا أختى الدنيا مشاغل..

محاسن بتهكم: أه.. العيال.. ده أنا كنت نسيانهم.. وهما عاملين أيه؟

فى هذه الأثناء خرجت إسراء من الحمام فالتفتت إليها أمها، ونظرت إسراء لأمها باستغراب وقالت: أنت كنت بتكلمى نفسك ولا أيه؟

التفتت أم زياد لتشير إلى الحاجة محاسن فلم تجد أحدًا فأمسكت ابنتها من يديها وقالت: يلا.. وأوعي تيجي تخشى الحمام من غيرى؛ أديك شايفة مفيش نور والمكان شكله وحش، وعادا مرة أخرى إلى الشقة فبادرهما سيد بالقول وهو ينظر لإسراء قائلاً: مالك يا بت؟

فردت أمه: مالها؟ ما هى كويسة أهي..

سيد: مش قصدي يا اما.. أنا بس حاسس إن وشها مصفر شوية..

إسراء: مفيش حاجة، ولكنها من داخلها تشعر بالخوف والقلق من شيء لا تعرفه..

فى هذه الأثناء قام سيد بالتجول فى الشقة، ورأى بالغرفة الأخرى كتبًا وملابس وحذاء؛ فنادى على زياد وسأله: الحاجات دية بتاعتك ولا بتاعة مين؟

زياد: لأ.. ده واحد زميلى فى الكلية من البلد جه يقعد معايا كام يوم أهو يسلىنى.. ما أنت شايف القعدة هنا عاملة إزاي، وإذا كنت بتفكر فى النومه أمك وأختك هيناموا فى الأوضة الثانية مع بعض، وأنا وأنت هنا فى الأوضة ديه.

سيد: لأ أنا مش هبات هنا.. أنا هروح عشان أشوف الأرض..

زياد: ما تقعد معانا يومين- وفى قرارة نفسه يتمنى ذهابه بس لازم يعزم عليه-
سيد: لأ مش هقدر..

فى هذه الأثناء قامت أمه وأخته بإعداد بعض الأطعمة من التى أحضروها معهم من البلدة، واستأذنهم
سيد فى السفر..

بعد رحيل سيد سر زياد كثيرًا لأنه كان يُريد إتمام طقوسه وحيدًا فقام بإغلاق باب الغرفة على نفسه
وقال مشجعًا لنفسه: يلا يا بطل بقتلك ليلتين، واللييلة دية اللييلة الحادية عشرة..

قام وتوضأ وصلى، ومارس طقوس قراءته كالمعتاد.. فما زال لديه الفضول الذى يجذبه بقوة لتحقيق
النجاح فيما فعله، وفى هذه اللييلة استخدم بخورًا مختلفًا كان قد اشتراه مسبقًا، وذلك تنفيذًا للمكتوب
بالأوراق الصفراء، وأخرج أكياس البخور، وقرأ المكتوب عليها: «مسك، حرمل، بذر خروب، جاوى،
لبان ذكر، ميعة سائلة، زعفران، سندروس»، وقام بعجن كل هذه المواد ((عدا الحرمل)).. بماء الورد،
وبخر بها المكان؛ فهبت عليه نسمة باردة مريحة شبيهة بالنسمات التى تداعب وجوهنا فى المصايف،
ومع انتشار رائحة المسك بالمكان أصابه الوجل والذهول، وتراجع للخلف عندما وجد بالغرفة نساءً
كثيرات وجوههن كالبدر أو أشد جمالًا كأن لهم نورًا يكاد يخطف الأبصار..

تكلمت أجملهن بصوت حالم موجهة حديثها نحوه:

لقد صرت من إخواننا.

وستأمن على نفسك من الهوام المؤذيات.

وسيمنع عنك المس من الجان والشياطين.

ولن تنفذ اليك الأرواح والموانع.

وستنبطل الرجم عن هذه الدار.

وستصُبْحُ مُحجوبًا مُهابًا مُؤيدًا منصورًا سالمًا فى نفسك ومالك.

وستعلمك من الأسرار ما لا تحيط به الأفكار.

وستطيعك سائر الأرواح الروحانية.

والآن فلتختر منا من تشاء!!

أصابه الوجوم وفتح فاهه مشدوهاً مما يرى ويسمع، وفجأة اختفى من حوله كل شيء.. فقام بإحضار
الحرمل وقرأ عليه سورة يس، والعاديات، وطه، والمعوذتين. ثم بخر المكان بهذا الحرمل «وذلك لإبعاد
الشر والحسد والنفس من المنزل»، وانقطعت الكهرباء مرة أخرى، وأحاط بالمكان ظلام دامس؛ فقام

بإحضار إحدى الشمعات، وأشعلها لائماً على نفسه من إقدامه على أمر لا يعرف عاقبته.. فنوزاعه الداخلية ساخرة من فساد عقله، ومن فراغه، ومن تلوثه بأفكار مضادة للدين؟

لامت نفسه عليه كثيراً وقالت له: «ليه أنت عملت كدة!! حاول متعملش حاجة تاني، ومتكملش».

فأجابها: طب والحاجات اللي أنا شفتها ديه هتسيبنى؟

جلس يلعن الفضول الذى دفعه دفعا لخوض تلك التجربة الغريبة... إنه الفضول تلك الآفة المارقة النافذة لمعظم النفوس البشرية، وشرذ بذهنه مسترجعاً بداية قراءته لتلك الأوراق الصفراء.. ولماذا كان مسلوب الإرادة، ووقع اختياره من كل ما قرأه لهذا الموضوع بالتحديد؟!

لقد قرأ ما خيلته له نفسه بإمكانية تصديقه، وهو «الزواج بملكة الجمال»...

«ملكة الجمال»... التى تحكم ألف ملك، وكل ملك يحكم ألف قبيلة، وكل قبيلة بها ملايين من الأعوان والخدام..

فقال لنفسه: يا ريتنى كنت رميتها ومفتحتهاش..

فأجابته نفسه: فى بعض الأحيان يكون اكتشاف الجهل؛ السبيل الوحيد للصعود لمنبر المعرفة..

حاول النوم هارباً من نفسه التى أصابها القلق عند طلب جسده دخول الحمام، فخرج من الشقة وأضاء لمبة الطرقة وعندما قام بفتح باب الحمام تراجع للخلف، وخرجت منه شهقة مكتومة، فقد هُيىء له رؤية الحاجة محاسن أو من يُشبهها بداخل الحمام..

كانت لا تقف على الأرض بل كانت قريبة من سقف الحمام كأنها معلقة أو شيئاً ما يحملها..

لم يتبين لها أى ملامح من فرط فزعه ورعبه، وتراجع حتى كاد أن يسقط. فهورول ملتاغاً عائداً إلى شقته، ثم جلس لاهثاً سامعاً لدقات قلبه، وبعد مرور فترة من الوقت استجمع قواه وهدأت نفسه فخرج من الشقة لاهثاً لاستنشاق الهواء أمام باب المنزل، ولالتقاط أنفاسه التى تختنق من أثر الفرع.. فرأى الحاجة محاسن تجلس على باب المنزل!!

وقف محاولاً إخفاء انفعاله، وسأل نفسه: أومال أيه اللي أنا شفته فى الحمام من شوية؟ هو أنا كان متهيألى ولا أياه؟

قالت له الحاجة محاسن باسمه:

أزيك يا بنى.. أمك عاملة أيه؟

لم يرد عليها فهو لم يتخلص من فزعه، ولم يفق بعد من صدمة رؤيته لسيدة الحمام المرعبة الغامضة، ولا يدري هل كان يحلم أو ما رأى حقيقة؟

مصصت الحاجة محاسن شفتيها قائلة:

ماله ده؟ وعادت إلى شقتها..

- فى اليوم التالى سمع زىاد طرقات تدق باب الشقة..
- فتح الباب، وتسمر مكانه، ولم ينطق بكلمة واحدة. فقد كان ينظر لطارقة الباب.. إنها الحاجة محاسن تسأله عن بدر..
- بدر سافر البلد..
- طب خلاص أصل أنا كنت عايزاه فى موضوع كدة.... بقولك أيه اندهلى أمك..
- ماما خرجت مع أختى تزور سيدنا الحسين..
- أبقى سلم لى عليها لما تيجى، ورحلت.

دخل مسرعًا إلى شقته تُركم أنفه رائحة كريهة مع ارتفاع حرارة أجواء الشقة بصورة ملحوظة..

خاف جدًا.. لأن ما رآه جعله يعتقد أنه قد دخل لشقة أخرى غير شقته، أو أنه يحلم؛ فقد رأى الشقة تكتظ بكائنات كثيرة شعرها كثيف تُشبه القروء.. لا يرى لهم أية ملامح، وفى وسطهم كائن كأنه قائدهم..

ارتجف جسده وتسمر مكانه؛ عندما شعر ببشاعة منظر هذا الكائن الذى ينظر إليه بتلك العيون الحمراء الملهبة، وشعر برعب هائل عندما رأى كائنات أخرى تبرز من خلف هذا الكائن..

كانوا أربعة كائنات قصار القامة.. طولهم يماثل طول طفل يبلغ عمره ثمانى أو تسع سنين.. لهم آذان مدببة طويلة نوعًا ما عن آذان البشر.. لم يُحدد شكل وجوههم، ولكنه يشعر بشكلهم البشع المخيف..

صدر من هذا الكائن صوت يشبه حفيف الثعبان، وأشار باتجاه زىاد وتحدث قائلاً:

أيتها العفاريت السفلية: أجمعوا من الجان ألف ألف، وضموا إليهم مثلهم من المردة والشياطين، وأشعلوا فى هذا الآدمى نارًا لا تنطفئ، وتوكلوا بقله راحتته ونومه، وألقوه تائهاً فى البرية؛ حتى يحضر إليّ خاضعًا متذللًا يتمنى الموت..

هرول زىاد باتجاه باب الشقة محاولًا فتحه للهرب فلم يستطع.. أن الباب لا يفتح أنه صلد، وفى تلك اللحظة حدث موقف غريب أنقذه مما هو فيه فقد أضيء المكان كله بنور ساطع، واختفى كل شيء كأنه لم يبدأ..

تنفس الصعداء وعاد صوته إليه وقال: أعوذ بالله من الشيطان الرجيم. ثم قام مسرعًا محتضنًا للمصحف وفتح؛ وقرأ ما تيسر منه فسكنت نفسه، وهذئت روعته ثم قال لنفسه: أنا لازم أسيب الشقة ديه أنا أعصابى تعبت أيه اللي أنا عملته فى نفسى ده؟ أنا هاتجنن..

وفى تلك اللحظة لاح أمامه دخان أبيض خفيف وسمع نفس الصوت المخاطب لعقله: لقد اطلعت على «قَسَم الخاتم الكريم» الذى أطاعت ودانت له الجن، والإنس، والطير، والوحش، ولن تستطيع الرجوع عما طلبته، وإلا ستخرج من الدوائر المُحصَّنة، وسيحل بك الانتقام من ملوك العالم العُلويّ.. أتم عملك وسترى العجائب.

ستزجر الجان، وتقهر الأملاك.

وتكون مهابًا موقرًا عند الجن، والإنس، ولن يقدر عليك أحد منهم.

ولن يصلوا إليك بأذى.. لا بيد، ولا بلسان..

اختفى الدخان، وجلس وحيدًا شاعرًا بأنه يعانى من العيش بداخل حلم بات مزعجًا، وفى تلك اللحظة سمع صوت رنين الموبايل وتناوله.. إنها أمه تقول له:

إحنا هنتأخر شوية فى السيدة زينب.. متخافش المولد مليون ناس، وأختك عايزة تتفسح...

- ماشي يا اما خلو بالكم من نفسيكم..

بالرغم من خوفه من تكلمة مشوار الطقوس.. إلا أنه أيضًا متخوف من عدم الاستمرار لتتمة ما بدأه؛ لتجنب عواقب الانتقام منه. فقام بإطلاق البخور وإكمال الطقوس بفتور وخوف، لخوض ماراثون الليلة الثانية عشرة والأخيرة التى تطلب خلاصها، وهبت عليه نفس النسمات الجميلة الباردة كما اعتاد عليها، وتبدلت رائحة المكان لتنتشر به رائحة الياسمين، وتسلى إليه الدخان الأبيض الهادئ، وآزدادت الشقة اتساعًا فكانت كالقصر الكبير، ورأى أمامه نساءً كثر جميلات، وفى وسطهم فتاة فاتنة جدًا تُضئ نورًا كالشمس.. ناضرة الوجه..

ذات عيون واسعة شديدة السواد..

تمتلك من صفات الحسن أقصاها..

ملابسها كملابس الملوك، وعليها حُلَى ذهبية كثيرة براقة، وبجوارها يقف شيخ كبير ذو لحية طويلة بيضاء يبدو عليه الوقار، وعلى رأسه ثُلُوثُ حمراء ويحمل بيده اليمنى صَوْلْجَانَا ذهبيًا، وأشار إلى زياد قائلاً:

السلام عليكم.

نهض زياد قائماً خوفاً واحتراماً..

فقال الشيخ: أنا قاضى ملوك الجان.. ماذا تريد يا جنس البشر من جنس الأملاك؟؟ تكلم ولا تخف!!
ظل زياد مفزوعاً وردد داخل نفسه: ماذا أريد؟ ماذا أريد؟ بدا وكأنه نسي كل شيء، ولكنه تذكر فجأة..
فقال متردداً وبصوت خافت: الزواج بملكة الجمال..

فقال له الشيخ بهدوء شديد:

وهل تعلم من هى ملكة الجمال التى تريد الزواج بها؟

ران الصمت على المكان. فاستطرد الشيخ قائلاً:

أَعْلَم أنك تعرف عنها القليل جداً، ولكنك إذا أتممت زواجك بأبنتى «دُرّة»... التى تلقبوها في عالم البشر بملكة الجمال تكون قد استكملت جميع المطالب، وصار العالم كله فى قبضتك وتحت تصرفك..
ستمشى على الماء، وإذا وطئت على نارٍ أطفأتها، وستطوى لك الأرض لتنتقل بين العوالم بلا وَهْنٍ، وسيكون لك الكثير من الأعوان والخدام يقضون لك ما تريد من الحاجات؛ ولكن عليك أن تُدرك بأن هناك عهداً وميثاقاً سوف يُؤخذ عليك أيها الآدمى..

هذا العهد إذا نقضته ولم تلتزم به؛ فستكن من الصاغرين المطرودين المُطَارَدِينَ من قبائل الجان أجمعين، وستُظلم عليك دُنْيَاكَ.. كما على أن أنبهك أيضاً بأنك قد صرت عدواً للعوارض، وأعوان الشر، وقد حضرنا لك ورأيتنا لأنك فقط أقسمت علينا وقدست الأسماء والدعوات، ومد يده مناوئاً إياه سلسلة مُعَلَّق بها حجر أحمر، وطلب منه تعليق هذه السلسلة برقبته.. وألا تفارقه أبداً..

فسأله زياد مرتجفاً: ما هذه السلسلة؟

قاضى الجن: هذه السلسلة لحجبك حتى لا تستطيع الأرواح المُعْتَمَةِ الخفية أن تنفذ لك.. لأن المكان الذي تسكن فيه توجد به ملكة قوية جبارة، وهذه الملكة لها قدرات عظيمة خارقة، ولها خادم سُفلى مُطيع لها يتشكل بشكل البشر ويعيش معيشتهم، وله تابعون أشداء متمردين تحت أيديهم أمراء مُقدمين، وتحت يد المُقدمين قبائل من الجان والشياطين. ثم نظر إلى أركان الشقة ووجه نظراته إلى الفتيات المحيطة بالمكان سائلاً إياهم: أين هم عُمَار هذا المكان، والمتوكلين فيه؟!

تبادلت ملكة الجمال والفتيات الجميلات نظرات وجلّة، ونظروا إلى قاضى الجن صامتين بلا أى رد..
ثم نظر إلى زياد وقال بحدة: يُمنع عنك السلام باليد على جارتك، ويجب عليك معاملتها دائماً بالشدة والزَجَر..

فقال له زياد بتوتر وصوت خفيض وخوف: وأيه دخل جارتى فى الموضوع؟

تجاهل القاضى رَدّة فعله واستطرد فى حديثه: أن جارتك هى الملكة التى تَبَغَى هلاكك؛ لأنك كنت سببًا مباشرًا فى وُلوجنا لهذا المكان الذى تعتبره ملكها وتحت سيطرتها..

فى هذه اللحظة دوت ضحكة رهيبة فى أرجاء المكان وإقشَعَرَّ جسد زياد وإِرْتَعَدَتْ فرائصه، فلأول مرة يشعر بهذا الرعب العظيم. ثم شعر برجة قوية تهز جسده وسمع صوتًا يقول له: أنت يابنى قوم.. مالك بتترعرع كدة ليه؟؟ هو أنت بتحلم ولا أياه؟؟ اصحى يا زياد.. بسم الله الرحمن الرحيم.

استيقظ زياد ونظر حوله قلقًا، وهذأت نفسه قليلًا عندما رأى أمه وقد عادت من الخارج ممسكة بشمعة لتتير الشقة.. فقد كان الظلام يُحيط بالمكان كالمعتاد، وأخته إسراء تنظر له بلامبالاة فقالت له أمه: - أياه يابنى مالك؟ عمالة أصحى فيك من بدرى، وأنت نايم نوم أهل الكهف ثم نظرت له بقلق وضافت: أنت وشك أصفر كدة ليه؟

- مش عارف يا اما.. كابوس.. الحمد لله..

- استعيز بالله من الشيطان الرجيم، وقوم يلا وفوق كدة عقبال ما أحضر الأكل..

عادت الإضاءة إلى المكان مرة أخرى، وأكل ثلاثتهم. ثم تثائبت إسراء وقالت بكسل: أما كانت حته خروجة يا زياد أنا هاكل وأدخل أنا.. أنا تعبانة من كتر اللف..

قالت لها أمها: اعملى حسابك بكرة من بدرى إن شاء الله هنروح السوق؛ عشان نعمل لزياد أكل لأن سيد ممكن يجي يروحنا البلد فى أي وقت..

وفى صباح اليوم التالى ذهبت إسراء وأمها إلى السوق، وأثناء تجولهم فى السوق فزعت إسراء عند سماعها لصوت يأتى من خلفهما يقول:

- أزيك يا حاجة أم زياد.. فالتفتت إسراء وأمها لمصدر هذا الصوت؛ فرأوا شيخًا كبيرًا، وبصحبتة فتاة. فقالت أم إسراء:

أزيك يا حاج رضوان عامل أياه؟

- والله يا بنتى كويس الحمد لله، ولاحظ هذا الشيخ أن أم زياد تنظر إلى الفتاة التى معه؛ فأشار إلى الفتاة قائلاً:

ديه بنتى الوحيدة «إيمان»... فتدخلت إسراء فى الكلام ضاحكة بفكاهة وقالت:

وحيدة ليه؟ ما ليها أخت أهى، وأشارت إلى نفسها..

قال الشيخ مبتسمًا: أكيد طبعًا يا بنتى. ثم قال لأم زياد: أنت لازم تزورينا أنت والأمورة، وأشار لهما

على أحد الحوانيت القريبة.. ديه دكانى.. تعالوا بقى نشرب حاجة..

ام زياد: خليها وقت تانى يا حاج.. يادوبك نروح عشان أصحى زياد ابنى يروح الكلية..

- الشيخ طب يا حاجة هنستنى زيارتك، واحتضنت «إسراء» ل «إيمان» بودٍ، وحب مُقبلة إياها كأنها تعرفها منذ زمن بعيد وقالت: لازم نتقابل يا إيمان..

وجهت إيمان حديثها إلى أم زياد برجاء قائلة: يا ماما عشان خاطرى.. خلى إسراء تقعد معايا شوية..

استجابت الأم: خليك أنتِ يا إسراء مع إيمان، وأنا حضر الفطار لزياد وأبقى أجي أذكك..

ابتسمت إسراء فرحة: خلاص يا ماما أنا هقعد مع إيمان أختي حبيبتي..

انصرفت الأم ذاهبة إلى المنزل لإيقاظ زياد للذهاب إلى الكلية، ودخلت إلى الشقة فوجدت زياد نائمًا؛ فأيقظته.

- اصحى يا زيزو عشان تفطر وتروح الكلية..

- استيقظ زياد من نومه، وتناول إفطاره. ثم استبدل ملابسه..

- قالت له أمه: أما النهاردة قابلنا ناس عشرة عمر مشفنهومش بقالنا كتير..

- زياد: مين يا اما؟

- ناس كانوا حبايب أبوك الله يرحمه.. حتى أنا سببت أختك إسراء مع بنتهم هناك عندهم، وهمشى معاك وأنت خارج عشان أعرفك بيهم وأجيب أختك إسراء وأرجع، ثم تمت بصوت مسموع رافعة يديها للسماء: ربنا يجعلها من حظك ومن نصيبك يا قادر يا كريم..

ابتسم زياد وهو يربت على كتف أمه وقال: أنا اتأخرت على الكلية خليها وقت تانى.. سارت الأم لإصطحاب إسراء من دكان الحاج رضوان، وعند وصولها للدكان رحبت بها إيمان، ودعتها برجاء لتناول مشروب معها..

الأم: وأنت بقى يا حبيبتي فى سنة كام..

إيمان: أنا يا ماما فى تانية ثانوى..

إسراء: أنت ليه يا ماما معرفتينش بيها من زمان؟

إيمان: كل شيء قسمة ونصيب يا إسراء..

انتشرت أصوات مآذن المساجد بأذان العصر فى تلك اللحظة، فقالت إيمان: أنا هستئذنكم أصلى العصر، وأجي على طول.

الأم : معلى إنا هملش دلوقت؁ وإن شاء الله هنقعد مع بعض تانى.. وتكون أمك موجودة عشان وحشانى قوى. ثم تصافحوا؁ وعادت الأم وابنتها إلى المنزل ليقوما بإعداد وتجهيز الطعام؁ وعاد زياد من الكلية؁ وبعد الغداء مع أمه وأخته سألته أمه: أنت مرتاح فى السكن هنا يا زياد؟

قال لها: هعمل أيه؟ هو أنا لقيت غيره وقلت لأ؁ والشقة ديه سترانى وموفرة لنا مصاريف كثير؁ وأدينى ساكن فيها لحد ما أخلص الكلية.. بس جارتك اللى اسمها الحاجة محاسن غريبة قوى؁ ومش مرتاحلها..

قالت أمه بتوتر ملحوظ: إنا مالنا بيها يا بنى خلىنا فى حالنا. ثم غيرت دفة الحديث وأضافت: أخوك سيد جي بُكرّة عشان يخذنا؁ هعمل لك أكل يكفيك أسبوع لحد أما نبقى نيجيلك تانى.. طب متغيبش عني يا أمى..

إسراء: أيوة والنبي يا ماما.. عشان كمان أشوف إيمان؁ أنا حبيتها قوى..

مر اليوم التالى بعد سفر أسرة زياد إلى بلدهم، وخرج زياد إلى إحدى المقاهى وقضى بها بعض الوقت. ثم عاد إلى المنزل متأخراً فوجد بدر وقد عاد من سفره؛ فرحب به بمودة قائلاً:

- بالأحضان عامل أيه؟ حمد الله على السلامة.. أما أنا جايب لك حطة أكلة من عند الحاجة فى البلد.. هتاكل صوابك وراها، وهدعيللى!!

- سبقتك يا ناصح.. الحاجة أمى كانت هنا، وقامت بالواجب..

- لازم ناكل مع بعض من الأكل اللى أنا جايبه، ومتزعلنيش منك..

جلسا معاً يأكلان. فبادر زياد بدر بالسؤال:

- أنت شفت جارتنا اللى فى الشقة اللى قصادنا؟

- قصدك الحاجة محاسن، ولا بنتها ماريا..

- مريّة تانى..

- ماريا... أنت حتى مش عارف تنطق اسمها، ثم تنهد وقال: وما أدراك ما ماريا!! ديه حطة مزة..

- وماريا ديه بقى قاعدة فين؟!

- والله أنت إنسان غريب.. بقولك بنتها تبقى قاعدة فين!!، وبعدين مش أنا قولتك أنا بديها درس..

- تصدق أنا عمرى ما شفت ماريا ديه.. يا ترى هيّ صغيرة ولا كبيرة؟

- ديه فى ثانوى..

زياد بحدة: المفروض قبل ما تعمل حاجة زى ديه كنت تقولى..

بدر باندهاش: أهدي كدة يا عم زياد.. أنت هتتكلم فى الموضوع ده تانى ليه؟

- أهدي مين يا عم.. أنت مش حاسس بالمصيبة اللى أنت عملتها..

- مصيبة أيه يا زياد؟ أنت بتتكلم كدة ليه؟ هو أنت كنت وصي عليّ؟

- المفروض يا إنسان يا محترم أنك تحافظ على المكان اللى أنت ساكن فيه..

- أنت هتذلنى تانى بقعدتي هنا.. على العموم أنا هشوف مكان تانى أقعد فيه مكنش فيه قلة مزاج،

ولا حد بيقول أنت عملت أيه ومعملتش أيه؟

فى تلك اللحظة خرج بدر من الشقة مغلقاً الباب بعنف شديد، وترك زياد وحيداً داخل الشقة لينتابه

شعور شديد بأن قواه تخور؛ فحاول النهوض ولم يستطع..

ازدادت حرارة الغرفة، وشعر بوجود كيان آخر معه فى الغرفة، ورأى أمامه فجأة الحاجة محاسن تنظر إليه من أحد أركان الغرفة.. ففرع بشدة، وزحف للوراء مذعورًا فاقدًا لوعيه.

وفى نفس اللحظة توارت الحاجة محاسن متراجعة للوراء عندما انتشر بالمكان دخان أخضر اللون، وخرجت منه الفتاة الفاتنة التى كانت بصحبة قاضى الجن ونظرت إلى الحاجة محاسن بثبات وبابتسامة واثقة وقالت:

- بدخولك إلى هذا المكان؛ فقد اعتديت على المواثيق والعهود!!

ردت ذات المحاسن: أنتم حضرتم إلينا، وبسبب هذا البشرى- ونظرت إلى زياد باحتقار- لن يكون هناك أى مواثيق أو عهود، وسيلعنه جنود أبى أبلis أجمعين..

ارتج المكان بقوة ممزوجًا بصوت مسموع لصوت يشبه أمواج البحر، ومن العدم ظهر قاضى الجن، ونظر إلى السماء، وقال بصوت قوى:

اهبطوا أيتها الأرواح أينما كنتم.. علويًا وسفليًا.. ترابيًّا ومائيًّا.. بريًّا وبحريًّا.. أجيئوا بحق ما أقسمت به عليكم.. أجيئوا أيتها الأرواح الروحانية الطيارون فى الهواء، والغواصون تحت أطباق الثرى.. أجيئوا أيتها الأرواح والهواتف المتشكلون فى الأجسام البشرية، والخُلُقَةُ الآدمية.. أجيئوا قبل أن تنزل عليكم أرواح الحجب، فيهتكوا الأسرار، ويخربون الديار.. أقسم عليكم بالحروف النورانية والأقسام السريانية والأسماء العبرانية، ءآتونى إن كنتم فى البحار، أو خلف الديار أو فى بطون الجبال..

فى هذه الأثناء سمع كل من كان بالمكان لأصوات أمواج هادرة لبحرٍ عظيم. فاخفت ذات المحاسن، وظهرت كائنات شفافه وقال أحدهم: دعوتنا يا قاضى الجن؟

القاضى: ذات المحاسن بنت إبليس عفريته الغيلان، وخادمتها السُّفلية ساحرة الجن مريه بنت الملك السُّفلى، ومعهم الأرواح الشريرة والغيلان يحيطون بهذا المكان للفتك بساكنيه من الإنس، وعليكم ألا تتركوا لهم أى منفذ للنيل منهم..

الكائن الشفاف: سوف نُسخر له سيد الدائرة الطلسمية المحجوبة لحمايته..

القاضى: لقد أخذنا عهدًا وميثاقًا من الملوك السبعة العلويين بمساعدتنا حتى نستطيع التغلب على الظلمة والأعداء الذين يبغون خراب الديار، ولقد أعطيته الياقوتة الحمراء لوقايتيه، ومنحته الحجب عن الشياطين والموانع، ولقد استعنت بكم لأن الأرواح الشريرة التى تطوف حول هذا المكان تحمل من الفطنة والذكاء والقوة ما يجعلهم متعطشين للفتك بهذا الآدمى..

الكائن الشفاف: أيها القاضى الكريم أنت تهابك الجن، وأعوانك الحارسة للمكان لن تبرحه..
فى هذه الأثناء اختفى قاضى الجن وملكة الجمال؛ لينتقلوا إلى مكان تنتشر به الكثير من الأشجار
الوارفة والأزهار ذات الروائح الزكية التى تملأ الأجواء، ودخلوا إلى قصرهم المشيد على أحد الجبال
الجليدية بأحد البحار العظيمة المتسعة، وجلس القاضى على وسادة زجاجية تُشبه اللؤلؤ، وجلست
بجواره دُرّة، وانتشر حولهما كائنات ساكنة شفافة، وبلوم وإستعطاف قالت ملكة الجمال: يا أبى لقد
أعلنت موافقتك على زواجى من هذا الإنسانى زياد، وأنت تعلم بأنه ربما لا ينسجم أو يتألف معنا،
ونحن ثمر علينا القرون؛ فلا نهرم أو نتعطل إلا بعد مرور زمن طويل لا يُدركه بنى البشر، وهم
يفنون قبلنا، وهم محدودو القوة والمعرفة..

قاطعها الشيخ وقال: دُرّة يا ابنتى لقد دعانا بالأسماء الثقيل، وأقسم علينا بملوكنا العلويين الذين لن
نتحمل سخطهم علينا، وقهرهم لنا واعلمى أننى لن أفعل ما هو دون إرادتك..
ملكة الجمال: أشكرك يا أبى ولتأذن لى بالذهاب لأعوانى، فقد غبت عنهم طويلاً..
القاضى: اذهبى يا ابنتى فى رعاية الله..

مخلوقات العالم الخفى يمتلكون قدرات مهيبة

تلبية دعواتهم اختيارك وحدك

-منهجهم الوحيد- هو:

«امتلاك روحك»!!

أتى بدر من عمله متأخراً كعادته، وبمجرد دخوله المنزل سمع نحيباً خافتاً فنظر إلى مصدره فرأى ماريا جالسة منتحبة على سلالم البيت تبكى كالطفلة الصغيرة المسكينة بكاءً يخطف القلوب.. توجه إليها وقد ملؤه شعور بالشفقة عليها وقال: مالك يا ماريا؟

نظرت إليه ولم ترد بل ازدادت نحيباً بصوت يُشعر الوجدان بأن عليه أن يُسرع في مساعدتها لكي يخفف عنها آلام الحزن..

فسألها مرة أخرى: هي ماما هنا؟

- جوة في الشقة نائمة..

- طيب فيه أيه؟ أيه اللي جرى؟ وأمسكها من كتفها قائلاً: تعالى نطلع فوق، وتحكى لى عشان نتكلم على راحتنا سعدت ماريا وبدر خلفها إلى الدور العلوى واضعاً ذراعيه حول خصرها من الخلف، وجلسا بأحد أركان الشقة المهجورة على أطلال أضواء خافتة تطل من المخزن المجاور للمنزل، وبادرها بالسؤال بعطف وهو يُربت على كتفها: مارى يا حبيبتي أيه اللي حصل؟ احكى لى..

ترددت ماريا فى التعبير عن غضبها، وإن كانت قد عبرت عنه بصورة غير مباشرة؛ وبتلقائية غارقة فى الانفعال قالت: زياد صاحبك..

- ماله؟

- قابل ماما على باب البيت واتعصب عليها.. ده كان ناقص يضربها!! وقعد يقولها أنت عايزة مننا أيه فارقينا.. ثم ازداد نحيبها وأكملت: هو إحنا عشان لوحدنا ملناش راجل يدافع عنا تعملوا فينا كدة؟

فى تلك اللحظة حدثه خياله الفاسد بأنه الفارس الحارس لها فتصنع الغضب وقال: باين زياد ده اتجنن، وبعدين أنت هتستنى أيه من شخص وقح معندوش ذوق؟!

أنا كمان اتخانقت معاه بسبب إنى مقلتلوش إنى بديك درس.. ده عامل نفسه بروح أمه وصى علىّ، وبنى وبينك أنا قررت إنى مقعدش معاه تانى، وصمت قليلاً وغمز لها وقال: بس هافضل أديك درس.. تصدق إنه بيقول إنه عمره ما شافك ولا مرة من ساعة ما سكن هنا..

- يعنى أيه؟ أنا لابسطة طاقيه الإخفاء ولا أيه؟ ما أنا شايفاه فى الداخلة والخارجة..

نظر إليها فى صمت وقد ازدادت فتنة وجاذبية عندما اغرورقت عيناها بالدموع وانتقل شعوره هذا لها فهى تُدرك جيداً أنه فى وسعها أن تهب نفسها الفتنة وقتما شاءت، ففلسفة الإغواء جزء لا يتجزأ منها..

نظراتها بصورة طبيعية تحتوى على كتلة عظيمة من الإغراء ..

مفردات الأنوثة لديها متوحشة..

ملابسها فاضحة مثيرة..

داعبت أجزاءً من جسده بدلال ودلع وقالت: يا بدورة عاهدنى على الإخلاص والوفاء، وبأنك مش هتسيبنى أبداً وهى تدرك جيداً أن الحيوان الكامن بداخله هو الذى يُعاهدها، فهو لا يستطيع إخفاء دوافعه الغريزية الجنسية..

وبلا مشاعر على الإطلاق قال لها: أعاهدك،

تصيب عرقاً وازداد قرع ضربات قلبه عندما تلاقت العيون فأصبح لا يشعر بالزمان فقد دفعه سلوكها لاستشعار اللذة بمجرد اقترابه منها فتناولها بين أحضانه وقبلها ثم احتكت أصابعه بجسدها وسحب ملابسها الداخلية قطعة قطعة، ومالت هى نحوه كساقطة فشن هجومه على كل مكان بجسدها البض العارى فاستسلمت واستلقت على ظهرها برشاقة كالحية الرقطاء، وبذل هو الجهد الكامل لتذوقها، وهى أضفت على عناقه لها لمسة فاتنة رقيقة.

اشتمَّ عطر أعضائها المثيرة ولم يستطع كبح وهج شهوته الجامحة الذى أشعل جُزيئاته بتوحش؛

كانت صاحبة الخطوة الأولى فى أن تأذن له بالدخول إلى جمهورية الجنس،

إنها القائدة الفعلية لانفعالتها الجنسية التى أطلقتها بإبداع لإمتاع جسده،

إفراطها فى استخدام الألفاظ الجنسية يتداخل فيه إشباعات أخرى غير نمطية..

إنها تستمتع وتُمتع..

وصلت حرارة ممارسة الحب بينهما إلى المُنتهى..

وراح فى سباتٍ عميق مُخلِّقاً مع استمتاعه ونشوته إلى أن استفاق فرآها جالسة أمامه بهدوء

تتأمله فقال لها: أنا كنت فاكراً إنى هاصحى مش هلاقيك زى كل مرة..

- فباغتته بسؤالها: أنت هاتعمل أيه مع زياد؟

- قال بضيق: هاعمل أيه إزاي يعنى؟ ما أنا قلت لك أنا مش هاقعد معاه، وبعدين هو ده وقته..

- بضيق وتأفف قالت: أنت مش عاهدتنى..

- يادى سيرة زياد دية اللى هتكنن علينا تحت وفوق.. عموماً أنت أيه اللى يرضيك؟

- طول ما زياد ده موجود هنا إحنا مش هنعرف نكون مع بعض..
- اصبرى ومتنسيش إنى أنا لسه قاعد معاه..
- ولا يهكم أنت ممكن تطلع تُسكن هنا، ونفضل مع بعض على طول..
- إزاي بقى يا فالحه؟ أنا كنت قاعد فى لوكاندة مش شايل هم حاجة وأنت بتقولى أجى أسكن هنا.. ده مكان عايز يتوضب، وعايز مصاريف كتير..
- متشيلش هم المصاريف أنا هديك اللى أنت عايزه..
- نظر لها باندهاش وقال: إزاي يعنى؟ أنتوا شكلكم على قد حالكم..
- بص يا حبى إحنا خلاص بقينا واحد، ومتعاهدين نبقى مع بعض على طول إحنا معانا فلوس كتير قوى..
- قاطعها بدر وقد ساوره شعور بالسرور: هو أنت أبوكى كان شغال أيه؟ والفلوس دية معاكم منين؟
- أنا هاحكى لك: بابا كان أرزقى عايش اليوم بيومه وطبعًا ملوش معاش وبعد ما مات اتبهدلنا وماما دارت تستلف من ناس كتير، وبعدين رفضوا يسلفوها.. خالى وقف جنبنا كتير وفى يوم سمعته وهو بيتكلم مع ماما..
- ماما قالت لخالى أنت الصراحة وقفت جنبنا كتير بس أنا عايزة أشتغل وأصرف على بنتى.. أنت لو حصل لك حاجة أنا هاعمل أيه من غيرك؟ أنت لازم تشوف لى أى شغلانة؟ حتى لو خدمت فى البيوت..
- رد عليها خالى: متشيلش هم.. أنا هاخلى الشغل يجى لحد عندك هنا.. أنا هاعلمك صنعة.. وهابعتك زباين كمان واشتغلت أُمى وحوشت فلوس كتير قوى، ولسه بتشتغل بس على خفيف..
- وشغلة أيه بقى اللى جت لحد عندها؟
- بتحل مشاكل الناس..
- إزاي يعنى؟
- يعنى لو واحدة زعلانة من جوزها تراضيه، واحد بيحب واحدة تجوزها له، وحاجات تانية كتير..
- بتهكم: دجاله يعنى، واستطرد: وهى لسه شغالة لحد دلوقتى؟
- أيوة، وكمان علمتنى شوية حاجات..
- أحاط بالمكان صمت ثقيل..
- ماريا: أيه يا بدر.. مالك؟
- مفيش.. بس مكنتش متخيل أن واحدة بكل رقتك وجمالك ده ممكن يكون لها فى المواضيع دية..

- طب نعمل أيه ظروفنا جت كدة خلينا فى المهم أيه رأيك يا بدورة لما يبقى معاك فلوس كتيرة تقدر بيه تستغنى عن كل الناس، ونقدر نتجوز..
- إزاي بقى يا فالحة؟
- أول حاجة هتسيب الشغل..
- وأصرف منين؟
- ماتقلقش أنت بس اسمع كلامى..
- طب أيه اللى مطلوب؟
- أنت هتقعد هنا فى الشقة دية، وكل يوم أنا هجيبك الأكل والشرب وكل اللى هتحتاجه..
- بتأفف: أيوة مقولتيش أنا هاعمل أيه؟
- بص يا سيدى: كل يوم هجيبك نقعد مع بعض شوية، وفى نفس الوقت هاقولك أيه اللى هيتعمل، وهنبدى إزاي أنا هخليك غنى قوى، وهاخليك تفتح كنزًا!!
- تركته مع أحلامه وهبطت من الشقة التى بالدور العلوى وتحولت إلى قطة بديعة المنظر وانتقلت فى نفس اللحظة إلى قلعة لا توجد لها طرق أو ممرات أو سلالم كأن ساكنيها يدخلونها هابطين إليها من السماء مُشيدة على الدُخان فوق أحد سلاسل الجبال فى مكانٍ ما..
- أرضياتها من المرمر تميل ألوانها إلى الاحمرار له انعكاسات ضوئية رائعة..
- حوائطها من الألماس الأزرق تُضفى عليها الكثير من الأسرار والغموض..
- نوافذها من الياقوت تجمع بين اللونين الأحمر والأزرق الداكن..
- يتوسط زُدهتها مذبح ضخم من البلاتين تحوطه الكثير من التماثيل السوداء ذوات قرون حمراء لكائنات غير معروفة لبنى الإنسان..
- كائنات غريبة مخيفة تملأ الأركان كلها قصيرة الطول بعضها يغمرها الشعر الكثيف فلا تتبين لها أى ملامح وأخرى ليس لها أيادٍ ولا أقدام..
- وبعضها لا ترى منها إلا رأسها الشبيهة برؤوس الجياد، وأخرى الشبيهة برؤوس الكلاب..
- بعض الأسود والذئاب تجلس هنا وهناك.. الثعابين مُتدلّية من الأسقف..
- ينتشر الكثير من القطط ذات الألوان الخلابة الفاتنة..

كُرسى ضخم من العقيق الأحمر تجلس عليه ملكة عيونها حمراء دامية..

دخل إلى المكان كائنات بشعة تجر شخصاً على الأرض بكل قسوة وجبروت مُكبلاً بالسلاسل من يديه وقدميه ورقبته، وانحنى منهم كائن أسود شبيه بالخفاش له قرون قصيرة أمام الملكة، وقال: فلتأذن لى ابنة ملكنا بالتكلم؟

الملكة: تكلم يا سفاح الجن..

ابنة ملكنا الإله: هذا الإنسى أطلق البخور وأقسم على بالدعوات الثقيل؛ واستحضرنى، ولم يطُلب خدمتى أنا أو أعوانى ولم يقم بصرفى، ولم أشأ أن أبتلعه كما ابتلعت كثيراً من أولاد آدم، فاخطفته لأقدمه بين يدي مولاتى الحكيمة لتنظر ما هى فاعلة به..

نظرت الملكة إلى البشرى وابتسمت بهدوء قائلة له: قل لى يا أيها الآدمى ماذا كنت تنوى أن تفعل؟ رد عليها الآدمى بذعر: أنا قرئت كتاب عن السحر والأعمال والاستعانة بالجن، وشدنى موضوع تحضير العفريت المسمى بسفاح الجن فقلت لنفسي أحضره وأسخره عشان يعمل اللى أنا عايزه، ولقيت أن عملية التحضير سهلة عشان كانت مكتوبة بطريقة مفهومة وبسيطة، وما عرفشى أن فيه عفريت حضر، وشايفنى وأنا مش شايفه.. ثم بكى بكاءً حاراً متوسلاً وقال: ارحمونى أنا مش هاعمل كدة تانى، وعندها سمع هذا الشخص صوتاً خافتاً من أحد الكائنات التى بجانبه يقول له: اسجد لها وسوف تصفح عنك،

وبكل تلقائية سجد الإنسان المُكبّل أمام الملكة وقال: سيبنى وأنا هاعمل كل اللى تطلبوه.. أشارت له الملكة بالسكوت وقالت له: لقد طُرد أبى الأعلى قوة والأرفع منزلة المخلوق من نار السموم بسبب أبيكم المخلوق من الماء والتراب، وظننتم أيها الآدميون الملعونون أن خلقكم من الطين أنفع وأفضل من خلقنا من نارٍ ثم سكنت بُرْهة من الوقت ونظرت إليه بغضب قائلة: لقد نظرت داخلك فرأيتك ضعيفاً مثل كل الآدميين.. ثم صاحت: أيها الخدام..

انحنى أمامها كل الكائنات المتواجدة داخل القلعة..

فقالت لهم: شقوا عيون هذا الآدمى لرؤيته لنا، وأقطعوا لسانه لتحدثه إلينا، وصموا أذنيه لسماعه لنا..

وفى لحظات سريعة كالبرق انقض عليه الكائنات المحيطة به كالجراد ففقأوا عينيه وقطعوا لسانه وصموا أذنيه فسالت الدماء من عينيه وفمه وأذنيه..

انتشت الملكة مسرورة ونادت: أيها الأعوان خذوه إلى المذبح فاذبحوه وقدموه قربانا لأبى ثم ألقوا جسده فى منزله مرة أخرى وارموا الكتاب الذى قرأه بجواره حتى يعلم كل الآدميين أن ما حدث له كان لتجروءه على التفكير فى الاستعانة بنا، وليعلموا جميعاً أننا سنُلحق بهم الشقاء الأبدى على مر الأجيال والقرون..

ثم التفتت بجديتها لإحدى القطط الفاتنة وقالت: ربما حسبت نفسك قطّة فعلاً؟

ضحكت القطّة وتحولت إلى فتاة فاتنة وقالت: خادمك السُّفلية تحت إمرتك..

- ماذا فعلت مع هذا البشرى المسمى بدر؟

- نفذت كل ما أمرتني به ولقد أصبح خادماً مطيعاً لى..

- لكنك فشلت أنت وعفاريك وأعوانك من جلب وإيذاء البشرى الآخر..

- لعلك تعلمين يا ملكتى أننا قد اخترقنا جدران شقته، فلم نطق النظر إليه فقد تم حجبه داخل دائرة طلسمية بواسطة الأرواح الروحانية، بل إنهم سلطوا علينا الأملاك الروحانيين المدبرين لكواكب الأفلاك، وجعلوا كلمته قاهرة نافذة وكدت أهلك لولا حضور أبى الملك السُّفلى الذى أقسم عليهم، وأخذ على العهد والميثاق بعدم دخولى لتلك الشقة مرة أخرى..

مدت الملكة يدها مُمسكة ببعض الحصوات وألقتهما عاليًا وقالت: أقسمت عليكم أيها الملوك السفليون بالأملاك السبعة أن تحضروا بين يديّ الخُدام والأعوان طائعين ولحاجتى مجيبين ولا تتأخروا عنا طرفة عين..

أدعوكم بالتسابيح اليونانية والعزائم العبرانية والأقسام الملكوتية، وبالأسماء المكتوبة على قلب الشمس وبداخل قلب القمر..

عَجِّلُوا يا معاشر الأرواح بالظهور وأجيبوا، وأمرُوا خدامكم وأعوانكم بطاعتي والزموهم بقضاء حاجتى..

وفى تلك اللحظة تلاًلاً وميض حاد، وهبت رياح عاتية وظهرت كائنات سوداء فزجرتهم الملكة بجدة قائلة: توكلوا أيتها الأرواح وأرسلوا خدامكم وأعوانكم إلى زياد بن أحمد الساكن بمنزلى، وازجروه حتى يأتى إلى خاضعاً ذليلاً.

تكلم أحد الكائنات: نحن لم نستطع زجره فلقد أعطى هذا الآدمى الياقوتة الحمراء التى تستطيع حرقنا فى لمح البصر فلتأمرى سحرة الجن والغيلان باختراق موانع الأرواح الروحانية الساكنة معه..

نظرت إليهم وقالت: انصرفوا أيها الملوك والأعوان بحق الملك الغالب عليكم أمره ثم التفتت إلى ماريـا بغضب وقالت: افتحى لخدامك الآدمى الأبواب الكائنة تحت الأرض التى فيها نفائس الكنوز، وامنحـيه الجبروت على الناس واغمسيه بلذة التمتع بالجميلات من النساء..

لا تُحرّيه من قهر غرائزه لنفسه يجب أن تمتد طاعة الغيلان إلى الأبد..

ماريا: سمعًا وطاعة يا بنت الهنا ثم اختفت فى لمح البصر وعادت إلى المنزل ووقفت لا يراها أحد أمام شقة زياد و أشارت بيديها فاخفت الحوائط وأصبحت ترى زياد وهو بداخل شقته، وفى هذه الأثناء عاد بدر إلى الشقة من الخارج وظهرت عليه ملامح الضيق فوجد زياد ممسكًا بأحد كتب الدراسة يستذكر دروسه فقال: السلام عليكم عامل أيه يا زياد؟

رد زياد باقتضاب دون النظر إليه.. الحمد لله..

- أنا خلاص راجع اللوكاندة تانى، وقبل ما أمشى عايزك متزعّش منى..

التفت له زياد باهتمام وقال: ما أنت قاعد معايا، ويا أخى الاختلاف سُنّة بشرية مش معنى إننا اتخانقنا سوا إنك تاخذ فى وشك وتسبب البيت..

- سيبنى براحتى محدش عارف الخير فين، وتركه فى تلك اللحظة وذهب إلى غرفته، وبعد برهة من الوقت خرج حاملاً أمتعته وقال: أشوف وشك بخير يا زياد..

وقف زياد وقال بأسف: متخليك قاعد وامشى الصبح ده هو سواد الليل بس..

- معلش يا زياد ثم سلم عليه وخرج من الشقة قائلاً: السلام عليكم..

وبينما كانت ماريـا تراقب زياد وبدر، ورأته وهو يغادر شقة زياد الشقة حاملاً شنطة ملابسه ليذهب إلى اللوكاندة خرجت سريعًا ووقفت أمام باب المنزل ثم دخلت فى لحظة خروج زياد وكأنها عائدة من الخارج واصطدمت به فاعتذرت ثم ابتسمت له وقالت: أنت رايح فين؟

- أنا خلاص سببت الشقة بتاعة زياد ومش هاقعد معاه تانى أنا رايح على اللوكاندة..

- كدة مرة واحدة من غير ما تودعنى..

نظر لها بدر بئسًا بصمت فأمسكت بيده وجرتـه خلفها صاعدة إلى الدور العلوى قائلة: تعال بس وصعد معها، وبعد دخولهم إلى شقة الدور العلوى بادرتـه بالقول: كدة كنت عايز تمشى من غير ما تسلم على..

- أصلى متضايق قوى، وكدة كدة أنا سببت كام كتاب جوة عشان يبقو حجة أجى أشوفك بسببهم..

- ضحكت ماريـا قائلة له: أه يا مكار ثم أخرجت نقودًا وناولتها له وأضافت: خُد دول عشان أنا عارفة إننا فى آخر الشهر وأكيد حالتك المادية مش ولا بد..

- رفض بدر بشدة وأبعد يدها قائلاً: لأ مش للدرجة دية.. هي الحالة ناشفة بس أنا مش محتاج حاجة دلوقتي..

- طيب شوف بقى أنت مش هتروح اللوكاندة أنت هتقعد هنا، والمكان ده محدش بيطلعه غيرنا زى ما أنت عارف وزيا دة يا أما قاعد فى الشقة مبيخرجش أو طول النهار فى الكلية يعنى مش هيشوفك، وأنا زى ما قلت لك هجيبك الأكل والشرب وهقعد معاك أطول فترة ممكنة، ومن جهة المصاريف متشلش همها، أنت مش هتشيل هم حاجة من هنا وجى بس امشى ورا دماغى وأنت هتتبسط، وأنا هقولك على سر كبير ماما عرفتهولى بس أوعى تقوله لحد..

- رد بشغف: أيه هو السر ده بقى؟

- ماما كانت بتعمل شغلانة لواحدة جوزها كان بخيل قوى ومخبى فلوس من وراها، وكانت عايزة ماما تخليها تاخد الفلوس دية منه، وماما قدرت تعرف مكان الفلوس ديه، وبعد كدة سمعت أن الراجل ده ومراته ماتوا فى حادث ماما ماعرفتشى تأخذ الفلوس بس عرفت طريقة ممكن تاخد بيها الفلوس دية بس عايزة حد قلبه جامد وأمين..

- والفلوس دية فين؟

- هو أنت سمعت يا بدر عن المقابر بتاعة الفراغة اللي مليانة كنوز؟

- أيوة طبعا دة كفاية مقبرة توت عنخ أمون ده كانت مليانة كنوز وذهب..

- أيوة برافو عليك أنا بقى هخليك تفتح مقبرة زيها هي صحيح مش قدها بس هتخليك غنى قوى..

- بدر متعجباً!! يا سلام، وأنا هاعمل أيه بالتحديد؟

- أنت هتقعد هنا فى الشقة ومش هتنزل منها خالص، والأكل والشرب أنا هجيبوهملك، وأنت بقى اتصرف فى الحمام بس خليك فاكر أنت مش هاتخرج ولا تنزل خالص، وبعد عشرين يوم هتشوف فى المنام راجل أسود ضخمة شوية طويل راكب على حصان وماسك فى أيده أسد..

- بدر مفزوعاً: راجل هيظهر لى ومعاه أسد.. لأ يا ستى الموضوع ده شكله كدة شمال..

- متخافشى يا جميل اطمئن، وبنعومة، ودلال، وغرور قالت: وبعدين أنت مش عايزنى أجيبك نقعد مع بعض ولا أيه؟

- طب كملى..

- متقطاعيش تانى.. إحنا وصلنا لحد فين؟

- لحد الراجل اللي ماسك فى أيده معزة.. وضحك.. قصدى أسد..

- قالت ماريا بغضب: طب متهزرش فى حاجة أنت مش عارفها..

- المهم الشخص ده هيكلمك متردش عليه، هيسلم عليك متسلمش وبعد فترة هتشوف واحد رأسه رأس كلب وبرضه هيكلمك متردش عليه.. ثم قامت فجأة واتجهت نحو الباب قائلة: أنا هسيبك دلوقتى أنا اتأخرت قوى على ماما..

- بدر: طب كملى الأول وبعدين انزلى..

لم ترد عليه ورحلت وتركته وحيداً تطارده الهواجس التى جعلته يتردد فى اتخاذ أى قرار، وحدث نفسه: طب أنا أنزل أبات عند زياد دلوقتى ولا أناام هنا؟ وهنام هنا إزاي؟
سار جيئة وذهاباً فى الشقة القديمة المهمة فرأى صينية عليها طعام وماء فقال بصوت مسموع: آيه ده يا بت يا ماريأ أنت كنت بتتكلمى جد ولا آيه؟ بس أنت جبتى الأكل ده هنا أمتى وإزاي؟ مش مهم..

جلس يأكل بنهم حتى نام فراوده أحد الأحلام التى رأى فيها مدينة خضراء لها أسوار عالية مليئة بالجنود، ورأى نفسه ينصب خيمة على باب هذه المدينة، وظهر له شخص شكله بشع كأنه يلبس وجهاً، وجهه فعلاً كوجه الكلب وهو ينظر إليه صامتاً مأخوذاً فوضع هذا الشخص على الأرض شيئاً شبيهاً بخوذة الجنود فى الحروب القديمة شيئاً كالقبة لونه أخضر، وعليه مصباح صغير أعلاه.. إنه ليس مصباح إنه لؤلؤة أو حجر كريم ثم فتح هذا الشخص باب هذه القبة ليرى بداخلها كرسياً شبيهاً بعربات حروب الفراعنة كأنه مصنوع من الذهب مرصع بلألئ ذات ألوان مختلفة أحمر وأخضر وأصفر وأبيض وألوان شاهقة صارخة، واهتز جسده بشدة وشعر بمن يهزه ويقول له: أنت.. قوم بقى.. فاستيقظ فرعاً ونظر لوجه من يوقظه وقال: ماريأ عاملة آيه؟ أما أنا شفت حته حلم كانى كنت باتفرج على فيلم..

ماريا: احكى لى يا سيدى..

- طب أنا عايز أنزل الحمام..

- قلنا مينفعش خُش الأوضة اللى جوة.. وضحكت مُشجعة له: قوم متتكشفش هو إحنا عُرب عن بعض..

ذهب إلى الغرفة الأخرى ثم عاد وجلس يُقص لها حلمه وهى تنظر له بصمت حاملة لتنتقل طقوسهم الجنسية مرة بعد مرة بعد مرة لينام مرة أخرى ويرى كائن لا يستطيع تحديد ملامحه يقول له: أيها المعتزل فى الخلوة الراغب فى خوارق عاداتنا طلبت أسرارنا فلك موائدنا، وبدائع أنوار قهرنا، ولك السمع والطاعة، ولك منا فتح الكهوف لتنال منها كل الكنوز التى تتمناها..

استيقظ من نومه قلقًا فرأى ماريا جالسة بهدوء وقالت له: صح النوم.. أياه أنت منمتش بقالك شهر ولا أياه؟

- أياه يا ماري اللي بيحصل لى ده؟ وقص على مسامعها ما رأيها فى الحلم..
- ماريا: أياه اللي بيحصل يعنى؟ إذا كنت بتشوف كوابيس فده طبيعى وده معناه إنك ماشى فى السليم بس لازم تتشجع عشان اللي جى مفهوش هزار، وخلي بالك ما دام شفت الحلم اللي حكيت لى عليه يبقى مش هينفع تتراجع لحسن نتأذى كلنا ثم ناولته شيئًا فمد يده وتناول من يدها شمعة سوداء قائلاً: ودية أياه دية كمان؟

- الشمعة دية هتولعها قبل ما تنام هى ريحتها غريبة شوية بس دية الريحه اللي هتجيب الملك اللي هيقولك على مكان الكنز، ولأزم تقول له أياها الملك اطلب منك السر فى فتح الكنز ثم أضافت: الأكل عندك أهو.. أنا نازلة بعد نزول ماريا أكل بدر بنهم وحدث نفسه: أياه الهنا اللي أنا فيه ده كله.. أكل وشرب وجنس وكمان هيبقى فيه فلوس ده أنا اتفتحت لى طاقة القدر ثم نفذ ما أمرت به ماريا وأشعل الشمعة السوداء فتصاعد منها دخان أحمر، ورأى كائنات تدور حول هذه الشمعة التى يجلس فوق شعلتها كائن آخر فقال: أياها الملك اطلب منك السر فى فتح الكنز..

تحدث الكائن الجالس فوق لهب الشمعة قائلاً للكائنات التى تدور حولها: أنا الملك الطاوس أمركم بفتح الكنوز المطلسة وأبواب المقابر المرصودة لهذا الأدمى المستخدم لعزيمتنا ودعواتنا.. فتفرق جميع الكائنات بسرعة رهيبة واختفوا..

نظر الملك لبدر قائلاً له: سينفلق لك قلب الجبل وعندما يناديك أعوان كهوف الكنوز اطلب منهم الدخول ثم طلب منه النظر إلى كفه فرأى بدر طريقًا لأحد الجبال المعروفة وأشار له الملك إلى أحد الكهوف وأخبره أنه سيكون معه بكل لحظة ليرشده إلى طريق الكنز على أن يذهب إلى هذا الجبل بعد منتصف الليل..

لم ينم بدر منتظرًا مرور الوقت بسرعة ليعثر على كنزه، وخرج ليلاً قاصدًا المكان الذى رأى فى كفه يده، ودلف إلى هذا الكهف فرأى أحد جوانب الكهف من الداخل تنفلق إلى نصفين مصدرة دويًا قويًا كالرعد كاشفًا عن باب ضخم له قفل عظيم يقف عليه كائن مهيب..

فى تلك اللحظة ظهر لبدر الملك الطاوس ليرشده كما وعده وقال له: قل ورائى: أقسم بالأسماء السريانية على قبائل الجن وغمّار الكهوف أن يحضروا بين يدي بالسمع والطاعة والخضوع.. احضروا يا بنوا القماقم سكان الجبال والعيون الغائرة، وابطلوا كل الطلاسم المغلقة.

بحق درئيل العفريت الهارب من القمقم السليماني، بحق بني غيلان ساكني الكهوف افتحوا لي كل صخرة وباب مغلق، بحق الملوك السبعة والملك الطاووس أُمَرِّم بفتح هذا الكنز..

ردد بدر وراءه كل ما قاله فارتج المكان وخرج من الصخر كائنًا يحمل بيده طبله ينقر عليها ويقول: أقسم عليكم يا أيها الخدام والعفاريت والمردة والشياطين والطغاة المخلوقين من نار السموم بأن تطردوا رصد هذا المكان وتقهروا ما عليه من الأعوان..

افتحوا الصخور والأبواب والمغالق والدفائن وأزيلوا الحُجب عن نظر بدر خادم مريّة بنت ملكنا السفلى!!

رأى بدر الكائنات حوله بصورتهم الحقيقية وبأشكالهم المرعبة فشعر بأنه يحلم إلى أن فُتح الباب الضخم وأشار له الملك الطاووس بالدخول، ودخل ليجد نفسه بمكان فسيح يشبه مقابر ملوك الفراعنة به حفرة عميقة مملوءة بالتمائيل الذهبية، واللآلئ، والعملات الذهبية القديمة، ولكن كل هذه الكنوز مغطاة بالماء، ورأى بداخل هذا الماء كائنات تمد له أيديها وتقول له: انزل لتحصل على الكنوز.. أقدم بدر على النزول محاولاً مسك أيديهم الممدودة له فزجره الملك الطاووس مُحذراً: إياك أن تستجيب.. ففى نزولك لهم هلاكك ثم مد الملك الطاووس يده لبدر معطياً إياه قطعة مستديرة من النحاس الأحمر عليها بعض العبارات وقال له: هذه دعوة صرفهم اتلوها ثم ألقى قطعة النحاس فى الماء المطلسم.. بدأ بدر بقراءة المكتوب على قطعة النحاس الأحمر بصوت عالٍ: أيها الرئيس الموكل على الأعوان الكائنين بهذا المكان أقسم عليك بالعزيمة الدهوشية وبالأسماء السريانية.. أهيا.. أصباؤت.. بأن تأمر أعوانك بتغوير هذا الماء ثم ألقاها فى الماء فاخفتت كل الكائنات، وغار الماء ولم يظهر له أى أثر..

أعطاه الملك الطاووس خاتماً من الذهب عليه نقوش وقال له: هذا الخاتم سيحبك عند دخولك هذا الكهف فإذا أردت فتح الكنز قرب هذا الخاتم من النار، و إذا أردت إغلاق باب الكنز فقرب الخاتم من الماء ثم نزل بدر إلى حفرة الكنز مذهولاً مما يراه من الكنوز والذهب مُحذراً نفسه: أنه كنز حقيقى.. هل أحمله كله، وكيف ذلك؟؟

وهبيع التماثيل دية كلها إزاي؟

أنا هاخذ تماثيل ذهب من دول وأوريه لماريا وأشوف هنتصرف فيه إزاي؟

عاد متسللاً إلى المنزل صاعداً إلى الدور الثانى ليتفاجأ بجلوس ماريا بوداعة وهدهود فى انتظاره لا تفارقها الابتسامة فجلس بجوارها يُقص لها الأحداث التى مرت به ويطلب منها المشورة فى كيفية تصريف هذا الكنز فقالت له: متقلقشى ماما عارفة ناس هيعرفوا يصرفوا الكنز ده، هسايسها كدة

بصنعة لطافة وأعرف منها الناس دية.. قاطعها.. لأ.. لازم ماما تعرف كل حاجة عشان تسهل لنا الاتصال بالناس دية وتعرفنا بيهم، وعشان كمان أنت وماما تاخدوا نصيبكم من الكنز ثم اتجه ناحيتها وقبلها واحتضنها قائلاً: ده أنتوا سبب فتحة الخير دية، أنتوا فتحتوا لى طاقة القدر، أنا مش هسيبكم أبداً..

- أنا كدة وفيت بوعدى وعملت اللى نفسك فيه ياريت أنت كمان توفى بوعدك وتعمل اللى أنا عايزاه..
بدر ضاحكاً: هو ده وقته إحنا مش هنحتفل بالمناسبة دية ولا أيه؟

- هنحتفل وكل حاجة بس أنت أوعى تنسى إنك عاهدتني على الإخلاص والوفاء وإن إحنا نكون مع بعض ومش هنسيب بعض أبداً ثم تركته وسارت هابطة إلى أسفل قائلة: أنا اتأخرت قوى أنا هنزل وبكرة نبقى نتكلم..

بعد نزول ماريما فكر بدر بعمق وبحذر فيما يمكن أن تطلبه ماريما وأمها كحصنة من الكنز، وكيف سيخفى جزءاً منه عنهم حتى يكون له النصيب الأكبر؟ وحدث نفسه: هما صحيح دلونى على مكان الكنز بس أنا اللى رُحت شفت العفاريات دية وعرضت نفسى للخطر، وأنا اللى ممكن كنت أموت..
أنا لازم أفكر آخذ الكنز ده كله لوحدى وأهرب ولا من شاف ولا من درى..

بعد رحيل بدر من الشقة مرت الأيام بطيئة على زياد وفى أحد الأيام حضرت أمه من البلدة واستقبلها واحتضنته بشدة قائلة له: ازيك يا بنى عامل أيه؟ أنا قلقانة وقلبي واكلى عليك مش عارفة ليه هو أنت فيك حاجة ولا واقع فى مشكلة؟؟
زياد: أنا كويس يا اما مفيش أى حاجة أنتوا عاملين أيه؟ والله يا اما أنتوا جايين فى وقتكم عشان تقعدوا معايا.

تدخلت إسراء فى الكلام قائلة: هو أنت مش شايفنى ولا البعيد عن العين بعيد عن القلب..
- إزاي بقى يا إسراء ده أنت السكره بتاعتنا..

أمه: إحنا الصراحة جايين الزيارة دية مش عشانك إحنا جايين عشان نعزم الحاجة مرات رضوان هي وجوزها وبناتهم يقضوا يومين ثلاثة معانا فى البلد وأختك كمان عمالة تزن عليّ عشان عايزة تقعد مع إيمان.. أختها اللى طلعت لها فى البخت..

فتساءل زياد: مرات رضوان مين وإيمان مين، ودول تعرفيهم منين؟

نظرت أم زياد إليه مندهشة وقالت بضيق: هو أنا مش قلت لك فى الزيارة اللي فاتت إني قابلت ناس معرفة كانوا حبايب أبوك الله يرحمه، ولا هنقعد نعيد ونزيد فى الكلام ده، ويكون فى معلومك إحنا هنعزمهم هنا بكرة يقعدوا معنا شوية..

- يا اما هو ده مكان تجيبهم فيه؟ هو أنت شايفة الشقة عدلة قوى؟

- يا حبيبى المكان ده مش غريب عليهم ده ياما أبوك قعد مع الحاج رضوان هنا..

- خلاص يا ستى اللي تشوفيه..

- أنا هاروح أنا وأختك دلوقتي نسلم عليهم ونعزمهم، ونزور سيدنا الحسين..

فى اليوم التالى استعدت إسراء وأمها لاستقبال الضيوف فنظفوا البيت وأعدوا المشروبات، وحضر الحاج رضوان وزوجته وابنتهم إيمان، ورحبت الأسرة بهم بحفاوة وأخذت إسراء إيمان إلى الغرفة الأخرى ليجلسا معًا بينما جلس الحاج رضوان وزوجته مع أم زياد يتسامرون، وبعد وقت ليس بطويل دخل زياد إلى الشقة عائداً من الكلية ورحب بالضيوف، ومد يده إلى الحاج رضوان محاولاً عدم النظر إلى وجهه كأنه لا يعرفه وقائلاً بتوتر: السلام عليكم.

ابتسم الحاج رضوان محاولاً تخفيف وطأة المفاجأة عليه وقال: أزيك يا بنى.. ثم اعتذر زياد واستأذنهم للذهاب للصلاة، وخرج أمام باب المنزل مندهشاً محدثاً نفسه: أيه الحظ ده؟ يعنى من دون الخلق دية كلها ميطلعش صاحب أبوي إلا العطار اللي اشتريت منه البخور.. دلوقتي يحكى لأمى وتبقى شغلانة ثم عاد بعد الصلاة إلى الداخل، وجلس مع الضيوف إلى أن طلب الضيوف الانصراف وعادت إيمان من الداخل مع إسراء، وقامت إسراء بأداء دورها فى تعارف إيمان وزياد و أشارت إلى أخيها بطريقة مسرحية وقالت: ده زياد أخوي الكبير..

ردت إيمان بحياء: أهلاً وسهلاً..

أشارت إسراء إلى إيمان قائلة: أعرفك يا سى زياد دية أختى إيمان اللي أنت متعرفهاش..

فرد زياد: تشرفنا ثم قاموا جميعاً بتوديع الضيوف حتى باب الشقة..

أم زياد: أنتوا شرفتونا الشوية الصغيرين دول..

أم إيمان: ربنا يخليك يا حاجة.. الزيارة الجاية عندنا.. فتدخل الحاج فى الحديث وأنت يا زياد يا بنى لازم تيجى معاهم.. ده أنت ابن الغالى..

وفى اليوم التالى مرت والددة زياد على منزل زوجة العطار لأخذ إسراء معها لشراء بعض الأشياء فقد كانت إسراء تزور إيمان وتجلس معها من أول اليوم فدعتها زوجة العطار على الغداء..

- أنتوا بكرة تيجوا تتغدوا معانا..
- يجعله عامر ده كفاية إسراء قاعدة مع إيمان ليل ونهار..
- لا والله أنتوا لازم تيجوا ده حتى الحاج عايز يقعد مع زياد.. ده اللي خلف ممانشى..
- اغرورقت عينا أم زياد بالدموع وقالت: خلاص يا أختي هنجيلكوا بكرة إن شاء الله.. مع السلامة..
- عادت أم زياد إلى منزلها، وكان زياد جالسًا يستذكر دروسه وقالت: السلام عليكم..
- آيه يا اما اتأخرت ليه؟ وكنت فين؟
- كنت عند مرات عمك الحاج رضوان.. ده حتى بعثلك السلام..
- تغير لون وجه زياد وازداد توترًا وقال: الحاج رضوان مين؟
- ردت إسراء بمكر وهي تضغط على الحروف وتنظر لأمها: الحاج رضوان أبو إيمان..
- أه.. افكرت.. الله يسلمه..
- اعمل حسابك بكرة هنروح نتغدى معاهم..
- آيه يا اما.. أنتوا كل يوم عند الناس.. ما كفاية بنتك إسراء عندهم على طول ثم نظر إلى إسراء وأضاف: يا بخت من زار وخفف.. عمومًا براحتكم..
- براحتنا آيه ! أنت جى معانا ده الحاج رضوان عزمك بالاسم..
- مد زياد يده لزجاجة مياه بجواره بعدما شعر بجفاف مفاجئ لحلقه وشرب رشفة من الماء وقال ببعض الحدة: أنت إزاي توافقى على عزومة من غير ما تاخدى رأيى.. أنا بكرة عندى محاضرات مهمة ومش هقدر أروح..
- قالت أمه بضيق: متكسفينش مع الناس، وبعدين لما متزورشى صاحب أبوك أمال تزور مين؟ ثم بكت..
- متعيطيش يا اما أنا هاجى معاكم، شوفوا بقى هنخشلهم بأيه..
- وبعد عصر اليوم التالى استعدت أسرة زياد لإجابة دعوة الغذاء بمنزل أسرة العطار واستعجلتهم إسراء.. يلا يا جماعة فضحكت أمها قائلة: اصبرى يا بت أخوك هيلبس وهنمشى..
- وبعد الاستعداد ذهبت الأسرة إلى دعوة الغذاء بمنزل العطار ورحب بهم الحاج وزوجته.. أهلاً وسهلاً شرفتونا وأنستونا.. ده البيت نور.. اتفضلوا..
- أم زياد: البيت منور بأصحابه..

نادت زوجة العطار على ابنتها إيمان للترحيب بالضيوف: تعالى يا إيمان سلمى على أخواتك دول عشرة عمر وأكثر من الأخوات وأنت إيمان ورحبت بالضيوف بحياء واحتضنت إسراء قائلة: تعالى هوريك حاجة جوة، وسارا إلى إحدى الغرف..

تجاذبت الأسرتان الحديث مع صمت مُلفت من زياد فالتفت إليه الحاج رضوان وقال له: سيب الستات تقعد مع بعض وتعال نقعد أنا وأنت فى البلكونة شوية..

سارا إلى البلكونة وبادر الحاج رضوان زياد بالحديث قائلاً: أنت فى كلية أيه؟ كلية التجارة يا حاج..

ربنا يقويك يا ابنى بس متأخذنيش أنا عايز أسألك فى حاجة..

تلون وجه زياد فقد جاءت اللحظة التى يحاول الهروب منها؛ والتلمص من الإجابة على أسئلتها ولكنه مضطر للمواجهة فقال: اتفضل اسأل يا حاج أنا تحت أمرك..

شوف يا بنى أبوك كان صاحب عمرى وأخوي، ومينفعش أشوف حاجة ممكن تضر ولاده وأسكت، وزى ما أنت عارف أنت جيتلى المحل واشتريت شوية طلبات وأنا مش هخش فى حياتك ولا أقولك أنت عملت بيهم أيه؟ بس الحاجات دية يا ابنى بيتعمل بيها حاجات معينة، ومتنساش أن دية شغلتي.. قولى الصراحة عشان يمكن أقدر أساعدك لو صادفتك مشكلة..

زياد: أبداً يا حاج أنت عارف الشقة بتاعتنا عاملة إزاي وأنا قلت أبخرها..

ابتسم الحاج رضوان وقال: يا ابنى ده مش بخور عادى أنت كنت جى عارف أنت عايز أيه، يا بنى أنا زى أبوك احكى لى أنا قلقان عليك، و إذا كان على الحاجة والدتك وعد منى أنا مش هقولها أى حاجة..

مرت فترة صمت طويلة قطعنها زوجة العطار عندما دخلت عليهما قائلة: يلا يا حاج الغدا جهز.. جلس الجميع لتناول الطعام وقالت إسراء مبتسمة: أكلك حلو قوى يا إيمان طبعاً هتقوليلي عملاه إزاي؟

زوجة العطار: إيمان شاطرة فى المطبخ وفى عمايل الحلويات..

أم زياد ضاحكة: ابن الوز عوام..

انتهوا من تناول الغذاء والتفت الحاج رضوان إلى زوجته وقال: هاتى لنا الشاى أنا وزياد فى البلكونة.. وعند دخولهما إلى البلكونة بادر زياد الحاج رضوان بالحديث قائلاً: حضرتك أيه اللى مخليك متأكد أن الحاجات اللى اشتريتها منك تخص حاجة مش طبيعية..

ضحك الحاج بصوت مسموع وقال: يا بنى أنا عطار من زمان واللى بيعوز بخور بيطلب بخور بس نادراً لما حد يجى يطلب أصناف معينة زى اللى أنت خدتها.. يا بنى لو مش عايز تتكلم براحتك بس أنا قولتلك أنا خايف عليك ومش عايزك تتأذى..

- أنا يا حاج مقدرش أحكيك.. أنا حالف يمين، وبعدين دية أسرار مش هتفيدك ومش هتقدر تساعدنى فيها..

- قصدك عملت عهود ومواثيق..

- توتر زياد ونظر إلى الحاج مندهشاً من إطلاقه لهذا اللفظ..

- متستغربش يا ابنى بس إذا كنت عملت حاجة زى دية قوللى، وأنا هاقولك تحكى لى أمتى، وأنا هاحميك بإذن الله.

- حضرتك تحمينى من أيه يا حاج.. أصلاً مفيش حاجة..

تجاهل قوله الحاج رضوان وسأله: قولى يا بنى الأول.. فيه عهود؟
زياد: أيوة..

نظر الحاج رضوان إلى رقبة زياد وسأله: هو اللى أنت لابسه فى رقبتك ده حجر ولا أيه؟
وضع زياد يده على رقبته ممسكاً الحجر بحرص وقوة محاولاً إخفاءه وقال: لأ.. ده سلسلة عجبتنى واشترتها..

فى تلك اللحظة نادت أم زياد: يلا يا زياد إحنا اتأخرنا فتنفس الصعداء فقد أفلت من مأزق صعب وقام مسرعاً فاستوقفه الحاج رضوان قائلاً: يا زياد يا ابنى لو غيرت رأيك أنا هستناك بكرة فى المحل.. فكر وأنا فى انتظارك.

عاد زياد وأسرته إلى منزلهم، وإسراء تتحدث بسرور مع أمها عن إيمان فالتفتت أمها ووجهت لزياد سؤالاً: أيه رأيك فى الناس دية؟

- رد زياد باقتضاب: كويسين وتركهما داخلاً إلى غرفته مسترجعاً حديثه مع الحاج رضوان، لتتصارع بداخله الأفكار إلى أن نام وراوده أحد الأحلام فقد رأى نفسه جالساً وسط دائرة من دخان أبيض، وحول الدائرة رأى أشباحاً بدون رؤوس، ورؤوساً بدون أجساد، وحشرات مخيفة يحاولون دخول الدائرة فيصطدمون بالدخان الأبيض الذى يحيط بها ويتساقطون، وخلفهم كائن أسود بشع مخيف.. ورأى أخته إسراء جالسة مرتعبة فى أحد الأركان واتجه إليها هذا الكائن.. فحاول الخروج من دائرة الدخان لإنقاذ أخته فلم يستطع، ورفعها الكائن وألقى بها عبر الحائط إلى الفراغ فاستيقظ زياد من حلمه فرعاً يقتله القلق على أخته فقام مسرعاً وسار باتجاه الغرفة التى تنام فيها مع والدته فوجدهما

نائمتين، وبالرغم من اطمئنانه عليهما لم يستطع التخلص من قلقه من رؤية هذا الحلم المرعب، وتمنى أن يمر الوقت سريعاً حتى يذهب إلى الحاج رضوان فقد شعر بأنه يمكن أن يحمل عن كاهله بعض الأزمات التي يمر بها وأن يساعده في الخروج من مأساته التي صنعها بيديه..

وفى الصباح الباكر ذهب مسرعاً إلى دكان الحاج رضوان الذى رحب به وعلى شفقيه نفس الابتسامة الهادئة الودودة وقال: أزيك يا ابنى أنا كنت مستنيك.. ما أنت أصلك طيب وبقدرة ربنا هكون جنبك على طول ومتقلقشى من أى حاجة ما دام ربنا معانا، وقبل ما تقولى أى حاجة أنا هاحكى ليك حكايتي عشان تتطمئنى وتعرف أنى زى أبوك..

أنا يا بنى من بلدكم وأبوك كان صاحبي، ومكنش عندي ولا أرض ولا أملاك وكنت على باب الله بعيش اليوم بيومه وكنت زى أى شاب عندي طموح وأحلام، ولما كملت عشرين سنة ومع صعوبة الحياة قلت أنزل مصر ما هى رزقها واسع، والشغل فيها كثير، وفعلاً نزلت لمصر وقعدت فى لوكاندة وكل يوم أنزل أدور على شغل، واشتغلت فواعلى.. أشيل رمل ماشى أشغل مع مقاول أنفار ماشى لحد ما تعبت والأيام كلها بقت شبه بعضها، وبقيت محروم من كل حاجة، وياما قعدت أيام كثير أكل عيش ناشف وملح أو طعمية وفول، والليل دايمًا طويل وبيجى وراه ليل أطول منه، وفيه ليالى مكنش بيطلعها نهار لحد ما قابلت أبوك فى يوم صدفة، ووقف جنبى وقفه رجالة تصدق إنى أنا كنت ساكن فى نفس الشقة اللى أنت ساكن فيها دلوقتى.. أبوك خلانى أقعد فيها على ما الحال يتعدل، ما هو مكنش بينزل مصر كثير فمكنش محتاج الشقة، ولما سكنت فى الشقة دية كنت بشوف دايمًا ناس داخله وخارجة كثير من الشقة اللى قصادى، وطبعًا عشان أنا فاضى كنت بقعد على باب البيت كثير لحد ما فى يوم جت واحدة ست بتعيط وبتقولى هو ده بيت الحاجة محاسن؟ أنا وقفت ساكت مش عارف أرد عليها.. ما أنا معرفشى، وفى الوقت ده لقيت واحدة خارجة من جوة بتبص لى وبتقول لست اللى واقفة معايا عايزة مين يا أختى؟ فقالت لها أنا عايزة الحاجة محاسن.. قامت واخذها وداخله، وبعد شوية مشيت الست اللى جت بتعيط وهى مبسوفة؛ وخرجت لى الست اللى ساكنة فى البيت..

بينى وبينك كانت ست مربية ليها عين واحدة سليمة والثانية عين لونها رمادى وشكلها يخوف، ولاقيتها بتقولى أنت مين يا أخوي؟ عرفتها بي وأديتها أمارة عن أبوك عشان تصدق إنى صاحبه وقاعد فى شقته..

رحبت بيّ، وسبتنى ودخلت، ومن كتر ما كنت بقعد على باب البيت شايف اللى داخل واللى خارج خرجت لى فى يوم وقالت لى أنت قاعد هنا على طول ليه؟ هو أنت مبتشتغلش ولا أيه؟ فحكيت لها

ظروفي ولقيتها بتعرض عليّ أنى أشتغل معاها وأساعدها وسألتها هو أنت شغالة أيه؟ قالت لى بقف جنب الخلق وكله بثوابه.. قلت لها سيبينى أفكر يا ست.. بينى وبينك أنا كنت مبسوط من جواي، وقلت لنفسى: يمكن الشغل مع الست دية يكون أحسن من الشغل اللى بشتغله يوم وأبطله كذا يوم، ومن الصبح خبطت عليها وقتلتها إنى موافق على الشغل معاها وهى وعدتنى بتغيير حالى فى القريب العاجل..

صدقنى يا ابنى أنا مقصدتش الحاجة محاسن عمدًا لكن الظروف التى مريت بيها هى التى خلتنى استخبى فى عالمها.. قاطعه زياد بذعر.. أنت بتقول يا حاج أن الست دية كان اسمها الحاجة محاسن؟

أيوه يا بنى.. أنت عارف طلعت بتشتغل أيه؟ طلعت دجالة!!

قاطعه زياد يعنى الحاجة محاسن دية ست حقيقية؟

ضحك الحاج وقال: أيوه يا بنى أمال أيه؟

المهم أكمل لك.. اشتغلت مع الحاجة المبروكة زى ما كان الناس بيندهولها، واتعلمت أصول الدجل والشعوذة على حق، وقربت منها قوى بحكم العشرة، وابتدت تحكى لى عن حياتها وأن الظروف هى اللى عملت فيها كدة وأنها كانت واحدة عايشة زى أى واحدة فى بيت خالتها عشان أمها وأبوها ميتين وجالها ابن الحلال واتجوزت فى الشقة اللى قاعدة فيها دلوقتى، وفى أول أيام جوازها كانت بتشوف دايماً خيال بيمشى قدامها فى الشقة، وحكت لجوزها فخد الموضوع باستخفاف، والموضوع ده زاد لحد ما الخيال اللى كانت بتشوفه ابتدى يتكلم معاها وساعتها وقفت مع جوزها وقفة جامدة وقالت له: لازم تشوفلى حل لحسن هسيبك البيت.. يا راجل بقولك أن فى حد بيكلمنى ماتتنحدر كدة يا راجل..

جوزها قالها يا ستى أنا هتصرف، وبعد كام يوم جاب معاها واحد عرفت فيما بعد أنه ساحر.. وقعد يقرأ حاجات ويشاور على الأركان وبعد كدة خلاهم يجيبوا طبق صينى وحط فيه شمعة وحتة عيش وبلحة، وقالهم خطوه على باب الشقة وطمّنهم أنه عمل لهم صلح مع عمّار هذا المكان، وفضل الحال زى ما هو، والخيال بيظهر برضه راح جوزها جايب واحد تانى وبعد وقت طويل من التعازيم وغيره قالهم الروح اللى فى المكان ده جامدة وأنا مش قادر عليها أنتو لازم تجيبوا شيخ وهو الوحيد اللى هيطلع الروح دية ويطردها من المكان..

عاشت محاسن الأيام بخوف حتى إنها كانت تببب بعض الليالى عند جارتها فى الدور اللى فوق، وبدأت تحكى لجارتها عن الراجل اللى بتشوفه، وعن شعورها بيه وهو بيحسس على جسمها وأنها

بتشعر بأنفاسه حولها وخلفها بس مقربش منها ولا عمل فعل الأزواج، وبعد فترة جابلها جوزها شيخ، وبعد قراءة القرآن بالمكان وعليها أيام كثيرة استطاع السيطرة على هذا الطيف الموجود بالمكان بإذن الله، ولم يرض هذا الطيف إلا بأن يخرج من عينها وقد حاول معه الشيخ مرارًا وتكرارًا أن يُخرجه منها بدون أذيتها ولم يستطع، وقد خرج فعلاً هذا الطيف من إحدى عينيها التي ابيضت تماماً من وقتها، وبعد كدة اتوفى جوزها، وحالتها اتدهورت ومبقتش تلاقى اللقمة، وفي أحد الأيام جالها الشخص اللي مرة جه مع جوزها قبل كدة بحجة أنه جى يشوف مسألة الغفريت اللي فى البيت وعمل نفسه زعلان لما سمع منها أن جوزها مات، وشاف ظروفها الصعبة فعرض عليها أن يبدأ بتعليمها بعض الأعمال التي يمارسها على أن تعطيه نفسها، وتطيعه فى كل ما يطلب وخضعت له واستسلمت، وبدأت تتعلم منه السحر والدجل والشعوذة حتى ساءت سمعتها عشان الرجل ده كان بيجي عندها البيت كثير وهى قاعدة لوحدها من غير راجل لحد ما طلبت منه ألا يحضر لها وبأنها هت من ستذهب إليه، وبعد مرور الوقت ذاع صيتها بين الناس بأن لها قدرات خارقة، وبأنها تستطيع إلحاق الأذى بهم، ومر الزمن على نفس السجية إلى أن استفحل علمها بالسحر مما جعلها تستطيع تسخير جنى حارسا لها تسخره لتلبية بعض مطالبها.. فكان يكشف لها بعض الخفايا الخاصة بالناس التي بتقصدها للعلاج.. لدرجة أنها كانت بتظن أنه يقدر يحميها من الموت؛ وكانت مرتبطة بالقطط ارتباطاً هى نفسها لا تعلم كنهه، وكما حكى لى كانت تشعر نحوهم بعاطفة جياشة إلى أن امتلأ المنزل بكمية رهيبة من القطط.

وقد ترك الجيران فى الدور العلوى المكان بعد تواجد هذه القطط بكثرة وبسبب خوفهم من جارتهم الحاجة محاسن وانتشار شرها، وطبعاً لم يسكن أى شخص فى هذا المنزل من وقتها، وأصبحت أنا وهى فقط سكان هذا البيت وبدأت أتتلمذ على يديها وأنهل منها ومن بحور المعرفة الخاصة بالسحر والعالم المجهول، وتتلذذت على يديها حتى إنى تفوقت عليها فتعلمت علم أسرار الحروف وخواصها، وقد كان هذا العلم المفتاح السحري لحل جميع العقد والمشكلات.. ده أنا كنت بارقص مع التعوايز ولما كانت بتتعب من الرقص كانت بتيجى تنام جوايا،

أنت عارف إنى بشم ريحة بخور الشقة دية لحد دلوقتي وكثير قوى نفسى تبقى عايزة ترجع لأيام محاسن.. وتنهد قائلاً: ما أجمل الماضى!!

أنت عارف إنى كنت عايش زى الملوك.. ثم جلس على أحد الأجولة المتكدسة وأكمل كلامه: ومر بي الزمن والأيام دارت لحد ما قدرت نفسى تضحك على عقلى وفهمته أنه يقدر يمسك النجوم بأيديه..

السحر بقى حته منى وبقيت متكبر ومغرور، وحسيت إنى محتاج معرفة أكثر بالسحر فمارست رياضتى الأولى وبدأت الخلوة لأداء فترة خدمة للجن، وذلك فى مغارة معينة بأحد الجبال، وكنت محروماً من الأطعمة وأكل اللحوم وأكل الثوم، وكان كل طعامى من الشعير والماء، وحفظت دعوات وعزائم كثيرة جداً وأصبحت تلاوتها يسيرة سهلة بالنسبة لى، وبعد مرور فترة الخلوة عُدت إلى الحاجة محاسن وراجعت معها طرق القهر والعقد والحل واستخراج الدفائن والجلب والمحبة والتخريب والفرقة والبغض، وتفننت فى علم الأرصاد الفلكية والنجوم والكواكب كما تفننت فى جلب الأرواح الطيارين فى الهواء، وقهر الملوك والجبابرة، وتحكمت فى طرق الحجب من الجان والعفاريت وقتها تعمق عندى الإحساس بالتحكم فى الطبيعة، وامتلاك زمام العوالم حتى حاك الناس بعضهم البعض عنى القصص والخرافات فى أن لى صداقة ومؤاخاة مع الشياطين والجن، وبدأت العلاقة بينى وبين الحاجة محاسن تسوء نظراً لسؤال الناس عنى بالتحديد لتنفيذ أعمالهم؛ وبدأت الخلافات بيننا، ولأول مرة أرى الحاجة محاسن على حقيقتها.. فقد كان لها ذهن حاد، ونفس حاقدة شريرة، فحاولت أن تخضعنى لها، وكنت دائماً أستطيع رد شرها عنى إلى أن طلبت منى مساعدتها فى صرف عمار هذا المكان لاستحضار أحد ملوك الجان السفليين وبالفعل تكاتفنا، وأحطنا عمار هذا المكان بشُهبٍ من نار بلا ملجأ أو مفر حتى رحلوا؛ ولم نطلب منهم الرجوع إلى المكان مرة أخرى فأصبح المكان مكشوفاً بلا حجاب مانع..

وقتها ألهمنى الله معرفة حقيقة الكون ولماذا خُلِقنا، وتعرفت إلى نفسى بعدما كنت أجهلها فقررت الهروب من هذا المكان ابتغاء مرضاة الله وأيضاً لخوفى على نفسى منها؛ ورحلت تاركاً هذا المنزل نهائياً، وفتحت محل العطارة هذا.. ثم تزوجت ورزقنى الله سبحانه وتعالى بابنتى إيمان التى جعلت نظرتى للحياة مضيئة، وكلما كنت أنظر إليها أشعر براحة وطمأنينة، ومرت بى الأيام إلى أن أنتشر خبر وفاة الحاجة محاسن المفاجئ بين الناس وسمعت به مثلهم..

الصراحة يا زياد يا بنى أنا مشفتش اللى حصل بس هانقل لك كلام الناس زى ما سمعته.. الناس قالت إن الجيران فى البيوت اللى جنب بيت الحاجة محاسن كانوا يسمعون بالليل أصوات صريخ ودوشة، وبعد كدة مبقوش يسمعون حاجة لحد ما شموا ريحة عفونة وحشة قوى، فاتصلوا بالشرطة، ولما الشرطة جت وكسروا باب الشقة شموا ريحة العفونة دية بس ملقوش أى أثر للحاجة محاسن، ومن وقتها يا بنى الشقة دية الناس خافت تيجى ناحيتها ولا بيروحوا ناحية البيت من الأساس، أنا وجعلتك دماغك يا ابنى بالحكاية دية.. بس أنا بقى لى كتير عايز أفضفض وأتكلم مع حد غيرى..

فى هذه الأثناء شعر زياد بأنه يحلم فهو يسمع بنفسه أمراً لن يصدقه إذا نقله شخص إليه، ووجد نفسه فى وضع لا يمكنه من السيطرة فيه على انفعالاته، فقد تأكد تماماً بأن جارته تمثل خطراً عليه لا يمكنه الالتفاف حوله بل يجب عليه مواجهته ولكن كيف يواجه شراً لا يعلم ماهيته؟ ولا يستطيع مجابته، ويبدو أنه لن يعرف ما هو مصيره؟ ولعله من الخطأ أن يستمر هكذا بدون رفيق يرشده إلى الصواب وينتشله من الأخطار التى يمكنها أن تناله.. تفاقمت داخله الصراعات التى حطمت توازنه النفسى فقد ارتكب خطأً جسيماً بمحاول ة إقامة علاقة غير طبيعية مع جنس من عالم آخر لمجرد إشباع تخيلى لرغبة غير واعية لا يسعه حتى مجرد الإحساس بها أثناء اليقظة.. انتفض زياد من الحالة التى عصفت بكيانه وجعلته تائهاً فى اللحظة التى وضع الحاج رضوان يده فيها على كتفه.. أياه يا ابنى رُحت لحد فين؟

- مفيش يا حاج أنا سرحت شوية حضرتك قلت إنك هتقف جنبى، ووقت اللزوم ممكن تحمينى طب لو فيه قسم وفيه عهد أنا أخذته على نفسى بعدم الكلام وإفشاء السر.. هتحل لى الموضوع ده إزاي؟ ابتسم الحاج رضوان وقام بإغلاق باب المحل من الداخل، وكنس المكان، ورشه، وبخره ثم أحضر لوح صفيح ونقش عليه بعض النقوش الغريبة ورماه داخل المبخرة قليلاً من الوقت ثم أخرج اللوح الصفيح من النار ومحا الكتابة التى عليه وهو يتمتم تمتات غير مفهومة ثم أحضر بودرة حمراء ومزجها بالماء وخط خطوطاً من أول باب المحل إلى الداخل ثم وضع يديه على جبهة زياد قائلاً بصوت مسموع: بسم الله الرَّحْمَنِ الرَّحِيمِ ﴿ إِنَّا كُلَّ شَيْءٍ خَلَقْنَاهُ بِقَدَرٍ .. وَمَا أَمْرُنَا إِلَّا وَاحِدَةٌ كَلَمْحٍ بِالْبَصَرِ ﴾ سَلَامٌ قَوْلًا مِنْ رَبِّ رَّحِيمٍ أقسمت عليك أيها السيد كندياس..

أجبنى أنت وأعوانك وخدامك بحق دعوة آية الكرسي، وأعينونى على حجب زياد ابن زينب..
أجب أيها السيد كندياس أسرع من البرق..

عزمت عليكم بحق سليمان بن داود عليهما السلام أن تعطونى العهد والميثاق على تمام الحجب من إبليس والشياطين والغيلان، وجنان الأماكن، والتوابع، والهواتف، والعفاريت، ثم نظر طويلاً إلى باب المحل فظهر كائن قصير بيده عصا اقترب منه الحاج رضوان بهدوء شديد وخطف من يده العصا، وقال: أسالك يا الله أن تُنزل شديد العذاب والعقاب والصواعق الخارجة من أبواب نقمتك على من عصى هذه العصا التى فيها أسماؤك ودعواتك ثم أشار بهذه العصا على الأركان، واختفى كل شيء الخطوط الحمراء والكائن ولم يتبق إلا رائحة البخور ثم ذهب وفتح باب الدكان وهو يقول لزياد: تكلم كيفما تشاء فقد عاهدتنا الأرواح وما حولها من خدامها الموكلين بها بالأوفاق الجامعة الشريفة

وبحق دعوات آية الكرسي على حجبك وإخفائك من جميع خلائق الجن والطبيعة، ولكن لن يستمر هذا الحجب وقتًا طويلًا.. اتكلم بقى وأنت مطمئن..

بدأ زياد بقص كل الأحداث التي مر بها من وقت وفاة والده حتى ظهور الحاجة محاسن له بالشقة وزجر قاضى الجن لها، وبعد انتهائه من حديثه كسر الحاج رضوان العصا التي كان يحملها ورفعها عاليًا لتختفى كأن لم تكن وقال لزياد: اعلم أن هذا الكيس الذى وجدته كان لى وقد نسيته تمامًا عند حمل أمتعتى وأشياءى من الشقة.. ولكنه النصيب..

والآن يجب علينا التحرك سريعًا لمجابهة الخطر المحدق بك من الشياطين وأعوانهم؛ وللتخلص من المأزق الذى وضعت نفسك فيه بطلبك الزواج من ملكة الجمال، وإذا كان هناك حماية خفية من قاضى الجن لك فهى لن تستمر طويلًا لأنه يجب أن يزوجك بملكة الجمال أو سيعاقبك عقابًا شديدًا.. ثم رفع العطار يديه إلى السماء داعيًا الله لزياد: اسأل الله أن يكون بك رحيماً؛ ومن الآن وصاعدًا يجب أن تخبرنى بكافة مجريات حياتك وتفاصيل يومك حتى أحلامك يجب أن تخبرنى بها، ومن ناحيتى أنا سأحاول جاهدًا مساعدتك حتى تخرج سالمًا ممن حولك؛ ومش عايزك لو بدر بن عمك جه عندك تدخله الشقة خالص لحد ما أشوف أيه موضوع ماريا ده، وأتأكد من حاجة كدة جت فى دماغى، وطول ما أمك وأختك هنا عايزك متحسسهمش بأى حاجة، وبصنعة لطافة كدة عايزك متخلهومش يقعدوا فى البيت إلا عند النوم بس وأنا هافهم الجماعة عندى أنهم يستضيفوهم؛ وأنت من ناحيتك فهمهم أى حاجة بس أهم حاجة أنهم ميقعدوش فى الشقة كتير لوحدهم.. وأنا هوصل بس لأسوان عشان أستلم بضاعة للمحل جاية من السودان وهغيب كام يوم ولما أجى هنشوف هنعمل أيه؟

رغبات كامنة بداخلنا.. تراوغنا
من يستتر عنها.. يفوز
ومن يتوجه نحوها تقذف به إلى الهاوية..

بعد العثور على الكنز ومعرفة بدر من الملك الطاووس بكيفية الولوج إليه وحصوله على ما يريده منه، وطمعه في الاستئثار بالكنز وحده فكر ملياً في كيفية التخلص من ماريأ وأمها، وفكر أيضاً في الناس فكيف سيتقبلون فكرة غناه المفاجئ؟ فهل سقطت عليه ثروة من السماء؟ و إذا تطور الأمر ووصلت ثروة الناس عن ثرائه المفاجئ إلى الشرطة فكيف سيبرر لهم وجود هذه الأموال الطائلة بين يديه..

فكر طويلاً حتى تراءى أمام عينيه حل لتلك المشكلة، وفي الصباح الباكر توجه إلى محطة القطار مسافراً إلى بلدته للقاء والده..

- أزيك يا أبوي..

- ياه أخيراً افكرت أن أمك عايش..

- متقولش كدة يا حاج سعيد ده أنت الخير والبركة أنا عمرى ما استغنى عنك بس أنت عارف ظروف الدراسة..

- بقولك يا أبوي أنا عايز قرشين..

- ليه؟ هـى الفلوس اللى بابتعتها لك مبتكفيش؟

- تكفى أيه بس.. ده العيشة فى مصر مولعة.. هو أنت فاكرها زى البلد هنا!!

- خلاص حول على جامعة فى بلد قريبة علشان توفر المصاريف..

- افهمنى بس يا ابا.. أنا عايزك تببيع كام قيراط وتدينى فلوسهم..

- أيه يا روح أمك.. أنت عايز تورثنى بالحيا ثم أنت هتعمل أيه بالفلوس دية؟

- كدة أنت ابتديت تتكلم فى المفيد أنا هدخلك مشروع..

ضحك والده متهكمًا: أنت هتدخلنى أنا مشروع..

- يعنى أنت تعبت قوى فى الأرض دية.. ما أنت عارف وأنا عارف هـى جت إزاي..

- اخرس يا كلب.. ما أنت تربية أمك..

- مالوش لازمة الكلام ده أنا هاقولك الخلاصة.. أنت هتبيع قد خمس أو ست قراريط وتدينى فلوسهم

ولو عايز تظمن على فلوسك انزل معايا مصر وشوف أنا هاعمل بيها أيه؟

وأنا يا سيدى القيراط اللى هتبيعوا عشانى هيكون قصاده فدان منى، ومتخافشى ده أنا برضه ابنك

ومش هضرك نظر إليه والده مطولاً وباده بالقول: هو أنت يا بنى اتجننت ولا أيه؟

مشروع أيه ده اللى هيخليك ترد القيراط بفدان؟

لم يرد بدر على والده وإنما فتح شنطة سفره، وقبل فتحها قال لوالده: اللى أنت هتشوفه دلوقتي متتكلمش عنه أبدًا واخرج كيس طعام به بعض أرغفة الفينو كل رغيف ملفوف بورقة على حدة ثم قطع الورق من على أحد هذه الأرغفة وأخرج ما بداخله، ومد يده لأبيه.. اتفرج..

وقف والده مذهولاً مشدوهاً لا ينطق بأية كلمة.. فبادره بدر ضاحكاً: أنت اتصدمت ولا أياه يا أبو سعدة.. استفاق والده من هول مفاجأة ما رآه ومد يده خاطفاً إياه من يد بدر وقال: يخرب بيتك وبيت أمك.. جبته منين ده؟ وتفحصه من كل جانب ثم أضاف: ده تمثال فرعونى ومن الذهب كمان أنا مش مصدق اللى أنا شايفه أنت جبته منين ده؟

- شوف بقى يا حاج أنا رُحت سكنت مع واحد صاحبى فى شقة فى بيت قديم ولقيته هناك.. صدقتنى بقى أن فلوسك محفوظة.

- طب أنت عايز منى فلوس ليه ما دام معاك الثروة دية؟

- أنا هفهمك.. الشقة اللى أنا سكنت فيها موجودة فى حارة صغيرة، والمنطقة هناك حلوة وقريبة من السيدة زينب أنا قلت مينفعش أبيع التمثال ده والثروة تبان علي كدة فجأة فقلت اشتري بيتين فى الحارة دية وأهدهم وأبنيتهم عماير جديدة وبعدين أبيع العماير دية وأشتري بقى فيلا أو عمارة فى مكان جامد، والفلوس اللى هنشتري بيها البيوت دية لازم تكون معلومة المصدر عشان محدش يتكلم علينا ونخش فى سين وجيم.. يبقى إحنا بعنا أرضنا فى البلد واشترينا بيوت فى مصر..

- رد والد بدر بعدم اهتمام: أه.. ده اللى بيقولوا عليه غسيل أموال، ده أنت تفكيرك شيطانى.. صح أنت طالع لأبوك صحيح وده بقى هتبيعه لمين، وإزاي؟

- بيع التمثال ده مش بالساهل.. لسه هشوف ناس يشتروه..

- بس خلى بالك لحد ينصب عليك..

- متخافشى.. خلاص داخل معاي ولا أتعامل أنا وأتصرف لوحدى..

قام والد بدر من مجلسه خارجاً من الغرفة قائلاً لبدر قوم تعال معاي، وتوجها إلى غرفة أخرى بالدار، ورفع مرتبة إحدى الكنبات فظهرت سحارة مغلقة بقفل، فتحتها واستخرج منها صندوقاً من الكرتون به أوراق وقال لبدر: قوم يلا وتعال افرز معايا الورق ده عشان نطلع ورق الأرض الشرقية فبدأ بدر بقراءة الأوراق وفرزها فرأى أكثر من حُجة أرض وعقود أخرى لمستأجري أرض من والده، وأوراق ملكية لأكثر من منزل وإيصالات أمانة..

وفى تلك اللحظة نادى أحد الأشخاص على والد بدر من الخارج فقام والد بدر بفتح باب الدوار وأخبر من ينادى عليه بأنه سيمر عليه ليلاً ثم عاد ليجلس مرة أخرى ويكمل فرز وقراءة الأوراق، وبطريقة

مفاجئة أعاد الأوراق إلى الصندوق مرة أخرى وأعاد الصندوق إلى مكانه قائلاً لبدر: شوف يا بنى أنا فكرت كويس فى الموضوع ده.. أنا حالى كدة ميت فل وعشرة وأنا معاي الفلوس اللى مكفيانى ومعيشانى باشا، وعندى هنا فى البلد كام مصلحة كمان وعشان كدة أنا مش هبيع حاجة ومش هخس معاك فى أى مشاريع.. أنا مش عايز وجع دماغ..

رد عليه بدر مستاءً وبدت عليه ملامح الحقد والحنق والتوعد: يعنى يا ابا مش عايزنى أشوف حالى وأكبر عايزنى أبقى مستنى منك اللقمة والمصروف.. على العموم أنت اللى خسران، وأنا قلت أنت أولى من الغريب..

دفعه والده بصدره متعصباً وقال: هو أنت نسيت نفسك يا واطى يا ابن الكلب أنت بتكلمنى كدة ليه؟ وعشان اللقمة والمصروف اللى بتتكلم عليهم دول من النهاردة مش هتشوفهم ولا أنت ولا أمك، ويلا قوم اخرج من هنا ومش عايز أشوف وشك تانى.

نظر إليه بدر مصدوماً ثم أعاد حاجياته إلى شنطة سفره كما كانت وانصرف ذاهباً إلى والدته التى استقبلته بترحاب وأعدت له الطعام ولاحظت حزنه فقالت له بحنان: أيه يا بنى مالك؟

- مفيش حاجة يا اما..

- ضحكت وقالت له: هو أنا مش عرفاك لما بتبقى متضايق.. قولى يا بنى فيه أيه؟ هو أنت لىك حد غيرى تفضفضله..

- بحزن: أنا لسه جى من عند جوزك..

- اندهشت مستنكرة.. جوزى!!

- أيوه مش اللى اسمه أبوي ده يبقى جوزك..

- نهفته أمه: أنت بتتكلم يا بنى على أبوك كدة ليه؟

فقص لها ما دار بينه وبين والده وأخرج لها التمثال الذهبي الذى معه ثم استخرج بعض الأوراق كان يخفيها بملابسه وقرأ بعضها ثم أعطاها إياها فسألته: أيه دول يا بنى؟

- بصراحة لما واحد صاحب أبوي نده عليه أنا خدت من وراه شوية ورق من الصندوق اللى مخبى فيه الورق بتاعه وخبيتهم تحت هدومى..

- لطمت صدرها بيدها وقالت: أنت سرقت أبوك.. يالهورى يالهورى.. ده لو عرف هيقطم رقبتك ومش بعيد يوديك القسم..

- ما هو عشان كدة يا اما أنا عايزك تخبى الورق ده عندك.. ده فيه حُجج أرض وعقود وإيصالات أمانة.. وأنت محدش هيشك فيكى أنت كدة كدة مبتروحيشي عنده ولا هو بيجيلك.. ده حتى بيعت

لك مصاريك مع بنته اللي هي المفروض تكون أختي.. شيليه يا اما.. يمكن يموت وساعتها يبقى حقنا معاً، وبعدين ما أنا لسه بقولك أنه مش هيبعت لك ولا مليم ومراته الثانية متهنية بفلوسه؛ وكمان مش هيصرف علي ولا عليك..

تغير لون وجهها وقالت بحدة: هو أبوك من يومه مبيحبش غير نفسه هو أنت مسألتش نفسك أنا خلفتك وأنا كبيرة شوية ليه؟ أنا هاقولك وأحكيلك كل حاجة..

لما اتجوزت أبوك كنت مليانة شوية، وأبوك اتجوزني وأنا كدة، وبعد الجواز تعبت شوية بسبب التخن ده وكنت باخد علاج مينفعش أحمل وأنا بخده، وبعد ما خلصت العلاج الحمل اتأخر شوية لحد ما ربنا ما كرمنى وحملت فيك، وبعد ما خلفتك تخنت أكثر من الأول وده كان غصب عني..

أنا طبيعة جسمي كدة هاعمل أيه؟ وفي يوم أبوك راح فرح ابن واحد صاحبه ورجع من الفرحة وهو متضايق قوى وقعد يبصلي ويقول: توب علينا يارب أمتي هناخد إفراج؟

المهم أنا مكنتش حمل نكد ومشاكل قمت وخداه بالسياسة عشان أعرف ماله، وحكى لي إنه شاف العروسة مرات ابن صاحبه وقعد يوصف لي رجلها وأيديها وجسمها وجمالها ووصف فيها حاجات أنا مش هقدر أقولها، وأنا بصراحة اتحرق دمي وقعدت أعيط فلقيته بيقولي أنت لازم تخسى ومش عايز أشوفك بالمنظر ده وإلا هيكون لي معاك تصرف تاني..

رحت اشتكيت لأمي ومعرفتش تفيدني بأى حاجة بس قالتلي حاولي متكلش كثير عشان تبقى حلوة في عينين جوزك ويمكن تخسى شوية.. أنا بقيت مكلش وتعبت قوى وبقي يُغمي عليّ وعشان مكنتش باشرب فيه كثير جت لي حصوة وعملت العملية وبقيت ادعى عليه، وبعد ما عذبت نفسي وحرمتها من الأكل والشرب برضة مخسنتش وشكلى بقي مش حلو فقلت لنفسي أنا مش هاعيش إلا مرة واحدة يعني لازم أكل وأشرب ومحرمش نفسي، وأبوك مبيتمرش فيه حاجة، وبعد فترة كدة سمعت أن أبوك اتجوز عليّ رخت له بيت عروسته واتخانقت معاه ومعاه وقلت له أنا عشت معاك على الحلوة والمرة وبعد ما ربنا فتحها عليك واغتيت تتجوز عليّ اما أنت راجل ناقص ربنا ينتقم منك، وشتمته هو ومراته فعابرنى بتخنى قدام مراته الثانية وطردنى ومن ساعتها مشفتش وشه زى ما أنت عارف..

أنا يا بنى حكيتلك الكلام ده عشان تعرف أن أمك ده أنا ني وبتاع مصلحته وأنا مرضتتش أطلب منه الطلاق عشانك ما أنا كنت هصرف عليك منين، ولازم يفضل يصرف عليك ثم بكت بكاءً حاراً قائلة: أبوك ظلمنى وشيلنى الهم من يوم ما شفته ما هو اتجوزني تخينة أعمل أيه في نفسي؟

عارف.. أنا كنت هموت نفسى بس قُلت هسيبك لمين؟ وطبعًا هو كان هياخدك ويرميك لمرات أبوك تربيك، ويا عالم كانت هتعمل فيك أيه؟ أبوك ده مفترى مبيخافشى ربنا وأنت لما قلت لى أنك خدت منه الورق أنا خفت عليك ليعمل فيك حاجة..

هدأ بدر من روع أمه وقال: متخافيش عليّ يا اما اعتبرى أن الورق ده تعويض عن اللى عمله فيك، وفيّ وأنا دلوقتي هيسيبك يدوبك أسافر على مصر عشان أروح الكلية وأخلص شوية حاجات كدة.. سافر بدر عائداً إلى مصر وعند وصوله ذهب إلى اللوكاندة ووضع حاجياته فى غرفته وأفرغ شنطة سفره وأخذها فارغة ونزل سريعاً متوجّهاً إلى الكهف لجلب مزيد من التماثيل الذهبية والعملات الأثرية ليملاً بها الشنطة فقد قرر أخذ الكنز كله لنفسه ودخل إلى الكهف، وخلع الخاتم الذى أعطاه له الملك الطاووس وأشعل شمعة قد أحضرها معه وقرب الخاتم من النار لفتح أقفال الكنز، لكن لم يحدث شيء ولم يفتح باب الكنز فسأل نفسه ما الخطأ ولماذا لا يفتح الباب المؤدى إلى الكنز؟؟

عاود الكرة مرات عديدة ولم يستجيب الباب للخاتم ففقد الأمل وخالجه الشعور باليأس فتوجه إلى بيته القديم لمقابلة ماريا لعله يسترجع معها الأحداث السابقة فيمكن أن يكون قد نسى أمرًا ما، وتسلل إلى سكنه القديم، وطرق باب شقة ماريا برفق وفتحت له ماريا..

لم يتحدثا وإنما نظر لها بدر وأشار لها إلى أعلى وهزت ماريا رأسها بالإيجاب وسبقها إلى الدور الثانى، وبعد قليل لحقت به فاحتضنها بشوق مبالغ فيه وقال لها: أنت عاملة أيه.. وحشاني.. بقالى كتير مشفتكيش ومقعدتش معاك، وأغرقها فى بحر من الإطراء والغزل، وبادلها الأشواق محاولاً تقبيلها فأبعدته عنها وأفسدت عليه اللحظة قائلا: احكى لى عملت أيه فى اليومين اللى أنت كنت غايب فيهم؟

- عادى سافرت البلد شفت أبوي وأمى وغيرت جو، وبالمناسبة هو أنت قلت لماما على تصريح الكنز عايزين نقبض بقى.. أه كنت هانسى؛ وحكى لها عما جرى بينه وبين والده ونيتة لشراء منزلين فى العطفة منها يقدر يغطى على الثروة المفاجئة اللى هتكون معاه؛ وبرضه هيبقى جنبها..

وجهت له ماريا نظرات ملأها التحدى والغضب وبنبرات حادة قالت له: أيه اللى أنت عملته ده؟ وإزاي تتصرف كدة من غير ما تقولى؟ وإزاي تطلع السر ده برة؟

رد بدر بهدوء مستفز: محصلش حاجة يا ماريا أنا مقلتش حاجة لحد غريب ده برضة أبوي، وأنا كنت لازم أعمل كدة.. أمال أقول أيه للناس لما يلاقوا الفلوس بتجرى فى أيدي؟ وعمومًا متقلقيش واطمنى هو مرضاش يبيع الأرض وكمان مش هيديني ولا مليم..

- قالت له ماريا بنبرة تهديد ووعيد: من هنا ورايح أنت متقولش لحد أى حاجة، ومتعملش أى تصرف مرة ثانية إلا لما أحكى لماما على اللى أنت عملته..
- بقولك يا ماريا أنت فاكرة لما حكيت لك ساعة ما الكنز اتفتح..
- مش فاهمة..
- قال بتوتر: بصراحة أنا رُحت على الكهف قُلت لما أجرب أفتح الكنز وأجيب أى حاجة منه، وقربت الخاتم من النار وباب الكنز فضل مقفول ومتفتحش..
- ببرود أعصاب قالت: يعنى أيه جربت تفتح الكنز؟
- وأنت أيه اللى وداك هناك؟
- وإزاي تروح هناك من غير ما تقولى؟
- أنت تصرفاتك مبقتش مفهومة بالنسبة لى.. تصرفاتك دية ممكن تخسرك كل حاجة..
- صدقيني أنا مقصدتش أى شيء.. كل الحكاية أن فكرة جت فى دماغى وعملتها..
- طب يكون فى علمك إن الكنز عمره ما هينفتح حتى لو حطيت الخاتم فى النار لأن حضرتك متعرفش أن ماما بتكمل طقوس فتح الكنز من عندها هنا.. يعنى أكيد هت مش عبيطة عشان تعرف حد مكان كنز وهت نفسها مش هتعرف تحافظ على حقها فيه، وعمومًا أنت لازم تكون أصدق من كدة مع نفسك ومعانا وتكون نواياك كويسة بلؤم ولين ربت بدر على كتف ماريا وقال لها: أنت زعلت كدة ليه؟ أنا عمرى ما هاعمل حاجة تزعلك ولا تزعل مامتك ده أنتوا عيلتى ومش هاقدر أعيش من غيركم، وإذا كان على الكنز أنا مش هروح عنده تانى إلا لما أنت تقولى لى..
- سألتها مستنكرة: هو أنت جيت من البلد زى ما قلت النهاردة فين بقى شنطة هدومك؟ أنا شايقة معاك شنطة فاضية..
- بانزعاج وتوتر قال: أنا ما ارضتتش أجيبهم على هنا لحد ما أشوف الدنيا هنا فيها أيه فقمت رايح على اللوكاندة بس لو الدنيا هنا تمام هروح أجيبهم وأجى على طول..
- طيب على ما تروح وتيجى أنا هحكى لماما على كل اللى حصل، وأشوف رأيها أيه؟ ولما تيجى خبط على..
- نزلت ماريا ثم تبعها بدر بحذر وتوجس عائدًا إلى الفندق لجلب ملبسه وباقي أشياءه من اللوكاندة، ثم عاد متلغًا من اللوكاندة حاملاً شنطة سفره سائرًا بغير هدى مفكرًا فى كيفية التخلص من ماريا وأمها بعد حصوله على الكنز وفى أثناء سيره لمح فتاة تنظف الأرض أمام أحد المحلات بأحد المحلات

فحدثته نفسه: أيه البت العسل دية؟ لما أروح أسألها على أى حاجة يمكن الصنارة تغمز، واتجه إلى المحل واقفًا أمامه فتركت الفتاة ما تفعله ودخلت إلى المحل وقالت له أأمر يا أستاذ..

- معلش هو الشارع ده اسمه أيه؟

- نظرت له خائفة قلقة، وقد أحست تجاهه بشيء من الريبة، وقالت بتوتر وهى تحاول جاهدة إخفاء توترها وإشعاره بقوتها: هو اللى عايز يسأل على شارع بيقف قدام أى محل وخلاص؟

عمومًا أنت عايز تسأل على شارع أيه؟

- نظر داخل المحل وقال: هو أنتوا بتبيعوا أيه؟

- قالت بجدّة: أنت عايز أيه؟ هيّ غلاسة والسلام أنا هانده بابا يشوف البلاوى اللى بتتحدف علينا دية..

- يا ستى ولا بابا ولا حاجة أنا كنت عايز شمع.. عندكوا شمع؟

جلبت كيس الشمع وناولته إياه بغضب.. اتفضل..

وفى هذه الأثناء دخلت سيدة إلى المحل فتنفست الفتاة الصعداء وقالت لها: روى يا ماما بيعى للزبون ده عشان ده غلس وشكله كدة جى يهزر فتوجهت أمها إلى الزبون وقالت بتوبيخ: أنت جاي تشتري ولا قصدك أيه؟ وارتفع صوتها قائلة: لو أنت جى تهرج أنا هلم الناس عليك وأعرفك مقامك..

- بجفاء: أيه يا ست؟ أنا جى أشتري شمع هو أنا كلمتك، ولا أنتوا مش عايزين تبيعوا؟

أنتوا هترمو بلاويكو عليّ ولا أيه؟ بكام يا ست الشمع ده خلينا نمشي؟ أيه الناس الغريبة دية؟ ودفع ثمن الشمع ورجل سائرًا حتى وصل إلى العطفة ونظر يمينًا ويسارًا حتى لا يصطدم بزياد ابن عمه؛ وتسلسل قاصدًا المنزل وطرق الباب على ماريّا ففتحت أمها الحاجة محاسن.. تفاجأ وتلعثم قائلاً: أنا.. أنا.. ابتمت له ابتسامه هادئة وقالت: اتفضل يا بنى..

- لأ.. أنا كنت باسأل على.. أصلى مشفتش حضرتك بقالى كثير فقلت اسأل عليك..

باقتضاب: فيك الخير.. أنا كويسة..

- طب عن إذنك وذهب من أمامها كأنه متجه إلى شقة زياد، ثم صعد متسللاً إلى الدور العلوى، وأشعل إحدى الشمعات وجلس منتظرًا ماريّا، وبعد وقت قصير ظهرت له ماريّا حاملة لصينية عليها أطعمة..

- أنت بنت حلال أنا هموت من الجوع..

- كل.. ما أنت بقى لك كثير مكلتش من أكلى..

- أكل بنهم، وتحدث مع ماريّا: يا ترى كلمتى أمك عشان نجيب بقية الكنز..

- أنا مش عارفة أنت كل تفكيرك فى الكنز والفلوس..

شعر بدر بتسرع فبرر ذلك بقوله: هو أنا لما أسأل على الكنز مش ده عشانك برضه.. ما هي فلوس الكنز ده هي اللي هتلم شملنا، وتخلينا نعيش مع بعض مبسوطين ثم اتجه نحوها قائلاً: ده أنت وحشاني موت هو أنا موحشتكيش ولا أيه؟

احتضنها وامتص شفتيها بلا خوف ولا وجل وبث أشواقه هامساً..

تركت له نفسها بكل برود وسلبية وبلا أي رد فعل كأنها قطعة من الثلج فابتعد عنها وقال: أنت لسه زعلانة مني ولا أيه؟ وعاود محاولته مرة أخرى، وأمسكها من وسطها وأجلسها على رجليه.. ولم تبد أي مقاومة أو أي استجابة..

استشعر بدر رفضها له؛ فغير الحديث قائلاً: المفروض أبوي كان هيديني فلوس عشان نشترى البيوت زي ما قلت لك وده طبعا مش هيحصل دلوقتي الوضع بقى هيكون إزاي في الحنة اللي معانا دية؟ قامت ماريا ورفعت ملابسها ففرح بدر وحاول الاقتراب منها فدفعته بيديها بعيداً؛ وشدت خيطاً معقوداً حول فخذها معلق به قطعة من الدهن بها ثقب سوداء.. وأخرجت من جيب ملابسها بيضة، ولفت عليها قطعة الدهن فخرج منها دم لونه أسود منتن الرائحة..

- قال لها متعجباً أنت بتعملي أيه؟ وتهيا له تحول ملامحها وجسدها إلى شيء بغيض يُشبه الحية، واتجهت نحوه فتراجع خائفاً مرتعباً.. فقالت له ماريا: أيه مالك؟ دقق النظر فراها بحالتها الآدمية فظل ناظرًا إليها بصمت..

قالت له: يا بني مالك؟ اقتنعت نفسه بأنه قد هُييء لها ما رآته ورد على ماريا: أنا كويس بس كأني شفت كابوس

ضحكت.. أنت بتحلم وأنت صاحي؟ ده حاجة جميلة خالص.. المهم ماما أدتنى البيضة دية ومعها الدهن ده عشان عايزاك تعمل لها حاجة هتسهل لك أنك تروح تجيب الكنز كله وكل واحد ياخذ نصيبه، وماما عارفة إنني هديك الحاجة دية وهانزل على طول.. بس مطلوب منك تعمل كام حاجة كدة.. - قولي يا مغلباني..

- أنت هتقلع هدومك دية وتنجسها كلها، وبعد كدة هتلبسها بالمقلوب..

- وأنا هاعمل كدة لوحدى ما أنت نازلة وسيباني..

- متقلش أنا عارفة إنك دني وعشان كدة أنا لي واحدة صحبتي هتيجي دلوقتي وهاتعمل معاها كدة.. تتمم بينه وبين نفسه: هو أنتو كلوكوا كدة؟

نظرت له قائلة: لأ يا محترم كلنا مش كدة بس الحاجة اللى مطلوب تعملها مطلوب ليها النجاسة ولبسك يكون بالمقلوب، وعايزين نعملها بسرعة.. وعشان أنا عندى ظروف اتصرفت وجبت صحبتى.. بس اعمل حسابك دية بنت، وأوعى تغوط..

- طب بعد ما أنجس اللبس كله وألبسه بالمقلوب المطلوب منى أليه؟

- شوف يا سى بدر أنا عارفة إنك لسه معاك مفتاح شقة زياد، وأنا هقولك تنزل إمتى، وكل اللى عليك تعمله إنك تعلق البيضة الملفوف عليها حتة الدهن دية فى شقة زياد..

- واشمعنى يعنى فى شقة زياد؟

- يا بنى ماما هى اللى قالتلى أن الأرواح طلبوا منها إنك تعمل كدة عشان أنت اللى فتحت الكنز؛ وبعدين أنا مش هاقولك الأرواح دية ممكن تعمل فيك أليه زى ماما ما حكتلى..

أقل حاجة الأرواح هتعملها إنها هتخليك إنسان ملكش روح، وممكن تكون خيالاً أو سراباً أو مخلوقاً لا وجود له، فخلينا ننفذ المطلوب مننا عشان ناخذ الكنز كله ونعيش بقى، ويا خويا الموضوع بسيط أنت مكبره كدة ليه؟ ده أنت يا دوك هتعلق البيضة دية فى الشقة، وبعدين هو أنت نسيت إنك عاهدتني على الإخلاص والوفاء، وبأننا مش هنسيب بعض أبداً

- أنا عاهدتك أه.. بس إحنا مكناش اتفقنا على كدة..

- ابتسمت ابتسامة هادئة قائلة: العهد ده مش أى كلام لأن نقضه هيكون مش سهل.. هو أنت نسيت إنك خلتنى مش بنت وبقيت مدام بسببك، وماما لو عرفت هتاخذ روحك وهتخليك زى الكلب.. رميم.. مجنون كل الناس هتخاف تقرب منك.. مش هتعرف تنام ولا تقوم، و إذا حببت تاكل هتلاقى الأكل نار و إذا حببت تشرب هتلاقى المية دم..

دا ماما قادرة وأنت متعرفهاش.. راجع نفسك يا شاطر، واختار إنك تكون معانا أو مطولش حاجة خالص وتخسرني، وماما تأذيك ثم ضحكت وقبلته وهى تقول: أوعى تفتكر أنك ممكن تهرب منى دا أنا بحبك قوى ومش هاقدر أعيش من غيرك..

وأنا هانزل دلوقتي عشان استنى البنات اللى قلت لك عليها تحت، وعشان متأخرش على ماما..
جلس بدر محدثاً نفسه بجبروت قلب ميت: وأيه يعنى طب ما أعلق البيضة فى شقة الزفت ده اللى اسمه زياد كان يوم أسود يوم ما شفته، وهى هتخلينى غنى وهتجيبلى كل اللى أنا عايظه، وبعدين دا عارفة غنى سرقت ابوي وعارفة عنى كل حاجة دا ممكن تبلغ عنى؛ وكدة كدة مش هاقدر عليها هى ولا أمها؛ أنا هنام شوية على ما تيجى البت صحبتها دية، ويبقى يحلها حلال..

هزت ماريما بدر بعنف اصحى اعمل اللى قلت لك عليه..

- استيقظ مفزوعًا وقال بعفوية: أعمل أيه؟

- اخلع كل هدومك عايز أشوفك زى ما أمك ولدتك، وحط الهدوم دية على الأرض، ثم قالت: ادخلى..

دخلت فتاة حسناء بديعة الحسن.. فقالت له ماريا: أنت هتنام معاها وتنجس كل الهدوم بتاعتك ومتنساش إنها بنت وخلقى بالك منها ومتسخنش قوى.. أنت دلوقتي بتعمل شغلانة وخليك عاقل كدة، وهقولك تعمل أيه بعد كدة ثم تركتهم ورحلت..

اقتربت منه الفتاة.. تحسسها.. أنها فتاة أجمل من ماريا..

ألقت بنفسها له فقام هو بالجهد الكامل ليُلهب إحساسها الجنسى.. شق بوابة الدهليز بقوته الذكورية..

تألمت الأنثى بضعفٍ طاغٍ أوهج شهوته.

وجدها فتاة بكر لم تُمس فتعمق أكثر فى النهل من نهر الرغبة، وساعدته هى فى الوصول أكثر من مرة إلى اللذة وفى كل مرة يقوم بوضع قطعة أخرى من ملابسه تحتها حتى فاحت رائحة النجاسة بالمكان وهدأت ثورته الجنسية تمامًا..

توارت الفتاة عندما عادت ماريا مرة أخرى حاملة بيديها صينية طعام، وقالت لها: نجامك فى الأفراح.. متشكرين أنت امشى دلوقت وأنا هاتصل بيك..

انتهى بدر من تناول الطعام وقالت له ماريا له: شفت أنا جدعة معاك إزاي وعارفة أنت بتحب أيه وبعملهولك.. أهو طول ما أنت بتسمع كلامى هتبقى حياتك كلها كدة انبساط فى انبساط..

قوم بقى البس هدومك زى ما قلت لك وانزل على شقة زياد وعلق البيضة فى الشقة؛ وعازاك تفضل نجس متستحماش وبقية اليوم اعمل اللى أنت عايزه لحد ما ناخذ بقية الكنز..

لبس بدر ملابسه الملوثة النجسة بالمقلوب ثم نزل متسللاً لشقة زياد، وعلق البيضة المغطاة بقطعة الدهن بالشقة ثم خرج مسرعًا صاعدًا إلى الدور العلوى محاولاً النوم والهروب من الأفكار التى تعصف به، وتذكر ردة فعل أبيه ورفضه معاونته ليسيّط عليه شعور بالانتقام من أبيه فأرشدته شيطانه إلى طريق الانتقام ليتجه فى صبيحة اليوم التالى إلى أحد المستشفيات، وسار بها متفرياً فى وجوه العاملين والممرضين إلى أن اختار أحد هؤلاء الممرضين الذى توسم فيه الشر واستوقفه؛ وأخرج سيجارة ناولها له قائلاً: حضرتك شغال هنا؟

رد عليه الممرض: لأ شغال هناك.. أأمر؟

- أنا عايزك فى مصلحة واللى أنت عايزه هتاخده..

- لمعت عين الممرض وقال: أنا تحت أمرك..
- ابتسم زياد لأن اختياره كان صحيحًا.. فأهل الشر يعرفون بعضهم البعض جيدًا وقال له: أنا كنت عايز كام عينة دم..
- تأفف الممرض قائلاً: كل ده عشان عايز أكياس دم ما تنزل يا عم على بنك الدم تحت، واشترى اللى أنت عايزه وهم بالانصراف..
- استوقفه بدر قائلاً: اصبر بس أنت مفهمتنيش كويس.. أنا عايز كام إبرة كل إبرة فيها شوية دم..
- اندهش الممرض ونظر له مستنكراً وقال: أنا مش فاهم حاجة أنت عايز أيه بالضبط؟ وضح كلامك..
- قال له بدر: أنا هافهمك..
- أنا عايز كل إبرة من دول فيها دم من بتاع المرضى.. يعنى دية إبرة فيها دم مريض بفيروس سى؛ وده فيها دم مريض بالإيدز وكدة يعنى..
- نظر له الممرض بشك وقال: يا نهار أسود، وأنت هتعمل أيه بالدم ده؟
- بصراحة أنا أختى تعبانة قوى وودناها لدكاترة كتير ومتعالجتش، وفى شيخ قالنا على موضوع الدم ده وقال إنه عايزه عشان هيعرف يعالج بيه أختى..
- ضحك الممرض متهكماً: أختك.. أه.. يعنى نقول أنت هاتعمل عمل أو.. قاطعه بدر: أنت مصلحتك محفوظة.
- طب سيبنى شوية وأنا هدبرلك اللى أنت عايزه، وادينى رقمك وأنا هرن عليك لما أحضر المطلوب بس سيب لى عربون، و إذا كنت كمان عايز بواقى من عمليات المرضى من اللى بنحرقها بعد العمليات مفيش مشكلة بس خلى بالك الدم اللى هتاخده هتخط حواليه تلج وتهبطه فى الفريزر وأنا هاديك مادة تُحطها على الدم عشان ميتجلطش أعطاه بدر رقم تليفونه وأكد عليه بضرورة الاتصال به بأسرع وقت ممكن، ومفيش مانع لو جاب حاجة من بواقى أى عملية ثم سلمه مبلغاً من المال كعربون وقام بالانصراف..
- وبعد مرور بعض الأيام اتصل الممرض ببدر وأخبره بتوفيره ما تم الاتفاق عليه بينهما، وطلب منه باقى المبلغ المتفق عليه وذهب بدر إليه وأخذ منه الدم ثم سلمه باقى المبلغ المتفق عليه بينهما ثم اتجه إلى اللوكاندة بعد شراء أكثر من جوانتى طبى بلاستيك، وثلجاً وأحضر أنا ء فارغاً وأفرغ به الدماء الموجودة بالسرنجات ثم أضاف المادة المانعة للتجلط؛ ووجد قطع لحمية صغيرة جداً نتاج عمليات المرضى فقام بخلط كل ذلك ببعضه البعض، ثم أحضر زجاجة صغيرة وضع فيها هذا الدم المخلوط ثم وضع حول الزجاجة ثلجاً ولفها بقطعة قماش، وفى صبيحة اليوم التالى قام بالتوجه

لمحطة القطار والسفر إلى البلد.. واتجه مباشرة إلى منزل والده ثم طرق الباب وفتحت له زوجة أبيه وكانت مستعدة للخروج هي وابنتها لزيارة أختها فقالت لبدر: خير؟ أبوك مش هنا ومعرفش هو فين، روح اسأل عليه فى القهوة اللي بيقد عليها ومعلش مش هاقدر أقعد معاك عشان أنا خارجة رايحة مشوار..

- ابتسم لها وسلم على البنت الصغيرة وقال: أنا آسف أنا كنت جى أسلم عليه وماشى على طول، أنا هروح أشوفه يمكن قاعد على القهوة، وسار ذاهبًا إلى القهوة، وقابل والده بالطريق وبمجرد رؤية والده له أشاح بوجهه فتأسف له بدر عما بدر منه قائلاً له: أنا آسف يا ابا أنا راجعت نفسى ولقيتني غلطان سامحنى، وأنا جيت عشان أبشرك أنى بعت الحقة اللي معاي وبقى معاي فلوس كثير، وهديك كل اللي أنت عايزه بس أنا مجبتش فلوس معاي المرة دى عشان قلت يمكن متكنش موجود فى البلد..

تهلل وجه أبيه وقال له: يا بنى متأخذنيش على الكلام اللي قلتهولك المرة اللي فاتت، أنا كنت متنرفز؛ وأنا كنت رايح دلوقتي لأمك اسأل عليك وأراضيها وتأسف لها على كل اللي حصل منى، وأشوف طلباتها ثم أضاف قائلاً: الكلام مش هينفع هنا يلا بينا على البيت نتغدى سوى ونتكلم براحتنا.. فى المنزل بحث أبوه عن زوجته فأخبره بدر بأنه عندما جاء للسؤال عنه كانت رايحة مشوار.. فقال له أبوه: أيوة أيوة.. دية كانت قايلة لى إنها رايحة لأختها.. كدة أحسن عشان تحكى لى بالراحة كدة أنت عملت أيه ومعاك فلوس كام، وعقبال ما تيجى الجماعة تحضر لنا الغدا أنا هقوم اعمل لنا شأى فاستوقفه بدر قائلاً: خليك يا ابا أنت شاو لى بس على المطبخ وأنا هاعمل الشأى.. أنت بقى لك كتير قوى مشربتش شأى من أيدى فأرشدته أبوه إلى المطبخ، وتركه ليعد الشأى فأخذ بدر كوبًا زجاجيًا وألقاه بقوة على مدخل المطبخ فانكسر وتناثر زجاجه على مدخل أرضية المطبخ فهرول إليه أبوه مسرعًا فأصابته إحدى قطع الزجاج بقدمه فصرخ..

جرى عليه بدر حزينًا وقال: معلش يا أبوي، أنا الكوباية وقعت منى غصب عنى، أنت اتعورت ولا أيه؟

قولى فين القطن والصبغة يود عشان أطهر لك الجرح، واستند أبوه عليه متأففًا متوجعًا وأشار له على أحد الأدراج فى الصالة.. هنا فيه قطن وصبغة يود، وأجلسه على إحدى الكنبات قائلاً: مدد أنت هنا على ما أجيب شوية مية انظفك بيهم الجرح، وانطلق إلى المطبخ لإحضار ماء لتطهير جرح أبيه، وفى المطبخ أخرج من جيبه الزجاجاة التى كان قد خطبها دماء المرضى المصابين بالأمراض المختلفة، وفتحها ممسكًا بها بخفاء خلف قطعة قماش بيد، وفى اليد الأخرى طبقًا ملئ بالماء،

وعاد إلى مكان جلوس والده فوجده مستلقيًا على الكنبه يئن متألمًا فمسح الجرح ببعض الماء ثم فتح زجاجة الصبغة يود أمام والده ووضع بعضًا من محتوياتها على القطنه التي يُمسكها ووضع زجاجة الصبغة يود والقطنه على منضدة صغيرة بجوار الكنبه وأمسك بقطنه ثانية وسكب عليها الدماء من الزجاجة التي يحملها، ومسح بها جرح أبيه..

قال له أبوه: هي صبغة اليود دية مش حرقانى ليه؟ فرد عليه بدر: عشان الجرح سطحي..

وأتى بقطنه أخرى وسكب عليها باقى محتويات الزجاجة ووضعها على الجرح الذى يقدم أبيه وربط عليها قطعة من القماش قائلًا: أنا ربطتها لك عشان متوجعكش..

ونظر إلى أبيه وقال: أنت شكلك تعبان أنا هسيبك تنام شوية وهروح أزور أمى، ومعلش أنا مش هقدر أرجع هنا تانى النهاردة عشان مسافر على مصر، ولما أجي المرة الجاية هاتصل بيك قبلها عشان أجي بك الفلوس.. يلا عايز حاجة.

- لا يا بنى اتفضل.. مع السلامة..

مرت الأيام وسافر بدر مرة أخرى إلى البلد ليرى أثر ما فعله بوالده وهل أتى بنتيجة أم لا؟ وتوجه لمنزل أمه ورحبت به حزينه فقال لها: مالك يا اما أنت عايزة فلوس؟
لأ يا بنى أبوك تعبان شوية..

شعر بخروج قلبه من بين ضلوعه وقال: ماله؟

- أنت سافرت من هنا المرة اللي فاتت وحصل اللي حصل.. أبوك تعب قوى وودوه المستشفى فى مصر، ولما رجع حجزوه فى المستشفى هنا فى البلد بس فى أوضة لوحده، وأنا لما عرفت رُحت عشان أزوره.. ده برضه جوزى لقيتهم بيقوللى أن عنده مرض وحش، ومينفعش أقابله..

- آيه يا اما سرطان والعياذ بالله.. اللهم احفظنا..

- لأ يا بنى عنده حاجة اسمها أز ومش عارفين جاله منين ده؟

- قصدك إيدز يا اما، وصح ده جاله منين؟ تلاقيه عمل حاجة كدة ولا كدة مع واحدة من إياهم ونقلت له المرض يا بنى حرام عليك متقولش عليه كدة.. ده برضه أبوك، ولازم تروح عشان تزوره..

خرج بدر قاصداً زيارة أبيه، وعند سيره قابل أحد أصدقاء والده فسلم عليه، وقال له صديق والده: شد حيلك يا بنى أنا لسه كنت بازور أبوك ومعرفتش أشوفه، والدكتور قاللى إنه تعبان قوى وعشان سنه كبير المرض اتمكن منه وربنا يسترها.. يمكن يتبسط لما يشوفك ويقوم لنا بالسلامة، فاستأذنه بدر فى الرحيل متوجهاً إلى المستشفى ودخل إلى المستشفى سائلاً عن غرفة والده ثم صعد إلى الغرفة ليجد زوجة أبيه تصرخ وتلطم سايبنى لمين؟

هاعمل آيه من غيرك؟ ومن حولها كثير من الناس يحاولون تهدئتها.. فأدرك أن أباه قد رحل عن الدنيا وساوره إحساس بالراحة وبالحنن فى نفس الوقت فقد جاءت الأموال إليه وما سيورثه عن أبيه ليس بالقليل، وسار إلى زوجة أبيه حزيناً باكيةً مواسياً لها، وذهب لإدارة المستشفى لإنهاء الإجراءات اللازمة لدفن أبيه وأتممها، وقام بدفن والده وأخذ العزاء فيه، وبعد انتهاء العزاء ذهب إلى زوجة أبيه معزياً لها..

- البقاء لله متزعليش نفسك الموت علينا حق..

ردت عليه باكية: أنا اللي مجنى إنه كان كويس وفجأة تعب.. أنت فاكر اليوم اللي أنت جيت فيه وقلت لك روح له على القهوة بعدها على طول تعب..

- حاول بدر إخفاء توتره وقال: إحنا عايزين نعمل إعلام وراثة.. أنا هكلم المحامى يمشى فى الإجراءات..

ردت عليه حانقة: إعلام وراثة آيه؟ ده أنت لسه دافن أبوك ودمه مبردش، آيه يا اخى خلاص هو الورث هيطير دت أنا مشفتش كدة..

- انقلب وجهه قائلاً: أيه هو ده؟ هو أنا أجرت؟ ده حقى أنا وأمى.. أنا ببيك من غيرك هروح للمحامى ونمشى فى الإجراءات، وخلقى بالك أنا عارف كل أملاك أبوي..
- يعنى أنا هاسرقكم ده أنت واد قليل الأدب، وأبوك كان عنده حق لما طردك من هنا..
- نظر لها بدر من أسفل إلى أعلى وتركها ورجل بدون أن يتفوه بأية كلمة ثم عاد إلى منزل والدته وواسها وبعد انصراف المعزيين تسامر معها قائلاً: شفت بقى أنا صح إزاي..
- صح فى أيه يعنى؟
- فاكدة الورق اللي أنا خبيته عندك.. أدينى هاعمل إعلام الوراثة ومش هاحط فيه حُجج الأرض اللي أنا شايلها عندك وإيصالات الأمانة هابقى ألم فلوسها، وبكدة يبقى ضربنا عصفورين بجبر واحد..
- استعازت أمه منه بالله: حد الله.. أنا يا ريتنى ما سمعت كلامك من الأول، أهو الراجل مات فطيس ومخدش حاجة معاه وأنا مش هأخذ قرش حرام، ومش هأخليك تعمل كدة، و إذا عملت كدة لا أنت ابنى ولا أنا أعرفك..
- اهدى بس يا اما أنا هاحط الورق فى إعلام الوراثة بس ورينى الورق أشوفه..
- احضرت له والدته الأوراق فقرأها، وتأفف قائلاً: أيه الحظ ده؟
- مالك يا فالح؟
- عارفة دية حُجة أرض عمى أبو زياد، ودية وصلات أمانة برضه على عمى، وده تنازل من عمى عن الأرض والباقي عقود إيجار لفلاحين تانيين..
- اعمل حسابك أنا هأخذ الورق ده وهاتصرف مع مرات أبوك..
- تهلل وجهه وقال: أيوة كدة يا حاجة.. هو ده الكلام..
- متتبسطشى قوى كدة أنا مش هاعمل اللي فى دماغك أنا هرجع الحق لأصحابه..
- وضع يده على الورق بقوة كأنه يحافظ عليه وقال محتدًا: لأ يا اما مش للدرجة دية.. يعنى أيه تبقى الأرض معأنا ونرجعها تانى؟ ده مش اسمه كلام ده..
- يا بنى اللي أبوك سابه مش شوية، ولأزم نرجع الأرض دية، ولو حد ليه حاجة نديها له عشان أبوك يرتاح فى ثرْبته فنظر لها شذراً ثم خرج متعصبًا ضاربًا كُفًا على كف، وعاد بعد قليل من الخارج، وقد هدأت نفسه قليلًا فقالت له أمه: يا بنى الحرام مييدومش، وأنا مش عايزاك تعمل حاجة حرام.. أبوك عمل حاجات كتير وحشة فى الناس، وفى الآخر تعب ومات ومخدش حاجة معاه.. يا بنى أنا عايزة أقابل ربنا وأنا ضميرى مستريح أنا مخدش الدنيا ومش عايزة كمان أخسر الآخرة..

ارضيّني يا بني واسمع كلامي إذا كنت بتحبنى ولازم يا بني نتصل بولاد عمك عشان نروحلهم ونديهم الورق، وأنا من بكرة الصبح هروح على مرات أبوك واتفاهم معاها، وهى مش هترضى أن أبوك يتعذب عشان الحرام اللي عمله..

- أنا معاي رقم زياد بن عمى، وأمسك موبايلها وسجل عليه الرقم وقال: كلميه أنت بقى عشان أنا مش هاقدر أروحلهم معاك ثم انصرف وسافر إلى مصر يمشى الهوينى بلا هدف، وفى داخله شعور بالراحة من أنه قد اقتصّ من والده وجلس على إحدى المقاهى القريبة من منزل زياد.. فهو تعب يريد أن يرتاح لى يفكر جيدًا كما أن عليه أيضًا أن يذهب للمنزل متأخرًا حتى لا يشعر به زياد..

وفى هذه الأثناء مر زياد من أمام القهوة التى يجلس عليها بدر ورأه ففكر فى التكلم معه ولكنه قرر الذهاب إلى دكان العطارة وأخبر الحاج رضوان عن رؤيته لبدر وطلب منه أن يأتى ليراه وأرادت زوجة العطار أن تأتى معهما لرؤية بدر..

أشار لهما زياد عليه قائلاً: شايفين الشاب اللي قاعد هناك ده، أهو هو ده بدر ابن عمى سعيد بس هو آيه اللي مقعده هنا؟ ده ساب السكن معاي والشقة من بدرى..

مالت أم إيمان على الحاج رضوان وقالت له على فكرة يا حاج الواد ده وأنت مسافر جالنا المحل يشتري شمع، وكان بيستظرف معانا.. فنظر لها الحاج معنًا إياها: وأنت مقولتيليش ليه؟

- يا حاج أنا قلت ده زبون زى أى زبون ما أنت عارف المحل وبتقعد فيه، وياما بيتحدف عليك ناس أشكال وألوان كويسين ووحشين..

- طب خلاص متشغليش بالك دلوقتي أنا هابقى أتصرف معاه بعدين ثم عادا إلى منزلهما وأثناء تناوله للعشاء تحدثت زوجته وابنته إيمان معه فقالت الزوجة: والله يا حاج دول ناس ولاد حلال وغلاية زينا..

رد الحاج رضوان مبتسمًا: أبو إسراء صديق الطفولة بالنسبة لى، وكان لما بيحجى مصر بنقعد مع بعض بس المشكلة أن كل واحد منّا فى بلد والدنيا مشاغل.. وعشان كدة بس مسمحتش الظروف أن الأسرتين يقعدوا مع بعض؛ وعلى العموم يا ستى أنا رايح أسوان كام يوم وأنت هتقفى فى المحل لحد ما أرجع.. أبقى خدى إيمان معاك، وأديها فرصة أن إسراء وأمها يبقوا يقعدوا معاكم طول النهار بس أهم حاجة تضيفوهم كويس.. دول برضه ضيوف وأغراب عن البلد، وابتسم لائماً لابنته إيمان: هو اللي بياكل مبيشربش شاي ولا آيه؟

قومى يلا اعملى لى شاي من أيديكى الحلوة على ما ماما تحضر لى الشنطة فقامت إيمان لتُعد لأبيها الشاي، ودخل الحاج مع زوجته لتجهيز شنطة سفره، وفى أثناء توجه إيمان لغرفة أبيها لمنادته لشرب الشاي بعد إعدادها له شد انتباهها ذكر أبيها لاسمها أثناء محاورته مع أمها؛ فتغلب عليها الفضول بالرغم من أن التنصت ليس من طبعها فأرھفت السمع وسمعت حديث أبيها لأمها..

- خلى إيمان متقعدش فى البيت لوحدها ومتسيبهاش خالص حتى لما تفتحى المحل خديها معاكى، وخليها هى وإسراء يقعدوا مع بعض زى ما هما عايزين، وأنت اقعدى مع أم زياد ومتحسسهاش بزهقك منها..

- بس يا حاج هما أكيد لو جُم يقعدوا معاً ممكن يزهقوا، وممكن يكون وراهم حاجة..

- العطار ضاغطاً على الحروف عند نطقها: يا حاجة هما عندهم ظروف زياد حكاها لي؛ وهيضطروا يقعدوا معاكم طول النهار ويروحوا على النوم..

قامت الحاجة بوضع يدها على كتف الحاج قائلة له: قلبى بيقولى إنك مخبى عليّ حاجة.. قولى ده أنت مجربنى أنا برضه سترك وغطاك..

- قال العطار لها بتردد وهو مطرق الرأس حزيناً مهموماً: والله يا حاجة أنا كنت عايز أقولك بس مكنتش عارف أقولك إزاي المشكلة أن زياد مورط نفسه فى موضوع كدة وجالى عشان أساعده فيه.. قاطعته الحاجة بهلع: يا لهوى، وأنا اللى كنت عايزاه ياخذ البت يطلع بالأخلاق دية؟ رد عليها الحاج متأففاً: أيه اللى بتقوليه ده؟ أنت دماغك راحت فين؟

- أمال أيه الموضوع يا حاج؟

- فاكرة موضوع أخو الحاج أحمد!!

- سعيد.. الله يلغنه.. أنت أيه اللى فكرك بيه يا حاج؟

- أيوه.. سعيد ده ليه ابن اسمه بدر والصدفة جمعته وخلته يبقى صاحب زياد بنفس الكلية، وفيه موضوع كدة زى اللى عمله زمان سعيد مع أخوه أحمد.. بدر عايز يعمل مع زياد..

- يا نهار أسود.. هو عايز يربطه هو كمان؟

ضحك الحاج قائلاً: يربطه أيه ونيلة أيه يا ولية.. الموضوع مش كدة.. وهم بالخروج من الغرفة قائلاً: أنا هتأخر على السفر، ولما أجي من السفر هاحكى لك بس أنت خلى بالك من بنتك وضيوفك.. عادت إيمان فى تلك اللحظة مسرعة إلى المطبخ كأنها تعد الشاي وجلبته، وشرب أبوها الشاي ورحل ليلحق بالقطار لكى يسافر لإحضار بضاعة المحل..

بعد انصراف الحاج رضوان ذهبت زوجته لزيارة أم زياد لدعوتها لتمضية اليوم معها ودخلت منزل أم زياد وطرقت الباب فقام زياد بفتحه وقال: أهلاً وسهلاً اتفضلى؛ ونادى على أمه، ورحبت أمه وإسراء بالضييفة بحفاوة، فقالت أم إيمان: معلش يا جماعة أنا جيتلكوا فجأة..

- متقوليش كدة ده بيتك ومطرحك تشربى أيه؟

- لأ مش هاقدر وكمان عشان أنا سايبة إيمان لوحدها فى المحل أصل الحاج سافر أسوان يجيب بضاعة للمحل، وأنا وإيمان فتحنا المحل من بدرى وقلت أجى أقولك تيجى أنت وإسراء تفتروا وتقضوا اليوم معاً..

- بس يا أختى عشان المحل والشغل...

- هو أنت شايفة البيع مقطع بعضه يعنى، وكدة كدة حركة البيع قليلة والسوق نايم..

- خلاص الفطار هتعمله إسراء بأيديها وهنجى نفطر سوا..

- طب استأذن أنا.. سلام عليكم..

أتى زياد من الغرفة الأخرى قائلاً: هو فيه حاجة يا اما ولا أيه؟؟

ردت إسراء: أهى جت من عند ربنا هنروح نقضى اليوم عند إيمان عشان أبوها مسافر، وابقى هات يا خويا صحكك براحتك عشان يذاكر معاك يكشى تفلحوا بس..

الأم: كلمى أخوكى كويس، وبالعند فيكى إحنا مش هنطول هنا وأنا هاتصل بسيد أخوكى يجى يخذنا.. رمت إسراء الوسادة بضيق؛ وتركت الغرفة وذهبت إلى الغرفة الأخرى، وخرج زياد ذاهباً إلى الكلية واستعدت إسراء وأمها للتوجه إلى محل الحاج رضوان العطار لتلبية دعوة الإفطار مع إيمان وأمها، واستعجلتها أمها: يلا يا إسراء أنت هتلبسى فى سنة الناس مستنينا..

إسراء: خلاص يا ماما هالبس الطرحة وهنمشى..

خرجت إسراء وأمها من الشقة وقاما بشراء بعض الأطعمة والمياه الغازية ثم توجهتا إلى محل العطار، واستقبلتهما إيمان وأمها بكثير من الترحاب؛ وقامت إيمان وإسراء بإعداد وتجهيز الإفطار..

تضحكوا وهم يتناولون الإفطار، وبعد تناول الإفطار قامت إيمان بإحضار المياه الغازية ووضعها على المنضدة وضحكت إسراء قائلة: أدونى فرصة بقى وخلونى أفتح الحاجة الساقعة، وعند فتح أول زجاجة للمياه الغازية انسكبت على ملابسها، فضحكت إيمان وقالت: أهى الفرصة جاتلك وضيعتها.. تضايقت إسراء ووجهت الكلام لأمها بغضب: أنا هاروح على البيت أغير هدومى وأجيلكوا تانى..

الأم: متمسحيتها وتنضيفها هنا وخلاص..

قالت إسراء بعصبية: لأ أنا هاروح أغير وأجى ثم انصرفت من المحل قائلة: مش هتأخر عليكم..
باى..

سارت إسراء إلى المنزل لاستبدال ملابسها، ودخلت إلى الشقة فراودها إحساس بالخوف فهذه هي المرة الأولى التي تتواجد فيها بالشقة بمفردها، واتجهت إلى غرفتها وقامت باستبدال ملابسها ثم قامت بلف الطرحة أمام المرأة وعندما نظرت في المرأة رأت كأن شيئاً يقف وراءها ففزعت واستدارات بتلقائية وقد استبد بها رعباً هائلاً فلم تجد أحداً..

همت بالخروج من الغرفة فوقفت مبهوتة متحيرة فاتحة الفاه مندهشة مما رآته فقد اختفى باب الغرفة وكانت الغرفة عبارة عن حوائط في حوائط..

فركت عينيها غير مصدقة فربما يتهياً لها ما تراه، ولكنها تأكدت أن الغرفة فعلاً بدون أبواب فجلست على طرف السرير صامته وجلة باكية تنظر حولها لا تدري كيف تتصرف؟
في هذه الأثناء عاد زياد من الكلية واستبدل ملابسه، واستلقى على السرير ليستريح فسمع طرقات على باب الشقة فقام متكاسلاً ليفتح ووجد أمه أمامه فقال: أزيك يا اما ثم استدار عائداً لاستلقائه وجالت أمه بأنحاء الشقة تبحث بقلق عن شيء فبادرها بالقول: بتدورى على أيه؟

- هي أختك إسراء هنا؟

- مندهشاً!! أختى إسراء.. أنا جيت من برة ملقتهاش.. أنتوا مش كنتم عند أم إيمان!!

لظمت أمه على وجهها وبكت منهارة.. يالهورى.. أختك فين..

- اهدى بس يا اما وقولى لى أيه اللي حصل؟

قصت له أمه كل ما حدث من وقت خروجهما هي وإسراء حتى عودتها الآن للاطمئنان على ابنتها نظراً لتأخرها وجلست نادبة: أنا قلقت عليها لما اتأخرت قلبي كلنى.. أنا كنت حاسة أن هيجصل حاجة..

- اهدى بس يا اما أن هروح أشوفها في المحل عند إيمان يمكن راحتهم من طريق تانى..

ذهب زياد إلى المحل وسلم على إيمان وأمها وسألها بهدوء حتى لا يصدر قلقه لهما: هي ماما هنا؟
أنا قلت أعدى عليها وأنا جاى من الكلية نروح سوا..

والدة إيمان: هي كانت هنا هي وإسراء، وإسراء سبقت مامتها على البيت وهي حصلتها..

- رد بأدب متشكر.. سلام عليكم..

سار زياد فى الشوارع المحيطة لعله يرى أخته.. بحث فى الوجوه فلم يجدها.. تفرس بملامح الفتيات ولم يرها.. عاد إلى المنزل لعلها قد عادت فرأى أمه جالسة نفس جلستها فأدرك أن إسراء لم تعد.. كانت أمه تنتحب بشدة وتدعو: يا رب استرها يا رب، يا رب بنتى ترجعلى بالسلامة، يا رب متورنيش فى عيالى حاجة وحشة، يا رب.. يا رب..

فى هذه الأثناء رأى زياد نارا تخرج من الغرفة الأخرى فهب صارخا.. حريقة.. حريقة..

هبت أمه فزعة فين يا بنى؟ نظرت يميناً ويساراً ثم قالت لزياد معنفة له: أصل أنت معندكش دم.. هو ده وقت هزار؟ وعادت لجلستها الأولى..

وقف زياد ناظراً إلى الغرفة الأخرى وقال بفزع: ما هى النار أهى أنت مش شايفها ولا أياه؟ فلم تلتفت إليه أمه فجرى مسرعاً إلى خارج الشقة وملاً دلوًا بالمياه ليقوم بإطفاء هذا الحريق، وكلما سقى الحريق بالماء ليطفئه ازدادت ناره استعاراً، ثم خرج من النار أشباح بدون رؤوس، ورؤوس بدون أجساد، وحشرات مخيفة، وتراءى له كائن أسود مخيف..

فى تلك اللحظة تذكر حلمه السابق ونظر إلى ركن الغرفة لينقذ أخته قبل أن تؤذيها هذه الكائنات، ولكنه لم يرها وانكهه التعب ولكنه هب مهرولاً عندما رأى الكائن الأسود متجهاً لداخل الغرفة الأخرى والتي رأى أخته بها جالسة على طرف السرير باكية خائفة فحاول المرور لها لإنقاذها، ولكنه لم يستطع فجلس يبكى إلى أن شعر بمن يربت على كتفه فالتفت ليرى نفس الفتاة الفاتنة التى كانت بصحبة قاضى الجن ورأى الأشباح والحشرات ينقضوا عليها الواحد تلو الآخر ويتساقطون بالتتابع..

كل ذلك يتم والفتاة الفاتنة لا ترفع بصرها عن الكائن الأسود المتجه نحو إسراء، والذي قام برفع إسراء عاليًا صارخًا بصوت مرعب، وألقى بها عبر حائط الغرفة لتختفى إسراء؛ وفى نفس اللحظة اختفت أيضاً الفتاة الفاتنة لتمر هى الأخرى بسرعة البرق عبر حائط الشقة؛ وتستطيع الإمساك بإسراء قبل سقوطها، وهجمت على الفتاة الفاتنة جحافل كثيرة من الكائنات البشعة وهى تأتى من كل ناحية وصوب، وتعلقوا بإسراء محاولين أخذها من بين يدي الفتاة الفاتنة والتي قاومتهم، وكلما قاومت ازدادت هذه الكائنات إصرارًا على الحصول على إسراء..

ضعفت الفتاة الفاتنة ووهنت قوتها خصوصًا بعد تلقيها لضربات عنيفة من بعض الكائنات، وفلتت إسراء من بين أيديها رويدًا رويدًا حتى قاربت على السقوط، وفى نفس اللحظة التى استسلمت فيها

قوتها للضعف وسقوط إسرائء فعليًا من بين يديها انتشر الدخان الأخضر محيطًا بالمكان، وصنع حاجزًا مائيًا سقطت فيه إسرائء ..

فى نفس اللحظة ظهر الشيخ الوقور وخلفه كائنات شفافة كثيرة جدًا وقال: ابنتى دُرّة.. لقد ابليت بلاءً حسنًا لإنقاذ هذه الآدمية ولكن اعلمى أنك فى هذا المكان وخارج تلك الشقة ستنتهار قوتك مما يُمكن قوى الشر من الفتك بك فلا تُعرضى نفسك لهذا الأمر مرة أخرى؛ وتعرضينا لخوض معارك مع أعدائنا لا يعلم عواقبها إلا الله سبحانه وتعالى.

دُرّة: أنا لم أستطع رؤيتها وهى يتم اختطافها أمام عيني فهرعت لنجدتها، ولك السمع والطاعة يا أبتى..

القاضى: سنحوى الآدميين؛ وسنُنهى هذا الأمر قريبًا جدًا، وسأخبرك ماذا سنفعل لإنهاء هذا الأمر بقصرنا لأننا لن نستطيع المكوث بهذا المكان وقتًا أطول من هذا فحماية الملوك السبعة العلويين لنا هنا مهددة بحضور ملوك سُفليين كثر يستطيعون افتعال حرب شعواء، واختفى كل الجمع فى لحظة واحدة..

لم ير زياد ما حدث لأخته عندما ألقاها هذا الكائن عبر الحائط وجثا على ركبتيه باكيًا قائلاً بصوت مسموع: أعمل أيه؟ أعمل أيه؟ أنا السبب..

استفاق من حالته على نهر أمه له: مالك أنت كمان؟ أنت حصلك أيه؟ هو أنا نقصاك..

نظر حوله فلم ير أو يسمع أى شيء سوى سماعه لصوت طرقات على باب الشقة وفتحت أمه مرحبة بالزائرين إنهما إيمان وأمها..

أم إيمان: إحنا قلقنا لما زياد جه سأل عليكم والحاج اتصل ومش هيسافر لأن فيه ناس هيجيبوله البضاعة هنا ولما سأل عليكم أنا قتلته على اللي حصل وهو هيجي على هنا..

ارتمت أم زياد على صدر أم إيمان باكية واهنة: إسراء مش لاقياها يا أختي.. إسراء ضاعت.. إسراء ضاعت ثم فقدت الإحساس بالحركة وسقطت فاقدة للوعي.. وحملها زياد بمساعدة إيمان وأمها وقاموا بوضعها على السرير وهم يحاولون إفاقتها إلى أن استفاقت باكية، وبكت أيضًا إيمان وانتحبت أمها، وانهار زياد قائلاً: أرجوكم أنا مش ناقص.. خلونا نفكر بهدوء ونشوف هنعمل أيه؟

ردت عليه إيمان والعبرات تنهادر على وجنتيها: مفيش حل إلا أنك تبلغ الشرطة وهما يدوروا عليها..

زياد: فعلاً مفيش إلا الحل ده أنا هروح على القسم، وعند قيامه سمع صرخات أمه وإيمان ووالدتها فالتفت لهم مذعورًا فوجدهم قد تراجعوا إلى الورا حتى التصقوا بالحائط وهم ينظرون إلى ما خلف زياد فالتفت خلفه خائفًا فرأى النار قد عادت مرة أخرى ويخرج منها حيات عظيمة تصدر فحيحًا عظيمًا مرعبًا وتقرب منهم فتراجع ووقف حائلًا بين الحيات وبين أمه وضيوفها، وقد تذكر السلسلة المعلقة برقبته التي أعطاها له قاضى الجن فخلعها وأمسكها بيده أمامه لتكون حائلًا بين الحيات وبينهم ولاحظ تراجع جميع الحيات إلى الورا وكلما تقدم تراجعت هى للخلف ولكنها لم ترحل فتوجه نحوها محاولاً دفعها نحو باب الشقة الذى فُتح من الخارج فى نفس اللحظة وتراجع زياد فظهر له وجه مألوف.. إنه الحاج رضوان الذى اندفعت نحوه الحيات بسرعة رهيبه كأنها ستبتلعها، ولكنها مرت من خلاله واختفت كأنها تتساقط داخل بئر عميق، ودخل إلى الشقة يتفحصها كأنه يراها لأول مرة ثم اتجه إلى المنور، وتلقف شيئًا معلقًا على الحائط، واتجه نحو زياد ماسكًا إياه من ياقته قائلاً له بخشونة وحدة: أنا مش قُلتك محدش يخش هنا..

تدخلت زوجة الحاج رضوان ورفعت يد زوجها عن زياد وقالت أيه اللي بيحصل هنا.. حد يفهمنا؟

الحاج رضوان: شوفوا يا جماعة الأول أنتوا كلكم هتيجوا تقعدوا معانا، وبعدين هتفهموا كل حاجة..

قاطعته والدة زياد: أنا مش هتنقل من هنا إلا لما ترجعوا لى بنتى وانتحبت: يا حبيبتي يا إسراء.. يا ترى أنت فين دلوقتي وعاملة أيه؟؟ يا رب استرها.. يارب استرها..

الحاج رضوان: بنتك هترجع يا حاجة متخفيش عليها بس دلوقتي إحنا لازم نمشى من هنا وبعدين هحكيلكم كل حاجة.. ثم هم الجمع بالرحيل وغادروا الشقة إلى منزل الحاج رضوان العطار..

لم تشعر إسرائ بكل ما حدث فهي ما زالت جالسة على السرير باكية إلى أن رفعت وجهها من بين أيديها لمسح سيل الدموع المنهمر فوجدت نفسها مبتلة تمامًا ولا تدري كيف ابتلت هكذا؟ ورأت باب الغرفة أمامها فجرت مسرعة لتبحث في الغرفة الأخرى عن أمها وأخيها فلم تجدهما فخرجت سريعًا من الشقة متوجهة إلى محل الحاج رضوان لعلها تجد أمها فوجدت المحل مغلقًا..

خافت وسارت منهارة إلى منزل إيمان لتسأل عن أمها.. طرقت على باب شقة الحاج رضوان طرقات قوية..

توجه الحاج لفتح الباب وعندما رأى الطارقة ابتسم قائلاً: اتفضلى يا بنتى.. فسقطت فاقدة للوعى، وتلقاها الحاج رضوان على يديه وحملها داخلاً إلى أمها التى اندفعت إليها بسرعة هى وكافة الموجودين..

وتحركت إيمان مسرعة لتأتى بكوب ماء بالسكر وزجاجة من العطر النفاد، وعندما استفاقت إسرائ لطمتها أمها على وجهها قائلة: أنت كنت فين؟ أنا هسيب أخوك سيد يتصرف معاك.. زياد أخوك اتصل بيه وزمانه جى..

هدأتها والدة إيمان قائلة: يا حاجة اصبرى لما نسمعها ونشوف الحكاية أيه؟

بكت إسرائ واحتضنتها إيمان بشفقة، وتكلم الحاج رضوان موجهاً حديثه لإسرائ: أيه يا بنتى اللى حصل..

احكى لنا؟

قامت إسرائ بقص كل ما حدث معها منذ لحظة انصرافها من المحل لاستبدال ملابسها، والجميع ينصت لها باهتمام إلى أن هبت أمها واقفة لتتحمسها قائلة: قوليلى يا بنتى أنت فيكى حاجة؟ حد عملك حاجة؟

ثم أضافت مستنكرة: يعنى أيه يا حاج إنها لقيت الأوضة مفهاش باب ومكان الباب بقى حيطة؟ هو فيه أيه فى الشقة دية يا حاج؟ قولى بصراحة ثم بكت قائلة أنا من ساعة ما شفت محاسن عند الحمام وقلبي انقبض وقلت ربنا يسترها ثم نظرت إلى زياد وأضافت: أنت تجيب كل حاجاتك من البيت ده وملكش قعدة فيه تانى.. ربنا سترها المرة دية ومش عارفين ممكن يحصل أيه بعد كدة..

طمأنها الحاج رضوان وهدأها: متقلقيش يا حاجة أنا عارف مين اللى عمل كدة، وهياخد جزاءه.. فى هذا الوقت رن هاتف زياد ورد على المتصل ثم قال للحاج رضوان معلش يا حاج هو العنوان هنا أيه بالضبط عشان سيد جه من البلد وعازي يجي يطمن على أمه فأخبره الحاج رضوان بالعنوان..

ومرت لحظات طويلة من الصمت فزياد يُدرك جيدًا أنه هو من تسبب فى كل تلك الأحداث، والحاج رضوان يفكر فى طريقة الخلاص من تلك الورطة، والنساء سارحة فى لا شيء..

قطع الصمت صوت الحاج رضوان مستأذناً فى الانصراف إلى المحل لتجهيز المكان لاستلام البضاعة التى ستأتى من أسوان حتى تكون معدة للبيع.. وانصرف..

دخل زياد إلى البلكونة مكتئباً مهموماً فقالت والدته إيمان لها: قومى يا بنتى اعمل كوباية شاي لزياد ودخليها له فى البلكونة تلاقيه يا عين أمه أعصابه تعبانة من اللى شافه النهاردة فتوجهت إيمان إلى المطبخ وعادت حاملة لكوب الشاي سائرة نحو البلكونة، وقالت لزياد: اتفضل..

شكرها زياد قائلاً بأدب جم: بس مكنش فى داعى للتعب ده، وبصوت خفيض أضاف: إحنا آسفين على كل اللى حصل بسببنا بس الظروف هى اللى عملت فينا كدة.. سامحونا..

ردت عليه بحياء قائلة: لا أبداً إحنا أهل، والناس بتتعرف وقت الزنقة، وإسراء أختى زى ما هى أختك، وأنا مبسوطه بوجودكم هنا معانا ثم جلست على الكرسي المقابل له وتجادبا أطراف الحديث..

فى هذه اللحظة كانت أم إيمان تراقب ما يحدث، وتغمز للحاجة والدته إسراء وتشير عليهما، فينظران لبعضهما نظرات ذات مغزى ويضحكان إلى أن مر الوقت وحضر سيد من البلدة وعند دخوله للشقة توجه مباشرة إلى إسراء محاولاً ضربها والفتك بها فحالت أمه بينهما قائلة: اهدى يا ابنى إحنا عند الناس، ودفعته بعيداً قائلة: يلا خُش اقعد مع أخوك وهو هيحكى ليك أية اللى حصل؟

خرج زياد وسلم على سيد وتوجهها إلى البلكونة وقص زياد له ما حدث مع أخته إلى أن عاد الحاج رضوان وسلم على سيد فقد رآه مع والده مسبقاً عندما كان يحضر إلى مصر، وجلس معهم متحدثاً إليهم: يا جماعة كويس أن زياد وأخواته هنا عشان جه الوقت والأوان اللى لازم تعرفوا فيه كل حاجة أنتو خلاص كبرتم..

يا ولاد أبوكم كان راجل طيب وكان بيحى مصر من وقت للثانى عشان يلم إيجار البيت اللى زياد قاعد فيه دلوقتى وكانت ظروفى مش كويسة وهو وقف جنبى وقفه مقدرش أنساها طول عمرى، وكان بيمر بأزمة كبيرة هو وأمكم ثم نظر لإسراء وإيمان قائلاً لإيمان: يلا خدى إسراء تستريح معاك فى أوضتك فقامت إيمان وبصحبته إسراء وتوجهتا إلى غرفة إيمان وتركت إيمان باب الغرفة مفتوحة لكى يستمعا لما يقوله والدها فالفضول كائن لا يشبع..

ثم استطرد الحاج رضوان فى الكلام: أنتوا طبعا عارفين أن أمكم رزقها بأول خلفه بعد ثلاث سنين من زواجها بأبيكم وهى دية كانت مشكلة أبيكم.. فقاطعه سيد: إزاي يعنى؟

قال له الحاج: اسمع للآخر وأنت هتفهم كل حاجة، أنتوا عارفين إن كان فيه مشاكل بين أبوكم وعمكم سعيد بسبب الارض لأن عمكم كان طماعًا، وفعلًا قدر يضحك على أبوكم، وخذ منه الأرض، وخلاه يمضى على أوراق تنازله عن الأرض فقالت والدته زياد: حسبى الله ونعم الوكيل فيه إن شاء الله مش هيربح ولا يكسب أبدًا..

أكمل الحاج رضوان حديثه: يا حاجة خلىنى أشرح للولاد أيه اللي حصل عشان أبقي خلصت ضميرى من ربنا، أبوكم وأمكم قعدوا يلفوا على المستشفيات لأن أبوكم لقي نفسه ملوش فى الخلفة فأشارت له زوجته بحياء حتى لا يكمل حديثه فقال: دول كبار يا حاجة وديه مشكلة كانت عند أبوكم يعنى أنا مش بتكلم عن حد غريب وبعدين ده كان صديق عمرى وأخوي..

المهم يا ولاد أبوكم حكى لى أيه اللي عنده، وأنا كنت عارف ناس ليهم فى علاج الحالات اللي زى دية فعرضت على أبوكم إنه يتعالج عند الناس دية ويجربهم ومش هيخسر حاجة.. هو رفض بشدة فى الأول، وبعد كدة استسلم لما ملقاش فيه فايده من العلاج والدكاترة.. المهم خدت أبوكم للناس دية..

قاطعه سيد: ناس مين دول؟ ردت عليه أمه يا بنى اسكت بقى والحاج هيفهمك..

- يا بنى دية واحدة ست كان اسمها محاسن وكانت ساكنة فى بيت أبوك، وكان ليها فى السحر والأعمال ورحت لها أنا وأبوك وعرفناها كل حاجة عن مشكلته وبدأت معاه مرحلة العلاج..

بصراحة أبوكم صرف كثير، واستحمل كثير لحد ما الحاجة محاسن قاتله فى يوم من الأيام: مبروك يا حاج أحمد أنا عرفت أيه اللي صابك، وأنا هاعمل معاك اللي مقدرش يعمل معاك الدكاترة.. فرح أبوكم وقالها: يا محاسن الفرج ربنا يسترها معاك.. لو صح عرفتى تعالجينى أنا هحلى ليك بقبك، وهى قالت له أنت بس روح هات مراتك عشان هتساعدك فى العلاج وفعلًا سافر أبوكم وجاب أمكم معاه وقعدها مع الحاجة محاسن واديتلها نصايح ووصفات ونفذت أمكم كل شيء وبرضه مفيش حاجة حصلت وأبوكم فضل زى ما هو لحد ما طلبت منى الحاجة محاسن مساعدتها فى الموضوع ده ومحدث يسألنى إزاي؟

واشتركت بالفعل فى مساعدة الحاجة لمعرفة علة الحاج أحمد وفى الآخر وصلنا أنا والحاجة لسبب العلة اللي عند أمكم لأنه لما حكى لى موضوع الأرض والتنازل والحاجات اللي عملها أخوه معاه وأنا حكيت للحاجة محاسن اللي قالهولى وطلبت الحاجة من أمك حاجة من أثر عمك؛ لحد ما عرفت توصل للى حصل لأبوك، وكان لازم تتأكد من أمكم من حاجة معينة فسألت أبوكم: هو أيه اللي أنت أدبته من بيتك لسعيد أخوك؟ وبعد عذاب أبوكم افكر أنه أدى بحسن نية لسعيد حذاء قديم يشتغل

بيه وبعض الجوارب القديمة، وساعتها عملت الحاجة حاجات كثير لدرجة أنها استعانت بخادم عظيم يسمى صاحب الرؤوس الأربعة ليرشدها إلى مكان هذا السحر وأخبرها بكل شيء، وعَرَفَتْ أبوكم أخوه عمل فيه أیه..

قاطعه سيد: هو كمان كان عامل مصايب مع أبوي غير سرقة الأرض!!

فرد عليه زياد بضيق: ما تسكت يا اخي خلينا نفهم.. اتفضل يا حاج رضوان كمل..

استكمل الحاج باقى الحديث: عمكم سعيد بقى خد الحذاء ده وراح لراجل دجال معندوش ضمير وعمل له عمل على فردة الحذاء دية، وحط فى فردة الشراب اللى خدها من أبوكم ملح، وحطها داخل فردة الحذاء، وراح الترب واتفق مع تربى يفتح له قبر واحد لسه مدفون فى نفس اليوم، وحط فردة الحذاء دية تحت رأس الراجل اللى لسه مدفون، ومن ساعتها فضل أبوكم مربوط، وبعد كدة الحاجة عَرَفَتْ أبوكم هيعمل أیه، وقالت له على علامة معينة هيعرف بيها القبر ده..

المهم أبوكم فتح التربة وجاب العمل وجهه هو وأمكم للحاجة اللى قرت حاجات على العمل ده وحرقته، ومن ساعتها أبوكم بقى سليم وعادى زى أى راجل، وكانت الحاجة عايزة تأذى عمكم ذى ما أذى أبوكم.. بس أبوكم رفض وقالها: ربنا هو اللى بيحاسب.. منه لله، وبعد كدة جه بدر بن عمكم وعمل مصيبة زى اللى أبوه عملها قبل كدة..

زياد بتوتر: بدر عمل مصيبة زى أبوه، وأنت عرفت منين يا حاج؟

سيد بحدة: الناس دية لازم تتأدب وتقف عند حدها، ده شكلهم كدة مش هيسيبيونا فى حالنا، وأنا بقى اللى هأقف لهم فاستكمل الحاج كلامه متجاهلاً لما يقوله سيد سائلاً لزياد: هو أنت خدت من بدر مفتاح الشقة لما مشى؟ فنظر زياد إلى الأرض وقال: لأ..

تعصب سيد وقال لزياد: هو أنت كنت مقعده معاك هنا فى مصر كمان.. يا اخي أنت مبتفهمش.. إزاي تأمن له؟ ده أنا مرضيتش استقبلهم فى عزا أبوك، وضرب كفاً على كف مضيقاً: أنا مش عارف أنت بتفكر إزاي؟ لم يرد عليه زياد وقال الحاج رضوان: يا بنى اللى حصل حصل بس هو كان موقف حصل كدة فى الشقة لأمك وأختك وشافوا تعايبين بس التعايبين دية مش حقيقية ده نوع من أنواع السحر التخليلى للعيون زى اللى حصل أيام سيدنا موسى عليه السلام.. لما الناس اتخليلوا عصيان السحرة تعايبين، وأخرج من جيبه قطعة الدهن والبيضة، وده السحر اللى حطه زياد فى الشقة، وعشان السحر ده يتم كان لازم يتعلق فيها، ومفيش حد غير بدر يقدر يعمل كدة، وإن شاء الله يا جماعة أنا عايزكم متقلقوش وتناموا دلوقتي والموضوع ده كله هيتحل وهترجع كل حاجة زى ما كانت بس عايزكم تصبروا لأن المواضيع دية بتاخذ وقتاً فى الحل..

فرد سيد: سيبدو لي بدر ده بس زياد يعرفنى مكانه، وأنا هاعرف اتصرف معاه..

فى صبيحة اليوم التالى سمع الحاج رضوان أبواق جرس الشقة تنفخ بأصوات حادة تعلن عن قدوم أحد الزائرين فقام بفتح الباب وقال مندهشاً للطارقة: أيوة عايزة مين؟

ردت عليه الطارقة: أنا مرات الحاج سعيد الله يرحمه..

- الحاج سعيد مين؟

- أبو بدر، ومن الداخل رأتها أم زياد فقامت واقفة وقالت مرحبة: أهلاً وسهلاً، وقالت للحاج رضوان: دية مرات عم العيال فرحب بها ودعاها للدخول قائلاً للزائرة: أنا سمعتك بتقولى الله يرحمه.. هو توفى؟

بكت وقالت: من عشرة أيام كدة..

قال الحاج رضوان لزوجته: حضرى الفطار..

أم بدر: مش هينفع أنا ماشية على طول بس أنا جاية لعيلة أخو جوزى الله يرحمه عشان عمهم وأبوهم يرتاحوا فى نومتهم ثم نظرت إلى أم زياد قائلة: أنا جايكم دلوقتى عشان اللى حصل من جوزى زمان..

ردت أم زياد بضيق: خلاص اللى حصل حصل، وإحنا مش عايزين نتكلم فى المواضيع القديمة دية..

فناولت أم بدر دوسيتها بلاستيكياً لأم زياد قائلة لها: أنا جاية أرجع الحق لأصحابه..

فخطفه سيد وقرأ محتوياته وقال: ياما أنت كريم يا رب.. الحمد لله أرضنا رجعت لنا يا اما ثم نظر مندهشاً إلى أم بدر وأضاف: معلىش أنت عرفت أن إحنا هنا إزاي؟

فرد زياد بسرعة: هى اتصلت بي وأنا اديتها العنوان ومرضتيش أقولكم عشان تبقى مفاجأة؛ ورينى كدة الورق ده وأخذه من يد سيد وقرأه بتمعن وهو مبتسم وناول الأوراق إلى الحاج رضوان قائلاً: بص كدة يا حاج أنا مش مصدق نفسى..

تناول الحاج الأوراق وابتسم قائلاً: أنا كنت عارف أن ربنا مش هيضع حقكم واستطرد قائلاً: عارفة يا أم سيد الورق ده فيه أيه؟

ده فيه حُجة الأرض بتاعتكم، وفيه الورق اللى كان ماضيه الحاج أحمد الله يرحمه واتنازل فيه عن الأرض، وكمان وصولات أمانة عليه.. من الواضح أن عمكم كان ممضى أبوكم على وصولات الأمانة

عشان ميفتحش بقه.. سبحان الله، وفى هذه اللحظة قامت أم زياد باحتضان أم بدر وقالت لها: ربنا يكرمك ويجعله فى ميزان حسناتك واحتضنتها زوجة الحاج رضوان مهنئة لها كما احتضنت إيمان إسراء قائلة لها: ألف مبروك، وقامت أم بدر مستأذنة فى الانصراف وانصرفت راحلة وقامت أم إيمان بإعداد الإفطار وساعدتها فى إعداد إيمان وإسراء ثم دعت أم إيمان الجميع إلى الإفطار، واجتمعوا سعداء على مائدة الإفطار، وبعد الإفطار وهم جلوس يرتشفون الشاي انفرد الحاج رضوان بزياد وأخبره بضرورة عودته مرة أخيرة إلى الشقة لجمع احتياجاته وعدم دخول الشقة مرة أخرى حتى يجدوا حلاً لتطهير هذا المنزل من الشياطين المتواجدين به، وأخبره بضرورة تراجعه عن فكرة الزواج بملكة الجمال، وذلك يجب أن يكون بموافقة قاضى الجن وبتراضى كافة الأطراف المشتركة بهذا الموضوع حتى لا يتم إيذاؤه من قبلهم.. فقام زياد مستأذناً لإحضار كافة احتياجاته من سكنه القديم ووصل إلى المنزل ودخل شقته خائفاً متوجساً خيفة مما قد يتعرض له، وفى هذه الأثناء انتشر دخان بالمكان فشعر زياد بحدوث أمر مهم فتراجع منتظراً لما يمكن أن يحدث فترأت أمامه الفتاة الفاتنة هادئة مبتسمة قائلة: السلام عليكم..

- وعليكم السلام ورحمة الله وبركاته..

- عامل أيه؟

- أخذ نفساً عميقاً متنهداً وقال وهو مُطأطئ الرأس خجلاً: الحمد لله..

- إسراء أختك عاملة أيه دلوقتي؟

- إحنا شفنا هنا فى الشقة دية حاجات غريبة لو حد كان حكى لى عنها مكنتش هاصدقه.. عارفة أنا أختى إسراء كانت هتموت..

قاطعته برقة: أنا عارفة كل اللى حصل هنا فى الشقة وعارفة إسراء اتعرضت لأيه وكان هيحصلها أيه، وأنت لازم تعرف أنه لولا تدخل أبى القاضى لساءت الأمور لنا جميعاً ثم نظرت إلى يمينها وأحنت رأسها فى إجلال وبساطة قائلة: مرحباً بك يا أبى..

دخل القاضى الوقور قائلاً: السلام عليكم.. أنا أعلم جيداً أن إقدامك على طلب الزواج من ابنتى ملكة الجمال كان مجرد فضول منك لدخول عالم لا تعرف عنه شيئاً، وكنت لا تُصدق هذا الأمر أو تكذبه، وقد مارست طقوسه على سبيل التجربة، ولم يكن عندك أى يقين بوجود كائنات أخرى غيركم فى هذا الكون الفسيح الذى يتسع لنا، ولكم، ولآخرين لا يعلم بهم إلا الله سبحانه وتعالى.

ونحن معشر الجن نُدرك صعوبة طلب الإنس مناكحة الجن والزواج بهم؛ ولن نخوض فى مسائل دينية وفقهية أو نتعرض للشرائع السماوية.. ولكنى لا أخفى عليك أمرًا بأنه بطلبك الزواج من ابنتى كان يجب عليك الانتقال لعالمنا والتعايش معنا، ومعرفة أسرارنا؛ ولن يحق لك حينها الرجوع مرة أخرى لعالم البشر أو الحياة بينهم مرة أخرى، وعندما دعوتنا وأقسمت علينا استجبنا لدعواتك، وكنت سأثنيك عن هذا الأمر عند بدايته لولا رؤيتى للشرب يسكن فى منزلك، وطلب ابنتى منى مساندتك ومساعدتك حتى لا تصبح إنسانا آخر أو بمعنى أدق شيطاناً من شياطين الإنس؛ وساندناك بأعواننا وخدامهم، وحجبناك من الشياطين أنسهم وجنهم؛ بل إن حمايتنا لك فرضت علينا حماية أسرته الصغيرة؛ وبالأخص أختك إسرائ لمحبة ابنتى لها..

والآن هل أنت على استعداد للانتقال إلى عالمنا وترك عالمك؟ أريدك أن تفكر جيداً فى هذا الأمر لأن هذا القرار لن يكون فيه أى رجعة، ونظرًا لمحبة ابنتى الشديدة لأختك إسرائ لكان لنا معك تصرف آخر إذا شعرنا ببنيتك للتراجع عن أمر الزواج بملكة الجمال فطلب الدخول لعالم الجان ليس بالأمر اليسير ولذلك فالخروج منه لن يكون أيضًا بالأمر الهين فهذا يعنى هلاك الآدمى الذى يطلب ذلك.. فأحذرك..

ولنتنقل تحذيرى إلى الآخرين بعدم محاولة الخوض أو حتى مجرد القراءة فى كتب السحر لأن بها ما يدمر حياة البشر، وأخبرهم بأن ما يسمعه عن هذا العالم الخفى ليس بالضرورة أن يكون هو الحقيقة، وأنت يجب ألا تُفشى أيًا مما رأيته لأى مخلوق حتى لا تُضر نفسك وتؤذى من حولك، واعلم أن الياقوتة المعلقة بعنقك قد ذهبت قوتها وأصبحت حجرًا ليست له أى قيمة..

رد عليه زياد بصوت خفيض يملؤه الندم: أيها القاضى الكريم كل ما ذكرته صحيحًا وأنا كنت نادمًا على إقدامى على تجربة هذا الأمر، وكنت أريد التراجع وكنت لا أعلم كيف سأراجع؟ والحقيقة أنا لا أرغب فى هذا الأمر..

ضحكت ملكة الجمال بسرور وقالت: يا ليت جميع الآدميين الذين يُقدمون على تنفيذ تلك الأمور الخاصة بالسحر يقتدون بك، فالجنيات تعشق الزواج من الجن، والإنسيات تحب زواج الإنس، و إذا سمعت مسبقًا عن زواج جنى يانسية أو جنية يانسى فهى أمور استثنائية لم يتأكد منها أحد ثم أضافت مُداعبة: ولا أنت غيرت رأيك لما شفت إيمان بنت الحاج رضوان العطار..

عمومًا هي فتاة لا تختلف كثيرًا عن أختك إسرائ في النقاء والإخلاص وصفاء الجوهر، وأنا أشعر بأنك تمر بحالة من الحب تعجز الكلمات عن وصفها فتوكل على الله وحافظ عليها فإنها سوف تكون دليلك في زمانك الآتى وسيصبح لكلاكما رئة واحدة تتنفسان بها..

ابتسم زياد خجلًا وسكت فلم يجد أى كلام يقوله..

ابتسم قاضى الجن وقال لزياد: بعد قليل هذه الشقة ستُصلح للسكن، ولكن أنصحك بفتح شباك لها لأنه يجب أن تدخلها الشمس وأن يُقرأ فيها القرآن دومًا، وأرجو أن لا يدفعك فضولك مرة أخرى لعمل أمر لا تعلم عواقبه..

ثم قال قاضى الجن لابنته: لأجلك فقط سنعتبر أن كل شيء أقدم على فعله زياد كأنه لم يكن، ولكن يتبقى أمر أخير.. يجب علينا جلب وإحضار عُمار هذا المكان مرة أخرى لنفوت الفرصة على الملكة محاسن وخدامها فى العودة لهذا المكان مرة أخرى، فلتستعدى يا ابنتى فسوف نستعين بالملوك السبعة العلويين والخدام النورانيين ثم رفع صولجانه ووجهه إلى المرأة المعلقة على الحائط وقال: بسم الله الرحمن الرحيم ﴿قُلْ لَا أَمْلِكُ لِنَفْسِي ضَرًّا وَلَا نَفْعًا إِلَّا مَا شَاءَ اللَّهُ﴾ لِكُلِّ أُمَّةٍ أَجَلٌ ۖ إِذَا جَاءَ أَجْلُهُمْ فَلَا يَسْتَأْذِرُونَ سَاعَةً وَلَا يَسْتَقْدِمُونَ ﴿أقسمت عليكم يا خُدام هذه الآية الشريفة أن تكونوا معاونين لى فى استحضار الملوك السبعة مجتمعين، وبحضورهم مسرعين..

أسألكم بسم الله الذى تغشاه الأنوار، وبعلمكم للأسرار، وأأخذ عليكم العهد والميثاق حتى تجيبوا وتأمروا خدامكم وأعوانكم بطاعتي وأن تُلزموهم بقضاء حاجتى..

وفى هذه اللحظة انشقت المرأة وتزلزل المكان وأصبحت رائحته عطرة؛ وزياد لا يرى أو يسمع أى شيء فقد غشى المكان ضباب كثيف فصنع ساترًا قويًا من الدخان..

انحنى قاضى الجن والملكة انحناءة تدل على حضور هؤلاء الملوك، وتحدث قاضى الجن: أيها الملوك أنت أعلم بحالنا وبما حدث فى هذا المكان من أهل الفجور والظلم والعصيان، وبما حل بأهل هذا المكان من الأسقام.. أسألكم بحق أسراركم الكريمة المخزونة والأنوار المكنونة أن تفتحوا لأهل هذا المكان أبواب الخير والتيسير وتغلقوا جميع أبواب الشر والتعسير، وأن تيسروا أمورهم حتى لا يصيبهم شيء من أذى الجن والقرائن، وأرسلوا لنا أمراء التصريف ليفيضوا علينا من القوة والنصر على الأعداء..

عادت المرأة لحالتها الأولى وانقشع الضباب من المكان، وقال قاضى الجن لابنته ملكة الجمال: كما رأيته وسمعتي فلقد سمح الملوك بقضاء حاجتنا فلتعودي الآن يا ابنتي إلى قصرِك، واحذري من الهوام التي تملأ هذا المكان ثم رفع صولجانه لأعلى وقال: عودوا يا عُمَار هذا المكان كما كنتم، عودوا بحق السماء التي من أجلها رحلتم، ادخلوا بسلام آمنين، بحق الملك طارش ملك العُمَار اقبلوا سامعين طائعين ذكوركم وأنا نكم.. صغيركم وكبيركم ولا يتخلف منكم أحد..

ارتعد زياد فقد اختفى الحائط المقابل لباب شقة الحاجة محاسن، وكذلك الحائط الموجود به باب شقتها لتصبح الشقتان كأنهما مكان واحد، ورأى كائنات شفافة كثيرة ممسكة بحية عظيمة محاولين دفعها بعيداً عن المكان، والحية قوية جداً لا تستسلم بسهولة، والكائنات زاد عددهم واستطاعوا إلقاءها خارج المكان وهي تصرخ سأعود.. سأعود..

عادت ذات المحاسن إلى قلعتها فى قمة الغضب والثورة وأمسكت بتلابيب كائن أسود تعنفه قائلة له:
يا سفاح الجن كيف تهرب منك هذه الآدمية؟ مش عارف تقدر على بنت آدمية ضعيفة بس فالح
بس تقولى أنا ببلع البنى آدمين طب مبلعتهاش ليه؟

يا ابنة ملكنا لقد اختطفت هذه الآدمية فعلاً وقذفتها لتسقط فى قلعتك، ولكن ساعدتها الملكة دُرّة؛
وعاونها أبوها قاضى الجن ومنعوا سقوطها بل إن أعوانهم التفوا حولنا وطردونا من المكان..

أضافت ذات المحاسن: أنت لازم تتحاسب حساباً عسيراً ثم نظرت إلى ماريا وقالت لها: وأنت كمان
فشلت فى كل حاجة والواد الآدمى اللى اسمه بدر منفعكيش بحاجة.. أديك عيشتيه وهنتيه وكل ده
على الفاضى وبكدة الواد ده مالوش لازمة دلوقتي.. خلى التمثال الذهب إلى معاه يرجع لأصله من
الحجر ومتظهريش ليه تانى، و إذا احتجناه فى حاجة نبقى نجيبه وقتها..

فى هذه الأثناء ظهر من الفراغ فجأة كائن هائل الخلقة نظرت له الملكة ذات المحاسن وانحنت قائلة:
مرحباً بك أيها الملك السُّقلى..

الملك السُّقلى: دعوتنا وأرسلنا لك خُدامنا، وضربوا سهامهم فى المكان الذى أردتيه؛ ونصبوا خيامهم
وجلبوا الشر ثم طلبت مساعدتنا لك فى التصدى لقاضى الجن وملكة الجمال فجلبنا لك الأعوان
والعفاريت الكبار وأولاد الشياطين، وبسبب فشلك حل علينا السخط والغضب، ولذلك فقد عكسنا دعواتك
لنا، فلا تقسمى علينا مرة أخرى فلن نكون عوناً لك..

وبعد رحيل الملك السُّقلى وفى وجود هذه التلال الهائلة من الكائنات الغريبة المخيفة التى تملأ
الأركان، وبحضور بعض الأسود والذئاب التى تجلس هنا وهناك وتتفاعل هذا المزيج من الأنواع
العديدة من الثعابين والحيات المتدلية من الأسقف وانتشار القطط ذات الألوان الخلابة الفاتنة..

جلست الملكة ذات المحاسن على كُرسىها الضخم المصنوع من العقيق الأحمر وهى تنظر نحو مذبحتها
البلاتينى قائلة لخادمتها ماريا: كيف اختطفتموها؟

اعتدلت ماريا فى جلستها بزَّهُو وقالت: أرجو ألا تؤاخذني ملكتى فيما أقول..

ذات المحاسن: تكلمى ولا تخافى..

ماريا: عندما أمسك بك عُمار مسكنك القديم محاول ين طردك منه وفى أثناء تركيز وانشغال الجمع
بك رأيت ملكة الجمال هذه التى تُسمى دُرّة وهى عائدة إلى قصرها فأمرت خُدامك العفاريت السفلية
بمحاصرتها والقضاء عليها وعند التفافهم حولها لم يجدوا منها أى مقاومة فقد كانت ضعيفة جداً

وفى هذه الأثناء حضر سفاح الجن وطلبت منه خطفها وسجنها بقلعتك حتى يُصلح خطأه الأول فى فشله فى اختطاف الآدمية إسراء أخت الآدمى زياد..

ذات المحاسن: وكيف تتركها لتستطيع إحاطة نفسها بتلك الحماية من حولها؟ ثم قامت من على كُرسيتها وسارت باتجاه المذبح وهى تنظر إلى الفتاة الجالسة بوهن داخل دائرة طلسمية كبيرة من النور تحوط بها وقالت لها وهى تضحك شامتة: ملكة الجمال هنا بقلعتى.. لا أصدق هذا.. هل تظنين أنك بمأمن داخل تلك الدائرة التى أحطت بها نفسك؟

دُرة: أيتها الملعونة لن تستطيعى إيدائى.. سيلتهمك أبى قاضى الجن التهامًا..

كررت ذات المحاسن كلام دُرة ملكة الجمال بتهكم: أيتها الملعونة لن تستطيعى إيدائى سيلتهمك أبى قاضى الجن التهامًا.. وأطلقت ضحكة قوية وكأنها تُشهد كل الكائنات المتواجدة حولها على قوتها وقالت: أين هو قاضى الجن هذا؟ إنه لن يستطيع المجيء إلى هنا أبدًا بل إنه لن يستطيع الاقتراب من قلعتى ثم وجهت حديثها إلى كافة الكائنات المتواجدة معها فى القلعة وسألتهم: من وافق على قبول هذا الجنى قاضيًا للجن و أشارت لماريا ولبعض الكائنات سائلة إياهم: أنت.. أنت.. أنت.. فلم يُجب أحد!!

عادت لدُرة مرة أخرى وقالت لها: أرايت؟ لم يوافق أحد على تولى أبيك لهذا المنصب وبالتالي فهو غير مُعترف به هنا وأيضًا غير مُرحب به، ولذلك لو حاول الوصول لقلعتى هو أو أعوانه سُندمره تدميرًا، واعلمى أن وجودك داخل هذه الدائرة لن يُدوم للأبد فسيأتى الوقت الذى ستحاولين فيه الخروج منها للهروب ووقتها لن تستطيعى الإفلات من يدي وستبقين معنا للأبد..

دُرة: أنت تعلمين جيدًا بأنك لن تستطيعى السيطرة علىّ أو امتلاكى أبدًا..

ذات المحاسن: لقد قُلت الصواب.. أنت مجرد أداة لحصولى على ما أريد ثم سارت عائدة إلى كُرسيتها وجلست عليه واستكملت كلامها قائلة بحزم: لقد زجرنى أبوك مُسبقًا بالملوك السبعة العلويين عندما تعرضت للآدمى فى منزله وحاول سجنى ببجركم ولم يستطع وتسبب فى غضب الملك السُفلى علىّ بل إنه طردنى من مسكنى ونصر عُمار هذا المسكن علىّ وما أريده شيء بسيط جدًا.. فهو كما طردنى من مسكنى يُرجعنى إليه، ويبتعد تمامًا عن مساندة أى آدمى قد أتعرض له فى أية مسألة ويعوضنى عما فعله بى مع الملوك السُفلية بأية طريقة يراها مناسبة

دُرة: أنت تحلمين..

ذات المحاسن ضاحكة: الشياطين لا تحلم..

ثم نظرت إلى ماريا وقالت بحدة: وأنت هل نسيت ما فعله بك هذا العطار؟ هل فكرت فيما ستفعلينه معه للانتقام منه؟

ماريا بخوف: ابنة ملكنا أنا لم ولن أنسى ما فعله هذا العطار ووقوفه ضدنا، وأنا الآن أعمل على إيذائه..

ذات المحاسن: كيف هذا؟

ماريا: إن هذا العطار ساحر قديم، ويستطيع الاستعانة بملوك علويين أو سُفليين، ويحيط نفسه وأسرته بتحصينات عظيمة قوية من خُدام الآيات والأسماء ولذلك سأستعين بساحر قوي مثله حتى يستطيع القضاء عليه..

ذات المحاسن: أريني هذا حتى أشير لك برأى فأنت لا تنهين عملاً تبدأينه..

أشارت ماريا بيديها إلى أحد التماثيل السوداء ذي القرون الحمراء التى تحوط المذبح فهب واقفاً متحرّكاً نحوها فأمرته بالسجود للملكة ذات المحاسن والبده فيما ستطلبه منه فاتجه التمثال للملكة ذات المحاسن وسجد لها ثم قالت الملكة ماريا: أدعوكم يا معاشر الأرواح الروحانية السائرين بالأفلاك وأسلطكم على الأجسام البشرية بأن يكون لى السطوة عليها ثم أمرته بفتح قرنيه وفى هذه الأثناء تكونت كرة عظيمة من الضباب بين قرنى التمثال ورأى جميع من فى القلعة الآدمى بدر يسير بين طُرقات المقابر ثم أضافت ماريا: سأستخدم هذا الآدمى بصورة مختلفة وأمدّه بالقوة المناسبة للفتك بهذا العطار وقتله ثم أشارت للتمثال فرجع مكانه كما كان..

نظرت ذات المحاسن إلى ماريا فترة طويلة وهى صامته ثم قالت: كنت أعلم أنك لن تُفلى فى شيء حتى طريقة انتقامك تقليدية شبيهة بتلك التى ينتهجها بنو الإنسان.. سأعاونك أنا بطريقتى ورفعت يديها عاليًا قائلة: احضرى فملاً المكان شمعاً منصهرًا تشكل فى شكل امرأة حسناء وانحنى هذه الحسنة للملكة ذات المحاسن: سمعًا وطاعة لابنة ملكنا..

رحبت بها الملكة ذات المحاسن قائلة: مرحبًا بك أيتها الملكة.. قاطعتها ماريا بغضب: لماذا استعنت بها سأسطيع وحدى فعل ما تأمرين به؟

أشارت لها الملكة ذات المحاسن قائلة: أنتما ستساعدان بعضكما البعض، ولا أريد أى تنازع بينكما
ثم أمسكت بيد هذه الملكة الحسناء وسارت نحو ملكة الجمال دُرّة وقالت لها وهى تُشير إلى الحسناء:
هل تعرفينها؟

ردت عليها دُرّة بسخرية: شيطانة مثلك.. تُسمى عاينة بنت الأحمر تستخف بعقول الآدميين وتغويهم
للزواج منها ثم تُصيبهم بالجنون..

ضحكت ذات المحاسن قائلة للحسناء: أنت معروفة ومشهورة أكثر منى، وهذا معناه أنك تستطيعين
إيذاء البشر بسهولة ثم أشارت نحو كُرسیها فتكونت فوقه مرآة ضخمة ظهر بها بدر ومعه شخص
آخر من جهة ومن الجهة الأخرى ظهر العطار وأسرته فقالت للحسناء: فلتساعدى هذين الآدميين
فى تدمير هذه الأسرة، وكل خُدامى مُسخرين لك بما فيهم خادمتى الوفية ماريا ثم نظرت إلى ماريا..
فأشاحت ماريا بوجهها فى غضب ونظرت إلى الجهة الأخرى..

فرصة الاختيار بين العفو أو الانتقام

متساوية بين الجميع

فمن يفوز؟ ومن يخسر؟

مكان فسيح ليس له أى مداخل أو مخارج..

درجة حرارته مرتفعة الدرجة..

أرضياته من الزبرجد الأخضر..

حوائطه صخرية من البلّور الأبيض الشفاف الذى يُشبه الزجاج..

الياقوت الأزرق يُضفى لونه على بقعة فسيحة داخل المكان ليُظهر مجموعة مقاعد ضخمة من الألماس يجلس عليها ملوك الجن السبعة..

يجلس أعوان آخرون لهم على مقاعد أخرى من التوباز الذهبى المائل إلى اللون البرتقالي الغامق، وأخرى لا يجلس عليها أحد يُرحبون بكائن آخر قوى الهيئة يظهر عليه الوقار ويدعونه للجلوس..

سلم عليهم سلامًا حارًا موقرًا يليق بهم جميعًا، وشكرهم على قبول مثوله أمامهم فى وشاح الأرض..

تكلم أحد الملوك موجّهًا كلامه إلى قاضى الجن: تكلم أيها القاضى..

قاضى الجن: يا ملك النور الأبيض: لقد أقسم أحد الآدميين علينا ودعانا بالأسماء الثقيل، و

أكمل الطقوس والتعزيمات للزواج من ابنتى ملكة الجمال، وسبق أن طلبت عونكم فى التصدى للملكة ذات المحاسن بنت إبليس عندما تعرضت هى وخُدامها إلى هذا الآدمى فأمرتم الأملاك الروحانيين المُدبرين لكواكب الأفلاك بحمايته، ومن جانبى أحطته بالدائرة الطلسمية النورانية الشريفة لوقايته وإخفائه عنها، وعندما حضرتم لمساعدتى فى عودة عُمار المكان لمكانهم الذى طردتهم منه وفى أثناء انصراف ابنتى للعودة لقصرها استطاع سفاح الجن المارق وخادمتها ماريا بنت الملك شمردل السُفلى من خطف ابنتى دُرّة ملكة جمال الجن، ونحن لم نشأ أن نذهب إليها فى قلعته حتى لا تشتعل بيننا حَرْبٌ ضَرُوسٌ مُهلكة وقد فضلت الرجوع لكم لمشاورتكم فى الأمر وفعل ما هو صواب..

الملك أبو النور الأبيض: لم تستطع ذات المحاسن طرد عُمار المكان إلا بموافقة ومعاونة الملوك السُفلية ولكن عند تدخّلنا جميعًا حل عليهم السخط والغضب فعكسوا دعواتها وحذروها من دعوتهم مرة أخرى، وسيحاول الملك ميمون السيف إثنائها عن الاستمرار فى خطف ملكة الجمال..

قاطعهُ فى تلك اللحظة الملك ميمون قائلاً: عُذراً أيها الملك الأبيض فلتدعنى أشرح لقاضى الجن الصغير ما حدث..

أيها القاضى الصغير: إن ذات المحاسن تستعين بالشیطان الأكبر أبيها الذى أمر أبناءه بإحاطة قلعتها بملوكٍ سُفليةٍ عظيمةٍ ولذا لن نستطيع الولوج لقلعتها أو التعرض لها إلا بإذنها.. فهى لا تُلقى بالاً للعهود والمواثيق..

قاضى الجن: هل أستسلم وأترك ابنتى لها تفعل بها ما تشاء؟

الملك ميمون: نحن لا نستطيع مساعدتك الآن، ولكن ربما يجد الملك شهورش ملك قُضاة الجن طريقاً لجلب السلام بيننا وبينهم بدون اشتعال لأية حروب لن تُخمد نيرانها قبل قرون..

الملك شهورش: أيها القاضى أنا أشعر بآلام لفراق ابنتك، ولكن أعلم أنها لن تُمس بسوء ولن يستطيعوا إيدائها ثم أشار إلى أحد الجوانب الصخرية البلورية فى ذلك المكان من باطن الأرض فظهرت ملكة الجمال دُرّة وهى تُحيط نفسها بدائرة طلسمية كبيرة من النور، واستطرد الملك شهورش: أرأيت أيها القاضى الطيب لن يستطيع أحد من المتواجدين بقلعة ذات المحاسن الدخول إليها أو لمسها حتى..

قاضى الجن: أشكر لكم جميعاً مساندتكم لى ولكنى أرى الآن ابنتى أمامكم مما يعنى أنكم تستطيعون الولوج لها.

أشار أحد الجلوس إلى الملك شهورش طالباً منه الكلام فقال الملك شهورش له: فليتفضل الملك بالتحدث..

تحدث الملك وقال: لعلك تعرفنى يا قاضى الجن.. أنا الملك برقان.. أنا ساندت ابنتك فى إحاطتها بالدائرة النورانية، وأمددتها بكثير من الطاقة الروحانية التى تقوى إرادتها وروحها فأنت تعلم أننى ملك العجائب..

قال ملك آخر من الملوك الجالسين على كراسى الألباس: اطمئن يا قاضى الجن فأنا أيضاً أساندك معهم جميعاً وسنحاول أنا والملوك الستة الحضور وبمساعدة الأعوان والخُدام أن نحمى ابنتك فأنا الملك أبو محرز الأحمر ملك المكائد.. سأدبر لك ما يُمكننا من استعادة ابنتك.. فلتنصرف وأنت فى غاية الاطمئنان ولا تحاول فعل أى أمر إلا بالرجوع إلينا..

قاضى الجن: أكرر لكم شُكرى العميق بمساندتكم لى ولأبنتى واسمحوا لى أن أستأذن فى الانصراف..

ما زالت الكائنات الشيطانية تحوط الملكة ذات المحاسن بقلعتها وهى ناظرة إلى الملكة دُرّة وإلى دائرتها الطلسمية مفكرة فى كيفية الاستحواذ عليها إلى أن انتفضت فجأة إثر ارتجاج القلعة بالكامل فقامت واقفة وجلة عندما رأت أمامها الملك ميمون المتشح بالسواد وانحنت قائلة: مرحبًا أيها الملك العظيم.. لقد كنت فى انتظارك!

بغضب نظر لها الملك ميمون قائلاً: ماذا تريد أن أيتها الملكة؟

ألم تكفك فعلتك بمنزل الإنسى؟

وهل تستهينى بمساعدتنا فى اتقاء اشتعال حرب شعواء بعالمنا؟ هذا بخلاف ما تسببت به من مشكلات مع قاضى الجن لاختطافك ابنته..

قالت ذات المحاسن بحق: قاضى الجن هو من تعدى على.. هو من بادر بالعداء.. هو من تسبب بطردى من مسكنى هو من فضل مساعدة الأدميين الذين تسببوا فى مأساة أبى ولعنه والغضب عليه.. هو من تسبب فى غضب الملوك السفليين على.. ثم ضحكت وقالت متهكمة: كل ذلك وأنا المعتدية، وأنا من أريد إشعال الحرب حقًا كان يجب أن يمر كل ما حدث ببساطة وكأن شيئًا لم يحدث.. كان علىّ أنا أَرْضَى وأجلس بقلعتى كأى شيطان مسالم مستكين ثم نظرت إليه نظرة ملؤها التحدى وقالت: أنا الملكة ذات المحاسن بنت إبليس.. هل تعلم من هو إبليس؟ إنه الحارث إله الشياطين.. ملك الطغيان والتدمير.. مُدَاعِب الشهوات؛

ولكونى ملكة بنت إله فلن يكفينى اعتذار قاضى الجن لى إلا بإعادتى إلى مسكنى مع الأدميين بنفسه..

قال الملك ميمون بهدوء: أيتها الملكة بنت ملكك الإله لقد استعنت مسبقًا بالملوك السفلية ونصبوا خيامهم وجلبوا الشر ولولا سطوتنا عليهم هم وأعوانهم وعفاريتهم لاشتعلت الحروب وانتشر الفساد ثم كيف تطلبين أن يساعدك قاضى الجن وأنت تختطفين ابنته؟

أشاحت ذات المحاسن بوجهها قائلة: هذا ما أريد، ولعلك تُدرك أنى للآن لم أطلب معاونة أبى لى.. كما تُدرك أن قلعتى لا يستطيع أى كائن حى أن يقترب منها إلا بإذنى، و إذا حاول أحدهم أن يلج إلى هنا فهو من يريد الفتك به من حراس أبى الذين يحيطون بقلعتى وهوائها وأرضها..

الملك ميمون: أنا أعلم كل ذلك وأريد أن أذكرك بالعهود والمواثيق التى بيننا..

ضحكت ذات المحاسن وقد راودها شعور بالكبرياء : أخلجتم تواضعونا أيها الملك.. كم أشعر بالسعادة لزيارتك لنا..

نظر إليها الملك ميمون بُرهة من الوقت صامتًا ثم قال: نحن لا نريد إلحاق الأذى بك أو بكائناتك.. فأنت الآن مطرودة من عالم الجان لم اقترفتيه من أفعال، وستلاحقك اللعنات التى ستضعف قواك.. أشارت ذات المحاسن بيديها بغضب شديد تجاه الفراغ فانطلقت منهما كرة هائلة من النيران وقالت: لولا قوة أبى لكنتم انتقمتم منى وكنت أنا وأعوانى وخدامى مُسلسلين بأرضكم ولكانت قلعتى تحت سيطرتكم.. ثم أشاحت بوجهها ونظرت إلى ملكة الجمال وقالت: أيها الملك ميمون لقد سُررت بزيارتك لى ولكن هذه الملكة ستظل حبيستى هنا حتى تُلبى مطالبى البسيطة..

الملك ميمون: لقد اخترت الحل الأصعب، وستظل ملكة الجمال تحت حماية الملوك الستة وأنا، وسنساعدها دومًا ولتتحقق لعنات عالم الجن..

فى تلك اللحظة اختفى الملك ميمون، واتجهت ذات المحاسن إلى دُرة وقالت بحنان ورقة وخنوع وهى تقترب من دائرتها الطلسمية النورانية: أنا لم أكن أعلم بقدرك وقدر أبيك عند الملوك السبعة.. أنت مثل ابنتى وأنا لم اختطفك بل اختطفك سفاح الجن المارق وماريا الفاشلة، ومنذ وجودك معنا هنا لم أحاول أذيتك أو إهانتك، وأنا لا أريد منك شيئًا فإن أردتى أن ترحلى من هنا فارحلى، هيا اطلقى هذه الدائرة التى تحوطك بعيدًا عنك ودعينا نتحدث كالشياطين العقلاء بدون أى خوف..

ابتسمت ملكة الجمال ابتسامة زادتها نورًا وقالت: أولًا: أنا لست شيطانة مثلك بل أنا جنية مسالمة.. ثانيًا: هل تريد منى أن آمن لك؟ أنك مخلوقة من الشر ولا أريد أن التقى معك أبدًا..

ذات المحاسن: اهدئى يا ابنتى أنا لست كما تظنين.. انضمى إلى وسنفعل ما لم يستطع الآخرون فعله.. تخيلى معى مفاجأة عالمنا باتحاد الجان مع الشياطين، وسعادتنا جميعًا بعموم السلام بيننا..

ملكة الجمال: أنت لا تحفظين عهدًا ولا تصونى ميثاقًا..

فى تلك اللحظة أحاطت بملكة الجمال جحافل من الكائنات خرجوا من تحت الأرض التى تُحيطها الدائرة النورانية المطلسة وأحاطوا بها مشكلين حاجزًا هائلًا بين ملكة الجمال ودائرتها الطلسمية، وضحكت ذات المحاسن ضحكة عالية ساخرة قائلة لملكة الجمال: شئت أم أبيتى ستكونين لى..

من يحيطون بك الآن هم طائفة صغيرة من عفاريتى الغواصين فى أعماق الصخور، وهذه أرضهم التى دخلوا إليك منها والآن سيخرجونك من دائرتك الطلسمية..

هلعت دُرّة مما حدث وحاولت دفع هذه الكائنات بعيدًا عنها، وخفت وهج الدائرة الطلسمية رويدًا رويدًا، وتجمعت الكائنات المتواجدة بالقلعة حول الملكة ذات المحاسن منتظرة اختفاء الدائرة النورانية للانقضاض على ملكة الجمال ومع انتشار ضباب أصفر أحاط بالملكة ذات المحاسن تراجع كافة الكائنات التى تُحيط بالملكة إلى بعيد وانحنت الملكة مرة أخرى وقالت: مرحبًا بك أيها الملك برقان.. لا أستطيع تصديق ما يحدث!!

فى نفس اليوم يقوم بزيارتى ملكان عظيمان..

نظر لها الملك برقان ولم يُعرها أى اهتمام ثم نظر إلى ملكة الجمال وشاهد معاناتها مع تلك الكائنات التى تُحيط بها وأشار بيديه نحو الدائرة فخرج منها دوائر صغيرة فسفورية..

كل دائرة أحاطت بكائن من الكائنات التى تُحيط بملكة الجمال، وأصبح كل عفريت وكائن حبيس تلك الدوائر يُحاول حثيئًا أن يخرج منها ثم رفع يديه لأعلى فخرج منهما شعاع فسفوري اتجه إلى الأعلى ثم عاد بين يديه مكونًا كرة صفراء فسفورية ضخمة شبيهة بفقاعة الماء، وألقى بها نحو ملكة الجمال لتختفى الدائرة الطلسمية النورانية ويحل محلها الفقاعة الصفراء وبداخلها ملكة الجمال التى انحنت فى تلك اللحظة وقالت للملك برقان: أشكرك أيها الملك.. أنا لا أعلم ماذا كنت سأفعل لولا تدخلك ومساعدتى؟

الملك برقان: لقد عاهدنا أباك أن نحفظك ونساعدك ونصونك.. ثم نظر إلى ذات المحاسن واستطرد: لن يستطيع أى مخلوق أن يمس بنت قاضى الجن..

ملكة الجمال: فلتخرجنى من هنا.. أنا أريد الرجوع لأبى..

الملك برقان: يا ابنتى لا تتعجلين.. ستخرجين من هنا ولن يمسك أى سوء.. لكن جنود أبلّيس حول المكان، ولن نستطيع أخذك الآن.. فبيننا وبينهم عهود ومواثيق..

ملكة الجمال: لكنك حضرت إلى هنا وساعدتنى، وحضر قبلك الملك ميمون.. معنى ذلك أنكم تستطيعون الولوج إلى هنا ومساعدتى فى الرجوع إلى أبى..

الملك برقان: صدقت أيتها الملكة.. نحن نستطيع أن نلج إلى قلعة الملكة ذات المحاسن وذلك بعلمها، وكونها نقضت العهود والمواثيق التى بيننا وبينها فإمكاننا فعل ما نريده بداخل هذه القلعة.. لكن يا ابنتى الحراس فى الخارج لم ينقضوا عهودًا أو مواثيق، واعلمى أنك الوحيدة التى تستطيعين الخروج من تلك الفقاعة النورانية ولا تخافى فلن يستطيع أى كائن حى من الولوج اليك..

آسفة على مقاطعتكما هى الجملة التى قالتها ذات المحاسن بطريقة تمثيلية وأضافت: حضورك أيها الملك مُرحب به الآن وغدًا وفى كل زمن، وصدقنى أنا لم أعرف بما فعله هؤلاء العفاريت الغواصون إلا عندما رأيتهم، ولقد تفاجأت مثلكم تمامًا ومن الجيد أيها الملك أنك حضرت فى التوقيت المناسب لأنى لم أكن لأساعدها وهى بداخل هذه الدائرة..

الملك برقان: طالما كنت ستساعدينها إذن دعيها ترحل بسلام..

ذات المحاسن ضاحكة: أنا لا أريد منها شيئًا.. ولكنها السبيل الوحيد الذى سيُجبر قاضى الجن على رد اعتبارى بعالمى وعودتى إلى حياتى ومسكنى لأعيش كيفما أشاء، ولعل الملك ميمون أخبرك بما دار بيننا ولقد شرفنى حضورك أيها الملك برقان..

الملك برقان: إنك تتمسكين بأمل واهٍ لا أساس له، وسنلتقى قريبًا أيتها الملكة، ووقتها سيُحصد كُلُّ منا ما قام بزراعته..

اختفى الملك والضباب الأصفر ما زال منتشرًا حول الفقاعة الفسفورية التى بداخلها ملكة الجمال..

الحقيقة الغائبة تمرض القلب؛
وعند الوصول إليها.. يتعافى..
فتأبى النفس..
حتى تنتشى بالانتقام الذى يحولها إلى أشلاء..

عندما عادت أم بدر إلى منزلها بالبلد وفى أثناء شروء ذهنها وانقسام روحها ما بين فرح بما آل إليها من إرث زوجها المتوفى ومن حُزنٍ عليه للفراق سمعت طرقات على باب الدار وعندما فتحته فوجئت بضرتها تنظر إليها بابتسامة حزينة..

رحبت بها باقتضاب: أهلاً وسهلاً خطوة عزيزة.. اتفضلى يا حاجة أمال..

دخلت ضرتها أمال قائلة: أنا قلت أجي أسأل عليك..

ردت عليها أم بدر باقتضاب: أنت شرفتى وأنستى..

جلست أمال تتحدث معها عن أحوال البلد وحكايات أخرى متفرقة إلى أن قالت: متأخذنيش يا أختى أنا عايزة أكلّمك فى حاجة يمكن ده مش أوانها..

- خير يا أختى؟

- أنت يا أختى لما جيتى لى وقلتى لى إنك عايزة ترجعى الحق لعيلة أخو جوزى أنا رحبت ووافقت، وقلت عشان الرجل يرتاح فى ثربته بس م ساعتها وأنا بسأل نفسى سؤال.. هو ورق حُجة الأرض وصلك إزاي؟

تلال من التوتر كبلت صوت أم بدر واحمر وجهها..

فقالت لها ضرتها بحزم: أيه يا حاجة مبتريدش علىّ ليه؟

تصنعت أم بدر الغضب وردت بجفاء: أنا مش عارفة أنت قصدك أيه؟ الورق اللى رجع لأصحابه ده بتاع جوزى والأرض برضة بتاعته، وكان مسيرها لعيالنا.. يعنى أنا لو وحشة مكنتش قولتلك نرجع الحق لأصحابه، ويا أختى لى نفسك بقى وعيب الكلام ده..

نظرت لها أمال بصمت ثم قالت: يا حبيبتي أنا مش قصدى اللى أنت فهمتيه.. أنا بس خفت تكونى لقيتى الورق ده بالصدفة هنا ولا هنا فقلت لحسن يكون اتسرق من الحاج، وزى ما اتسرق يمكن أى ورق تانى يتسرق فجيتلك أسألك وطمّن نفسى أن ورثى وورثك وورث عيالنا متسرقش منه حاجة..

أنبت أم بدر ضرتها على سوء ظنها وأكدت لها عدم إساءتها لزوجها أو لها فى يوم من الأيام ثم انصرفت أمال على وعد بقاء آخر..

وبعد عدة أيام ذهبت أmaal إلى أطراف القرية وحلت ضيفة على أهل أحد المنازل القديمة وتم الترحيب بها وقامت سيدة المنزل بتقديم فنجان من القهوة لها وقالت لها: اتفضلى..

تناولت أmaal الفنجان، ورشفت منه رشفة فظهر على وجهها الامتعاض وهى تقول: دية مرة قوى أنا مش هاقدر أشربها وأنا كمان مبحبش القهوة..

ضحكت السيدة مُشجعة لها: لازم القهوة تكون سادة وبعدين ده هُما شفتين ثلاثة.. اشربى كأنك بتخدى دوا، وخلي نَفْسَك جوة الفنجان وخطى على الفنجان أى فلوس تطلع منك..

أكملت أmaal رشف ما تبقى بالفنجان ووضعته وعليه خمسة جنيها..

تناولته السيدة الأخرى ورفعت الفنجان مقلوبًا على طبقه، وبدأت برجه مرة بعد أخرى ثم قامت بوضعه على المنضدة وقالت للضيقة: خمس دقائق كدة وهاقراك الفنجان..

مر الوقت بطيئًا يخترقه الصمت إلى أن تناولت الفنجان قارئته وتفرست بداخله مليًا بإمعان وقالت: شوفى يا أختى فنجانك معظمه متكاثف..

قاطعتها أmaal قائلة: معلش يا أم أدهم يعنى أيه متكاثف..

لم تنظر إليها أم أدهم وأُكملت: الفنجان فيه أربع نواحي فوق وتحت ويمين وشمال، فيه نواحي بتبقى رايقة ونواحي متكاثفة يعنى ثقيلة، وكل حاجة بتظهر فى ناحية بكون لها معنى، ولو سمحتى متقطعنيش تانى وأنا هفهمك كل حاجة لما أخلص قراية ثم استطردت وكأنها تُحدث نفسها: الفنجان من فوق فيه فار وحوليه سحب، وقعر الفنجان فيه عقرب ودققت نظرها بالفنجان وقالت: فيه حرف كمان بس مش باين قوى ممكن يكون د أو ب ثم وضعت الفنجان ونظرت لصاحبة الطالع قائلة لها: أنت حصل عندك سرقة، والحاجات اللى اتسرقت منك مش هتعرفى تلاقيها، وحواليك حقد مالى بيتك، وشايفة راجل شكله مفترى..

أmaal: قوليلى هو أيه اللى اتسرق؟ ومين اللى سرقه؟ ومين الراجل ده!!!؟

أم أدهم: أنا مش عارفة أحدد ملامح الراجل ده، وبالنسبة للحاجات اللى اتسرقت من عندك أنا مقدرش أشوف مين اللى سرقها.. أبقي تعالى مرة تانية ونشوف فنجانك تانى يمكن يبان فيه المستخبي..

استأذنت صاحبة الطالع فى الرحيل، وقامت منصرفة على وعد بزيارة قارئة الفنجان مرة أخرى، وقابلت أختها بالطريق ورحبت بها قائلة: دُنيا يا أختى أزيك وازى جوزك وعيالك.. كويس إنى قابلتك.. أنا

عايزاك فى موضوع مهم وذهبا إلى منزل أمال وأعدت دُنيا الشاى لهما وتبادلتا أطراف الحديث وقصت
أمال لأختها عن تجربتها مع قارئة الفنجان..

دُنيا باستنكار: أنت مصدقة قراية الفنجان..

- أنا ولا مصدقة ولا مكذبة.. بس الحاجة أم أدهم لما شافت لى الفنجان قالتلى على حاجات أنا حاسة
أنها حقيقية وأنا مكذبش عليك من ساعة الحاج سعيد ما مات وأنا مش مصدقة موته.. الرجل كان
زى الحصان وبعد ما زاره ابنه بدر وحالته اتدهورت ومرض وبعد كدة مات.. وأنا عايزة اعرف أيه اللى
حصل من ساعتها؟

- يعنى أنت شكة في أيه بالتحديد؟ جوزك مرض وراح المستشفى ومات أيه اللى غريب في كدة؟!
- ما أنا حكيترك موضوع الورق اللى رجعتوا أم بدر لعيلة اخو جوزى.. هوا الموضوع ده اللى خلانى
شكة سعيد

الله يرحمه كان شايل أوراقه هنا فى البيت.. يبقى الورق ده وصلهم إزاي؟

- أنا هريحك يا أختى.. أنت عارفة فهيمة اللى دارها فى آخر البلد!!

أمال: بسمع عنها.. مالها؟

- أنت عارفة جوزى وبخله علي وعلى عياله وعيشتى اللى بقت تتطهق.. رُحت لها وهى خلتهاولى زى
الخاتم فى

صباعى وباخد منه الفلوس اللى تكفينى وزيادة..

- وديه تقدر تعمل أيه؟

- ديه تعمل كتير قوى.. دية معاها ملك بيقول لها على كل حاجة وبيعمل لها كل اللى بتطلبه منه..

- ياريت تخدبنى عندها..

صاحبت أمال أختها دُنيا وتوجها إلى آخر البلدة لزيارة الحاجة فهيمة، ودلفا لداخل دار ريفية بسيطة
متسعة ورحبت بهما صاحبة الدار: أهلاً وسهلاً.. اتفضلوا..

دُنيا: أزيك يا حاجة فهيمة عاملة أيه؟

فهيمة: جوزك عامل أيه معاك؟

دُنيا: من ساعتها وهو بقى إنسان تانى وبيعمل كل اللى أنا عايزاه..

نظرت فهيمة إلى أمال بثبات قائلة: وأنت يا أختى معرفتيش أيه اللى اتسرق منك؟

احتدت آمال على دُنيا قائلة: أنت مبيتلش فى بُك فولة.. مبتقديش تخبى حاجة..

دُنيا باستعطاف: والله يا أختى ما قُلتها حاجة..

قاطعتهما فهيمة موجهة حديثها لأمال: اطمنى.. أختك دُنيا مقاتلش أى حاجة.. أنا عارفة عنك كل حاجة..

تدخلت دُنيا فى الحديث قائلة لفهيمة: أنا يا أختى عايزة أحكيلك حاجة كدة بس والله أنا ما لى ذنب هى أختى اللى اتصرفت بمزاجها.. هى راحت عند واحدة اسمها أم أدهم وقالتلها على حاجات كدة بس أنا قلت لها متصدقهاش.

فهيمة: مش مشكلة يا دُنيا ما هى مكنتش عرفانى.. المهم احكىلى بقى حكاية أم أدهم دية..

دُنيا: صاحبة الشأن موجودة تحكيلك هى بقى براحتها..

وجهت فهيمة حديثها لأمال وشجعتها على الكلام قائلة: احكىلى يا أختى ومتخافيش وإن شاء الله أنا هقف جنبك وهتكون الأمور أحسن بكتير..

بدأت آمال بقص كل ما مرت به من وقت وفاة زوجها إلى وقتها هذا..

جلست فهيمة تسمع بإنصات لأمال وهى تقص على مسامعها كل ما مرت به حتى انتهت من حديثها فبادرتها فهيمة بالقول: أنا عايزة صورة لجوزك وابنه بدر وعايزة حاجة من أتر ضُرتك..

ثم قالت لهما بطريقة جافة: شرفتونا وأنستونا فقاما بالانصراف..

عادت آمال ودُنيا إلى منزل دُنيا، وظلت آمال مكفهرة الوجه شاردة الوجدان فقالت لها دُنيا: مالك يا أختى زعلانة ليه؟ ما أنت كنت كويسة وحياتك ماشية.. أنا مش عارفة أيه اللى خلاك تفكرى فى اللى حصل قبل كدة؟ ما هو اللى حصل وأنت اللى حبة تقلبى المواجه..

تعصبت آمال واحتدت على أختها: عايزانى أقعد أتفرج وأنا عارفة أن فيه ورق اتسرق من بيتى، ولا عايزانى أبقي زيك.. سلبية..

دُنيا بغضب: سلبية فى أيه؟ أنت هطلعى عُلبك على ولا أيه؟

- أنا مش قصدى بس أعصابى تعبانة شوية.. ما إحنا كنا عايشين وكويسين وفجأة كدة الحياة كلها اتقلبت فى لحظة ولقيت نفسى لوحدى فى الدنيا.. ده لولا بنتى أنا كنت ممكن أعمل فى نفسى حاجة..

وبعدين سنين عشتى مع جوزى وعمرى الى راح معاه بيحبونى أنى أدور على حقى وحق بنتى،
وببنى وبينك أنا مش هيهالى بال إلا ما أعرف الحقيقة..

- يا أختى كل شيء نصيب.. افرضى يعنى فهيمة شافت أن كل حاجة كانت طبيعية هتعملى أیه
ساعتها؟ هتفضلى تعطى طول العمر.. أنت لازم تشوفى طلبات بيتك وبنتك وتحافى على مالك
وأرضك الى ورثتهم من جوزك..

- المسئولية كبيرة على، وقلبي مهموم وزى ما أنت قلتي لازم أمشى المركب لوحدى..

- طب هتعملى أیه فى الحاجات الى طلبتها منك الحاجة فهيمة؟

- أنا عندى صورة لسعيد الله يرحمه وبدر ابنه على الموبايل هروح لأى مصوراتى يطبعها بس
المشكلة فى أنى أجيب أتر من عند أم بدر..

- ولا مشكلة ولا حاجة أنت تخرجى من عندى دلوقتى تروحي تزوريها وتسلمى عليها وهناك بقى
تحاولى تخذى أى حاجة من هدومها حتى لو منديل إيديها..

- عندك حق أنا هروحها دلوقتى وهابقى اتصل ببيك اطمئنك، وعشان نشوف هنروح إمتى عند الحاجة
فهيمة

خرجت أمال من بيت أختها متجهة نحو منزل أم بدر لتنفيذ مخططها فى سرقة أى أتر لضررتها
واستقبلتها أم بدر بترحاب وود: اتفضلى يا أختى بيتك ومطرحك..

- أنا كنت فايته من هنا قلت أعدى عليك..

- أنت تشرفى فى أى وقت... تشربى أیه؟

- ممكن أشرب شاى بس ممكن أدخل الحمام..

- تعالى خُشى ومعلش الدنيا مكركبة أصلى كنت هبدأ غسيل بعد شوية..

دخلت أمال إلى الحمام ورأت حاجيات أم بدر داخل أحد أطباق الغسيل فاقتربت منها وتفحصتها إلى
أن وقعت عيناها على قطعة ملابس داخلية خاصة بأم بدر.. فأخذتها وأخفتها بداخل ملابسها ثم
غسلت يدها ووجهها بالماء وخرجت من الحمام وناولتها أم بدر منشفة لتجفف المياه من على
وجهها وجلسا معًا يرتشفان الشاى ثم رحلت أمال عائدة إلى منزل أختها دُنيا وقد ظفرت بأثر
ضُرتها..

رحبت بها دُنيا قائلة: عملتى أیه؟ سبع ولا ضبع؟

- أنت عارفة أختك.. هو أنا صغيرة.. أنا جبت أتر أم بدر، وأخرجت قطعة الملابس الداخلية رافعة إياها بين يديها ضاحكة، ومش أى أتر.. ده أتر من الحطة الحساسة قوى..

بادلتها أختها الضحك وقالت لها: طب أنا هاقوم أغير هدومي عشان نروح عند الحاجة فهيمة..

خرجت دُنيا وأختها قاصدين منزل الحاجة فهيمة لإعطائها الأتر الخاص بأم بدر..

رحبت بهما الحاجة فهيمة: أهلاً وسهلاً أيه النور اللي هل علينا ده، اتفضلوا..

دلفا إلى داخل المنزل وجلسا فبادرتهما الحاجة فهيمة بالقول: أيه أخباركم أنا عارفة أنكم كويسين؟ بس يا دُنيا أختك ميتخفش عليها.. يدوبك أنا طلبت منها أتر ضُرتها ومكْدَبَتْشِ خبر وجابته على طول، وضحكت ضحكة ماجنة قائلة: وأييه.. أتر جامد قوى..

تجمدت أمال ودُنيا مكانهما وحدثت أمال الحاجة فهيمة برعب: هو أنت عرفت منين إنى جبت الأتر ده؟

قالت فهيمة بلهجة جادة وبصوت عميق مؤثر وهى تنظر فى عيناها: مش عيب.. ده أنا الحاجة، وعمومًا أنا هأقولك عرفت منين: أنا يا أختى معاي ملك من المدينة المنورة بيورينى كل حاجة بتحصل، وببخيلينى أشوف كمان اللى هيحصل بكرة، وأوعى تفتكرى إنى ملبوسة أو عندى صرع.. ده حاجة ربانى

- متأخذنيش يا حاجة يعنى أنت مخاوية؟

الحاجة فهيمة: لأ.. أنا مش مخاوية.. الموضوع كله إنى أنا وأهلى كنا عايشين فى البلد وكان عندنا فرن بلدى ماما بتخبز فيه، وكان مكان الفرن دية فى ركن الدار جنب الزريبة، وفى يوم قبل الفجرية كنت داخله الحمام فسمعت صوت ناحية الفرن قربت من الفرن من بعيد فشفت فار كبير جرى نحيتى.. اتخضيت قوى ووقعت جوة الزريبة مغمى عليّ، ومن ساعتها وأنا بشوف الملك ده ثم نظرت مبتسمة إلى أمال وقالت: اطمنتى..

أمال بخرج: لأ أنا مش قصدى بس هو فضول..

تدخلت دُنيا فى الكلام موجهة حديثها لأمال: طلعى الأتر أدية للحاجة عشان نشوف الدنيا فيها أيه؟

أخرجت أمال الأتر وأعطته للحاجة.. ونظرت فيه الحاجة مطوّلاً ثم ركنته على طرف الكنبه التى يجلسون عليها وقامت بإحضار مفتاحاً نحاسياً من مفاتيح دواليب الملابس القديمة يزيد طوله عن

العشرين سنيتمر ويُشبه مفتاح النيل الفرعوني ثم أحضرت مُصحفًا وربطته من وسطه بالطول والعرض بأستك ملابس، وربطت طرف هذا الأستك بأسفل المفتاح التي أحضرته ووضعت المُصحف مربوطًا بالمفتاح على منضدة قريبة، ورفعت المفتاح من أعلاه من مكان مسكه، وطلبت من أمال أن تسند بإصبع السبابة طرف أعلى المفتاح معها فأصبح المفتاح مرفوعًا من ناحية بأصبع أمال ومن الناحية الأخرى بأصبع الحاجة فهيمة ليصبح المصحف حرًا في الهواء متدليًا بهذا الأستك المربوط في المفتاح ثم تمتت الحاجة فهيمة بتمتات غير مفهومة إلى أن قالت: لو أم بدر ضرة أمال سرقت حاجة من بيت أمال لف ناحية اليمين وإذا كانت مسرقتش لف ناحية الشمال فلف المصحف ناحية الشمال فقالت مرة أخرى: لو فيه حد سرق حاجة من بيت أمال لف ناحية اليمين و إذا متسرقش حاجة لف ناحية الشمال فلف المصحف ناحية اليمين فطلبت من أمال وضع المصحف برفق على المنضدة..

تنهدت فهيمة بعمق وتنفست الصعداء وقالت لأمال: ضرتك مسرقتش حاجة من بيتك.. بس حصل عندك سرقة فقاطعتها دُنيا قائلة بعفوية: كدة تمام يبقى كلام أم أدهم صح..

رمقتها الحاجة فهيمة بحدة وقالت بغضب: ما دام أم أدهم كلامها صح جيتولى أنا ليه؟ يلا اتفضلوا روحولها وخلوها تجيبلكم السارق..

حاولت أمال تصحيح فعل أختها: متزعليش يا حاجة من دُنيا أنت عرفاها مدب، واللى فى قلبها على لسانها.. دية هى اللى خلتنى أجيلك.. أنت متعرفيش هى بتشكر فيك إزاي؟ ده أنت الخير والبركة..

ردت فهيمة باقتضاب: ما أنا عارفة.. المهم دلوقت أنا عايزة أجى معاكم عند الست دية اللى اسمها أم أدهم عشان أشوف مين اللى عليها وأشوف إذا كان ينفع نشتغل أنا وهى مع بعض ولا لأ.. فشوفوا أنتو هتروحوا إمتى وقولولى قبلها، وبخصوص السرقة اللى حصلت عندك يا أمال متشليش هم.. أنا هقولك مين اللى سرقك؟ وهجيبهولك لحد عندك زاحف على رُكبه..

استأذنت دُنيا وأختها وانصرفا على وعد بمقابلة الحاجة فهيمة عند أم أدهم فى أقرب فرصة.

دبت الحماسة فى نفس دُنيا لتلهفها لرؤية لقاء الحاجة فهيمة مع أم أدهم وكان شغلها الشاغل كلما زارت أختها أمال هو الحديث عن علم الحاجة فهيمة بالخفايا وأسرار النفوس، وحضورها الطاغى الذى تتمتع به فيتأثر به كل من يجلس معها، وكانت أمال تسمعها مشغولة خاطر غافلة عما حولها وبكت عندما تذكرت سنوات عمرها التى عاشتها مع زوجها، وكيف كانت أهداب عينيها ترقص لرؤية وجهه كل يوم، وكيف كانا يسيران معًا فى الحياة جنبًا إلى جنب يساند كل منهما الآخر..

وازداد نَحيبها عندما شعرت بأن الحياة أخذتها على حين غُرة فخبأ مدادها بفراقه..

إنه لم يكن لها مجرد رجل بل كان سماءها التى تستظل بظلها، وحينها بكت دُنيا متأثرة بوجل لرؤيتها أختها مهمومة حزينة وحاولت أن تواسيها.. ولكن هيهات.. لقد اختنق صوت أختها وأصبحت تتنفس بصعوبة فهرولت دُنيا لعمل كوب ماء بالسكر وظلت تُدلك صدر أختها حتى استأفقت وهدأت نفسها.. فعاتبته دُنيا على ما تفعله بنفسها قائلة: يا أختى ده لو كل واحدة جوزها مات عملت زيك كانت الحياة انتهت.. أنت بتعملى فى نفسك كدة ليه؟ وأنت لما يحصلك حاجة بنتك دية هتعمل أيه من غيرك؟ حرام عليك نفسك..

تكلمت آمال بصوت ذلك العذاب الذى أوهنها: غصب عنى يا أختى أنا مكنليش غيره.. ده ساعات بأسمع صوته بينادينى..

- وحدى الله ومتقوليش كدة ربنا استرد وديعته، وربنا إن شاء الله هيكلمه ويدخله الجنة..
- ونعم بالله بس أنا مش هرتاح إلا ما أعرف أيه اللى حصل هنا فى بيتى؟ والسرقه اللى قالتلى عليها أم أدهم دية حصلت إزاي؟ ده مفيش باب ولا شباك اتكسر يبقى اتسرقنا إزاي..
- متستعجلش كلها كام ساعة وأدينا هنروح النهاردة ناخذ الحاجة فهيمه ونعرفها بأم أدهم، وأكد هما الاثنين هيقولونا أيه اللى حصل؟

مرت الساعات طويلة إلى أن سمعت الأختان آذان المغرب فاستعدا لمغادرة المنزل للذهاب إلى منزل الحاجة فهيمه واصطحابها معهما إلى منزل أم أدهم، واللى قابلتهم بالترحاب..

ام أدهم: شرفتونا وأنستونا يا ترى أعمل قهوة ولا تشربوا أيه؟

ردت دُنيا وهى مبتسمة: أنا وأختى هنشرب أى حاجة غير القهوة والحاجة فهيمه هتشرب فنجان القهوة بتاعك اللى هتقريبها..

قدمت أم أدهم لكل ضيفه مشروبها التى قامت بإعداده وطلبت من الحاجة فهيمه أن تشربه بنية خالصة وإن تجعل تنفسها داخل الفنجان، وأن ترتشفه رشفة تلو الأخرى بهدوء فلبت الحاجة فهيمه طلبها ثم أعطتها الفنجان بعد انتهائها من رشفة..

قلبت أم أدهم الفنجان على طبقه ورفعته ورجته وتركته قليلاً ثم أمسكت به مرة أخرى ورفعته لمستوى عينيها ونظرت بداخله وعقدت حاجبيها فى دهشة ونظرت إلى الحاجة فهيمه وقالت: مش معقولة!!

قالت الأختان دُنيا وآمال فى نفس واحد وبفضولٍ قاتل: شايفة أيه؟

- أول مرة فى حياتى حد يشرب عندى فنجان بن، والبن ميبقاش على جوانب الفنجان.. البن كله راكد فى القعر والفنجان نظيف كأن اللى كان فيه شاي ثم نظرت بتوجس إلى الحاجة فهيمة قائلة لها: أنا مش مرتاحة من ساعة ما جيتى عندى أنت أيه؟ وأييه اللى جابك عندى؟ أعوذ بالله من الشيطان الرجيم..

ابتسمت الحاجة فهيمة ابتسامة المنتصر فى المعركة وقالت: أنت بتقوليلى أنا .. أنت أيه؟

بس عندك حق.. أنا اللى معرفتكيش بنفسى، وقامت بمسك كوب الماء وسكبته على بلاط الغرفة وقامت برش قليلاً من بودرة بيضاء كانت تحملها على الماء فاشتعل الماء ناراً..

تراجعت دُنيا وأمال إلى الوراء ممسكتان ببعضهما البعض، ووقفت أم أدهم مبهوتة فاتحة الفاه مما تشاهده فقالت لها الحاجة فهيمة: أيه.. أنت مش ست قادرة وبتعرفى تقرى الفنجان وطالع الناس، وليك فى المواضيع دية.. طب ما تطفى النار، ولا أقولك قولى للى معاك أيه اللى حصل دلوقتى؟

- أنت جاية فى بيتى عشان تهزئينى؟ وأييه حكاية اللى معايا دية؟ ثم نظرت إلى دُنيا وأمال قائلة لهما بحدة: أنتوا حكيوتولها عنى أيه بالضبط؟

تكلمت الحاجة فهيمة قاطعة الصمت الذى ران على جميع الحضور: أنا عارفة يا أم أدهم كل حاجة عنك ومتسألنيش عرفت منين عشان أنا مينفعش اتسأل؟

وعارفة زى ما أنت عارفة أنك حاولتى تسيطرى على عقلى لما جيت عندك.. بس مقدرتيش عارفة ليه؟

عشان أنا اللى معايا ملك، واللى معاك قرين.. وأنا هقضيالك عليه عشان متفكريش تشتغلى فى البلد اللى أنا فيها تانى إلا لما تستأذنى منى ثم وجهت حديثها إلى دُنيا وأمال قائلة: متخفوش.. أم أدهم دية ست طيبة بس كل الحكاية أن معاها قرين خايب حبتين يدوبك يعرفها مين اللى جى عندها وظروفه أيه وهى عليها الباقي ثم قامت واتجهت إلى باب الشقة قائلة لهما: يلا بينا بقى كفاية كدة هنروح عندى، وأنا هريحكم وأقولكم على كل حاجة أنا عارفة أنكم قلقانين..

ونظرت إلى أم أدهم قائلة بتهكم: النار اللى أنت شفتيها دية مش سحر ولا حاجة.. اصلك مش حمل سحر.. ده حاجة اسمها صوديوم لما بيبجى على المية بيولع.. ثم ضحكت وانصرفت هى ودُنيا وأمال..

وجلسا بمنزل الحاجة فهيمة والتي بادرتهم بالقول: أنا عارفة أنكم خايفين من اللى حصل بس أنا كان لازم أعمل كدة وده عشانكم أنتوا وغيركم لأن أم أدهم دية واللى زيها هتبولظ سمعتنا وعشان أطمنكم الست دية كل اللى معاها قرين بس اضعف من الملك اللى معايا واللى قدر يسيطر عليه ويحبسه.. عشان كدة هى مقدرتش تتكلم..

دُنيا: بس هى قالتلى قبل كدة حاجات حصلتلى، وأنا مكنتش حكيها لحد، وقالت لأختى أنها اتسرقت وانت يا حاجة اكدتى الموضوع ده..

ضحكت فهيمة وقالت: أنا هفهمك الحكاية كلها.. أم أدهم دية اتعلمت قراية الفنجان من أمها.. بس هى مش فاهمة فيه حاجة لأنه علم كبير.. المهم.. القرين هو اللى كان بيقولها تفاصيل عن اللى بيحى يزورها، وهى كانت بتسمع القرين ده بيقولها آيه وتأخذ الكلام ده وتشوفه هيمشى على شكل آيه فى الفنجان.. يعنى القرين جالها قالها أن فى سرقة حصلت فى بيتك فهى تشوف السرقة دية بيترمز لها بأيه فى الفنجان وتقولك اللى يمشى مع السرقة.. وهى طبعا قالتلك إنها شايقة فار..

رددت آمال بانبهار وبتصديق تام: فعلا يا حاجة كلامك صح قالتلى إنها شايقة فار..

وأكملت دُنيا: وشافت عقرب كمان..

ضحكت الحاجة فهيمة بثقة قائلة: عقرب ده بالتحديد يؤكد أنها كدابة لأن العقرب يُعبر عن الحقد والعداوة وأى حد مننا ممكن يكون حواليه ناس حاقدة وحسودة ومش كويسة فنظرت دُنيا وأمال إلى بعضهما البعض ولسان حالهما يُنبئ بعدم التصديق، فاستطردت الحاجة فهيمة فى القول.. حكاية أم أدهم متفرقة كثير عن قراية الكوتشينة والكف وأى ست عرافة بتضرب الودع والرمل..

الناس دية يا حبايبى أذكاء جدًا وبملكو فراسة جامدة قوى.. والعرافة من دول تُبص فى وشك وتحاول معرفة حالك منه.. فمثلا: الست اللى بتحب بيبان عليها.. وإحنا ستات وفاهمين الكلام ده كويس.. والست اللى جوزها مطهقها فى عيشتها بتبقى حزينة على حالها وبرضه بيبان عليها البؤس.. وهنا بقى العرافة تقولك الكلام اللى على هواك واللى أنت نفسك تسمعيه أو ممكن تقولك كلام يمشى مع كل الناس..

مثلا: أنت واحدة طيبة وقلبك أبيض وبتحبى الخير لكل الناس وحواليك ناس بيحقدوا عليك وبيتمنولك الشر أو تقولك أنت عندك حد غايب عنك المهم أنها بتحاول تجيب الفكر اللى فى ضميرك.. وتقولك أنت هتنولى غرضك ومرادك هتنتصرى على العوازل..

يا جماعة أنا مش زى أم أدهم اللي بتاخد فلوس من الناس.. أنا باخدم الناس عشان الملك اللي معايا قايللى أنى لازم أساعدهم وأنتوا جيتوا قصدتوني وأنا مش هخذلكم..

قاطعتها دُنْيا: معلش يا حاجة.. أختى آمال تعبانة قوى ومبتنمش الليل وحالتها بقت صعبة، وأنا خايفة عليها

فهيمة: طول ما أنا جنبها متقلقيش عليها.. وأنا يا ستى هريحالك دلوقت..

قامت فهيمة بإحضار طبق كبير من النحاس وإناء به مادة حمراء..

ثم أحضرت ريشة دُجاجة ووضعتها بالمادة الحمراء ورسمت على قاع الطبق مثلثًا وكتبت على أطرافه بعض الرموز والحروف والأرقام وأحضرت بيضة وفصلت بياضها عن صفارها ووضعت البياض بالطبق وقالت: أجيبوني وتوكلوا يا خدام هذه الأسماء وأتوني بالسرقة التى سُرقت من بيت آمال بنت فريدة، ثم بخرت الطبق ببخور كثيف ذي رائحة نفاذة وقامت بتغطية الطبق بقماشة بيضاء وأمسكته بين يديها مرددة تمتات خافتة لا تُسمع وأغمضت عينيها وظلت ممسكة بالطبق لفترة طويلة..

رفرف الصمت بجناحي الخوف والترقب فوق آمال وأختها فحولهما إلى طفلتين جائعتين ينتظران إتمام أمهما لهما وفى هذه الأثناء اهتز الطبق الذى تُمسك به الحاجة فهيمة اهتزازًا عظيمًا مُخيفًا، وسمع الجميع صوت أجراس هادئة فتركته الحاجة فهيمة وقالت: اسكت أيها المولود واجلب حاجة المسروق ثم أحضرت ثلاث ورقات ووضعت بكل ورقة ثلاث فلفلات وثلاث ملحاح وأحرقتهم وقالت: اخضع.. اخضع.. ثم رشّت رماد الورق المحروق على قطعة القماش التى تُغطى الطبق النحاسى، و أشارت إلى آمال قائلة بثبات: ارفعى القماش..

نظرت آمال لدُنْيا ولم تتحرك وكأنها تحولت لصنم..

قالت لها فهيمة بصوت عميق وهى تضغط على حروف كلماتها: ارفعى القماشة من على الطبق وإلا هتأذينا كلنا وببِدْ مُرتعشة خائفة رفعت آمال القماشة من على الطبق.. فظهر ورق مطوي داخل كيس بلاستيكي..

قالت فهيمة لأمال بغضب: مدى أيدك وخدى الورق وافتحيه..

أخرجت آمال الورق من الطبق النحاسى وأزالته عنه الكيس البلاستيكي فأتسعت حدقة عينيها وفتحت فاهها..

قالت لها دُنيا: أيه ده يا أختى؟

ردت عليها فهيمة: ده اللي اتسرق من بيتها..

دُنيا: ده شوية ورق أنا كنت فاكدة أن اللي اتسرق ذهب ولا فلوس..

أمال: الورق ده أغلى من الفلوس.. ده ورق الأرض اللي جاتلى ضرتى عشان تخلىنى أوافق أن إحنا نرجعه لولاد أخو جوزى وأنا وافقت وقلت نرجعْهُم عشان الرجل يرتاح فى ثُربته بس ما دام الورق ده كان مسروق من بيتى يبقى هما اللي سرقوه، وما دام سرقوه يبقى مش هيشوفوه تانى ولا هما ولا غيرهم..

تنهدت دُنيا قائلة: الحمد لله.. كدة الحق رجع لصحابه.. ثم نظرت إلى الحاجة فهيمة وقالت: بس أنتى يا حاجة سرك باتع قُلت هتجيبى السرقة وجبتيها.. إحنا متشكرين قوى.. شوفى بقى طلباتك أيه؟

فهيمة: كدة أنا أزعل منك أنا مش عايزة أى فلوس ده أنتوا أخواتى أنا عايزة حاجة واحدة..

ردت أمال وأختها فى نفس واحد.. أُمُرى..

فهيمة: أنا كدة عملت معاكو جميلة أنا عايزاكو تُردوهالى أما أنا أطلبها..

همت أمال بالرحيل وقالت: فى أى وقت محتاجة رد الجميلة دية إحنا هنكون جاهزين، و أشارت إلى دُنيا قائلة: يلا بينا ده إحنا طُولنا قوى عند الحاجة.. قاطعتها الحاجة مبتسمة: هو أنتو مش عايزين تعرفوا مين اللي سرق الورق ده؟

تسمرت الأختان مكانهما وجلسا مرة أخرى، وقالت أمال: أيوة يا حاجة عندك حق ده أنا كنت ناسية خالص.. إحنا لازم نعرف مين اللي سرق الورق ده، وسرقه إزاي وليه؟؟!!

قامت فهيمة بإعداد مشروب لثلاثتهما ووضعتنه على المنضدة ثم قامت بجلب بعض الأبخرة وجلست مع الأختين ترتشف مشروبها بتلذذ وأطلقت بخورًا ذات رائحة عطرة، وقالت لهما: أنتو تقعدوا ساكتين ومتخفوش من أى حاجة و إذا شفتونى باعمل أى حركة محدش يجى جنبى مهما حصل عشان أنا هخلى الملك اللي معاي يجى عشان يعرفنى مين اللي سرق بيتك وأحضرت ورقة بيضاء رسمت عليها مربع بالحروف والأرقام وكتبت داخله بحروف مفرقة سارق متاع أمال بنت فريدة وقامت بإحضار حفنة من الملح ووضعتها فوق الورقة و أشارت إلى جوانب الغرفة وهى تُحرك شفيتها بكلام غير

مسموع فارتفعت حفنة الملح فى الهواء لفترة وجيزة ثم هبط الملح على الورقة مُشكلاً اسم أحد الأشخاص ثم سكن كل شيء فقالت فهيمة: تعالى يا أمال شوفى مين اللى سرقك؟

نظرت أمال إلى الاسم وقالت: أنا مش قُلتك يا دُنيا.. أدى شكى طلع فى محله..

دُنيا: مين يا أختى؟

أمال: بدر ابن جوزى من مراته الأولانية.. بس إزاي دخل الدار وسرقنا؟

فهيمة: مش مهم يا أمال سرقك إزاي.. أديك عرفت وخلص..

أمال: بس أنا طالبة منك طلب.. أنا عايزاك تجيبهولى تحت رجلى مذلول طالب الرحمة منى..

فهيمة مبتسمة: بسيطة.. بس مش هينفع أعمل كدة وأنتوا موجودين لأن الموضوع محتاج شوية وقت بس أوعدك إنى أنا أخليه يجيك يطلب منك السماح، وقامت أمال ودُنيا بالاستئذان وانصرفا..

بعد انصراف الأختين قامت الحاجة فهيمة بإحضار بعض البخور ووضعته بالمبخرة وقالت: اذهب إلى بدر ابن سعيد، وظلت تُرددّها كثيراً إلى أن سمعت صوت خبطة على الأرض فلم تعرها اهتماماً وقالت: أقسمت عليكم يا خدام هذه الحروف الشريفة بأن تتوكلوا بإرسال خدامكم وأعاونكم فى صورة وهينة وصفة أمال بنت فريدة إلى بدر بن سعيد واضربوه وعذبوه واقلقوه فلا ينام ولا يرتاح إلا بوقوفه أمامها ذليلاً مُطيعاً يطلب رضاها ويقضى حقها ثم أحضرت بعض التراب ومزجته بالماء وشكلته بشكل ثعبان وكتبت عليه اسم بدر وانتظرت إلى أن سمعت خبطة أقوى من الأولى فقالت: أقسمت عليك أيها الملك الثعبان أن تهتف إلى بدر بن سعيد بالنار والشرار وأن تأتية عند النور والظلام.. أسرع وعجل ولا تُمهل ثم أشعلت شمعة ووضعتها على الثعبان الذى شكلته بالتراب..

مرت الأيام ثقيلة على بدر فقد خسر كل شيء وعاد مرة أخرى إلى نفس نقطة عودته من بلده إلى القاهرة وعاد مرة أخرى إلى سكنه باللوكاندة وإلى عمله القديم، وفى أثناء عودته من عمله ذهب إلى الكهف الذى فُتح به الكنز سابقًا، وأشعل شمعة كانت معه وقرب الخاتم الذى بحوزته من نارها وتمنى بأن يفتح الكنز ولم يرضخ الكنز لرجته فجلس داخل الكهف على أحد الصخور يائسًا حزينًا نادبًا لحظه العاثر فلفت نظره زجاجة مياه بلاستيكية فارغة ملقاة على الأرض وبقايا من الخبز الجاف وكيس ملح فارغ وبعض زجاجات زيت الزيتون الفارغة وبقايا أكثر من شمعة منصهرة، وسأل نفسه: هل أصبح هذا الكهف مأوى لأحد المتسولين؟

هب فرعًا وهو ينفث دخان سيجارته فى الهواء فقد رأى شخصًا واقفًا بمدخل الكهف حاملًا كيسًا متوسطًا من القماش ينظر له، وقال له هذا الشخص بمدخل الكهف: أنت مين؟

- أنت مين أيه؟ هو أنا قاعد فى بيتكم..

توجه له هذا الشخص منفعلاً وقال: ما تتكلم كويس.. أنت بتتكم كدة ليه ثم وقف حائلًا بينه وبين باب الكهف قائلاً له: أنت هتقولى أنت مين وأييه اللى جابك هنا؟ ولا أدفنك مكانك..

ضحك بدر وهو يشير إليه بأصبع السبابة أنت تدفننى أنا .. أنت لولا راجل كبير أنا كنت عرفتك مقامك..

بادله هذا الرجل الضحك ثم صمت فجأة وأشار بيديه نحوه فشعر بدر بشلل كافة أطرافه ولم يستطع التحرك..

قال له الشخص: ما تعرفنى مقامى.. سكت ليه؟ ثم جلس بهدوء على إحدى الصخور وأشعل سيجارة، وعندما انتهى منها أشار إليه مرة أخرى فعاد طبيعياً كما كان.. ووقف بدر صامتًا خائفًا..

الشخص لبدر: احكى لى بقى حكايتك..

- أنا معنديش حكاية ولا حاجة أنا كنت معدى من هنا وكنت مخنوق شوية فقلت أخش هنا..

ضحك هذا الشخص متهمًا وقال: أنا بقى هأقولك أنا هنا ليه؟ أنا هنا عشان دية خلوتى وده كهفى.. وأنا هسألك للمرة الأخيرة وبعد كدة متلومش إلا نفسك.. أنت هنا ليه؟

رد عليه بدر منتبهًا: خلوتك.. يعنى أيه خلوتك؟

- ما أنا عشان أحكيك وأديك الأمان.. أدينى أنت كمان الأمان واحكى لى..

- طيب أنا لما احكيك هستفيد أيه؟

- يمكن نبقى أصحاب والناس لبعضيها زى ما أنت عارف..

نظر إليه بدر صامتًا سارحًا مُحدثًا نفسه فيها أيه لما أحكيه؟ هو هيعمل أيه يعنى؟ ما دام هو موجود فى المكان ده ممكن يكون عنده فكرة عن الكنز ويمكن هو اللي خده أو يمكن يقدر يساعدنى فأشعل سيجارته وقال له: أنا هقولك وأحكيك..

وحكى له بدر باختصار عن كل شىء مر به من ساعة نزوحه من بلده إلى القاهرة، وهذا الشخص يستمع منتبهًا له بكامل حواسه، وعندما انتهى من قص مُجمل الأحداث التى مرت به قال له الشخص: ده أنت زُمل بقى..

بدر مندهشًا: زُمل.. فى أيه؟

- أنا اسمى عنتر والمكان ده أنا كنت عامل فيه خُلو.. بس اللي محيرنى أنك مش عارف الخلوة مع أنك معانا فى الصنعة، واستطرد قائلاً: المهم.. أنا من الآخر كدة دكتور فى صنعتى ومش هاحكى ليك تفاصيل مش هتفيدك بحاجة بس أنا هساعدك وأشوف الكنز ده مش عايز يتفتح ليه بس أنا لي نُصه ثم قام بفتح الكيس القماش الذى يحمله، وأخرج شيئًا منه يُشبه الحجر الصغير وقام بإشعاله فانتشرت بالمكان رائحة كريهة جدًا وقال: بحق العفريت الملك دهموش وطاعته للملك الطاووس ارفع هذه الصخرة المغلقة للكنز.. بحق شماط ساكن النيران.. أفلقوا الصخور وعذبوا خُدامها واطردوا أعوانهم، وافتحوا كل قفل غليق..

أقسم عليكم بالأقسام السريانية أن تُسَخروا لى خُدام هذه الأسماء وتقضوا حاجتى، وتناول بعض التراب من الأرض وألقاه فى الهواء فتشكل هذا التراب على هيئة كلب أسود فتكلم معه عنتر بكلام غير مفهوم فتحول هذا الكلب إلى كائن بشع الخُلقة وحمل صخرة ضخمة جدًا وتوجه نحو أحد جدران الكهف ثم تحول إلى كائن هُلامى وقذف الصخرة باتجاه الجدار وارتدت له الصخرة مرة أخرى..

كرر هذا الكائن الأمر مراتٍ ومراتٍ، ولم تنفلق الصخور فتوجه إلى عنتر مرة أخرى وتكلم كلامًا غير مفهوم ثم اختفى مرة أخرى..

سأل عنتر بدر: هو أنت قُلت لى اسم البنيت اللى كنت مصاحبها أيه؟

- ماريا

ارتج الكهف بقوة وتوجه عنتر بسرعة نحو بدر ممسكاً بيده مهرولاً به نحو مخرج الكهف وخرجا
لاثنين نحو الطريق هاربان من انهيار بعض الصخور، والتي أغلقت مدخل الكهف بانهيارها وعندها
استأذن بدر لكي يرحل ولكن عنتر أصر على دعوته لبيته وتوجهها معاً إلى مكان مُكتظ بالمقابر
المنتشرة حول جبل ضخّم ذي نتوءات بارزة أسفلهُ منحوتة بداخلها بعض من هذه المقابر وسارا داخل
طُرقات تلك المقابر..

- هو إحنا أيه اللي جايبنا الثرب؟

أشار عنتر إلى إحدى المقابر المنحوتة فى الجبل وأمسك بيد بدر ودخلا إلى هذه المقبرة وقال: ما
هو ده بيتى هو فيه أحلى من كدة.. هدوء وراحة وخصوصية.. ومحدث يقولك مين اللي جيلك؟ ولا
الدوشة دية ليه؟ يعنى بمعنى أدق عايش ملك، وكمان لو احتجت أى حاجة من أى ثربة بعرف أجيبها
بسهولة.. اتفضل عقبال ما أعمل الشاى..

جلس بدر متفحصاً المكان.. مقبرة متسعة بها بعض الأثاث الخشبى القديم.. حيوانات محنطة
موضوعة هنا وهناك.. مكان غامض مخيف ذي رائحة غير محببة للنفس..

عاد عنتر ووضع كوبين من الشاى على منضدة جانبية مصنوعة من الطوب شبيهة بالحجر الكبير
وقال: اشرب الشاى كدة ومخمخ، واحكىلى حكايتك من ساعة ما رُحت سكنت مع صحك..

بدأ بدر بقص الأحداث بثُودة وتأنٍ مع إخفاء كثير من التفاصيل ثم استأذن فى الرحيل..

- أنت رايح فين؟

- رايح على اللوكاندة عشان أشوف حالى وأروح على شُغلى بعد كدة، وكمان أنا عندى كلية الصبح..

- لأ أنت هتروح على اللوكاندة وهتجيب هدمك وترجع على هنا عشان تقعد معاي..

- مش هينفع.. أنا عندى شغل وكلية.. وكمان مش هاقدر أقعد هنا وبعدين أنت عايزنى أقعد معاك

ليه؟ ما أنا هابقى أعدى عليك من وقت للتانى يمكن تلاقيلنا طريقة نفتح بيها الكنز..

- أنت مش قُلتلى أنك ورثت فلوس من أمك.. يعنى مش هتحتاج الشغل فى حاجة، وكدة كدة بعد ما

تتخرج وتأخذ شهادتك من الكلية مش هتعمل بيها حاجة.. خلاص تعال عيش معايا، وأنا معايا فلوس

كتير وفى نفس الوقت نشوف طريقة نفتح بيها الكنز بتاعك، ويمكن تتعلم منى حاجة تنفعك بعد

كدة..

لم يُبد بدر أى اعتراض وقال: يمكن أكون تقيل عليك..

- متقولش كدة أنت تآنس وتنور..

رجل بدر واحضر حاجياته من اللوكاندة وعاد مرة أخرى إلى المقابر للسكن مع عنتر الذى رحب به وأخبره بأن عليهم البدء فى تفسير كل ما حدث له..

عنتر: ورينى التمثال اللى كان ذهب وبقي حجر..

أخرج بدر التمثال من شنطة ملابسه وناولوه لعنتر..

تفحصه عنتر جيداً قائلاً: اخلع بقى الخاتم اللى فى أيديك ده عشان أشوفه.. فخلعه وناولوه إياه ووضع عنتر التمثال والخاتم داخل أنية فخارية ثم كتب حروفاً وأرقاماً على يد بدر ثم تناول علبة خشبية مكتوب عليها صندل وأخذ منه القليل ووضعه على الفحم المشتعل بالمبخرة التى بجانبه وتمتم تمتات غريبة.. ثم تناول الخاتم من الأنية الفخارية وقام بلحسه وأعادته مرة أخرى إلى الأنية الفخارية مرة أخرى، مع إطلاق البخور بكثافة وظل يُتمتم حتى انصرع بدر ووقع على الأرض فتحرك عنتر إلى جانب المقبرة التى يعيش بها، وأزاح ستارة فظهر تحتها سلم باطن المقبرة فنزل إلى الأسفل وأشعل الشموع وأطلق البخور ثم قال: أقسمت عليكم يا أهل المعاصى والفجور أقسمت عليكم يا جماعة العفاريت والأبالسة المتمردين بحق سيدروش وسلكموش.. أجيئوا بحق هذه الأسماء وطاعتها عليكم وإلا تكونوا لآدم من الطائعين الساجدين ثم خرج من المقبرة صاعداً إلى أعلى، وتمتم مرة أخرى فاستفاق بدر فقام عنتر بإحضار إناء واسع وصب بداخله مياه وقال: انزل يا خادم هذا اليوم فاهتز الإناء وتلاطم الماء داخله وأصبح يغلى ويفور، وطلب من بدر النظر داخل الإناء وأخبره بما يراه..

نظر بدر إلى الإناء ثم أخبر عنتر بما يراه فقال: الزجاجاة أصبحت مظلمة جداً، وأرى بداخلها خيالاً واقفاً يُشبه الثعبان، وهب محاولاً الابتعاد عن الإناء وسقط على الأرض وفى أثناء سقوطه اصطدمت يده بالإناء فوق مكسوراً واندفع نحوه عنتر وساعده على الوقوف قائلاً له: أيه اللى حصل؟

رد عليه بدر بوجل حاد وبصوت مرتجف: لقد حاول الثعبان الخروج من الإناء والانقضاض على.. فخفت ووقعت كما رأيتنى..

- الموضوع أكبر بكثير مما توقعت.. اهدى كدة وريح وأنا نازل تحت أعمل حاجة وطالع تانى..

- تحت فين؟!

عنتر بابتسامة هادئة: متقلقش وأنا جنبك..

نزل عنتر إلى باطن مقبرته مرة أخرى وأحضر ملحًا ورشه وقال: بحق إبليس خذوا قلب الثعبان الذى ظهر فى قصرى وزلزلوا الأماكن وشققوا السقوف والحيطان وأخرجوا عمالقة الشياطين ليحضروا هذا الثعبان أمامى أقسمت عليك يا عامل وأنت يا قاهر وأنت يا راهل.. جلبتكم وسحرتكم وزجرتكم أن تأتونى طائعين خاضعين ذليلين ثم صعد مرة أخرى إلى بدر وقال له: أنا خارج أجيب طفل من أطفال سكان القبور ولا أريدك أن تتفوه بأى كلام وأن تسكت عما ستره ثم انصرف إلى الخارج..

عاد عنتر ومعه أحد الصبية الصغار، وأجلس الصبى على الأرض ثم أحضر قلمًا ومرآة وكتب خلفها طقطقوش مهرقوش وقال: اظهروا يا ملوك الكشف.. وطلب من الصبى النظر فى المرآة وعدم التكلم إلا بعد انعدم رؤيته للأشياء الظاهرة فى المرآة، وبعد لحظات قال الغلام: لقد رأيت شخصًا لونه أزرق ولحيته تميل إلى الحمرة وشخصًا آخر أبيض ذا لحية بيضاء يمسان بقوة ثعبانا ضخماً ثم اختفى كل شيء، وعادت المرآة كما كانت..

أعطى عنتر الصبى بعض النقود وأمره بالانصراف ثم وجه كلامه إلى بدر قائلاً: تقريباً أنا عملت حاجات كتير عشان أتأكد من اللى أنت حكيتهلوى، وبالرغم أنى مشفتش حاجة بس أنا حاسس أن كلامك صحيح بس الغريب أنى مش قادر أشوف البنت دية اللى أنت حكيتلى عنها.. حتى لما اتكلمت مع قرينك معرفتش أوصل لحاجة عشان كدة فيه هنا مكان فى الجبل محدش يعرفه غيرى.. أنا هروح أقعد فيه عشان أعمل خلوة معينة بعدها هقدر أشوف كل حاجة..

بدر: أنت هتسيبنى قاعد هنا لوحدى.. طب خليتنى أسيب اللوكاندة ليه، وأجى أقعد معاك ؟

عنتر: متقلقشى هو يدوبك أسبوع وهرجعك وهنا فيه كل حاجة ممكن تحتاجها الأكل والشرب، وأنا هخلى التربى اللى هنا يشقر عليك من وقت للتانى عشان لو احتجت حاجة، ثم ناوله أحد الكتب الخاصة بالسحر خذ الكتاب ده هيسليك ومتلعش فى حاجتى اللى هنا.. ثم تركه وانصرف..

مرت الأيام على بدر وهو يجلس وحيداً فى مقبرة عنتر يُنعى حظه ويلوم نفسه على تفريطه فى ماريما وكنزها، وفى أثناء جلوسه دخل عليه عنتر أشعث الشعر نتن الرائحة ففزع بدر منه وقال له: أياه اللى حصل وعمل فيك كدة؟

- ما أنت عارف أنا كنت فى خلوة بس أول مرة أعمل خلوة ونتيجتها تكون كدة..

- يعنى أياه؟ أنا مش فاهم حاجة..

- أنا مش أول مرة أعمل خلوة، وأنا أصلاً لى أعوانى وخدامى بس الغريب أنى فشلت فى الخلوة دية وكل حاجة عملتها أو حاولت أعملها منفعتش..

- متزعلىشى.. جرب مرة ثانية..

عنتر غاضباً ومتعصباً على بدر: أنا حاسس أن أنت السبب.. أنا من ساعة ما شفتك وأنا مش مرتاح.. قرينك مش عارف عنك أى حاجة كأنك لسه مولود، وحكايتك اللى أنت حكتهالى مش لاقيلها أى تفسير..

- خلاص يا عم عنتر متزعلىش نفسك كدة وما دام وجودى معاك لخبطلك حياتك أنا همشى..

عنتر بجفاء: تمشى.. بعد كل ده.. لأ.. أنا مش هسيبك تمشى.. لازم أعرف أنت وراك أياه؟ أنت وراك موضوع كبير قوى..

- أنت مكبر الموضوع كدة ليه؟ إحنا عارفين بعض من فترة صغيرة.. يا عم شيل ده من ده يرتاح ده عن ده

وفى هذه الأثناء ارتج المكان وأظلم ظلاماً شديداً فهب بدر واقفاً وصرخ قائلاً: أياه اللى بيحصل؟ فظهر فى المكان الذى هبط إليه عنتر وهو يؤدى طقوس خلوته ضوء خافت فى جوف القبر واختفى مرة أخرى ثم سمعا صوتاً ينادى من الخارج.. بدر.. بدر..

تشبت بدر بعنتر بشدة وقال وهو مرتجف: فى حد بينادى من برة.. أنت سامع؟

تخلص منه عنتر بتأفف قائلاً: أوعى يا أخى لما أشوف الحكاية ايه؟ واشعل شمعة ونأولها لبدر واشعل الاخرى ممسكاً بها ثم خرج من باب المقبرة وبدر خرج خلفه مباشرة، ثم اقترب من مصدر الصوت الذى ينادى فرأى فتاتين جميلتين تقفان أمام باب المقبرة.. فبادرهم عنتر بالقول: أبوة عايزين مين؟

ردت إحدى الفتيات: عايزين بدر.. فأطل بدر برأسه من خلف عنتر وظهرت عليه ملامح السرور وهو يرحب بمن يناديه: ماريا.. عاملة أيه؟ أنت عرفتى مكانى هنا إزاي؟ ثم وجه الكلام لعنتر: شفت!! أهى هى دية ماريا اللى حكيتك عنها.. صدقتنى دلوقتى..

قاطععه عنتر وهو ينظر إلى الفتاتين بتوجس وخيفة قائلاً لهن: وأنتو بقى عرفتوا المكان هنا إزاي؟ نظرت له ماريا بعمق قائلة: أنت مش هتقولنا اتفضلوا ولا إيه؟

افسح لهما عنتر الطريق المؤدى لداخل المقبرة وقال بترحاب مشوب بالحذر: اتفضلوا..

دخلت الفتاتان إلى داخل المقبرة، وأشعل عنتر بعض الشموع الأخرى وقال لهما تشربوا أيه؟ تجاهلته ماريا وقالت لبدر: أيه يا بدر أنت مشيت من الحارة ونسيتنا ولا هو البعيد عن العين بعيد عن القلب..

بدر: لا أبداً أنت عارفة الظروف اللى حصلت بس قوليلي أنت عرفت مكانى هنا إزاي؟ ومين اللى معاك دية؟

تجاهلت ماريا الرد وانحنى بطريقة تمثيلية وقالت مُداعبة: أقدم لكم عاينة بنت خالتي.. وطبعاً هتستغربوا أن اسمها كدة وده عشان هى كانت مع خالتي وجوز خالتي فى بلد عربى وطول عمرها عايشة هناك، وأخيراً رجعت بلدها تانى عشان تعيش معنا على طول، وذهبت إلى عاينة واحتضنتها قائلة: وحشتينا يا عسل ونظرت فجأة إلى عنتر فرأته ناظرًا إليها مبهوًتًا فقالت له: أنا عارفة أنك متفاجيء من جِراعتى.. وحسة أنك نفسك تقولى حاجة!!

نظر عنتر إلى عاينة قائلاً: متهيألى أنا عدى عليّ الاسم ده قبل كدة..

عاينة: أنا متأكدة أن الاسم ده معداش عليك قبل كدة.. عشان هى عاينة واحدة بس و أشارت إلى نفسها..

قاطع بدر الحدث الذى يراه ووجه كلامه لماريا باستنكار: أنا عايز أتكلم معاك فى حاجة ممكن نخرج شوية..

- ونخرج ليه اتكلم براحتك و أشارت إلى عاينة قائلة: عاينة دية بنت خالتي وأختي، وأنا بحكيلها على كل حاجة ولو أنت مش عايز تتكلم قدام الأستاذ، وحكت أصابعها برأسها محاولة تذكرة اسمه..

- اسمه عم عنتر.. وهو برضه زى أبوي، وأنا مابخبش عليه حاجة، والحقيقة أنا حكيته عن كل حاجة فعلاً..

ماريا: خلاص.. عاينة أختي، وعنتر أبوك.. يعنى زيتنا فى دقيقنا.. اتكلم بقى براحتك..

تكلم بدر بضيق غاضب: التمثال الذهب اللى أنا عرضت نفسى للموت بسببه فى الكهف فجأة لقيته حجر ممكن تفسريلي ده حصل إزاي؟

نظرت له ماريا باندھاش وقالت متهكمة: يا راجل.. أنت بقى مش عارف ده حصل إزاي؟ فاكّر لما طمعت ورحت الكهف من ورايا أنا وماما، وكنت عايز تسرق الكنز وتاخذه لوحدهك بإمارة لما كنت جى من البلد وحطيت هدومك فى اللوكاندة وخذت الشنطة فاضية ورحت على الكهف، ولما الكنز متفتحش جيتلى على الشقة اللى بنتقابل فيها ومعاك الشنطة وسألتنى هو الكنز مبيفتحش ليه بالرغم من أنك حطيت الخاتم اللى بيفتح الكنز فى النار.. أهو من ساعتها ماما زعلت قوى، وعكست الغزيمة وأمرت الخدام بأنهم يحولوا الكنز ده لحجر ثم نظرت له بحدة قائلة: ده ماما بهدلتنى بسببك وبسبب صحبتك زياد..

استهجن بدر لهجتها: متشكرين يا ستى على سترك لي قدام الناس.. بس أيه دخل صحبتى زياد فى الموضوع وأيه اللى خلاه يتعرض لأمك؟

- صحبتك زياد جاب واحد عطار بيقول عليه صاحب أبوه ومتربى معاه، وسلطه على ماما فبلغ عليها الشرطة وجت فتشت البيت ولقيت حاجات فى الشقة قالوا عليها دية بيتعمل بيها دجل وشعوذة وقبضوا عليها بس المحامى بتاعنا طمنى عليها وقال إنها هتطلع.. المهم رفعوا علينا قضية إخلاء للشقة، وطرّدونا وأنا دلوقتى قاعدة عند خالتى لحد ماما ما تطلع من الحبس..

تدخل عنتر فى الحديث قائلاً: يا جماعة بالراحة شوية أنا مش عارف أكمل موضوع على بعضه.. الموضوع الأولانى باين أنه موضوع الكنز وواضح أنه موضوع حقيقى، والثانى بتتكلّموا فيه عن أمك.. حد يفهمنى..

ردت ماريا وهى تمسك بيد عاينة خارجة من المكان: إحنا كدة اتأخرنا.. مش بدر قال إنه قالك على كل حاجة بتسأل ليه بقى؟ إذا كان فيه حاجة ناقصة عندك مش فاهمها يبقى بدر يكملها لك..

قام بدر معهم حتى باب المقبرة وعرض عليهما توصيلهما إلى خارج المقابر فردت ماريا: متخافش علينا إحنا عارفين السكة كويس..

عاد بدر إلى عنتر سعيدًا جدًا فقد أثبت لعنتر صحة حديثه عن الكنز وعن ماريّا، وفى نفس اللحظة عاد التيار الكهربائي إلى المكان فقال عنتر لبدر: أنا اللي مجننى إني مش عارف أشوف قرين أى حد فيكم.. أيّه أنتوا عفاريت ولا أيّه؟ وتعال قولى هنا أيّه حكاية صحك والعطار؟ ومين أمها دية اللي اتهموها بالدجل والشعوذة؟

رد عليه بدر وهو يُعد كوبين من الشاي: ما أنا قُلتك وحكيّتك عن زياد ابن عمى اللي كنت قاعد عنده فى شقته وماريا وأمها كانوا جيران بس الغريب أن زياد فهمنى أنه عمره ما شاف ماريّا دية أبدًا.. بس شاف أمها ومكنش طايقها.. أمها دية يا عم عنتر كان اسمها الحاجة محاسن.. قاطعه عنتر بفزع: بتقول مين..

- مالك فيه أيّه؟ بقولك كان اسمها محاسن..

- أوصلى صحك زياد ده ساكن فين بالضبط؟

وصف بدر له عنوان سكنه القديم مع ابن عمه زياد بالتفصيل فهب عنتر واقفًا صائحًا: مش معقول أنا مش مصدق نفسى دية نفس الست اللي اتعاملت معاها زمان.. ده كان جوزها جابنى وأنا صغير عشان اطلع من الشقة دية روح كانت ساكنة فيها، وأنا اللي علمت الست دية الصنعة بس اللي أنا عارفه أن هى مكنش عندها عيال.. أمال ماريّا دية جت منين؟ ثم نظر لبدر قائلاً: ومين بقى العطار ده اللي ماريّا متغاظة منه اللي كان السبب فى طرد أمها من الشقة..

- أنا معرفوش..

عنتر شاردًا يكلم نفسه: فيه حاجة غلط!! أنا عرفت أن محاسن ماتت والشرطة جت وملقيتش جثتها.. أيوة أيوة أنا افكرت العطار ده.. ده راجل كان تلميذ لمحاسن.. بس ده ساب الشقة دية من زمان.. يا ترى أيّه اللي لمه على زياد ابن عمك؟

- أيّه يا عم عنتر هو البنات لما جم هنا لحسوا عقلك ولا أيّه؟

- عندك حق.. البنات جم هنا إزاي؟ والقبر ده منحوت فى الجبل وكمان الدنيا كانت ضلّمة.. طب مشيوا إزاي وسط الترب؟ وعرفوا يحددوا المكان ده إزاي؟ وبعدين اسم بنت خالة ماريّا عاينة ده اسم غريب.. - والأسامى كمان فيها مشكلة؟

- أيوة.. ده أنا قديم قوى فى الصنعة دية.. الأسامى كلها اللي اتقالت متقالتش كدة وخلص.. أنا عندى علم كبير بالسحر.. يعنى مثلاً محاسن دية احتمال تكون الملكة ذات المحاسن بنت أبلّيس، وماريا ممكن تكون الملكة ماريّا بنت الملك شمردل السُّقلى، وعائنة ممكن تكون الملكة عائنة بنت

الملك الأحمر.. أيوة كدة صح، وأطلق ضحكة مدوية مخيفة تردد صداها فى المكان بصورة مفزعة فانقطع التيار الكهربى مرة أخرى وهبت رياح عاتية ذات صوت مُرعب قلبت أثاث المكان رأسًا على عقب وارتج المكان وظهر من الفراغ كرة هائلة من النار واتجهت نحوهما بسرعة هائلة حتى كادت أن تصطدم بهما فأشار إليها عنتر بيده فانحرفت وذابت فى الهواء وظل عنتر يتمتم بصوت خافت إلى أن عاد التيار الكهربائى مرة أخرى..

قال بدر لاهنًا مفزوعا: أيه اللى حصل؟!

ظل عنتر صامتًا لفترة وجيزة إلى أن قال: فعلاً أنا صح.. أنا خدمتهم كثير ولسه بخدمهم لحد دلوقتى وكان فاضلى حاجة واحدة واخد الدرجة النهائية للخدمة.. بس أنا هكملها، وأخذ يجمع بعض المواد والأشياء من المحتويات المبعثرة فى المكان فبادره بدر بالقول: أنا مش فاهم حاجة..

لم يغره عنتر أى انتباه وترك الأشياء التى جمعها جانبًا وخرج من المقبرة وجلس بدر وحيدًا يضرب أخماسًا فى أسداس لا يدري ماذا يفعل؟ أيهرب من هذا المكان أم يُمكث به؟ فربما استفاد من عنتر بأية كيفية إلى أن رأى عنتر عائداً من الخارج حاملاً بيديه كلبًا صغيرًا نزل به إلى باطن المقبرة، وصعد مرة أخرى خارجًا من المقبرة وعاد ومعه قطعة صغيرة، وبطة ثم جمع أشياءه ومواده التى تركها بأحد جوانب المقبرة وقال لبدر وهو ينزل على درجات المقبرة: مش عايزك تسأل فى أى حاجة ومش عايزك تتكلم من أساسه، ومهما حصل أوعى تفكر تنزل تحت.. أقعد كدة روق المكان ونظفه والأكل والشرب عندك لحد ما أرجعك ومهما طولت تحت متقلقشى..

تركه عنتر مع ذهوله ونزل إلى باطن القبر وقام بدر بترتيب المكان من أثر الرياح التى هبت به وأطاحت بكل شيء وجلس يقرأ كتابًا عن عالم السحر إلى أن شعر بفضول لأن يرى ما يفعله عنتر.. فقال لنفسه: يعنى أياه اللى هيجصل لما أنزل وأشوفه؟ مش هيجصل أى حاجة هو هيضايق شوية وخلاص وقام بالتسلل بخفة وهبط سلم القبر المؤدى لمكان وضع جثث الموتى بالتراب ووقف مندهشًا فقد رأى باطن القبر تكسوه الرمال ولا أثر لعنتر!!

جال بنظره على أضواء بعض الشموع الموقدة بباطن القبر ولم يشاهد أى شيء إلى أن أنتبه لوجود ظل فى الصخر المقابل لمكان وقوفه فسار نحوه مباشرة بدون تفكير يستكشفه فوجد سلمًا صخريًا آخر أشد عمقًا من السلم الذى نزل عليه منذ قليل إلى باطن القبر فتوجس خيفة وتردد فى أن ينزل هذا السلم، واتخذ القرار ونزل بخفة وهو يلعن فضوله إلى أن وصل إلى أسفل هذا السلم ووقف على أرضية صخرية..

مسح حبات العرق التى انسالت على عينيه من شدة حرارة المكان ثم تحرك بهدوء على ضوء الشموع الخافت، وظل يحدق بالمكان..

إنه مكان صخرى متسع شبيه بكهف الكنز الذى يعرفه جيداً تنتشر بجميع أرجائه الشموع فتضفى عليه رغباً تنخلع له القلوب، وتوارى خلف نتوء صخرى مرتفع عن الأرض عندما رأى عنتر جالساً على الأرضية الصخرية وهو عارٍ تماماً وأمامه إناء كبير متسع ويمسك بيده سكين عظيمة ويمسك بيده الأخرى الكلب الصغير وقام بذبحه وتصفيه دمائه فى الإناء ثم أمسك بالقطة وفعل بها ما فعله بالكلب وكرر نفس الأمر مع البطة ثم أخذ بعض الدماء وصبها على رأسه، وقام بوضع بعض البخور فانتشر بالمكان رائحة قميئة كريهة وأحضر قطعة من الجلد كانت موجودة بالمكان وقام بكتابة بعض الرموز والحروف والأرقام والرسوم عليها ثم قام بسكب بعض الدماء من الإناء حول نجمة سداسية مرسومة على الأرض بالرمال البارزة وحولها بعض الشموع وقام بالانحناء أكثر من مرة إلى أن سجد طويلاً ثم قام من سجوده وبنفس السكين التى ذبح بها الحيوانات قام بجرح ذراعه جرحاً كبيراً فسال منه دماء غزيرة تركها تسيل داخل نفس إناء الدم ثم ترك الدم ينزل بنقط صغيرة على القطعة الجلدية ووضع إصبعه فى الدماء وكتب بها شيئاً على قطعة الجلد وجرح يده الأخرى بالسكين وأحضر كوباً بلاستيكيّاً صغيراً ووضع تحت ذراعه إلى أن امتلأ رُبْعها بالدماء فقام بُشْرِب ما بداخل الكوب من دماء وقام بالسجود مرة أخرى..

حاول بدر رؤية ما يسجد له عنتر فلم يشاهد شيئاً ثم لاح له فى تلك اللحظة ظل أسود يقف أمامه ففرع وهول صاعداً مرة أخرى إلى أعلى ليجلس منتظراً عنتر كما قال له..

طال انتظار بدر إلى أن غلبه النعاس ونام إلى أن شعر بيد توقظه: قوم أنت منمتش بقالك سنة..

فتح عينه ليجد عنتر وهو يوقظه ففرع.. ضحك عنتر وقال له: أيه أنت شفت عفريت ولا أيه؟

بدر متكاسلاً: لا أبداً هى الساعة كام؟

- أيه وراك الديوان ونظر إلى ساعته وقال: الساعة الثالثة والنصف عصرًا..

- ياه أنا نمت كل ده...

- قوم يلا نأكل لقمة عشان أنا مبسوط قوى.. أنت لازم تباركلى عشان أنا خدت الدرجة النهائية ونجحت..

شاركه بدر الفرحة وابتسم فى تصنع: ليه هو حصل أيه؟ أنا مش فاهم حاجة..

عشان أنت حبيبى أنا هفهمك: أنا يا بدر يا بنى فى أول حياتى كنت داخل فى موضوع السحر ده
عشان كنت عايز ألم فلوس وخلص.. بمعنى أصح كنت دجال عارف حاجة من هنا على حاجة من
هناك لحد ما رحلت بلد ريفى عشان أفتح كنز بمنزل أحد سكان البلد دية فقابلت واحد هناك الناس
كانت بتقول ليه كرامات، والراجل ده طلع ساحر عُقر.. قعدت معاه فترة واتلمذت على أيده وادانى كام
كتاب من الكتب القديمة قعدت أذاكرها لحد ما ابتديت أعمل حاجات من الكتاب ده وأجربها لوحدى
لحد ما بقيت حريف..

بعد كدة سببت البلد دية ورجعت لمصر تانى وعملت أول رياضة ليه، والرياضة دية يا بدر عبارة عن
خلوة يعنى تقعد فى مكان نائى بعيد وتأكل عيش ناشف وشعير وتفضل نجس وتقرأ عزيمة معينة
آلاف المرات، وقعدت فى الخلوة دية اربعة عشر شهرًا وكانت نتيجة الخلوة دية أن بقى معايا أرواح
كثير قوى تقدر تقول قبيلة وكانوا بيساعدونى فى كل حاجة خاصة بالسحر، وأنا مكذبش عليك عملت
الكبائر كلها إرضاءً للأرواح دية.. ما أنت عارف مفيش حاجة ببلاش وأنت شفت بعينك لما النار
دية كانت تتهرقنا من شوية أنا قدرت أبعتها عننا بمساعدة الأرواح دية ثم ضحك وقال: المرحلة
دية بالنسبة لى كنت لسه تلميذ بس ابتديت آخذ الدكتوراة فى الكهف اللى قابلتك فيه أول مرة،
وإمبارح بس كملت الدكتوراة بتاعتى ونجحت بامتياز..

- دكتوراة أيه؟ يا عم عنتر صدقنى أنا مش فاهم حاجة خالص..
- أنا مقدرش أقولك حاجة تانية بس اللى أقدر أقولهولك إنى مش هخلى نفسك فى حاجة والكنز اللى
كلمتنى عليه أنا هفتحوهولك و إذا مكنش فيه كنز أنا هخدك أوديك لمكان فيه كنوز كثير تختار منها
اللى أنت عاوزه..
- أمال كرة النار اللى كانت هتقتلنا دية كانت أيه؟ واشمعنى ظهرت لما قُلت الأسماء اللى أنت قُلتها أنا
مش قادر أستوعب أى حاجة من اللى بتحصل..
- أنا هفهمك كل حاجة بس عايز أسألك عن البنيتين اللى جم هنا..
- أنا معرفش إلا مارييا بس والثانية دية معرفهاش وزى ما أنت سمعت طلعت قريبتها ومن عيلة أمها..
- كويس إنك فكرتنى.. ممكن توصفلى أمها دية بدقة يعنى شكلها أيه؟ كلامها كان إزاي؟ أكلها كان
أيه؟
- تصدق أنى عمرى ما شفتها بتاكل ولا هى ولا مارييا..
- طب قوم هات التمثال اللى كان معاك وقلت لى إنك خدته من الكنز..

قام بدر بإحضار التمثال وناولته لعنتر الذى نظر إليه مطولاً ثم تركه جانباً وقال لبدر: أنت تقريباً وصلتني للنهاية بس أنت مش الاس نمرة واحد، واللى اتعمل معاك مش بسببك ولا عشان خاطر عيونك.. الموضوع أكبر من كدة بكثير، وبعدين يا سى بدر أنت قتلتي أنك تعرف ماريا بس.. هسألك سؤال وجاوبنى بصراحة: أنت حصل بينك وبينها حاجة؟

- أيوة.. فقام عنتر بوضع يده على رأس بدر فترة وجيزة ثم قال له: أنت فيك حاجة مش مضبوطة..

- ملبوس يعنى..

- وليه لأ..

- أنا مش معاك.. فلتت منك دية لأنى فى قمة إدراكى العقلى يعنى محدش لعب فى دماغى..

- يا بنى أنت ممكن متكنش ملبوس بس ممكن يكون معاك تابع وأنت مش عارف، وده موضوع بسيط أنا كدة كدة هعرفه بس أنا مسافر كام يوم عشان فيه حاجات لازم أعملها عشان أرد الجميل للناس اللى أدونى الدكتوراة وعمايزك متفكرش فى حاجة أبداً ومتشلش هم أى حاجة، وأنا لما هارجع هخليك زى الفل..

- وأنت هتسافر إمتى؟

- النهاردة الفجر.. قوم ننام شوية، وعمايزك تعيش حياتك زى ما أنت عايز وأخرج نقوداً دسها بيد بدر قائلاً: دية مصاريف خليها معاك واصرف زى ما أنت عايز ثم تركه وتمدد لينام..

تحرك بدر هو الآخر واستلقى وهو يفكر فى عنتر ذلك الرجل الغامض الخطير، وفى ظل الغياب الطويل لعنتر مارس بدر حياته، وأصبح تارة يقرأ كثيراً بكتب السحر الموجودة بمقبرة عنتر وتارة أخرى يجلس أمام المقبرة يشاهد شواهد القبور وزوارها، وفى ذات ليلة عندما تهاوت قوته ونام رأى كابوساً مخيفاً مؤلماً، فقد رأى كائنًا أسود ضخماً غزير الشعر يشبه الجاموسة ذا ذيل طويل ليست له ملامح يستطيع تمييزها قد جثم على صدره وشل جسده بالكامل كما كانت هناك كائنات تشبهه تكبل كل أطراف جسده وتبادل كل هذه الكائنات ضربه فى جميع أنحاء جسده ولم يستطع التألم فقد شعر بأنه لا يستطيع التنفس ولا يستطع النطق، وفى الصباح استيقظ من سباته ليشعر بألم بكافة أنحاء جسده، وقد فسر هذا الأمر لنفسه بأنه كابوس ربما مر به نظرًا لقراءته الكثيرة بكتب السحر وممارس طقوس يومه الرتيب كالمعتاد إلى أن نام وشعر بنفس الكابوس مرة أخرى إلا أنه رأى أمال زوجة أبيه بكامل هيئتها وهى تشارك هذه الكائنات فى ضربه وإيذائه، ولمح بطرف عينيه ماريا وهى تنظر لما يحدث له إلى أن استفاق على من يوقظه ففتح عينيه وهو فى غاية البؤس والشقاء والألم لما عاناه فى هذه الليلة من عذاب، وتنفس بدر الصعداء وقال: عم عنتر حمد لله على السلامة أيه الغيبة الطويلة

دية؟ أنت كنت فين كل المدة دية؟ فلم يرد عليه عنتر وإنما أمسك بيده اليمنى ورأى عليها جرحًا حديثًا لم يلتئم ثم أمسك يده اليسرى ووجد نفس الجرح عليها.. كان هناك تشابه غير منطقي بين الجرحين كأنما نُحِتا على رسغي بدر بيد جراح هندسى فقال لبدر: أنت أيه اللي عورك كدة؟ ورمقه بدهشة واستطرد وهو ينظر له: أنت مكنتش بتنام ولا أيه؟!

- اسكت يا عم عنتر أنا بيحصللى حاجة غريبة قوى اليومين دول..

- خير اكيلى بالتفصيل..

قص بدر لعنتر عن كل ما رآه فى نومه، وعن شعوره بالألم إلى أن توقف عن السرد عندما رأى طفلًا صغيرًا يجلس فى أطراف المقبرة يلهو ببعض الأحجار فقال لعنتر: ابن مين ده؟

- ده ابن أختى.. أنا هاخده وأنزل تحت وأنت قوم اغسل وشك وافطر لحد ما افوكلك وشوف أنت بيحصل معاك أيه قام عنتر مداعبًا للطفل وأخذه هابطًا إلى باطن المقبرة، وقام بدر بالاغتسال وأكل ثم جلس ينعى حظه وحاله فقد كان يشعر بآلام حادة، وحاول مواساة نفسه والشد من أزرها إلى أن صعد عنتر بمفرده وعلى يديه وملابسه دماء غزيرة طازجة فنظر له بدر بفزع وقال: أيه الدم ده؟ هو أيه اللي حصل؟ ثم نظر حوله قائلاً: هو الواد اللي كان معاك فين؟

ضحك عنتر قائلاً بهدوء: أنت مالك خايف كدة ليه؟ الواد ده واد ابن حرام وأنا خلصت عليه عشان لما يكبر محدش يعايره بأمه، وفى هذه اللحظة نظر له بدر ببلاهة غير مستوعب لما يسمعه إلى أن قال له عنتر: أنا هانزل تحت و إذا اتأخرت متشغلش بالك ولو عايز تخرج شوية أخرج بس إذا خرجت أو قعدت مش عايزك تقلق عليّ ثم أخذ عنتر بعض الحاجيات وهبط مرة أخرى إلى باطن القبرة، ووضع بدر رأسه بين يديه مذهولًا مما حدث وعندما رفع رأسه تعجب مما رآه.. فلم يكن هناك أى أثر للسلم المؤدى إلى باطن المقبرة بل كانت المقبرة عبارة عن قطعة حجرية واحدة.. فرك بدر عينيه فقد شعر بأنه يحلم ونظر مرة أخرى إلى نفس المكان الذى نزل منه عنتر فلم يجد له أى أثر..

ساوره الشعور بالخوف ثم قال لنفسه مُشجعًا لها: أنت هتنتظر أيه من واحد ساحر.. على الأقل الساحر ده واقف جنبك ومعملش زى أمك.. ثم ضحك متهمًا وقال لنفسه: أبوي.. أه لو تعرف أنا بكرهك قد أيه ياللى اسمك أبوي ده أنت لو عايش كنت قتلتك مرة تانية.. ده الشيطان عنده رحمة عنك ثم تنهد تنهيدة قوية حادة وأضاف: فعلاً ده يستاهل ده كان خبيث زى الحرامية.. ما هو اللي خلانى أعمل فيه كدة؟ هو اللي راح اتجوز على أمى ورمانى أنا وهى.. هو اللي جاب شريكة لأمى فيه.. أنا كنت تعبان قوى وكنت على استعداد أنى أبيع نفسى للشيطان عشان ينتقملى منه هو

ومراته ده لو كان إبليس جاني عشان أعاهده وأديله نفسى مكنتش حُشتها عنه ما دام كان هيخلصنى من اللى أنا فيه ما أنا عشت طول عمرى من غير أب.. فيها أيه لو كان إبليس أبوي...

أخرجه من حالته صوت يقول: أزيك يا بدر.. التفت فزعًا إلى مصدر هذا الصوت وقال: هو أنا ناقص ثم استعاد رباطة جأشه وانتزع نفسه من صراعها معه وقال: أنا آسف يا ماريا بس أنا كنت سرحان وأنت فزعتينى..

- ولا يهمك.. أنا آسفة أنى جيت فجأة كدة بس أنا كنت فايتة من هنا قلت لما أعدى وأشوفك..
- فيك الخير.. ثم نظر لها مليًا إلى أن قالت: أنت بتبصلى كدة ليه؟
- لا أبدًا أصلى حلمت بيكى النهاردة..

ضحكت ماريا وقالت وهى تغمز له بعينها: شوفتنى إزاي فى الحلم ده؟

- لا ده مش حلم من اللى جه فى دماغك.. ده كان كابوس..

ماريا باندهاش وشفقة: كابوس.. إزاي يعنى؟

- كان فيه حاجات شكلها مش حلو.. وكانت عمالة تضرب فيّ، وكنت واقفة بتتفرجى عليّ..

ماريا ضاحكة: وأنت بقى زعلان عشان مخّشتش معاك فى الحلم..

- بطلى هزار.. دا أنا كلت حتة علقة، وعشان كدة أنا هاطلب منك طلب.. الأول قوليلى وطمنيلى هتّ

ماما خرجت من القضية اللى كانت عليها، وأخبارها أيه؟

- ماما طلعت من بدرى وإحنا قاعدين عند خالتى زى ما قولتلك.. أنت كنت عايز منها حاجة؟

- أيوة أنا كنت محتاج أمك قوى عشان تقوللى أيه اللى بيحصلى؟

- بقى عايز تسأل ماما وأنت قاعد عند الوحش.. صحيح هو عم عنتر فين؟

- مش عارف.. ده كان هنا من شوية بس معرفش راح فين ثم أضاف: أنت مقولتليش هت بنت خالتك

عاينة مجتش معاك ليه؟

- عادى يعنى أصل أنت وحشتنى وكنت عايزة أقعد معاك لوحدنا.. أنا موحشتكش ولا أيه؟

- أنا فى أيه ولا فى أيه.. ده أنت دماغك فاضية صحيح..

- أنا جيت عشان اتطمئن عليك وأدينى اتطمنت.. أنا همشى وهابقى أعدى عليك وقت تانى ثم قامت

بالانصراف ورحلت تاركة بدر وحيدًا متدمرًا يائسًا إلى أن تسلل إليه النوم مرة أخرى وحاول مقاومته خوفًا من زيارة كابوسه المعتادة له، ولكن الهدوء المحيط به والجو الرتيب جعل مقاومته تنهار وتتركه

وحيداً ليفترسه طائر النوم مرة أخرى ويطرق أبواب روحه بلا حراس ليخترقها هذا الكائن الغامض وأعوانه ويبرحونه ضرباً وركلاً ورأى أمال زوجة أبيه مرة أخرى، وهى نصف آدمية ونصف أفعى ورأى أيضاً ماريا التى شعر باقترابها منه، فنظر لها نظرة المستغيث فأشارت إلى الكائن فنزل من على صدر بدر وأحاط هو والكائنات الأخرى ببدر.. فقالت ماريا لبدر: أنت عايز منى حاجة؟

- لو تقدرى تنقذينى منهم أنقذينى.. أنا بتقطع كل ليلة.. أنا مستعد أعمل أى حاجة..
- أنا هحوش عنك بس لازم تسمع كلامى.. يعنى لما أطلب منك حاجة تعملها.. حتى لو قُلتك اقتل..
- أنا هعمل أى حاجة.. بس مشيهم من على..
- متقلقشى أنا هكون معاك هنا كل ليلة، ومش هيعملوك أى حاجة طول ما أنا موجودة..

انتشر فى هذه الأثناء ضباب بعالم أحلام بدر وغط فى نوم عميق بدون أن يشعر بما حوله، وصرخت ماريا بعصبية على إثر صفة عنيفة على وجهها، وتحولت لأفعى ضخمة ذات أنياب طويلة حادة واندفعت تجاه أفعى أخرى لتتصارعا صراعاً رهيباً وكلّ منهما تغرس أنيابها فى جسد الأخرى إلى أن تلقت الاثنتان لضربات من كائن آخر بشع المنظر أطاح بهما ليعودا إلى شكلهما الآدمى وقال لهما هذا الكائن: جميل ما تفعلانه.. الملكة عاينة تصارع الملكة ماريا، وأضاف بتهكم: ما أجملكما!!

قالت ماريا بغضب: هى من بدأت بالغدر..

تحدثت عاينة بهدوء وهى تنظر لماريا: ألم تنبهك مولاتى بالألا تتخذي أى قرار بخصوص أى أمر إلا بإمرتى..

- يعنى أيه؟ هو أنا صغيرة.. أنا زى زيك وأحسن منك كمان.. قاطعهما الكائن البشع موجهاً حديثه إلى الملكة عاينة قائلاً: ماذا حدث أيتها الملكة.. تكلمى..

- يا بنت الإله لقد كنت أراقبها بدون أن تشعر كما أمرتيني كى لا تُقدم على عملٍ أحقق كعاداتها، وقد كان خُلفاؤنا العفاريت يهتفون بهذا الآدمى المسمى بدر ويؤذونه تنفيذاً لأوامر شيطان مريد سلطته عليه زوجة أبيه، وقد عاونته ماريا وحجبتة عنهم بدون أن تأمرها بذلك..

قاطعتها ماريا بغضب: لى مطلق الحرية فيما أفعل وقد فعلت ذلك لعلّى أصلح ما أفسدته سابقاً وأعاون هذا الآدمى كى يأتّم بأمرى ويفعل ما أريد..

الملكة محاسن: أنا لم آذن لك يا ماريا بذلك، ولم أطلب منك الإقدام على أى فعل بدون إمرتى..

أنت لا شىء، ولا تنسى من أنت ومن أنا؟

أنا الملكة ذات المحاسن بنت إلهك إبليس..

أنا فقط من يُقرر ماذا يحدث؟

أنا فقط من يتحكم بالزمان والمكان.. ولكونك عصيت أمرى فسيلزم تأديبك..

أشاحت ماريا بوجهها غاضبة.. فقالت لها الملكة ذات المحاسن: ستُقيدين فى قلعتى ذليلة حتى يُحررك غرورك وفى نفس اللحظة أنقض على الملكة ماريا كائنات ذوات أجنحة تُشبه الخفافيش وكبلت ماريا وأخذتها طائرة بها بعيداً إلى قلعة ذات المحاسن التى قالت للملكة عاينة: اطلبى من العفاريت الهواتف إكمال عملهم وألا تأخذهم بهذا الآدمى أى شفقة..

اختفت الملكة ذات المحاسن مرة أخرى ثم اختفت الملكة عاينة وقد أوصت أصدقاءها العفاريت بالآدمى بدر لتعاوده كوابيسه المريعة وتدفنه فى عالم من الألم..

البر لا يبلى؛

والذنب لا ينسى؛

والديان لا يموت؛

اعمل ما شئت.. كما تدين تدان.. - حِكْمَةٌ -

سارت حياة الحاج رضوان العطار طبيعية لا تخلو من الأحداث التي تمر بها كل أسرة فهو يفتح حانوت العطاره صباحًا، ويمارس عمله حتى نهاية اليوم ثم يذهب إلى منزله كعادة أى رجل، وعند عودته للمنزل فى هذا اليوم رحبت به زوجته وابنته إيمان بحرارة، وعلى غير المعتاد.. فابتسم لهما وقال: أياه يا حاجة أم إيمان مش عوايدك أنت وبنتك الترحيب ده كله.. أكيد عايزين حاجة..

- عايزينك بخير وسلامة يا أخويا.. أحضر لك العشا وأجى عشان أتكلم معاك..

- لأ أنا مليش نفس اعمليلى شأى بس..

- أنت عايزنى أغير جو صح..

ابتسم الحاج: أيوة عايزك تغيرى جو.. بس أنت تحبى تغيرى جو فين؟

- أهو أنت اللي عايزنى أغير جو وعايزنى أغير جو فى البلد..

الحاج مندهشًا: البلد.. ماشى بس أنهو بلد؟

- فكر كدة وقولى مين كلمنى النهاردة فى التليفون وكلم بنتك إيمان..

نظر العطار إلى ابنته إيمان فوجدها مبتسمة متوردة الوجه فقال: بما إنك مبسوفة قوى كدة يبقى فيه حد عزيز عليك كلمك وعزمك على البلد، وبما إنك طائرة من الفرح يبقى أكيد أختك إسراء كلمتك وعزمتك على البلد..

قامت إيمان باحتضان أبيها وقالت لأمها: مش قُلتك إنه أول ماهيشوفنا هيعرف ثم رجت أباها قائلة بحنان واستعطاف: بابا أنا نفسى أروح البلد عشان إسراء وحشتنى قوى، وأنت عمرك ما رفضتلى طلب.. قاطعتها أمها قائلة لزوجها: الحاجة أم إسراء قلتلى أن سيد ابنها جى يقعد عند زياد أخوه يومين تلاتة، وقبل ما يسافروا البلد تانى هيعدوا عليك عشان يعزموك تقعد كام يوم فى البلد معاهم عشان تعمل حسابك على قفل الدكان كام يوم..

- يا حاجة هتروحي عند الناس وتكلفيهم، وتقعدى عندهم كام يوم كمان.. ما كفاية تُقعدى يومين وتيجى ومفيش داعى أروح أنا كمان..

- يا حاج الناس عزمونا خلاص ولازم نروحلهم وكمان عشان يحسوا أن ليهم أهل بيقفوا جنبهم ثم قالت لإيمان: قومى اعملى شأى لأبوكى فتحركت إيمان متجهة إلى المطبخ، وبعد انصراف الابنة قالت الزوجة لزوجها بصوت خفيض وبابتسامة جميلة: إحنا يا حاج لازم نروح نلبى الدعوة.. إحنا

مش هنلاقى لإيمان عريس أحسن من زياد، دول ناس غلابة زينا والواد عنده أصل ومبيفوتشى فرض وأمه بتحب إيمان زى بنتها، وأخته إسراء بتموت فى بنتك إيمان.. يعنى هنظمن على بنتنا الوحيدة..

فى هذه الأثناء عادت إيمان حاملة كوبًا من الشاي قدمته لأبيها قائلة بدلع: أحلى كوباية شاي لأحلى أب فى الدنيا فبادلها أبوها الابتسام وقال: أعمل أيه يا ربى ما هى الكثرة بتغلب الشجاعة.. هما اتنين وأنا واحد.. خلاص هما يكسبوا فهبت إيمان واقفة مصفقة قائلة: هيه.. أنا بكرة هانزل أشتري هدية لإسراء.. وقالت الأم للأب: وإحنا يا حاج هُنْخشلهم بأيه؟ أنزل أشتري جلباب لأم إسراء ولا أيه رأيك؟

- ماشى انزلى بكرة أنت وإيمان اشتروا اللي أنتوا عايزيئه..
- وأنت يا حاج هتخُش بأيه لما الشباب تيجى تعزمك وتخذك على البلد..
- أنا هأخذ شوية عطارة من عندى من الحاجات الكويسة وهاخش بيها.. أنت بس متشليش هم.. ثم استطرد فى الحديث قائلاً: وأنتوا ناويين تروحوا البلد إمتى؟
- بعد بُكرة إن شاء الله، وفى هذه الأثناء رن جرس موبایل إيمان فاستأذنت وهى سعيدة أباهها وأمها للرد على إسراء
- أنا يا حاج شفت النهاردة حلمًا غريبًا عايزه أحكيك عليه..
- شُفت أيه؟

بدأت زوجة العطار فى رواية ما رآته فى الحلم وقالت: أنا شفت خير اللهم اجعله خير حاجات واقفة حوالين البيت شكلها وحش وليها قرون، وكمان واقفين برة باب الشقة وعايزين يخشوا وأنت واقف ورا الباب مش عايز تدخلهم وإحنا جوا الشقة أنا وإيمان بنعيط وخافين منهم..

طمأنها الحاج وقال: متخافيش.. قل لن يصيبنا إلا ما كتب الله لنا.. أنا هابقى أشوف تفسير الحلم ده أيه وهقولك..

الزوجة: أنا خايفة ليكون الموضوع اللي دخلت فيه مع زياد هيسيب لنا أثر أو يتعبنا فى حياتنا..
العطار متعصبًا: موضوع أيه اللي دخلت فيه مع زياد.. قلتك متخافيش.. قومي دلوقت صلى ركعتين ونامى.. وخليها على الله سبحانه وتعالى..

سافر سيد إلى القاهرة لزيارة أخيه زياد وذهب إلى منزلهم بالقاهرة ودخل إلى الشقة ووجدها خالية.. فقام بتحضير بعض الأطعمة التي قامت والدته بأعدادها، وجلس مُنتظراً إلى أن دخل عليه زياد قادماً من الخارج والذي تفاجأ بزيارته ورحب به قائلاً: يا أخى مش كنت تقول إنك جى النهاردة عشان أفرشك الأرض رمل..

- مبخدش منك إلا الهزار.. بدل ما تشكرنى إنى جببتك أكل من عند أمك بقالك كتير مكلتوش..

ضحك زياد ناظراً إلى الأطعمة التي يراها أمامه: وكمان حضرلنا الأكل.. ده كتير قوى عليّ.. عموماً يا سيدى متشكرين بس قولى الأول أنت مبتجيش هنا إلا لما يكون وراك حاجة فى مصر..

- لا أبداً مفيش حاجة جى أعملها بس أمك عزمت الحاج رضوان العطار وأسرته، وأمك قالتلى أجي أقعد معاك هنا يومين تلاتة ونروح نعزم الحاج، ونخده معانا وإحنا راجعين البلد واليوم اللي هنروحله فيه هيبعت مراته وبنته يقعدوا هناك لحد ما ناخذ الحاج ونروحلهم..

- ده أنتم متفقين على كل حاجة.. ماشى يا عم النهاردة بعد العشا نروح نعزم الحاج عشان أمكم ترتاح..

جلس زياد وأخوه يتناولان الطعام ثم شربا الشاي، وتبادلا أطراف الحديث عن أمهما وعن البلد وعن مصر وعن مواضيع أخرى كثيرة.. وبعد تناولهما الطعام خرجا للذهاب إلى العطار بديكانه لدعوته إلى قضاء بعض الأيام بالبلد وإعلامه بالمرور عليه بعد ثلاثة أيام حتى يكون قد استعد للسفر، وبعد انصرافهما من الدكان ونهاية يوم العمل بالنسبة للعطار ذهب إلى منزله وأخبر زوجته وابنته بالاستعداد للسفر فى صبيحة اليوم التالى..

قام الحاج رضوان العطار بتوصيل زوجته وابنته إلى محطة القطار على أمل أن يلحق بهما بعد يومين تلاتة وطلب منهما الاتصال به عند وصولهم إلى البلدة عند أم زياد..

وصلت زوجة العطار وابنتها إلى البلدة وكانت أم زياد وإسراء فى انتظارهما بمحطة القطار فرحبا بقدمهما واحتضنت كل منهما الأخرى.. الأم والابنتان.. ثم قامت زوجة العطار بالاتصال بزوجها لطمأنته على وصولهما بالسلامة ثم تحرك الجمع إلى منزل أم زياد، وعند وصولهما تم إعداد الطعام والشراب ثم قالت إسراء لإيمان: تعالى نطلع على السطح عشان أوريك منظر الخُصرة جميل إزاي ونقعد نتكلم مع بعض شوية ثم صعدت كلٌ منهما إلى سطح الدار..

استنشقت إيمان عبير جو الريف ونظرت منبهرة إلى المنظر الأخضر الجميل وتجولت بأنحاء سطح الدار تستطلع ما حولها فرأت طريقًا ثرابيًا صغيرًا أمام الدار وبجوار باب الدار شجرة عتيقة ضخمة وارفة الأغصان وخلف الدار تمتد الحقول الخضراء فجلست للتحدث مع إسراء قائلة: متصوريش أنا فرحانة قد أيه أنى جيت هنا وشفتك.. أنت وحشاني قوى..

إسراء: أنت كمان وحشتيني قوى..

إيمان: المكان هنا جميل قوى وبيريح الأعصاب.. أنا معرفش أن الريف جميل كدة..

ضحكت إسراء وقالت: أنت لسه شفتى حاجة.. إن شاء الله أخذك بكرة ونلف فى البلد عشان تشوفى الريف بحق وحقيق وبعد نزولهما من سطح الدار نام الجميع..

فى صبيحة اليوم التالى وبعد تناول وجبة الإفطار استأذنت إسراء أمها فى أخذ إيمان بجولة بأنحاء البلدة وسارت إسراء وإيمان فى طرقات البلدة وقامت إسراء بأداء دور المرشد السياحى فكانت تقوم بشرح معالم كل مكان يمران به إلى أن طلبت إيمان من إسراء أن تتركها لتستمتع برؤية كل شيء بهدوء و إذا أرادت معرفة شيء ستطلب منها..

سارت الفتاتان وقد خيم عليهما الصمت.. كانت إيمان تنظر بعمقٍ شديدٍ إلى كل ما تقع عيناها عليه كأنها تحفر تلك المناظر بذاكرتها فكانت ترى البيوت الريفية المبنية بالطين وسط الزراعات وجوانبها التى يُحيط بها النخيل ثم وقفت مطولاً أمام إحدى جوانب ترعة محاطة بالزراعات وشاهدت إحدى الفلاحات بعربة صغيرة تجرها الدواب محملة بأحد المحاصيل وساورها شعور شديد بالطمأنينة والراحة النفسية وهى تنظر إلى أبراج الحمام المنتشرة هنا وهناك إلى أن مرا بجانب مكان به ساقيتان ترفعان المياه بصوتٍ خلاب مع سماعهما لأصوات الطيور المغردة ذات الأصوات العذبة فقطعت إسراء حالة الشرود والسرحان التى تمر بها إيمان قائلة لها: أيه يا إيمان أنت أول مرة تشوفى الريف ولا أيه؟

إيمان: أنا شفت الريف فى الصور بس.. بس مكنتش عارفة أنه بالجمال ده.. متصوريش مصر وزحمتها عاملة في أيه أنا دلوقتي عرفت أن اللى يجى يسكن فى الريف ميقدرش يعيش فى مصر.. العيشة هنا حاجة تانية خالص..

إسراء: أديك يا ستى هتقعدى معانا كام يوم هيخلوك تغيرى جو مصر خالص ثم استطردت بخبث: ومين عالم الواحدة منّا هتكمل بقية حياتها فين؟ فى الريف ولا فى المدينة؟

فهمت إيمان مغزى كلامها وقالت: إحنا اتأخرنا يلا بينا عشان ميقلقوش علينا فى البيت.. وهما بالعودة مسرعتين إلى المنزل..

مرت الأيام إلى أن حضر زياد وسيد ومعهما الحاج رضوان العطار الذى رحبت به أم زياد وإسراء ترحيبًا شديدًا وشكرهما الحاج رضوان قائلاً: إحنا بس مكناش عايزين نتقل عليكم..

أم زياد: البيت بيتك وأنتوا نورتونا وأنستونا، وأديك شايف الدار واسعة وبرحة.. ثم أشارت إلى إسراء قائلة لها: مش تخدى أختك إيمان وتحضرونا الغدا فقامت إيمان وإسراء لتحضير الغداء واستأذنوا أم زياد لتقوم بمساعدتهما والتى دعت بدورها زوجة العطار لتتعاون كافة نساء المنزل فى إحضار وتجهيز الطعام..

تبادل العطار وزياد وسيد الكلام إلى أن سألهما العطار: أنتوا عملتم أيه فى موضوع الأرض وعملتوا الإجراءات اللازمة ولا لسه؟ ويا ترى الناس عرفوا أن الأرض رجعتلكم؟

زياد نظر لسيد قائلاً: والله يا عمى أنا مش عارف.. حضرتك عارف إنى قاعد فى مصر عشان ظروف الدراسة..

سيد: للأسف إحنا معملناش أى حاجة.. بس أنا شقرت على الأرض من بعيد لبعيد..

العطار: حاول وا تخلصوا الموضوع ده عشان تشوفوا حالكم، وفى هذه الأثناء دعتهم أم زياد لتناول طعام الغداء وفى أثناء تناولهم للطعام قال سيد لأمه: ماما أنا عايزك بعد الأكل تدينى ورق الأرض وكويس أن عمى رضوان هو وزياد هنا عشان نروح الصبح للعمدة ونستلم أرضنا ودى، وبعد تناول الطعام طلبت أم زياد من إسراء أن تحضر أوراق الأرض فقامت إسراء لجلب الأوراق وعادت سائلة لأُمها: هو أنت خدت الورق من درج المكتب بتاعى..

الأم: لا يا إسراء... ليه؟

إسراء: أنا مش لاقياه.. أنا هاخش أدور تانى..

عادت إسراء بعد وقت طويل وأخبرتها بعدم عثورها لأوراق الأرض.. فاحتد عليها سيد قائلاً: أنت حتى مش عارفة تشيلى شوية ورق.. قومى يا اما ندور معاها..

وبعد مرور بعض الوقت عاد الجميع وقد ظهر عليهم ملامح القلق واليأس فسألهم زياد: أيه الأخبار؟

سيد: الورق فص ملح وداب.. قلبنا البيت كله حطة حطة والورق ملوش أثر.. من الآخر كدة شكله اتسرق..

صرخت أم زياد: يا لهوى.. هو إحنا لحقنا.. بس يا بنى اتسرق إزاي ده محدش بيخش عندنا؟
سيد: أومال راح فين؟

فى تلك اللحظة تدخل العطار فى الحديث: يا جماعة متشغلوش بالكم.. بكرة أنا هروح أزور ناس معارف لي هنا فى البلد وأنتوا افتكروا كدة شيلتوا الورق فين ويمكن تلاقوه..

قام الجميع للنوم وفى الصباح وبعد الإفطار خرج العطار وقام الجميع بالبحث مرة أخرى عن أوراق الأرض وبعد البحث الدقيق والمتأنى لم يعثروا على أى أثر لهذه الأوراق فخيم الصمت الحزين على أرجاء المنزل إلى أن عاد العطار إلى المنزل مرة أخرى وأخبروه بأن الأوراق الخاصة بالأرض لم يتم العثور عليها..

العطار لأم زياد: الورق كدة مش فى البيت.. طب مين كان يعرف مكانه؟

أم زياد: مفيش حد عارف أى حاجة وبكت قائلة: الأرض راحت تانى..

العطار: إحنا مَقْدَمناش إلا طريقة واحدة عشان نتأكد أن الورق اتسرق أو ضاع..

سيد: طريقة أيه؟ هتبلغ المركز!! لما أمى بتقول أن مفيش حد دخل هنا.. يبقى فيه عفريت جه وسرقه!!

العطار: فعلاً.. ممكن يكون فيه عفريت جه وسرقه..

أم زياد: إزاي يا خويا؟ ده كلام حد يصدق!!

العطار: أنا عايز أعمل حاجة كدة بس مش عايز حد فيكم يتدخل ولا يقول حاجة إلا لما أطلب منكم.. موافقين ولا أيه؟

نظرت أم زياد إلى أولادها وتبادلوا جميعاً النظرات وقالت: أيه رأيكم يا ولاد؟

سيد: ما دمنا هنعرف أيه اللى حصل إحنا موافقين.. ولا أيه يا زياد أنت وإسراء؟

هز زياد وإسراء رأسيهما بالموافقة..

سيد: خلاص يا عمى شوف أنت هتعمل أيه..

العطار: لو سمحت يا حاجة أم زياد ممكن تقوليلى مين اللي كان شايل الورق..

أم زياد: إسراء كانت شايله فى درج مكتبها..

العطار: بعد إذنكم يا جماعة.. أنا وإسراء هنساعد بعض فى حاجة ومش عايز أى حد منكم يتكلم أو يعلق على أى حاجة هيسمعهها أو هيشوفها إلا لما أطلب منكم.. ودلوقتي يا حاجة أم زياد ممكن تجيبلى مرآة كبيرة ومقص وورق أبيض وقلم وأنت يا سيد قوم ولع شوية فحم فى طبق ثم قال لزوجته: هاتى شنطتى..

أحضرت أم زياد المرآة الكبيرة والمقص والورق الأبيض والقلم وبعد قليل أحضر زياد طبقاً به فحمًا مشتعل إلى أن جاءت زوجة الحاج رضوان وأعطته شنطته التى طلبها فأخرج منها بعضًا من البخور ووضعه على الفحم ليشم الجميع رائحة بخور عطرة زكية طيبة وقال العطار موجهًا كلامه إلى إسراء: أنتى هتعملى معايا تجربة.. أنا عارف أنها ممكن تكون صعبة عليك.. بس عايزك تستحملى معايا عشان نعرف أيه اللي حصل؟ و إذا كان فيه سرقة هنعرف نرجعها إن شاء الله، وفى هذه اللحظة تدخلت أم زياد فى الكلام مشجعة لابنتها: معلش يا إسراء أيش اقدرك عالمر إلا اللي أمر منه..

سيد: يعنى هى هتبنى السد العالى..

العطار: بعد إذنكم يا جماعة ممكن نبتدى ثم قال لإسراء: جاهزة..

ردت إسراء بخوف وبصوت خفيض: أيوة..

قام العطار بإحضار المرآة الكبيرة أمام إسراء وقام بقص ورقة من الأوراق البيضاء على هيئة كف، وكتب عليه بعض الرموز والحروف ثم وضعها على جبهتها وقام بإحضار طبق الفحم ووضع به مزيدًا من البخور الطيب الرائحة، وظل يتلو تلاوات بصوت خفيض خاشع مدة طويلة إلى أن أشارت إسراء إلى المرآة بخوف قائلة: فيه حد ظهر فى المرآة بس مش شايفة ملامحه كويس..

فقال لها العطار: قولى للشيء الذى ترينه أمامك فى المرآة: احضر لى خادم هذا اليوم..

نظرت إسراء إلى المرآة وقالت: احضر لى خادم هذا اليوم..

فى تلك اللحظة وبعد قولها مباشرة اختفى كل شيء من المرآة..

إسراء: يا عمو أنا مش شايفة حاجة خالص.. كل حاجة اختفت..

العطار: اصبرى شوية هو جى تانى..

لف الصمت المكان إلى أن قالت إسرائ: أنا شايقة اثنين شكلهم غريب قوى.. بس مش قادرة أحدد ملامحهم..

الطار: قولى لهما السلام عليكم.. اطلب منكم إحضار سارق الورق من بيتنا بصفته وهيئته.. فكررت إسرائ الكلمات التى قالها الطار، وظلت ناظرة إلى المرأة بدون أن تتكلم أية كلمة فهزها الطار قائلاً لها: أيه يا بنتى شايقة أيه؟

قالت إسرائ: أنا شايقة الاثنين الى شكلهم غريب ماسكين اثنين ستات من أيديهم..

الطار: أوصفلى أنت شايقة أيه بالتفصيل..

إسرائ: فيه اثنين فى المراية كل واحد فيهم ماسك ست من إيديها الاثنين وفيه قدامهم طبق وفيه ست بتدى لست تانية لفة بلاستيك..

طلب الطار من زياد وأخيه وأمهما النظر فى المرأة.. ففارسوا فى المرأة بتركيز شديد..

الطار: يا ترى أنتوا عارفين حد من الى شايقينهم فى المراية..

أم إسرائ: أيوة يا حاج رضوان.. دية الحاجة أمال مرات الحاج سعيد الثانية.. والست الثانية دية أنا معرفهاش

سيد: بس أنا أعرفها.. دية فهيمة يا اما الى ساكنة جنب بابور الطحين..

أم إسرائ: يا لهوى.. يا بنى متجيش سيرتها هنا زمانها عرفت أن إحنا جايبين سيرتها..

الطار مستنكراً: مين فهيمة دية؟

سيد: أنا هقولك..

بأنصت شديد استمع الحاج رضوان الطار لحديث سيد عن فهيمة، وصيتها المنتشر بالبلدة عن كراماتها وعن مؤاخاتها للجن وعن قدرتها الخارقة فى هذه الأمور.. ولم يبد أى ردات فعل عندما تدخلت والدة سيد فى الحديث ورددت ما يقوله الناس عن فهيمة من خلال تجاربهم معها وعن خوفها من أن تعرف فهيمة بحديثهم الآن فهى تعلم كل شيء، وأنهت حديثها بئأس قائلة: ما دام فهيمة دخلت فى الموضوع ده يبقى الأرض راحت..

قاطعتها فى هذه اللحظة زوجة العطار قائلة: مش أنت قلت يا حاجة أنك اتفاهمت مع أم بدر وضرتها بخصوص الأرض وأنهم وافقوا أن الحق يرجع لأصحابه.. أمال أيه اللى حصل وخلاهم يرجعوا فى كلامهم ويأخذوا الورق بالطريقة دية؟

العطار: يا جماعة اعتبروا أن مفيش حاجة حصلت.. أنا هجيلكم ورق الأرض تانى..

أم زياد: إزاي بس يا حاج ده ست فهيمة قادرة؟

العطار: متشغليش بالك.. أنا هسافر على مصر عشان عندى ارتباطات مع زباين ليهم عندى بضاعة وإن شاء الله بُكرة هتلاقوا ورقكم عندكم ومش هيضيع منكو تانى.. ثم أشار إلى زوجته وقال لها: أنا هسافر وأنتوا كملوا فسحتكم براحتكم وقبل ما تيجوا على مصر اتصلى بي عشان استناكم فى محطة القطر، وفى تلك اللحظة قال زياد بصوت خجل خفيض: لو سمحتلى يا عمى أنا كمان هسافر بعد كام يوم عشان ارجع كليتى وممكن أوصلهم وأنا راجع..

العطار: على خيرة الله ثم هم بالانصراف وذهب معه سيد لتوصيله إلى محطة القطار..

بعد انصراف العطار وسيد قامت أم زياد بإحضار الدقيق والتجهيز لإعداد بعض الفطائر وصعد زياد إلى سطح الدار ليجلس متأملًا جو الريف المحيط به الذى يشواق له منذ سفره إلى القاهرة، وجلست إسماء وإيمان تتجاذبان أطراف الحديث نظرًا لانشغال أمهاتهما بإعداد الفطائر إلى أن قالت أم زياد لإسماء: خدى أختك إيمان واطلعوا فوق السطح اتفرجوا على البلد بدل ما أنتم حابسين أنفسكم هنا فصعدت الفتاتان إلى سطح الدار واستهلكت إسماء رؤيتها لأخيها فوق سطح الدار بقولها: قلنا نيجى نسليك شوية بدل ما أنت قاعد لوحذك..

ازداد احمرار وجه إيمان وتحاشت النظر إلى زياد وألقت بنظرها نحو الأراضى الخضراء المتسعة أمامها، وأيضًا لم يحاول زياد النظر لها بل قال لإسماء: الجو جميل قوى متتصوريش البلد هنا وحشتنى قد أيه.. حاسس أن بقالى ميت سنة مجتش هنا ثم وجه حديثه لإيمان: وأنت أيه رأيك فى بلدنا؟

ردت إيمان بصوت خفيض دون أن تنظر إليه: الريف بيريح الأعصاب وجوه غير جو القاهرة خالص.. الصراحة المكان هنا جميل.. ده كفاية صوت العصافير..

زياد: الحياة هنا مختلفة عن القاهرة تمامًا.. مفيش زحمة.. الهوا نظيف، وريحة الخضرا محبة إلى النفس.. عيشة بسيطة هادية تخلص أعصابك مرتاحة وتخليك تقدر تفكرى فى أى مواضيع بهدوء بخلاف الأكل بقى.. كله طبيعى وصحى..

تركتمهم إسراء وهى تهتم بالنزول من سطح الدار قائلة: أنا هانزل أعمل شأى لينا كلنا..

وجه زياد حديثه لإيمان قائلاً: أخبار الدراسة أيه؟

إيمان: الحمد لله ماشية تمام..

زياد: يا ترى أنت مبسوطه بإسراء زى ما هى مبسوطه بيكى؟

إيمان ضاحكة: أكيد.. ده أنا ما صدقت أن بقالى أخت..

زياد: وأنا كمان مبسوط بالحاج رضوان قوى.. وحاسس إنه عوضنى عن والدى.. برضه الأب لما يكون موجود بيبقى مصدر أمان.. وبينى وبينك أنا برضه مبسوط عشان إسراء طول عمرها كان نفسها يبقى ليها أخت وربنا عوضها.. وأنا إن شاء الله هخلص كليتى وأرجع البلد تانى عشان أعيش وسط أمى وأخواتى وبرضه أكون جنب سيد عشان زراعة الأرض مش هينة وعازية أيدينا تكون فيها على طول ثم ضغط على الحروف وقال برفق وهو ينظر بعينى إيمان: وساعتها أقدر أشوف بنت الحلال اللى هأكمل معاها المشوار..

زاد احمرار وجنة إيمان وقالت: ربنا يوفقك..

فى هذه الأثناء سمع زياد نداء أخته إسراء لحثهما على النزول لشرب الشأى بالأسفل فقد انتهت الأمهات من إعداد الفطائر فقال زياد لإيمان: اتفضللى انزلى أنت وأنا هانزل بعد شوية..

بعد نزول زياد بمدة قصيرة من على سطح الدار توجه إلى أمه وقال لها: أيه يا حاجة مش هتعملينا حاجة حلوة من أيديك؟ يلا قومى وأنا هادخل معاك المطبخ أساعدك فى اللى هتعمليه.. فقامت الأم مع ابنها زياد وتوجهها إلى المطبخ وقالت له الأم: حاجة حلوة أيه اللى عايز تعمله.. أنت ابنى وأنا عرفاك.. أنت عايز تقوللى حاجة.

تردد زياد قليلاً ثم قال: ماما أنا عايزك تتكلمى على إيمان.. أنا مرتاح لها قوى.. وأنت وإسراء بتحبوها، وإن شاء الله أهلها مش هيمانعوا إنها تيجى تعيش معانا فى البلد..

الأم: يا بنى مينفعش أفاتح أمها فى الكلام ده وهما عندنا.. اصبر لما يروحوا وأنا هابقى أزورهم وأطلبها منهم..

زياد: يا ماما مفهاش حاجة ده ربط كلام بس..

ضحكت الأم وربتت عليه بعد أخذه بخضنها وقالت: يا حبيبى متستعجلش هما هيلاقوا واحد زيك فين؟ أنت أى واحدة تتمناك.. وأنا عشان خاطرك هلمحلهم وربنا يقدم اللى فيه الخير..

قام زياد بتقبيل أمه مسرورا سعيدا قائلاً: أنت أحلى أم فى الدنيا..

قالت له أمه أيه بقى الحاجة الحلوة اللى هنقدمها للضيوف.. قام زياد مسرعاً وأحضر كثيراً من عيدان النعناع الأخضر وقال لأمه اغسلهم واقطفيهم عقبال ما أعصر أنا الليمون ده ثم وضع أوراق النعناع بالليمون بالسكر ومعهم كثير من اللبن بالخلط وأحضرت أمه الأكواب وقام بتقديم المشروب للضيوفهم وتضاحك الجميع إلى أن خرج زياد لمقابلة أصدقائه وجلست إسرائ مع إيمان على سطح الدار وأصبحت أم إسرائ وحيدة مع أم إيمان فقالت أم إسرائ: بصى يا أختى كويس أن العيال خرجوا أنا عايزاك فى موضوع كدة.. أنتوا يا حاجة ناس كمل وكويسين وأنا يا حبيبتي عايزة بنتك إيمان لأبنى زياد، وأنا يا أختى عارفة فى الأصول وطبعاً هجيلكم مصر أطلبها منكم قلتي أيه؟

تصنعت أم إيمان الاندهاش وقالت: بصراحة يا أختى أنت فاجئتيني بالطلب ده.. وإحنا يا أختى مش هنلاقى أحسن منكوا بس مش هينفع أفاتح الحاج فى حاجة زى كدة لا دماغه تروح كدة ولا كدة ويقول العيال قعدوا مع بعض ولا حصل حاجة.. إحنا هنأجل الموضوع ده لحد ما تيجى تزورينا فى مصر.. وإن شاء الله خير يا حبيبتي.

بعد مغادرة العطار للبلدة؛ ووصله إلى القاهرة.. لم يذهب لفتح المحل بل توجه إلى منزله مباشرة وقام بإحضار المبخرة وبعض الأدوات والمواد وقام بإشعال بعض الشموع وإطلاق البخور وأحضر ورقتين كتب على الأولى اسم فهيمة وكتب على الثانية اسم أمال وقام بتعليقهما وقال: يا رصدة الشياطين أجبوا دعوتى بحق العزائم العبرانية والأقسام الملكوتية المكتوبة على قلب النجوم وعجلوا بالظهور.. أجبوا يا خدام هذه الأسماء واحضروا الرصد مكرماً معظماً بين يدي بحق ما لها عليه من الطاعة والأحكام فانشق الحائط وخرج منه كائن طوله كطول طفل عمره سبع سنوات وخاطب العطار قائلاً: اسأل عما تريد.. فقال له العطار: أجب الأوراق التى سرقته فهيمة وأعطتها لأمال ثم غطى العطار وجهه بقماشة سوداء إلى أن هب هواء رطب ألقى بالقماشة من على وجه العطار ورأى الأوراق وهى تسقط على الأرض أمامه فقام بإحضار إناء زجاجى وكتب بداخله بمدايٍ أحمر بعض الكتابات وغطاه بإناءٍ آخر وذهب للاستلقاء على الأرض حتى غلبه النعاس وعندما استيقظ أخذ الإناء ووضع به بعض الماء ومضى به الكتابات الحمراء ثم فتح ستارة شباك الغرفة التى يجلس بها وجلس ينظر إلى النجوم المنتثرة فى السماء ثم تناول الورقتين من على الأرض ورسم على كل ورقة منهما نجمة وخط خطوطاً كثيرة فوق كل ورقة ثم قال: أقسمت عليكم يا خدام الأرض والقمر والنجوم والكواكب، عزمت عليكم أيها الأمراء الطيارون بين الأرض والسماء.. بحق هذه الأسماء والطلاسم.. اطووا لى الأرض كيفما أشاء واحملونى بسرعة إلى أى مكان أريده دون تأخير أو سؤال أقسمت عليكم يا أعوان الرياح بالأسماء العبرانية والطقوس النارية وبمنازل النجوم والكواكب أن تحضروا أمامى فى هذه الساعة وطوى الورقتين ووضعهما على حافة الشباك ووضع فوقهما حجراً ثقيلاً ونام حتى الصباح، وعندما استيقظ وجد الورقتين معلقتين فى عنقه ولم يجد أثراً للحجر الذى كان قد وضعه فوقهما فقام بإحضار بعض البخور وأطلقها بالمكان ثم قال: يا صاحب الحجاب احجب روحى عن الناظرين إنسهم وجنهم.. احجب الشياطين المؤذيين عنى، وحصنى منهم ذكرهم وأنثاهم بحق هذه الأسماء عليكم وطاعتها لديكم وبحق الدعوات الروحانية لا تقربوا لأهلى ولا ولدى ولا مالى ولا دارى فى ليلٍ أو نهار ومن أرادانى منهم بسوء أو كيد أو سحر يبقى ممنوعاً مزجوراً خاضعاً لى.. احملونى الآن إلى بيت زياد ابن زينب بسرعة البرق؛ وفى لحظة واحدة أصبح العطار بمنزل أم زياد ورأى زوجته وابنته جالستين مع إسرائ وإيمان وهم لا يرونه فوضع أوراق الأرض على عتبة الدار ورحل فى هدوء كما جاء؛ وفى هذه الأثناء سمع الجميع طرْقاً على باب الدار فقالت أم إسرائ: قومى يا إسرائ افتح الباب قامت إسرائ بتكاسل لفتح الباب، وعند سيرها لفتحه وجدت كيساً بلاستيكيّاً

أمامه فتناولته ثم قامت بفتح الباب بدون النظر للطارق وهولت مسرعة إلى أمها بالكيس وأشارت لها قائلة: كيس أيه ده يا ماما؟

خطف منها الكيس وقال لها بغضب: مش لما تفتحى الباب تشوفى مين برة وبعدين تعملى اللى أنت عايزاه.. افرضى أنه مش أنا اللى جيت دلوقت وفيه حد غريب تسبيله الباب مفتوح يشوف اللى قاعدين جوة..

ردت أمه فى هذه اللحظة: يا سيد مش وقته الكلام ده.. افتح الكيس ورينا جواه أيه؟

فتح سيد الكيس فوجد به أوراقاً مطوية وفتح تلك الأوراق وقرأها وانفرجت أساريه وقال لأمه: دية حُجة الأرض يا اما.. عمى الحاج رضوان صدق فى اللى قاله.. هو قال الورق هيكون معانا بكرة ووفى بوعده ثم قام ذاهباً إلى غرفته وهو يقول سيبولى بقى أنا الورق ده أنا هشيله بمعرفتى..

سمعت فهيمة طرقات على باب الدار فقامت بفتح باب الدار ووجدت دُنيا وأمال تظهر عليهما ملامح الخوف والقلق فبادرتهما بالقول: أيه اللي حصل؟

أمال: معلى يا حاجة إحنا تعيينك معانا بس حصل حاجة غريبة.. إحنا بعد ما مشينا من عندك وروحت أنا وأختي قلت أطلع الورق من شنطتى عشان أشيله مع باقى ورقنا، وحطيته على الترابيزة وسيبته لتانى يوم، ولما صحيت رُحت عشان أشيله وعقبال ما فتحت سحارة الكنبه اللي شايلىن فيها الورق المهم وبالتفت ملقتش الورق، واللى جننى إنى كنت لسه شايلاه فقلت يمكن وقع من على الترابيزة وقلبت عليه الدنيا وملقتوش..

فهيمة: يعنى أيه الكلام ده.. اتفضلوا الأول.. وأنا هشوف أيه اللي حصل؟؟

جلست فهيمة مغمضة العينين تتلو تلاوات خاصة خافتة بخشوع لفترة طويلة ثم قالت لهما: يا جماعة فيه حد من الجن خد الورق ده.. أنا متأسفة يا جماعة... الموضوع ده خارج عن إرادتى، وما دام الملك اللي معاي مقدرش يتصرف؟ يبقى الموضوع كبير وداخل فيه ملوك أكبر منه..

بكت أمال وحاولت دُنيا التخفيف عنها فقالت لها أمال : أنا مش زعلانة على ورق الأرض أنا كنت هرجعه لصحابه بس بعد ما كنت أعرفهم إنى عارفة كل حاجة وإنى أقدر عليهم وإنى مش ولية مكسورة الجناح.. بس أنا اللي قاهرنى إنى كنت عايزة أشفى غلىلى من بدر هو وأمه..

ربت فهيمة على كتفها قائلة: من جهة الموضوع ده أنا خلصته خلاص.. بدر مش هيهدى ولا يرتاح إلا لما يجيلك ويقعد تحت رجلك ويطلب منك السماح بس اعملى حسابك أن بدر ده هيفضل تعبان لحد ما تقويله خلاص أنا مسمحاك..

دُنيا: هو أنت عملتيله أيه يا حاجة؟

فهيمة: أنا عملته حاجة اسمها إرسال هاتف..

ضحكت أمال ودُنيا فى تلك اللحظة وقالت دُنيا: يعنى هيفضل يتكلم فى التليفون على طول..

نظرت فهيمة لهما بصمت وبثبات إلى أن توقفتا عن الضحك وقالت: لولا أنى عارفة أنكم كويسين كنت اتصرفت معاكم تصرف تانى.. يا ستات يا محترمة الحاجة اللي متعرفوش عنها حاجة متتريقوش عليها، واللى يشوفكم من شوية وأنتوا بتعيطوا ميشوفكمش دلوقتى وأنتوا بتضحكوا.. على العموم إرسال هاتف دية حاجة كبيرة قوى.. وهى عبارة عن أن أمال هتزرور بدر فى المنام على هيئة تُعبان

كبير هيفضل يعضه ويضرب فيه كل ليلة، ومش هيفخله يعرف يأكل ولا يشرب ولا ينام لحد ما يحضر قدام أمال وهو نفسه مكسورة متعذبة وساعتها أمال بقى تسامحه أوتسيبه يتعذب طول عمره..

دُنيا: وأنت يا أختى هتعملى معاه أيه لما تشوفيه؟

نظرت أمال باستغراب ودهشة إلى أختها وقالت: أنت عليك أسئلة غريبة.. لما يحصل وأشوفه مش عارفة أنا هاعمل أيه.. ساعتها يبقى يحلها حلال، وبعدين مش خلاص المفروض نمشى من عند الحاجة وكمان عشان أجيب بنتى من عندك..

فهيمة: متقوليش كدة ده البيت بيتك.. بس لما يحصل وتشوفى بدر عندك ابقى بلغينى..

أمال: طبعا أنا هقولك على طول ثم وقفت وأمسكت يد أختها وانصرفا من بيت الحاجة فهيمة.

وبعد مرور بضعة أيام وفى أثناء زيارة دُنيا لأختها سألتها قائلة: أيه يا أختى مش المفروض نروح نزور الحاجة فهيمة.. من آخر مرة كنا عندها مسألناش عنها تانى.. لازم نزورها عشان متزعلش مننا.. دية ست مبروكة برضة..

- أنا عايزة أزورها من بدرى بس كنت مستنية فرصة..

- هى مش قالتلك يا أختى أنك تتطمئنها عليك..

- عندك حق.. أنا عايزة أزورها عشان أحوّلها على أحلام بقيت أشوفها كثير..

- احولى يا أختى حلمتى بأيه؟

- لأ أنا مش هحوّلك لحسن الحاجة تزعل منى.. إحنا نروح نزورها وهناك أبقى اعرفى كل حاجة.. أنا هقوم ألبس وكويس أن البنت فى المدرسة.. ثم قامت الأختان بالانصراف لزيارة الحاجة فهيمة...

رحبت بهما فهيمة وبادرتها أمال بالقول: أنا يا حاجة عايزة أحوّلك على حاجات بشوفها فى أحلامى..

فهيمة: استنى بس نشرب حاجة وبعدين أحولى براحتك.. ثم قامت بإعداد مشروب ما، وفى أثناء ارتشافهم لهذا المشروب قالت فهيمة لأمال: احولى بقى يا ستى..

أمال: أنا بقالى كام يوم بأشوف بدر ابن جوزى وحواليه حاجات سودة عمالة تضرب فيه.. وهو عمال يعيط لحد ما صعب علي من كتر اللى عملوه فيه..

دُنيا: إحنا هانحن ولا أيه؟ مش هو ده اللى سرقك.. خليك جامدة أمال..

فهيمة: أنا يا أمال يا أختى مش اتفقت معاك أن بدر ده هيجليك ذليل.. وئنى هخليك تروحيله فى صورة تعبان وتضربيه، وهو لازم يجيلك يعترفك بكل اللى عمله وهيستنى أنك تسامحيه..

دنيا: طب بعد ما يجى يا حاجة ويعتذر هتعملى معاه أيه..

فهيمة: ده بقى اللى هتشوفه وقتها أختك أمال.. عايزة تسببه هاسيبه.. مش عايزة تسببه ومش هتسامحه أنا هخليه يلف حوالين نفسه.. بس يا ريت تبتغولى مبلغ تحت الحساب عشان نكمل المشوار والفلوس دية مش هأخذ منها ولا مليم، ده هشتري بيها حاجات ضرورية عشان أكمل بيها شغلنا..

أمال: اللى تشوفيه يا حاجة.. أنا هأبعتك مع أختى دنيا مبلغ كويس، وإحنا هنستأذن دلوقتي ولما يجيلى بدر هبلغك..

بعد انصرافهما قامت فهيمة بالذهاب إلى حظيرة ملحقة بالمنزل وقامت بإحضار شاه صغيرة وذبحتها بدون أن تذكر اسم الله عليها ثم أخذت قلب تلك الشاه وأحضرت مجموعة من الإبر الطويلة التى تستخدم فى خياطة مراتب السرير وتلت كلمات مبهمة على كل إبرة منهم ثم قامت بغرس تلك الإبر بقلب الشاه واحدة تلو الأخرى وهى تقول امرضوا جسد بدر ابن سعيد بكل الأمراض المؤلمة.. وسلطوا عليه الحمى والسهر ثم أحضرت بعض الخل والنشادر وملأت بها خرقة سوداء ولفت بها قلب الشاه وقامت بدفنها فى أرضية الحظيرة ووضعت عليها بعضاً من بقايا دماء الحيض وهى تقول: ألقوا العداوة والقتال بين أمال بنت فريدة وبدر بن سعيد حتى لا يتحادثان ولا ينظران إلى بعضهما البعض إلا بالبغض والكراهية..

أعزم عليكم أيتها الأرواح المسلطة على جسد بدر بن سعيد أن تجلبوه إلى أمال والنار من فوقه لتحتة.. وأمرؤا أعوانكم وخدامكم وأتباعكم أن يكونوا عوناً لسيد الأرواح.. ثم عادت مرة أخرى إلى داخل دارها وأحضرت المبخرة ووضعت بها بعض الأبخرة ذات الرائحة البغيضة المنفرة وقالت: يا أبا مرة أجيبنى بحق النار وما تعبدون عزمت عليكم بحق الشياطين والمردة أصحاب التعقيدات أن تحضروا لى من سرق ورق أرض أمال بنت فريدة أمامى بهيئته وصفته..

أجيبى أيتها اللعينة الملعونة بالذى خلق به أبائك من نار السموم، وإلا كنت من المرجومين.. ثم تمت بكلمات كثيرة جلست تكررهما مدة زادت عن الخمس ساعات إلى أن سمعت صوتاً رهيباً ورأت أمامها امرأة عوراء ثيابها رثة ورائحتها كريهة جداً فسجدت لها فهيمة..

قالت هذه المرأة: ما تُريدنيه يا فهيمة يا قبيحة لا أستطيع الأتيان به.. إنه شيطان أقوى منى..
يمكنك فتح المنديل فربما تشاهدى من أخذ هذه الأوراق، واحذرى فإنه أقوى منك ويمكنه هلاكك، ولن
يُمكنك إذا عرفتیه إلا أن تأخذه بالمكر والاستدراج.. لأنه إذا علم باستعانتك بى لإحضاره سيقطع
يديك وسيأمر بقتلك أو سيسلط عليك الوحوش والهوام.. إنه أشرس الجبابرة..

قامت فهيمة بالسجود لها مرة أخرى ثم ألقت ببعض الأبخرة الكريهة مرة أخرى واختفت هذه العفريتة..
جلست فهيمة تفكر متحيرة فى هذا الشخص الجبار الذى لم يستطع الشيطان إحضاره، وتمنت بقرارة
نفسها أن تقابله وتسيطر عليه حتى يكون لها خاضعاً.

وتمنت لو أنها استطاعت فى أن تسلط عليه أنواع الشتات والحمى فلا يستطيع أن يكون مرتاحاً إلا
بوجوده بجوارها وحدثت نفسها وقلبها مشغول بمن لا تعرفه فربما يكون شريكاً لها فى مشوار حياتها..

مرت أيام قليلة قضاها رضوان العطار فى مصر وقام بفتح محله ومارس طقوس حياته بصورة طبيعية، وبعد عودته لمنزله بعد قضاء يوم عمل شاق بمحل العطرة وبمجرد دخوله للشقة وقف ينظر لكافة جوانبها فقد شعر بإحساس الساحر بأن أحدهم جاس شقته فى أثناء غيابه فاحمر وجهه وتوجه غاضباً إلى غرفته وأحضر طاسة عميقة وسكب بها بعض الماء وأضاف إليه قليلاً من الزيت ووضع فوق الزيت بعض نقط الحبر الأزرق وقال: أقسمت عليكم أيها الجن والعُمَّار أن تنصرفوا جميعاً من هذا المكان وأن لا تفسدوا عملى ولا كتاباتى واحفظوا قراءتى ودوائرى.. بحق الملك طارش الحاكم عليكم اتركوا المساعدين لى على سجيتهم حتى يقضوا حاجتى..

بحق صاحب الاسم الكبير الذى يُمطر السماء فوقكم نازراً وشراراً، وكتب كتابات ورموزاً وأرقاماً بماء دم الغزال و أذاب ما كتبه بطاسة الماء وقال ”فكشفنا عنك غطاءك فبصرك اليوم حديد“..

انزلوا حتى أراكم بعينى وأكلمكم بلسانى.. أأتونى من مشارق الأرض ومغاربها فلى عندكم حاجة ولكم عندنا كلمة فسمع من قال: حضر الخيال فى الطاسة فقال العطار للخيال: اكنس المكان ورشه وضع الكراسى وأحضر الخرفان واذبحها وأعد الطعام، ورأى كائنات كثيرة مهيبة تدخل عليه الغرفة وعلى رأسهم قائدهم الأمر لهم فقال له العطار: تفضل بالجلوس وأمر أعوانك بالأكل والشرب..

بعد مرور برهة من الوقت قال قائدهم للعطار: أعوانى وخدامى تحت أمرك فانظر ماذا تريد؟

قال له العطار: أريد أن أرى من حاول دخول شقتى والتجسس على أحوالى..

فى تلك اللحظة دارت هذه الكائنات حول بعضها وشكلوا شكلاً لإنسان بلا ملامح خاطب العطار وقال له: هناك امرأة تسمى فهيمة طلبت من أحد الأعوان أن ترى من سرق ورق أرض أمال بنت فهيمة وأن يحضر أمامها بهيئته وصفته.. وها هى المرأة التى طلبت ذلك، وتشكل هذا الإنسان بشكل فهيمة.. فنظر إليها العطار ملياً فوجدها امرأة شابة حسناء اضطرب لرؤيتها قلبه ثم اتجه نحو الطاسة وأخذ يرش الماء فى أنحاء الغرفة وهو يقول: انصرفوا سلاماً عليكم بحق درميش الملك الموكل عليكم..

انصرفت كافة الكائنات وجلس العطار وحيداً يفكر فيما جعل قلبه يضطرب عند رؤيته لفهيمة، ولما انعكست مشاعر الحب لديه لأحاسيس فارغة من الحب تجاه زوجته ومشاعر مليئة بالرغبة العميقة تجاه فهيمة؟

وكيف أطلقت له نفسه العنان ليشتهى امرأة أخرى بعد سنوات علاقته الدائمة الطويلة بزوجته؟

إنه يشعر باندفاع قاهر لذاته تجاه فهيمة لذا قرر زيارتها ورؤيتها وليكن ما يكون، وحدثته نفسه قائلة: ماذا ستفعل إذا كان قلب هذه الأنثى مشغولاً بآخر؟ فأجابها: من الجيد أنك ذكرتيني بهذا.. سأفعل الآن ما يجلبها لى وحدى وأن يطمس بقلبها حب أى كائن غيرى وقام بكتابة أسماء بكف يده اليمنى ووضع بخوراً طيباً بالمبخرة ثم وضع كفه على دخان هذا البخور المنبعث من هذه المبخرة وجلس يتلو تلاوات خافتة، ووقف وهو يردد تلك التلاوات إلى أن اختفى وظهر مرة أخرى ولكن فى منزل فهيمة..

دار ببصره بأنحاء منزلها وقصد غرفة مغلقة فتحها ووجد فهيمة مستلقية تغط فى نوم عميق فاتجه نحوها ومس بكفه التى عليها الكتابة قدمها وقال: أجب يا معروف يا أبا المعارف، يا زهر الخاطف، يا طقطوش، يا ميمون الخاطف واخطف عقل فهيمة وقلبها، وتوكل بها وقيد النار فى جسدها حتى لا تُطفئ إلا بقربها منى..

أقسمت عليك يا حارث يا إبليس يا ابن الطاغوت أن تعقد نوم فهيمة فلا تنام إلا بارتوائها منى..

فى تلك اللحظة تراجع بهدوء عندما رأى فهيمة تصحو من نومها وتجلس متربعة على سرير نومها وهى تنظر له مبتسمة وتقول: لم يصل أحد قبلك لغرفة نومى إلا ملكى الحبيب الذى يرافقنى الذى جعلنى آراك منذ وطئت قدمك لمنزلى ولقد تركتك تفعل ما تريد كما أمرنى والأن قل لى من أنت؟ وكيف حضرت إلى هنا؟ ولماذا؟

رد عليها العطار بتهكم: ما تخلى الملك اللى بتقولى عليه يجاوب على أسئلتك..

- أنا سألته بس لأول مرة ميجاوبنيش..

- أنت اللى دعيتنى عندك..

فهيمة ضاحكة: شرفت وآنست بس أنا مش فاكدة إنى عملت حاجة زى كدة..

- مش أنت اللى دورتى عليّ وكنت هتموتى من الغيظ لما معرفتيش تشوفينى..

مرت فترة من الصمت وفهيمة تنظر للعطار بإمعان ثم ضحكت وقالت: أيوة أيوة أنت الراجل الجامد قوى اللى عرف يسرق ورق الأرض بتاع أمال، واللى الأعوان مقدروش عليه.. ده حتى خافوا يقولوا اسمك..

- عيب لما تقولى عليّ حرامى وإنى سرقت ورق من أمال.. فى الأصل الورق ده مش بتاعها وشوفى بقى مين اللى سرقه فى الأول..

- أنا لو كنت أعرف أن الورق ده يخصك كنت استأذنتك فى الأول بس أنت عارف لما حد يجى يقصدك فى شغلانة بتحاول تخلصها، وبينى وبينك الست غلبانة ومكسورة الجناح وكان لازم أساعدها بس ما دام أنت قلت الورق ده ميخصهاش يبقى كلامك نافذ وأنا مش هساعدها تانى، وحتى الهاتف اللي عملته لابن جوزها اللي اسمه بدر أنا هعكسه وكل حاجة ترجع زى ما كانت..

قاطعها العطار فى تلك اللحظة قائلاً: وأنت ليه عملتى هاتف لبدر؟

- أنا تلميذتك.. أنا عملت كدة عشان هو اللي سرق الورق من أبوه وأنا وعدت أمال يجيلها زاحف..
- أنا عايزك تفضلى ماشية فى موضوع الهاتف ده ولما يجى لأمال أنا عايز لأبقى موجود عشان بينى وبينه تار قديم ثم نظر إليها مبتسماً وقال: إنما أنت مخوفتيش لما شوفتيني كأنك كنت مستنيانى..
ردت فهيمة مبتسمة بحنان: أنا منكرش إنى كنت عايزة أشوفك وكنت على أتم استعداد أنى أعمل أى حاجة عشان أشوف الرجل اللي مقدرتش عليه، ومن ناحية الخوف أنا هاخاف من أيه؟ أنا معاي ملك بيحمينى بالإضافة إنى لقيتك بتتكلم نفس لغتى..

العطار مندهشاً: نفس لغتك.. إزاي يعنى؟

فهيمة ضاحكة: وأنا نايمة أنت لمست رجلى وكنت بتقول حاجة تسمح تقولى كنت بتقول أيه؟

نظر العطار إلى الجهة الأخرى وأجاب وقد شعر بالإحراج: ابدأ أنا كنت عايز اعرف أنت مين..

ضحكت فهيمة بمجون: يا راجل قول كلام غير ده.. بقى أنت جى عندى هنا ومدخلتش من باب ولا شباك وقدرت تطوى الأرض عشان عايز تعرف أنا مين ونظرت بعينه وقالت: أنا هاقولك: أنت حطيت إيدك على رجلى عشان تسلب عقلى وتاخذ قلبى وتخلينى مقدرش أعيش إلا ببك وفى الآخر بتقول أنا كنت عايز أعرف أنت مين!!

العطار محاولاً تجنب النظر بعينيها ناظرًا يمينًا ويسارًا قال: أنت عايشة هنا لوحده؟

قامت فهيمة من السرير بملابس النوم الفضفاضة الجذابة واتجهت نحو العطار مباشرة، وداعت خصلات شعره البيضاء وقالت بنبرة حزينة لا تخلو من الرقة: أنا عايشة هنا لوحدى، ومش معاي ولا جوز ولا عيال.. أصلى ملقتش الرجل اللي يملى عينى.. بس الغريب أن الرجل ده يجيلى لحد عندى هنا.. ده أنا صحيح محظوظة..

قام العطار بإزاحة يدها العابثة بخصلات شعره وأمسكها براحة يده وقام بتقبلها قائلاً: أنا مش عارف
أيه اللي جرى لى لما شفتك.. أنا حاسس إنى اتتهزيت مع أنى صعب أن فيه ست تهزنى..

- أنت متجوز؟

- وعندى بنت على وش جواز..

- اسمك أيه؟

- رضوان.

- أنا كمان لما حاولت أعرف مين اللي سرق الورق وحذرنى الخدام منك وكلمونى عنك وعن جبروتك
حسيت أنى عايضة أشوفك، وأمسكت بيدها الأخرى يده الممسكة بيدها وسارت به نحو السرير وأجلسته
وظلت هى واقفة وقالت بحنان عميق وبصوت أنثوى خلاب: أنا كمان حبيتك.. أنت الراجل الوحيد
اللى هيفهمنى والراجل الوحيد اللي حاسة إنى هاكمل معاه مشوار حياتى..

وضع العطار رأسه بصدرها وقال: بس أنا متجوز ومش معقولة أنى بدل ما أجوز بنتى أروح أتجوز
أنا..

- ومين جاب سيرة الجواز أنا عايزاك جنبى على طول وسيبك من الشكليات دية.. ده أنا ما صدقت
أقالبك.. أنت متعرفش أنا كل يوم بنام فى وحدة إزاي، ولما بيكون الجو بارد مبلaqيش حد يدفينى..
حتى الناس اللي بتعامل معاهم حاسين إنى حجر مغنديش إحساس.. كل همهم يخلصوا من مشاكلهم
وهمومهم وعمر ما حد قالى أنت حاسة بأيه؟ ولا نفسك فى أيه؟ محدش فيهم حس إنى ست زى
بقيت الستات عايضة أحب واتحب..

أجلسها بجواره على السرير وربت على صدرها قائلاً: أنت عارفة أن الناس اللي زينا متخلقوش عشان
نفسهم.. إحنا اتخلقنا عشان نخدم الناس.. هو ده نصيبنا.. ومتزعليش نفسك.. أديك فى الآخر لقيت
اللى بتدورى عليه

- بس أنت كُلك مش لى..

- حتى لو قابلتيني أوقات صغيرة مش مهم.. المهم هو إحساسنا ببعض.. وأنا هعلمك تطوى الأرض
إزاي عشان لما تحبى تجبلى، وهعلمك كمان الإخفاء عشان لو مش حابة حد يشوفك ثم تنهد قائلاً:
الدنيا دية غريبة يعنى فيها أيه لو كنت قابلتك من زمان مش يمكن كانت حاجات كتير اتغيرت..

فهيمة: أنا مش عارفة أواسيك ولا أواسى نفسى بس يمكن مكناش هنجب بعض زى دلوقتي..

فى هذه الأثناء تحول جليد القطبين إلى جحيم ملتهب، وتوقف الزمن بهما وقيدهما بالالتحام الجسدى داخل دائرة صراع الشهوة الحيوانى كمراهقين ينهلان لأول مرة فى حياتهما من بحر النشوة ليُشبعَا رغبتهما الخبيثة التى تلاقت تحت ظلال السحر المُحرم..

أحاط كل منهما بعنق الآخر، وارتشفا معًا من بعضهما ما يُلبى نداء الغريزة بداخلهما.. وكلما ارتشفا ازدادا عطشًا..

لم ينم أي منهما حتى استهلكا كامل رصيد سنوات الحرمان من اللذة كعروسين فى ليلة زفافهما، وفى الصباح طلب العطار الاستئذان وهم بالانصراف للذهاب لزوجته على وعدٍ منه لعشيقته بالعودة فى أقرب وقت ممكن..

سار العطار بطرقات البلدة منتشياً إلى أن وصل إلى منزل زياد وأسرته وطرق الباب واستقبله أهل الدار.. ورحبت به زوجته وأعدت له طعام الإفطار وقالت له مبتسمة: الحمد لله على وصولك بالسلامة..

العطار بتجهم: الله يسلمك..

الزوجة: مالك يا حاج أنت تعبان ولا حاجة؟ ولا يمكن أنت متضايق على قعدتنا هنا.. ثم نظرت له ضاحكة وهى تضغط على مخارج الحروف وقالت: ولا قعدتنا فى الشقة وحشتك..

- لا أبداً.. أنا كويس.. بس دماغى مشغولة بموضوع كدة..

- خير يا حاج؟

- أنا فكرت كويس وقررت أنى أشتري أرض هنا فى البلد وابنى بيت وأفتح تحته دكان عطارة.. أصلى بينى وبينك زهقت من مصر وزحمتها..

- يا ريت يا حاج.. دية بشرة خير.. ده أنا حتى حببت القعدة هنا..

- لأ.. إحنا مش هنسيب مصر خالص برضه إحنا هنكون هناك وهشوف دار كدة أقعد فيها لحد ما أشتري الأرض وأبنيها وأنت وإيمان تشغلوا المحل فى مصر..

انتاب زوجة العطار شعور بالضيق فقالت متأففة: أنت هتسيبنا نقعد لوحدنا فى مصر..

- هى دية أول مرة.. ما أنا ياما سافرت وسبيتكوا لوحدكو، وبعدين مفهاش حاجة لما نستحمل شوية لحد ما نبنى البيت ونفتح المحل.. ما هو كل حاجة هتبقى ليكوا..

- ربنا يدك الصحة يا حاج ويطول فى عمرك، وبالمناسبة دية يا حاج أنا عايزة أفاتحك فى موضوع الحاجة أم زياد طلبت إيمان بنتنا لزياد ابنها..

- وأنت رأيك أيه؟

- أنا شايفاهم ناس كويسين، وزياد ابن حلال ومؤدب ومش هنلاقى عريس أحسن منه لبنتنا..

- وإيمان رأيها أيه؟

- أنا مقولتلهاش أى حاجة.. قلت أشوف رأيك أيه فى الأول..

- خليههم يقعدوا مع بعض قدام عينك، وبعد كدة شوفى رأيها أيه؟ و إذا وافقت كان بها، و إذا موافقتيش خلاص، واعملى حسابك أنا هاطلع دلوقتي أدور على حطة أرض أوبيت مبنى يكون معروض للبيع وبعد كدة هسافر على مصر..

سارت الزوجة مع زوجها حتى باب الدار مودعة له وداعية له بالتوفيق ودخلت إلى أم زياد مكفهرة الوجه مشغولة خاطر فبادرتها أم زياد قائلة: مالك يا حاجة؟ فيه حاجة حصلت بينك وبين الحاج؟

- لا أبداً محصلش حاجة بس قلبى مقبوض مش عارفة ليه؟ حاسة أن الحاج متغير..

- وأيه اللي مخليك حاسة بكدة؟

- أنا فاتحته فى طلبك بنتى إيمان لأبنك زياد، ومهتمش وفجأة كدة لاقيته بيقولى عايز يشتري بيت هنا فى البلد ويفتح دكانه هنا بدل مصر..

تهللت أسارير أم زياد وقالت: ده يوم المنى لما تقعدى جنبى هنا فى البلد، ولا أنت مش عايزة تقعدى معانا ؟

- أبداً يا أختى أنت عارفة مَعَزَتُك عندى بس أنا مستغربة الحاج لأنى ياما قُلتله نيجى نقعد فى البلد ومكنش بيوافق مش عارفة أيه اللي حطها فى دماغه دلوقتي؟ أنا حاسة أن في حاجة حصلت خلت الحاج يغير رأيه..

- متقلقيش يا أختى تلاقى مواضيع الشغل شغلاه ولا حاجة.. بس أنت مقولتلش هو قالك أيه على موضوع زياد وإيمان؟ نقول مبروك ولا لسه؟

- ما أنا قُلتك أنه مردش عليّ وقال نتكلم فى الموضوع ده لما نروح بيتنا، وساعتها أنا هاشوف دماغه فيها أيه؟

فى تلك الأثناء دخلت عليهما إسراء وقالت ضاحكة: أنتوا هتأكلونا أيه النهاردة؟

- يا بت لى نفسك وخليك مؤدبة قدام الضيوف..

- ضيوف أياه يا ماما؟ ده مامة إيمان مامتى برضه..
- طب روى حضرى الفطار..
- هاخذ إيمان أختى حبيبتي وهنحضرلكم أحلى فطار ثم خرجت من الغرفة منادية على إيمان..
- جاءت إيمان وطلبت منها إسراء مساعدتها فى إعداد طعام الإفطار، وقالت إسراء لإيمان: مش أنا عرفت من ماما أن زياد طلب أيدك.. عقبالى أنا كمان..
- لم ترد إيمان فقالت لها إسراء: أنت مش فرحانة ولا أياه؟ ده أنا هطير من الفرحة عشان أنت مش هتقدرى تفارقينى..
- بلاش نتكلم فى المواضيع دية وخلي كل حاجة بأوانها..
- أنت هتعملى مكسوفة ولا أياه؟ ده أنا هأقرصك فى ركبك عشان أحصلك فى جمعتك..
- لو سمحت يا إسراء بلاش الهزار ده.. أنا مبفكرش فى المواضيع دية.. وبعدين أنا لسه عندى دراسة ومصممة أكمل تعليمى..
- هو فيه حد قالك أننا هنقعذك فى البيت..
- للمرة الثانية يا إسراء متتكلميش معاي كأنى موافقة ومتزعلنيش منك..
- مرت فترة وجيزة من الصمت إلى أن قالت إسراء وهى غاضبة: براحتك يا إيمان بس زياد أخوي مفهوش حاجة تتعيب وأى بنت تتمناه..
- متفهمنيش غلط يا إسراء.. أنا بس مفكرتش فى الموضوع ده..
- كل شىء قسمة ونصيب يا إيمان، وأنت هتفضلى أختى برضه..
- احتضنت إيمان إسراء بحب وقالت: يا حبيبتي أنا مش عايزاكى تزعلنى منى.. بس.. ولم تكمل كلامها فنظرت لها إسراء متسائلة: هو فيه حد فى حياتك يا إيمان؟
- مش للدرجة دى.. أنت فهمتيني غلط..
- لو أنا أختك بجد صارحيني أنت جواك أياه؟
- متزعلش منى يا إسراء.. الصراحة أنا زى ما حاسة أن أنت أختى برضه حاسة أن زياد أخوي.. أنا مش حاسة ناحيته بأى حاجة..
- ما أنت محاولتيش تقربيه منك، ومش بتديله ريق حلو..

- يا إسراء حسى بي.. زياد أخوي ومش قادرة أشوفه غير كدة، وأضافت بحدة: الجواز مش بالعافية يا إسراء

- براحتك يا إيمان، وعلى العموم أنا مش هاكلم ماما فى الحوار اللى حصل بينا يمكن تغيرى رأيك بس عشان الواحدة تقدر تحكم على حاجة زى دية لازم تدى نفسها فرصة تتعامل الأول وتشوف الشخص كويس وبعدين هى حرة فى رأيها ..

- أنا عارفة أن زياد بيحاول يتقرب منى، واللى أنت مش عرفاه أن ماما قلتلى أنه اتقدملى.. بس كل شىء قسمة ونصيب.. أنت عارفة أن الواحدة مننا لازم ترتبط بالإنسان اللى فى خيالها، وبصراحة زياد مش الراجل اللى فى خيالى..

- اديك قلتى.. خيالك.. يعنى مفيش حاجة على أرض الواقع ويمكن اللى فى خيالك ده متلقهوش أصلاً.. ساعتها هتقعدى بقى من غير جواز..

- يمكن الأيام تثبت أنى غلط بس لحد ما تثبت أنا مبفكرش فى المواضيع دية..

- دية آخر مرة هكلمك فيها فى الموضوع ده.. يلا نحضر الفطار..

انهمكت الفتاتان فى إحضار طعام الإفطار بلا أى حوار..

لم تقتصر الآلام التى تعرض لها بدر فى أحلامه على نومه فقط بل امتدت هذه الآلام لأوقات يقظته لتتحول حياته إلى جحيم من الضربات التى تنهال عليه نائمًا ويقظًا فرأى حياته سوداء قاتمة، ولاح له الأمل عندما شاهد عنتر أمامه فجأة فقال بأنين المظلوم: أنت فين يا عم عنتر؟

قال له عنتر بتوجس وهو ينظر إليه مليًا: مالك أنت مبتنمشى ولا أيه.. أيه اللى عمل فيك كدة؟؟

- من ساعة ما أنت نزلت تحت وأنا بشوف حاجات شكلها وحش عمالة تضرب فيا ليل ونهار لحد ما فكرت أنتحر ثم قص عليه كل ما حدث له، وحكى له عن رؤيته لماريا وزوجة أبيه فى أحلامه..

وضع عنتر يده على جبهة بدر وتمتم ببعض التتمات وانعقد حاجباه فقال له بدر خائفًا: فيه أيه؟

- إزأى ده يحصل فى بيت عنتر؟ أنا هاعرفهم أنا مين..

- يا عم عنتر طمنى فيه أيه؟

قال له عنتر بقوة وثبات: متخافشى طول ما أنا هنا.. أنت معمولك عمل وأنا هدمرك اللى عملهوك.. أنا هانزل تحت شوية صغيرين وهجيلك على طول..

- تانى يا عم عنتر.. ده أنت بتنزل تحت وتغيب بالأيام.. عشان خاطرى متسبينيش تانى..

- متخافشى أنا مش هغيب عليك..

ترك عنتر بدر ونزل إلى باطن المقبرة مرة أخرى وأزاح بقدمه ما تبقى من جثة الطفل الذى ذبحه ثم وضع بعض المواد كريهة الرائحة بالمبخرة، وأحضر ضفدعة ميتة وسلخ جلدها وقام بجرح إصبعه وترك الدماء تسيل منه على هذا جلد الضفدعة ورسم مثلثًا على الأرض المخضبة بدماء الطفل المذبوح، ورسم نفس المثلث بصورة مصغرة على سكين كبير كانت معه وغرس جلد الضفدعة بالسكين وغرسها بوسط المثلث المرسوم على الأرض، وأخذ قطعة جلد من كلب كان قد ذبحه مسبقًا بباطن المقبرة ووضعها على الأرض ثم أحضر طبق معدنى وضعه على حجر كبير ووضع بداخله بعض الشمعات المشتعلة التى انصهرت وأصبحت كالماء وأحضر ريشة دجاجة ورسم بها على جلد الكلب صورة لسيدة وكتب بالشمع المنصهر على رأسها مريخ عقرب، وعلى وجهها زهرة بيضاء، وعلى عنقها قمر سرطان وعلى صدرها شمس أسد وعلى ظهرها مشترى قوس وعلى بطنها جوزاء عطارد، وقام وهو يحدث نفسه كأنه يذكرها وتناول بعض أنواع البخور وقال: أدي صبر وأدى مُر وده حنتيت ثم ألقى بهم فى المبخرة فانطلقت منها تلك الرائحة الكريهة المنفرة وقال: يا أعوان ووزراء إبليس

أسألكم بالأرواح الروحانية أن تحضروا لى هدلياج الغفريت ابن إبليس ابن الطاغوت.. وأحضروا أصحاب الجهات الأربعة المتوكلين بالفلك الدوار وبحركات الليل والنهار..

عزمت عليكم بأهيا شراها أدوناى أصباوت آل شدای.. أطيعوا عزيمتى وأجيبوا.. يا خدام هذه الأسماء والطلاسم أحضروا لى هذا العارض من الجن ومن الشياطين ومن الهوام الذى تجرأ على عبدكم؛ وأرسل على ضيفه بدر الهاتف، واربطوا قرين من فعل ذلك أمامى بالسلاسل.. وإلا سلطت عليكم العذاب وزجرتكم باللهب والنيران..

فى هذه اللحظة وعلى أضواء الشموع رأى عنتر خياله يتحرك ويتشكل على شكل عقرب أسود ضخم بشع المنظر مخيف فتوجه عنتر نحوه بثبات وسجد له ولم يرفع رأسه من سجوده إلا عندما شعر بهواء حار شديد يضرب المكان فرأى فتاة شابة طولها لا يتجاوز المتر شعرها أحمر ناعم جدًا يستكين على الأرض من طولها لها قرون صغيرة..

رمقها باحتقار وقال لها: أنت بقى اللى اتجرات ودخلت بيتى وأهنتينى مع ضيفى..

ظلت الفتاة مُطأطأة الرأس وقالت: سيدى.. أنا لم أفعل أى شىء.. مولاتى هى من فعلت ذلك..

ملأت وجه عنتر تعابير الاندهاش وقال: مولاتك.. يعنى أيه مولاتك؟

الفتاة: مولاتى فهيمة خادمة الملك ميظطرون..

فتح عنتر فاهه وظل ناظرًا إلى الفتاة وقال: أنا عايز أشوف مولاتك دلوقتى.. فتشكلت الفتاة فى شكل

امرأة فاتنة نظر إليها عنتر مبهورًا وقال لها: أنت مين؟

قالت المرأة: أنا فهيمة عبدة الملك ميظطرون..

- أنت اللى بعنى الهاتف على بدر..

- أيوة.. ده كان طلب أمال مرات أبيه..

- وهو أذاها فى أيه؟

- سرق ورق أرض من أبيه واداه لولاد عمه..

عنتر بحدة وغضب: انصرفوا جميعًا أيتها الأرواح الشيطانية ثم مد يده وتناول زجاجة من على الأرض ونهض قائمًا على قدميه وهو مطرق الرأس ووضع يده على صدره ثم جلس جلوس العبيد وقال: أقسم على كل روح خُلق من نار السموم.. أقسم عليكم يا معاشر الشياطين والخدام والأعوان

بحق إلهى إبليس بأن تذهبوا إلى فهيمة بنت حسنة وإن كانت نائمة فأيقظوها وإن كانت مستيقظة فطيروها بألف جان عن يمينها وألف جان عن شمالها وألف وسواس داخل رأسها وكلوا لحمها واشربوا دمها ثم قيدوا العفريت الملك ميظرون الذى معها وأسجنوه فى هذه الزجاجة حتى أراه بعينى وأسمعه بأذناى ثم أحضر زجاجة فارغة وظل ينظر إليها حتى اسودت الزجاجة تمامًا فلف عليها جلد الكلب المرسوم عليه بالشمع وربط عنق الزجاجة بخيط قوى وصب عليه بعض الشمع المنصهر، وغطى قطعة الجلد الملفوفة على الزجاجة بهذا الشمع المنصهر حتى غطاها بالكامل بهذا الشمع المنصهر الذى تجمد عليها ثم كتب على الشمع المتجمد على الزجاجة بعض الرموز، ودفن الزجاجة بأرضية المقبرة المرتوية بالدماء وركع على ركبتيه وقال: يا هول يا شطيوش يا كيكاش بحق إبليس وطاعته عليكم أسلظكم على فهيمة حتى تأتى إلى عندما أناديها خاضعة ذليلة ذاهلة حيرانة.. أجيبوا بما وكنتم وأمرتكم فظهرت كائنات تشبه الكلاب برؤوس آدمية فقال لهم: احرسوا مقبرتى وضيفى بالسواوسة والشياطين..

اهتز باطن المقبرة فى هذه الأثناء، وانتشر ضباب كثيف فشعر عنتر بحضور قوى لأحد الشياطين فابتسم مطمئنًا عندما رأى عاينة بنت خالة ماريًا فقال لها: أنت نزلت هنا إزاي؟ أنا لما أطلع لبدر هعلمه إزاي ميقولش لحد على مكانى..

ابتسمت عاينة قائلة: بدر مين ده اللى يقولى أنت فين؟! أنا لما أحب أشوفك هشوفك فى الوقت اللى يعجبنى..

- أنا عارف من الأول أنك مش إنسية.. ودلوقتي أنت عايزة أيه؟

- أنت اللى عايزنى أساعدك...

ضحك عنتر ضحكة ارتجت لها جدران باطن القبر وقال: أنا عايزك تساعدينى أنا.. باين عليك مش عارفة أنا مين، وبرضة مش عارفة حاجة عن أعوانى وخدامى..

- أنا عارفة قدراتك كويس وأنت متوصى عليك من الملكة ذات المحاسن بنت الهنا إبليس..

انحنى عنتر بطريقة مسرحية وقال: المجد لآلهنا وأولاده.. شوفى أنت طلباتك أيه؟ وأنا كلى تحت أمرك..

- أنا مليش طلبات أنا جاية أساعدك فى اللى أنت بتعمله.. أنت خلاص بقيت واحد مننا..

- أنا كنت هنا بكمل طقوس عبادتى لإلهى أبلّيس ولما انتهيت منها طلعت لاقيت فيه واحدة اسمها فهيمة أرسلت على بدر هاتف.. الواد مكنش بينام ليل ولا نهار من كتر الضرب اللى اتعرض له.. أنا مهمنيش العارض اللى اتعرض ليه أنا كنت أقدر أخلصه منه فى ثانية واحدة بس المشكلة أن بدر ده ضيفى ومينفعش حد يتعرض له..

المهم أنا حبست الملك ميظطرون اللى كان معاها فى الإزالة اللى قدامك دية وكدة كدة أنا هجيبها قدامى هنا بس مش وقته..

قالت عاينة بتهمك: آمال أمتى وقته؟ لما تروقلها.. بلاش تلعب علي.. أنت لما شفت قرينها اتشكل فى صورتها عجبك..

- وليكن.. أيه المشكلة يعنى ما أنا عايش لوحدى وبرضه محتاج لست.. ودية مش ست عادية.. دية ست معانا فى دُنيتنا اللى عايشننا وهتبقى عارفة حياتنا وكمان هتساعدنى فى شغلى، وبعدين هى لو كانت عارفة أن بدر ده يخلصنى مكنتش قربت منه..

- أنت متهيألك أنك هتعرف تجيبها بسهولة.. أنت صحيح قدرت تسجن الملك اللى معاها بس ده مش هيكون لفترة طويلة لأنها هتعرف ترجعه تانى..

- هى لو كانت جامدة زى ما بتقولى مكنتش خليتنى أعرف أشوفها أو أجيب قرينها هنا..

- المشكلة مش فيها هى.. المشكلة أن معاها آدمى اسمه رضوان.. عامل عقود ومواثيق قديمة قوى ومعاها ملوك وخدام وأعوان فى منتهى الخطورة، ولما تحكيه فهيمة عن اللى حصل مش بعيد يقدر يخلص عليك..

نظر لها عنتر باهتمام وتوجس ثم قال بتكبر: أنا مفيش حد يقدر عليّ وأنا هوريك بعنيك دلوقتي ثم تتمم قليلاً وسجد مرة أخرى ثم قام وقال: أيها الزوابعة اركبوا الرياح وأتونى بفهيمة بنت حُسنه بأسرع من البرق الخاطف..

أرتج المكان وهبت رياح عنيفة بصوت مخيف فنظر عنتر إلى عاينة مبتسماً ابتسامة الواصل بنجاح طلبه، فبادلته عاينة الابتسام و أشارت له إلى الأرض فنظر عنتر ليجد أرضية باطن المقبرة وقد امتلأت بكائنات تُشبه الخنافس.

عاينة: شُفت بقى أن كلامى صح وإن أنت محتاج مساعدتى.. فهيمة دية حوالِها حجاب عاملهولها رضوان عشيقها ومش بعيد بدل ما تجيب أنت فهيمة هنا يجيبك أنت رضوان هناك، واعمل حسابك لو قدر يخذك أو يجيلك هنا.. هتبقى دية نهايتك..

عنتر بتجبر: أنا مبخافشى.. بالإضافة لأن الأعوان والخدام اللي اتسخروا ليّ بيحموني، وبعدين أنا ميهمنيش ولا رضوان ولا غيره ده أنا معاي سيدنا الحارث بنفسه..

- خلاص سيدنا الحارث يبقى يفاضل بينكم بس خلى بالك الراجل اللي اسمه رضوان ده قدم حاجات وخدمات لسيدنا الحارث، ومن الصعب إنه يختارك أنت..

راجع نفسك كويس أنت محمى فعلاً دلوقتي بس مش بسبب أعوانك وخدامك وإنما بسبب حماية الملكة ذات المحاسن ليك، لأن وقت رضوان ده ما يعرف اللي أنت عملته مع فهيمة مش هيرحمك.. وإحنا عمليناك حجاب بس مش هيطول كثير وهيقدر يكسره ويشوفك..

عنتر بجدّة وغضب: يعنى أعمل أيه دلوقتي.. أنت محسسانى إن رضوان ده أبليس نفسه؟

تجاهلت عاينة ردة فعله وقالت: مفيش حل إلا أننا نقلب حياته ونشغله بيها.. مراته من ناحية، وفهيمة من ناحية وأنت من ناحية، وبنته من ناحية لحد ما يضعف تركيزه ونستغل إحنا ضعفه ده ونحاول نخلى حد من اللي حواليه يخلص عليه ولما يخلص عليه تبقى فهيمة بتاعتك وتعيش ساعتها زى ما أنت عايز..

- أنا عايز أفهم مصلحتك أيه فى مساعدتك ليّ؟

- بصراحة أنا ليا تار عند رضوان العطار..

- ياه.. جنية من عالم الشياطين ليها تار عند إنسان من ذرية آدم ومش عارفة تاخده.. ده باين الإنسى ده جامد قوى.. صحيح قبل ما أنسى هى قريبتك ماريا فين؟ مش باينة يعنى!!

- أنتوا يا آدميين تفكيركم غريب، المفروض إنك مشغول وتبتكر فى موضوع فهيمة وأنا شغلتك أكثر لما كلمتك عن رضوان اللي مع فهيمة وأنت بتسألنى عن ماريا.. بس أديك بتتكلم فى أى حاجة وخلص.. يا سيدى أبقى دور عليها ولما تجيلك أبقى اسألها بنفسك ثم تأففت قائلة: حاجة غريبة.. أنت كان لازم تفكر معايا إزاي هنقلب الناس اللي حوالين رضوان عليه؟

عنتر بلا مبالاة: وأنا أفكر ليه أنا مليش أى مصلحة مع رضوان ده بس لو جه فى سكتى هافرمة..

ابتسمت عاينة بتهكم وقالت: هاتفرمه.. أنت فاكّر نفسك فى خناقة..

فى تلك اللحظة تراجعت عاينة وعنتر إلى الوراء عندما انشق جدار باطن المقبرة ليخرج منه حية عظيمة هائلة بعيون مشقوقة بالطول وتشكلت فى هيئة سيدة..

انحنى أمامها عاينة وقالت: مولاتى الملكة ذات المحاسن أهلاً بك ثم نظرت إلى عنتر قائلة: أيها الآدمى اسجد لها.. فسجد بتلقائية ولم يرفع رأسه إلى أن قالت محاسن: انهض أيها الآدمى وقل لى: هل تعرفنى؟

- مولاتى بنت الإله إبليس المخلوق من نار السموم.. أنت أعظم من أن أتكلم بحضرتك..

ابتسمت الملكة ذات المحاسن وقالت: شفتى بقى يا عاينة أن اختارى لعنتر ده صح.. عشان كدة يا عنتر أنا هديك شياطين اد اللى معاك ألف مرة بس تسمع كلامى وتنفذ أوامرى..

- سمعاً وطاعة يا مولاتى..

الملكة ذات المحاسن: أنا هقولكم تبتدوا تخلصوا على رضوان ده إزاي، وعشانك أنت يا عنتر إحنا مش هنجى جنب فهيمة وخليك حابس ميظطرون عندك ولما فهيمة تجيك لحد عندك أبقي أديلها ميظطرون هدية ثم أشارت إلى سقف باطن المقبرة وقالت: أخرج أيها الروح الثعبان واجلب معك النار والشرار فنزل من سقف باطن المقبرة ثعبان ضخم مخيف وتشكل بصورة عبد أسود ضخم وقال: عبدك يا بنت الهنا.. لك السمع والطاعة..

الملكة ذات المحاسن: اجلب أولاد الحارث وبني دهمان ليتحدوا مع بني القماقم وسكان الجبال، واختاروا أقواكم ليكون من أعوان الملكة عاينة بنت الملك الأحمر وليأتمر بأمرها حتى تتحكم فى كل الادميين المحيطين برضوان العطار وتعاملوا مع الخواتم السليمانية التى تُحيط به، وادخلوا جسده بين الجلد واللحم كالنمل واسكنوا مفاصله كأموج البحر وعذبوا هذا الرهط من الشياطين القدام الذين يُحيطون به وبمساكته، و إذا حضر الآدمى رضوان العطار لفهيمة بنت حُسنة اجعلوا لها عارض من دُريرة ميمون الخطاف لتخسر عقلها وتذهب صحتها وتنبح أمامه كالكلب وأكثرها عليها الدماء..

جلس العبد الأسود على ركبتيه وكسر عصا يحملها فى الهواء ليجتمع نصفى العصا مرة أخرى ويتشكلان على هيئة امرأة بيضاء فاتنة ذات حُسن وجمال يستر جسدها كله شعرها الأسود الفاحم الطويل وقال: تلك الجنية من بنات الملوك السبعة هى وصويحاتها من بنات الملوك سيكونون عوناً للملكة عاينة..

الملكة ذات المحاسن: انصرف الآن أيها الروح الثعبان واتركنا مع الملكة شمس..

اختفى هذا العبد الأسود فى نفس اللحظة، ولاحظت الملكة ذات المحاسن أن الملكة عاينة لم تنزل نظرها عن الملكة شمس فقالت: يجب أن تعرفى أيتها الملكة عاينة أن الملكة التى أمامك ذات قُدرات

قوية جبارة وهى ستكون خير عون لك فى أداء مهامك وهى أفضل عشرات المرات من ماريا، ونظرت للملكة شمس وقالت: مرحبًا بك أيتها الملكة الجميلة فلتسبحى لى بأن أتكلم عنك حتى تتعرف عليك الملكة عاينة أكثر، و أشارت إلى عنتر وقالت باحتقار: وأيضًا هذا الأدمى التى شاءت الظروف أن يكون موجودًا أثناء حضورك أيتها البهية، ونظرت إلى عنتر ثم إلى الملكة عاينة وقالت: إنها الملكة شمس القواميد بنت الملك الأحمر وقد تمردت على أبيها وهربت منه، وهى جنية قوية تستطيع أن تفعل الكثير ولها من الصويحبات من يستطيع أن يعاونها فى كل الأوقات ولها من ملوك الجن من يستطيع جلب الأعوان والخدام لها فى كافة المواقف والحقيقة أنا مش عارفة مين أصحابها بالتحديد عشان أكلكم عنهم..

بصوت حنون خلاب عميق قالت الملكة شمس: أصحابى كثر لا أستطيع ذكرهم كلهم ولكنى سأخبرك أيتها الملكات بأقربهن إلى قلبى.. إنهن ميمونة وياقوتة وفاطمة السحابية وغيرهم، وأنا هنا معكم لأساعدكم بقدر المستطاع..

الملكة ذات المحاسن: سأنصرف الآن ولتأخذى أيتها الملكة عاينة الملكة شمس إلى قلعتى حتى تروا ماذا ستفعلون واختفت الملكة ذات المحاسن داخل جدار باطن المقبرة كما دخلت مسبقًا وأمسكت الملكة عاينة بيد الملكة شمس وطاروا إلى قلعة الملكة ذات المحاسن وهبطوا بداخلها لتقف الملكة شمس مبتسمة وهى تنظر لحوائط وأعمدة وأرضيات القلعة وقالت للملكة عاينة: يالها من قلعة شاهقة جميلة تنم عن ذوق راقٍ رفيع..

الملكة عاينة: إنها قلعة الملكة ذات المحاسن وقد استعانت بأبيها وأخوتها الذين سخروا لها كل الشياطين لى تُبنى بتلك الطريقة وقد أحضروا أحجارها من باطن الأرض ومن أعماق البحار وكما ترين إنها قلعة ليس لها مداخل أو مخارج ولا يستطيع الولوج داخلها إلا من تأذن له الملكة ذات المحاسن...

الملكة شمس جالت بنظرها فى الأنحاء إلى أن عقدت حاجبيها وقالت للملكة عاينة: أنا أرى أسيرتين واحدة مكبلة ويحيط بها الحراس والأخرى داخل دائرة نورانية مطلسمة هل يمكن أن أسأل عنهما ولما هما هنا؟؟؟!!!

الملكة عاينة: صديقتى الملكة شمس يكن لى كل الشرف عندما أتكلم معك عن حياتنا هنا، فكم أتمنى أن أكون لك صديقة ولذلك أنت تسألين وأنا أجيب ثم أشارت إلى الملكة ماريا وقالت هذه الملكة ماريا بنت الملك شمردل السفلى وهى من أعوان الملكة ذات المحاسن، وقد عصت أوامر ملكتنا فعاقبتها

بقيدھا لبرهة من الوقت هنا حتى تتأذب لأنها تسببت فى حدوث أكثر من مشكلة فى الأمور التى كانت مكلفة بها، والأخرى التى بداخل الدائرة المطلسة هى ملكة الجمال دُرّة بنت قاضى الجن ودية بقى حكايتها حكاية ثم ضحكت وقالت: دية ملكة كانت هتتجوز آدمى.. خلاص يعنى الجن خلصوا.. متفهميش الجنيات دلوقتي بتفكر إزاي؟

الملكة شمس: أنا برضه مش عارفة أیه علاقة جوازها من إنسى بأنها هنا قاعدة وحواليها الدائرة المطلسة..

الملكة عاينة: لأ الموضوع مش جوازها من آدمى وخلاص.. ده الموضوع أكبر من كدة بكتير ويطول شرحه بس أنا هاختصرهولك.. الآدمى ده كان ساكن هو وناس قرايبه فى بيت قصاد بيت الملكة ذات المحاسن، والملكة دية وأبوها قاضى الجن ساعدوا الآدميين فعاقبتها الملكة ذات المحاسن وحبستها هنا، وهى قدرت تحيط نفسها بالدائرة النوارنية الطلسمية دية بس هى هتروح فىن هيجيلها وقت وهتستسلم.. دية حكاية اللى أنت شايفاهم باختصار..

الملكة شمس: دية حكاية غريبة قوى بس خلىنا نقعد أنا وأنت ونشوف إحنا هنعمل أیه بس عايزاك تحكىلى بالتفصيل على كل حاجة عشان نشوف هنبندى إزاي.. وبدأت الملكة عاينة فى قص كافة الأمور للملكة شمس.

شعرت فهيمة بوجود آخرين معها بالمنزل وكان هذا غريباً لها فهي تعلم أن الملك الذى معها يمنع دخول أى روح إلى منزلها. حاولت أن تستدعيه فلم تتلق أى استجابة، لأول مرة تشعر بالخوف فقامت بإحضار إناء كبير عميق من النحاس وملأته بالماء ثم قامت بإحضار ورقة حمراء وقامت بقصها على شكل إنسان وكتبت على رأسه كسفيائيل وعلى صدره أرطيايل، وعلى يده اليمين شرهيا، وعلى يده الشمال شرماده وعلى بطنه ادوناي، وعلى فخذه اليمين اصباؤت، وعلى فخذه الشمال آل شداى وأمسكت هذا الشكل مقلوباً مع إطلاقها للبخور ثم قالت: عجلوا يا معاشر الأرواح الروحانية بالظهور باهياش ياهوش رهاطيل أجييوا يا خدام هذه الأسماء وأحضروا الملك يوناى الحكيم صديق الملك ميظطرون أجييوني وافعلوا ما تؤمرون فاهتز الماء داخل الإناء النحاسى إلى أن أصبح كالأمواج الهادرة ثم هدأ الماء مرة أخرى، وظهر على وجه الماء طفل كأنه فى سن تسع سنين بديع المنظر حسن الصوت ملابسه تشبه ملابس الجنود، وقال بصوت رخيم ناعم: فلتأمر خادمة الملك ميظطرون وتقول ما هو طلبها؟

قالت له فهيمة: مرحباً أيها الملك يوناى الحكيم.. أنا ناديت على الملك ميظطرون ومردش علي استنيتيه كثير ومجاش عشان كدة أنا دعيك عشان تشوفهولى فين، وكمان أنا حاسة أن فيه حد معاي فى البيت..

- سمعاً وطاعة أيتها الآدمية، واختفى من على وجه الماء لبرهة من الوقت ثم اهتز الماء وظهر مرة أخرى وقال بصوت حزين: الملك ميظطرون حبيس داخل زجاجة النار، ولم أستطع أن أتكلم معه..
- مين اللى حبسه وإزاي قدر يحبسه..
- حبسه أحد السحرة الثقال ويدعى عنتر وده خادم وعابد لشياطين كثير..

فهيمة بحزن: طب عنتر ده عمل كدة ليه وعايىز منه أيه؟؟

- أنا لا أعلم ولم أستطع المكوث بمسكن الساحر عنتر أكثر من ذلك حتى لا يرانى أحد أعوانه..
- فى هذه اللحظة أشارت فهيمة إلى الماء وقالت: طماطيش هوش طشوش.. انصرف يا سيدى يوناى الحكيم بحق ما حضرت لأجله ثم قالت وهى تحدث نفسها: أنا محتاجك يا رضوان ياريت تيجيلى دلوقت..

فى تلك اللحظة قامت فهيمة فزعة بعدما شعرت بيد تُربت على كتفها وتراجعت إلى الوراء ثم تنفست الصعداء بعدما رأت صاحب تلك اليد واندفعت نحوه وغاصت رأسها ب صدره وهى ترتجف..

هدأ من روعها وهو يُرَبِّت عليها وقال: أيه الذى حصل يا فهيمة مخليك خايقة كدة؟

فهيمة: البيت هنا بقى غريب وأنا حسيت أن فيه حاجة حصلت فاستدعيت الملك يونس الحكيم وسألته عن ملكى وقالى أنه محبوس فى زجاجة النار وإن فيه واحد اسمه عنتر هو الذى حبسه ومعرفش يساعدنى أكثر من كدة..

سار رضوان بصحبته باتجاه السرير وأجلسها عليه قائلاً: متقلقيش كل حاجة هترجع زى ما كانت وبالنسبة لعنتر ده هنشوف هو مين، وعايز أيه، وعمل كدة ليه؟؟

سار رضوان باتجاه مرآة معلقة على الحائط وأخرج طباشير من جيبه وكتب بعض الكلمات والحروف ورسم مربعاً وقسمه إلى خانات صغيرة وكتب داخل كل خانة حرفاً أو اسمًا أو رقمًا ثم سار باتجاه المبخرة وأخرج قطعة صغيرة من البخور تشبه الحجر ورماها بداخلها وقال بصوت عميق: ادعوكم يا معشر العفاريت والأعوان من جنود إبليس ادعوكم يا عباد النار وأزجركم بالشياطين بأشد ما زجر به كل مخلوق من طين على مخلوق من نار السموم.. إلى كل المردة احضروا إلى مجلسى هذا..

فى تلك اللحظة اختفت المرأة تمامًا وحل محلها ضباب كثيف خرج منه كائنات يمسك كلٌ منهم بحربة من نار واصطفوا وراء بعضهم ثم ظهر من وسطهم كائن مهيب مخيف وقال: أنا يقططرون صاحب السجن العميق ومعى مزككيون الساكن فى الأفق ماذا تريد أيها الآدمى الفانى؟

انحنى لهم رضوان تحية لهم ثم اعتدل واقفاً وأشار إلى فهيمة وقال: هذه فهيمة خليلتى أريدكم أن تكشفوا عن بصرها وأعلمونا ما الذى غير حالها..

أشار الكائن إلى الأعوان المصطفين حوله فرفعوا حراهم فى الهواء وكونوا كتلة عظيمة من النار ثم هدأت تلك النار وظهر مكانها باطن المقبرة التى يسكنها عنتر، ورأى رضوان وفهيمة كل ما قاله وفعله عنتر منذ أن استطاع جلب قرين فهيمة..

قال رضوان للكائن: حرروا الملك ميظطرون..

الكائن: الملك ميظطرون لا يستطيع أى إنسى أو جنى حبسه، وعندما يريد تحرير نفسه سيفعل ذلك.. قاطعته فهيمة فى تلك اللحظة وقالت: أرجوكم حرروه..

لم يلتفت إليها الكائن فقال رضوان العطار: انصرفوا يا معشر المردة بالنور الساطع والشهاب الثاقب بحق مهاكيل وبنى صخر.. انصرفوا أسرع من لمح البرق..

انقشع الضباب واختفت كافة الكائنات وعادت المرأة كما كانت وأصبحت الغرفة عادية جدًا كأنها لم يحدث بها أى شىء فنظر رضوان إلى فهيمة قائلاً: شفتى مش أنا قُلتك متقلقيش وكل حاجة هترجع زى ما كانت..

- أنا كنت قلقانة جدًا خصوصًا بعد ما عرفت أن ملكى محبوس..
- أنا كنت مستغرب جدًا أن الملك ميضطرون محبوس فى إزارة، وقلت لنفسى إزاي ملوك الجن ميساعدهوش بس المهم أنك اتطمنتى..
- بس أنا عايزة أعرف الملك ساب نفسه محبوس ليه؟
- مش دية المشكلة.. أكيد هو عارف بيعمل أيه، بس الغريب فى عنتر ده.. أيه اللي خلاه يحضر قرينك ويحبس الملك ميضطرون؟ ثم نظر إليها نظرة ذات مغزى وغمز بعينه قائلاً: واللى زاد وغطى أن عينه منك ضحكت فهيمة بمجون وقالت: أنت غيران ولا أيه؟ أنا مفيش راجل يملا عينى غيرك أنت..
- أمال أنت كنت زعلانة ليه على الملك ميضطرون أنت فيه بينك وبينه حاجة؟
- لأ طبعًا بس الملك ده بقاله كتير معايا ويعتبر أيدى ورجلى فى شغلى وهو اللي بيدينى القوة، وعايزنى فجأة كدة أخسر شغلى وسمعتى بين الناس.. ده عشرة عمر برضه..
- أنا عايزك تجهزى نفسك عشان أنا هاخداك ونروح لعنتر ده..
- عشان خاطرى بلاش أنت تروح.. أنت ودينى أنا بس وهعرفك كل اللي هيحصل.. خلينى أنا أعرف منه كل حاجة لأن أنت لو جيت ممكن تبقى مقابلة مش حلوة وتتخانقوا.. خلينى أنا أجيبهولك على الجاهز..

- زى ما تحبى بس أنت هتقدرى تواجهيه؟
 - أنا مش هواجهه ولا حاجة أنا بس هاعرف أيه اللي خلاه يتصرف كدة؟
- تراجع رضوان خطوة إلى الوراء ورفع يده عاليًا وتمتم متمات خافتة فخرجت عصا من الحائط متجهة إلى يده المرفوعة فأمسك بها وجلس على الأرض وخط بالعصاة بعض الخطوط على الأرض وكلما خط بالعصاة خطأ كلما حضرت ريح قوية مركزها هذا الخط لا تتخطاه إلى أن رسم دائرة بداخلها خطوط عديدة فأصبحت هذه الدائرة كالإعصار الشديد ثم هدأت مكونة لسحابة شفافة فأشار لفهيمة قائلاً: تعالى ادخلى جوة السحابة دية والمكان اللي عايزة تروحيه فكرى فيه بس، وهتلاقى نفسك هناك واعملى حسابك السحابة دية هتفضل حواليك عشان لما تفكرى فى دارك هنا هترجعى فى ساعتها، و إذا احتجتينى فى حاجة اندهى علي بس..

قامت فهيمة وخطت بقدميها داخل تلك السحابة فاخفت على الفور، ووجدت نفسها بمقبرة عنتر، وعندما وجدها بدر أمامه فزع بشدة وتراجع إلى الحائط متمنياً أن يبتلعه وقال: أنت أيه؟

فى نفس اللحظة رأت عنتر صاعداً من باطن المقبرة وهو يقول مبتسماً: يا مرحب يا مرحب أهلاً بيكى فى بيتى المتواضع..

ابتسمت فهيمة وقالت: يا سيدى أن قلت أجيك بنفسى بدل ما تتعب نفسك وتحضر قرينى وتحبس ملكى ثم نظرت إلى بدر فجأة وقالت: أزيك يا بدر عامل أيه؟

لم يرد عليها بدر وظل واجماً صامتاً إلى أن قال عنتر: بس أنت قادرة وجامدة قوى..

فهيمة مبتسمة: ده أنا تلميذتك..

- إزاي بقى تلميذتى ده أنت جيتى بيتى فى لحظة والسحابة اللى حواليك هى اللى بتقول كدة وكمان عندك الجرأة أنك تكلمينى كأنك عرفانى من زمان..

- أنا مش جية أعاديك ولا حاجة ويا سيدى معلى إذا كنت دخلت بيتك كدة فجأة ثم نظرت له نظرة حانية وقالت: أنا بس جيت أشوف الرجل اللى كان عايز يشوفنى..

نظر لها عنتر صامتاً ثم نظر لبدر وقال: أخرج يا بدر برة شوية شم الهوا وريح أعصابك وأنا شوية كدة وهندهلك

سار بدر باتجاه باب المقبرة وخرج منه ثم نظر عنتر إلى فهيمة قائلاً: أديك شفتى الرجل اللى كان عايز يشوفك بس خلى بالك الرجل ده زى ما أقدر يحبس العفريت بتاعك أكيد لو حب يحبسك أنت كمان هيحبسك ثم توجه فجأة باتجاه البوتجاز وقال: لما أنا بخيل صحيح ومقمتش بواجب الضيافة ووقف يُعد مشروب الشاي..

فى تلك اللحظة ساور فهيمة شعور بالفرح الشديد فقد رأت أمامها الملك ميظطرون مما جعلها تشعر بقوة مضاعفة فقالت لعنتر وهى تبتسم بصوت عالٍ: وهو واجب الضيافة بيقول إنك تقول لضيوفك أنا أقدر أحبسكم.. ده اسمه كلام يا عنتر فين واجب الضيافة بقى؟

- لأ ده أنا بس بعرفك أنا ممكن أعمل أيه أو قولى كدة أنى بعرفك علي..

- تصدق يا عنتر أنا كنت فكراك أقوى من كدة.. ده أنت آخرك تحبس قطة!!

التفت إليها عنتر غاضباً وقال: ليه كدة أنت شكك كدة هتخلينى أعاملك بصورة تانية..

همست فهيمة برقة: أنا ممكن أطلب منك طلب..

- أنت ضيفتى.. قولى..

- أنا عايز أشوف ملكى وهو محبوس ده كان بيامر وينهى في.. ده أنا ما صدقت خلصت منه..

أشار عنتر بيديه إلى الأمام فطارت زجاجة ملفوفة بقطعة من الجلد فى الهواء وأمسكها بيده، وقال لها: ملكك هنا جوة..

- آيه يا عنتر أنت جايلى إزارة ملفوفة بجلد وعليها شمع وبتقولى أن الملك بتاعى جوة.. يا راجل ده اسمه كلام

- أمال أنت عايزة آيه؟ عايزة تشوفيه.. أنا معنديش أى مانع.. وقام بنزع الشمع والجلد من على الزجاجاة ونظر إلى الزجاجاة ثم نظر إلى فهيمة وقال عشان كدة أنت قولتلى شيل الجلد.. عشان تعرفينى أنك فكيت حبسه على العموم برافو عليك.. ثم نظر إلى جسدها وقال: طب بالمناسبة دية مش هتيجى تنزلى معايا تحت عشان أفرجك على مكان شغلى وصدقينى محدش نزل فى المكان ده قبلك..

ضحكت فهيمة بمجون وقالت: مش وقته وعلى العموم أنا شفت المكان ده كويس ولو عايزنى أوصفها لك هو صفه بس أنا عايزة أعرف معرفتك بي جت إزاي وليه أنت حبست ملكى؟

- أنا من حظى السعيد أنى أتعرف بيك.. تصدقى أن دية أحسن حاجة حصلتلى فى حياتى..
- أنت مجوبتنش على سؤالى.. على العموم براحتك وأشاحت بوجهها إلى الناحية الأخرى..
- أوعى تزعلنى ما أنت عارفة أن شغلتننا دية زى الدكاترة بالضبط مينفعش نطلع أسرار المريض برة..
- ما تقول يا عنتر هو أنت مبسوط أنى بتحايل عليك.. خلاص أنا هاعرف بطريقتى..

قال عنتر وهو يقوم بصب مشروب الشاى للضيفة وله: ما أنت لو كنت قادرة تعرفى أنا عملت كدة ليه مكنتش سألتينى وبعدين أنا عايز أسألك سؤال خاص لو جاوبتيني عليه أنا هجاوبك على سؤالك..

- حاجة قصاد حاجة يعنى.. ماشى.. أنا موافقة..

- آيه حكايتك أنت ورضوان العطار؟

نظرت له فهيمة بثبات قائلة: ده الراجل الوحيد اللى قابلته فى حياتى وهو اللى ملا عليا دُنيتى..

- أنتم متجوزين بقالكم كتير؟

نظرت له فهيمة ببرود وهى ما زالت تحافظ على نبرتها الهادئة: رضوان مش جوزى..

ضحك عنتر وهو يمرر أصابعه بشعره وقال: أه.. أنا كدة فهمت..

- أنا جاوبتك على سؤالك.. ولو عايز تسأل فى أى حاجة أنا تحت أمرك..

- أنا قابلت ناس كتير وقليل بس مشفتش حد زيك.. أنت فعلاً إنسانة رائعة.. وبما أنك مش مرتبطة

بحد ما تدى نفسك فرصة تعرفى راجل تانى يمكن تفكيرك يختلف..

- الستات مش زى الرجالة يا عنتر.. الست بتحافظ على حبها وعلى راجلها فى غيابه وحضوره..

والراجل فى أول فرصة تيجيله للخيانة بيخون على طول..

لأ يا سى عنتر اللى فى دماغك ده مش هيحصل، وبعدين أنت مش واخد بالك أنى جاوبتك على

سؤالك من بدرى وأنت مجاوبتنيش..

- أنا هجاوبك على الأسئلة اللى محيراك، وده عشان أنت ست جدعة وحلوة.. أنا اتعرفت على بدر فى

ظروف غريبة وفى مكان غريب وده قصة شرحها يطول ومش هاتهمك وبالتالي مش هاحكيها لك

وقعد معايا هنا بقاله فترة وهو فاكر إنه هيتعلم منى السحر وأنه هيكون أحد أعوانى بس بينى وبينك

أنا هاخليه خادم لى أنت عارفة أنى كبرت وبعدين أنا كنت فى شغلانة كدة ولما رجعت لقيتة تعبان

وقاللى أن بيتضرب ليل ونهار وأنه شاف مرات أبوه فى الحلم.. المهم أنا وصلت للى عمل كدة اللى

هو حضرتك لأن مينفعش يكون فيه حد قاعد عند عنتر وأى مخلوق يعمل معاه حاجة بدون إذن..

وبينى وبينك أنا كنت ناوى لمرات أبوه وكنت ناوى أأذكك أنت كمان.. بس أنا مش فاضى للكلام ده

دلوقتي ولو أنت عايزانى أسلمك بدر واللى جابوا هجيبهولك لحد عندك..

ومد يده فى تلك اللحظة محاولاً جذب فهيمة نحوه، والتى استسلمت له..

بعد قيام إيمان وإسراء بإعداد طعام الإفطار، وجلس الجميع لتناول طعام الإفطار وانصراف زياد وسيد للذهاب إلى الأرض قالت أم إسراء لها: مالك يا إسراء مش عوايدك تاكلى وأنت ساكتة.. أنت فيه حاجة مزعلاك؟؟

- أبدأ يا ماما أنا بس تعبانة شوية.. قاطعتها إيمان قائلة بخجل: والله يا ماما أنا اللي زعلتها..

أم إيمان بغضب: وأنت بتزعليها ليه؟ يعنى إحنا قاعدين فى بيتهم وتزعلى الناس مننا..

أم إسراء: متقوليش يا أختى الكلام ده.. ده أنتم أصحاب المكان، تلاقيهم اختلفوا فى حاجة وزعلوا من بعض أنت عارفة إسراء بنتى بتدب كلام وخلص..

إسراء: لأ أنا مبدبش كلام وخلص أنا يدوبك بفتحها فى موضوع أخوي زياد وهى طلعت فى وقالت: زياد زى أخوي..

قالت أم إيمان وقد شعرت بحرج بالغ: متزعليش يا إسراء من أختك إيمان هى بس مكسوفة..

وقتها قامت إيمان وإسراء برفع الأطباق والأواني والذهاب بها إلى المطبخ وقالت أم إسراء لأم إيمان: متيجى نروح نجيب شوية طلبات من السوق عشان البنات يعملوا الغدا، وعند سيرهما بالسوق انشغلت أم إسراء مع الباعة وتفاجأت أم إيمان بسيدة تقول لها: خلى بالك من جوزك.. جوزك اتلم على الست فهيمة وبيروحها البيت..

أصببت أم إيمان بصدمة هائلة وذرفت عينيها دموع الأسى ولم تشعر بما حولها للحظات إلى أن استفاقت من الحالة التى تمر بها عندما ربتت أم إسراء على كتفها وقالت: مالك يا أختى أنت تعبانة ولا أيه؟ فنظرت حولها لتحدث السيدة التى أخبرتها عن زوجها فلم تراها، نظرت يمينًا ويسارًا تبحث عنها ولم تعثر لها على أى أثر فنظرت إلى أم إسراء وقالت: مفيش حاجة يا أختى هابقى أقولك فى البيت، وسارا فى السوق لشراء باقى مستلزمات البيت ثم عادا إلى المنزل، وبادرت أم إسراء أم إيمان بالقول: قوليلى بقى فيه أيه؟

- فيه واحدة فى السوق قربت منى وقالتلى خلى بالك من جوزك ده بيروح عند فهيمة..

- إمتى الكلام ده؟ أنا كنت باشتري الخضار جنبك ومشفتش حد كلمك..

- يعنى أنا هاكذب عليك يا أختى ثم أجهشت بالبكاء..

- يا أختى إحنا بلدنا صغيرة ولو فيه حاجة زى كدة كانت الناس كلها عرفت.. ده مفيش حاجة بتستخبى فى بلدنا وفهيمة اللي بتقولك عليها دية بتاعة سحر، وعمرنا ما سمعنا عنها أن مشيها بطل..

- أمال أنت تفسرى بأيه اللي حصل ده؟ وحطى فى اعتبارك أن جوزى فجأة كدة قاللى إنه عايز يستقر هنا فى البلد ويصفى شُغله فى مصر.. أنا مبقتش عارفة أفكر.. على العموم متشغليش بالك أنا هاخذ بنتى النهاردة وأنزل على مصر عشان أشوف حكايته أيه؟ وكمان إحنا طولنا هنا قوى..

- متقوليش الكلام ده.. ده أنت منورانا ..

- معلىش يا أختى سببىنى على راحتى ثم نادى على إيمان وقالت لها: يلا إحنا هانمشى النهاردة جهزى شُنتنا..

ابتسمت إيمان وقد شعرت بالسرور وسارت مهرولة لتجهيز شنت السفر، وقامت أسرة زياد بتوصيلهما لمحطة القطار الذى قفز بهما إلى محطة مصر، وعندما استقرا ببيتهم اتصلت أم إيمان بالحاج رضوان وأخبرته برجوعهما إلى المنزل ثم قالت لإيمان: أنا طالعة عند أم أحمد جارتنا هاقعد عندها شوية، وخرجت من الشقة وصعدت إلى الدور العلوى وطرقت باب الجارة أم أحمد التى رحبت بها وهى تُقبلها قائلة: الحمد لله على السلامة.. أيه الغيبة الطويلة دية؟ ده أنت وحشانى موت..

قالت أم إيمان بحزن: وأنت كمان يا أختى..

أم أحمد: مالك يا أختى أنت فيك حاجة؟

أم إيمان: مش عارفة يا أختى قلبى مقبوض وقصت لها كل ما حدث بالبلدة حتى رؤيتها لسيده السوق التى أخبرتها عن زوجها..

أم أحمد: أنا هاقولك يا أختى على فكرة، و إذا وافقت نعملها بكرة بعد الظهر..

أم إيمان: خير يا أختى؟

أم أحمد: أنا عارفة راجل مبروك أنا كنت اتعاملت معاه قبل كدة.. ما أنت عارفة أن جوزى كان بتاع نسوان وأنا رُحتله وخلاهولى زى الخاتم فى صباعى..

- خلاص.. عدى علي بكرة وأنا هاجى معاك، ثم أضافت وهى تقوم بالسير فى اتجاه باب الشقة لتتنزل إلى شقتها معلىش يا أختى أنا تعبأك معاي..

- أوعى تقولى كدة ده أنت أختى وبعدين ده حتى الجار للجار..

فى اليوم التالى ذهبت كلاهما إلى هذا الرجل المبروك وسارا بين طُرقات المقابر ونادت أم أحمد قائلة:
يا سيدنا الشيخ.. يا مولانا ..

بعد لحظات خرج لهما رجل أشيب ملء بالشباب وقال: أيوة.. عايزين أيه؟

أم أحمد: أيه يا سيدنا الشيخ أنت مش فاكرنى ولا أيه؟

الشيخ: أيوة فاكرك أنا بأقول عايزين أيه؟

- ديه أختى وإحنا قصدينك فى خدمة.. أنت شيخنا المبروك اللى بيحل لنا كل العقد..
- أنا مش فاضى اليومين دول سيبولى تليفون واحدة فيكم وهابقى أكلمها، والتفتت إلى الوراء عندما رأى نظر المرأتان يتجه خلفه.. وقال بحزم للشخص الواقف وراه: فيه حاجة ولا أيه واقف كدة ليه؟
- ما تساعدهم عشان أتعلم منك أول درس..
- متكسفينش يا شيخنا، وكل اللى هتطلبه هنعمله..

أشار لهما بالدخول وأجلسهما قائلًا: بسرعة كدة قولولى أنتوا عايزين أيه عشان وراي مشوار..

أشارت أم أحمد إلى أم إيمان قائلة: دية جارتى وجوزها لايف على واحدة تانية..

قاطعها هذا الشيخ وقال: سيببها هى تحكى بنفسها وقال لأم إيمان: يلا أنا سامعك..

قصت أم إيمان للشيخ ما حدث بالسوق وعن شعورها بتغير حال زوجها فقال لها اطمنى دية حاجة بسيطة بس أنا مش فاضى دلوقتي عدوا علي وقت تانى..

أم إيمان: ارجوك أنا مش قادرة.. أنا أعصابى تعبت وأجهشت بالبكاء.. فتدخل الشخص الآخر الذى يقطن مع هذا الشيخ ومال على أذنيه وكلمه بصوت خافت وقال: ما تروح أنت مشوارك وخليهم قاعدين معاي لحد ما تيجى وما دام هى حاجة بسيطة حلها النهاردة وخلص..

نظر إليه الشيخ وهو يقوم من مجلسه وقال: خلاص استنوني لحد ما أرجع، وقال للشخص قوم اعمل لهم شاي ومتغسلش الكوبيات عشان هاحتاجها فى الشغل ثم تركهم وخرج..

قام هذا الشخص بعمل الشاي ولاحظ وهو يقدم الشاي لإحدى السيدتين أنها تنظر له بإمعان فقال لها: فيه حاجة ولا أيه؟

أم إيمان: مش عارفة أنا حاسة إنى شفتك قبل كدة بس مش عارفة فين..

الشخص: وأنا كمان حاسس برضه إنى شفتك قبل كدة..

أشارت أم أحمد إليه وقالت لأم إيمان: بما إنه موجود مع سيدنا الشيخ هنا يبقى ممكن كان بيحبيلوا طلبات من المحل بتاعكوا أوتكونى شفت حد شبهه..

أم إيمان: أيوة افكرت برافو عليك.. أنت مرة اشتريت من عندنا شمع.. وأنا كنت هتخانى معاك.. الشخص مندهشًا: محل أيه.. هو أنتوا ساكنين فين؟

ذكرته أم إيمان بمنطقة سكنها وبالمحل الذى اشترى منه الشمع.. فتهلل وجهه وقال: أيوة أيوة أنا افكرت أزيك يا حاجة..

أم إيمان: أزيك يا بنى.. وفى تلك اللحظة تدخلت أم أحمد فى الكلام وقالت: وأنت بقى قريب سيدنا الشيخ.. أنا لما جيتله قبل كدة مشفتكش هنا.. أنت اسمك أيه؟

ابتسم الشخص وقال: أنا اسمى بدر ثم تقمص دور العارف ببواطن الأمور وقال لأم إيمان: هو جوزك عمل حاجة خلتك تشكى فيه.. وأيه اللى خلاك تصدقى كلام الست اللى قابلتك فى السوق؟؟

أم إيمان: أنا حاسة بقالى فترة بتغيير فى معاملته معاي بس كنت بكذب نفسى بس اللى خلانى أتأكد أن إحنا كنا قاعدين عند ناس قرايبنا فى البلد وطولنا عندهم وهو سابنا نقعد براحتنا وديه مش عوايده، وكمان عايز يرجع البلد يسكن فيها..

مر وقت طويل والسيدتان وبدر يتبادلان أطراف الحديث إلى أن عاد الشيخ وقال لبدر: اعملى كوباية شاي ثم جلس وقال لأم إيمان تعالى اقعدى هنا جنبى وهاتى كوبيتك اللى شربت فيها الشاي..

نظرت أم إيمان إلى أم أحمد وقد احمر وجهها وتوترت فشجعته أم أحمد قائلة: قومى متخفيش ده شيخنا تقى وكويس وبعدين ده قد أبوكى..

تشجعت أم إيمان وجلست بجوار الشيخ وناولته كوب الشاي فتناوله منها وأمسكه بكلتا يديه ثم انعقد حاجباه وقال لأم إيمان: معلى قومى اقعدى قدامى هنا ثم أضاف: معلى حاجة من أتر جوزك..

فى تلك اللحظة ضحكت أم أحمد وقالت لأم إيمان: مش قلتلك اعملى حسابك وهاتى حاجة من أتره.. قاطعها الشيخ وقال لبدر: خد الحاجة واقعدوا برة لحد ما أخلص..

شعرت أم أحمد بالحرج وقام بدر باصطحابها إلى خارج المقبرة..

قالت أم إيمان للشيخ: أنا عايزة أسألك سؤال..

- أنت هتقولى أن مفيش قدامى مبخرة وإن لبسى عادى والكلام ده..

اندهشت أم إيمان وقالت: بركاتك يا شيخنا..

قام الشيخ بإحضار مبخرة وقال لها: ادينى جبت المبخرة بس مش علشان اقنعك لكن علشان أنا محتاجها فعلاً فى شغلى، وقام بإشعال الفحم ووضع به بعض الأبخرة ثم نظر إلى السيدة وقال: أنت جوزك اسمه أيه؟

- اسمه رضوان..

- معاك أيه من أتره؟

ناولته كوفية صغيرة وقالت: مش عارفة دية هتنفع ولا أيه؟

تناول الكوفية ممسكاً إياها مرفوعة فوق المبخرة تتخللها الأبخرة المتصاعدة ثم نظر إلى السيدة وقد انعقد حاجباه وقال: احكىلى كدة مرة ثانية أيه اللى حصل من جوزك وبالتفصيل؟

قصت السيدة مرة أخرى على مسامع الشيخ إحساسها بتغير أحوال زوجها إلى ما حدث من سيدة السوق..

ازداد انعقاد حاجبي الشيخ وقال: قوليلى مرة ثانية الست اللى قابلتك فى السوق قالتلك أيه بالتفصيل.. وأوصفيلى كدة شكلها..

السيدة: أنا مش فاكدة شكلها لأنى حسيت بصدمة كبيرة بس فاكدة كلامها اللى قالته.. قالتلى خلى بالك من جوزك ده بيروح عند فهيمة.. ده كل اللى حصل..

انتبه الرجل وهو ينظر إلى أم إيمان بتمعن وقال: أنت تعرفى فهيمة دية..

أم إيمان: شفتها مرة بس متعاملتش معاها..

الشيخ: أوصفيلى شكلها كدة..

وصفت أم إيمان ما تتذكره من شكل فهيمة.. إلى أن قال لها الشيخ.. جوزك ليه فى السحر؟

ران الصمت على المكان وقد راود أم إيمان شعور بخطأ فعلتها، وانصاتها إلى جارتها أم أحمد، والإتيان إلى هذا الشيخ، وخوفها من ردة فعل زوجها إذا علم بما فعلته فقالت: أنا خلاص مش عايزة أعمل حاجة لجوزى أنا همشى..

قام الشيخ بإمسакها بقوة من كتفها وقال بصوت عميق: أنت خفتى ولا أياه؟ جوزك مش هيقدر يعرف أى حاجة عن مجيئك هنا وبعدين أنت لازم تكلمى ولا تسيبى جوزك يروح منك لواحدة تانية كدة بسهولة..

أم إيمان: أنا خايفة بس هاقولك واللى يحصل يحصل.. أيوة جوزى ليه فى السحر..

قام الشيخ بوضع يده على جبتها وتمتم بتمتمات خافتة ثم تراجع مرة أخرى إلى مجلسه وقال للسيدة: إحنا هنكمل فى وقت تانى بس عايزك تجيبلى حاجة تانية من أتره.. هاتيلى حاجة من ملابسه الداخلية..

أم إيمان: يا سيدنا الشيخ أنا مش عايزة أكمل..

الشيخ بتأفف: براحتك.. أنت عرفت مكانى وأنا بابى مفتوح لىك فى أى وقت..

قامت أم إيمان بالاستئذان ورحلت ومعها جارتها أم أحمد، وعاد بدر إلى داخل المقبرة مرة أخرى وقال للشيخ: أياه يا مولانا خلصت الموضوع؟

الشيخ: لأ.. الموضوع طلع كبير.. أنا حاولت اتصل بقرين الست دية بس فيه بينى وبينه حجاب عامله جوزها أصل جوزها معانا فى الصنعة..

اندهش بدر وانعقد حاجباه وقال: يعنى أنت مقدرتش عليه..

قال الشيخ بغضب: يعنى أياه مقدرتش عليه؟ أنت نسيت أنا مين ولا أياه؟ أنا عنتر اللى مفيش حاجة تقف قصاده المشكلة أنى مش فاضيلها عشان فى أيديا شغلانة ناس تانية شاغلانى ثم قام قائلاً: أنا رايح لناس أعلمهم مصلحة فى بلد كدة جنيينا.. هحاول أخلصها بسرعة وأرجع عشان أقعد معاك وابتنى أدخلك فى دُنيتنا ثم رحل وجلس بدر وحيداً يستمع إلى الراديو ويتصفح بعض الكتب المتناثرة هنا وهناك إلى أن لمح الفتحة التى بالأرض التى تؤدى إلى باطن المقبرة فقام متردداً ووقف أمامها وساورته نفسه للنزول وهو يحاول مقاومتها إلى أن انتصرت عليه فقام بالنزول إلى باطن المقبرة وسار بداخلها وقد ازكمته رائحة المكان الكريهة..

سار متفحصاً المكان فرأى بعض الجماجم متناثرة هنا وهناك، ووجد قطعاً من صفحات القرآن الكريم ملطخة بالدماء والقاذورات كما لاحظ احمرار أرضية المكان المائلة إلى السواد من أثر الدماء.. إلى أن تراجع خائفاً عندما شاهد جثة لطفل بدون رأس معلقة من أرجلها بالمقلوب على صخرة بأحد الجوانب فتأثر جداً وقد أشفق على هذا الطفل وشعر بالحنق تجاه عنتر ثم رجع سائراً لى يخرج من

باطن المقبرة فاسترعى انتباهه رؤية صخرة سوداء فى رُكن بعيد وعليها شمعة ضخمة مشتعلة موضوعة فوق لفافة جلدية مُخضبة بالدماء فتوجه إليها ورفع عنها تلك الشمعة وفتح اللفافة فوجدها مكتوبة بالدماء وأسفلها توقيع عنتر بالدماء وبجواره ختم شكله غريب استطاع أن يرى منه رسمة صغيرة جدًا لكائن بشع له قرون فأصابه الرعب والذهول فقرأ المكتوب على قطعة الجلد بصوت عالى حتى تُصدق نفسه ما يقرأه : أنا عنتر بن آدم الموقع أدناه أُنذر نفسى لألهى وسيدى إبليس، وأتعهد بأن أكون له روحًا وجسدًا وأن أكون عبدًا مُطيعًا له..

لف بدر قطعة الجلد كما كانت، وترك الشمع ينصهر على أطرافها لتعود كما كانت ثم وضعها كما كانت موضوعة على الصخرة وعليها الشمعة مرة أخرى، وعاد صاعدًا إلى ظهر القبر، وأعد كوبًا من الشاي وأشعل سيجارة وجلس يسترجع أحوال نفسه والأمور التى مرت به منذ مجيئه إلى القاهرة، وتذكر أمه وإحساسه الرهيب بفقدان رؤيتها، وتذكر ما روادته نفسه ونفذه مع والده، وتذكر مشهد هذا الطفل البريء المذبوح، ثم تذكر السيدة التى لم يستطع عنتر مساعدتها، وأنب حواسه السذاجة الواهمة على تصديق قوة سحر وتأثير عنتر، وعلى مجيئه معه ليحيا هذه الحياة المظلمة، وقال لنفسه: أنا أيه اللى يجبرنى أنى أعيش معاه هنا؟ أنا خلاص ولا عايز كنوز ولا عايز أتعلم السحر.. أنا هارجع أكمل تعليمى وأرجع بلدنا أقعد مع أمى ثم لام نفسه أكثر قائلاً: أنا مش عارف أيه اللى خلانى أعمل كدة مع أبوي؟ الله يرحمك يا ابا..

الشعور بالذنب الكامن بداخله يقف أمامه بالمرصاد ويحاول أن يُطلق العنان لنفسه بالتوجه إلى شفاها بالتوبة إلى الله فقام بالوضوء وصلى لله بنية التوبة وقرر عدم تركه لعنتر إلا بعدما يُساعد السيدة التى تريد رجوع زوجها لها عن طريق محاولة إثنائها عن التواصل مع عنتر فقام باستبدال ملابسه وذهب إلى منطقة سكنه القديمة مع ابن عمه زياد، وسار باتجاه محل العطارة فوجد شيخًا كبيرًا يقف به فبادره بالقول: السلام عليكم ورحمة الله وبركاته.

نظر له الشيخ وقد رفع حاجبه وقال له: وجيت برجلك لحد هنا.. ده أنت فاجر قوى!!

- رد السلام يا عم الشيخ الأول.. ده السلام لله.. وبعدين المثل الشعبى بيقول: إذا عدوك جالك لحد دارك قوله يا مرحبباك.. وبعدين يا حاج هو أنت تعرفنى؟
- وعليكم السلام يا سيدى.. أأمر..
- أنا جايلك عشان أحكيلك على حاجة.. ومش قصدى إنى أتدخل فى خصوصيات حد..
- أنت مكفكش اللى عملته مع ابن عمك زياد، وجى دلوقتى تحكى وتقول وتعيد.. خلص أنت عايز أيه؟

نظر له بدر مندهشًا: أنت عرفت موضوع زياد منين؟ ثم أضاف.. أه.. هو قال إن أنت معاه فى الصنعة فمش غريبة أنك تعرف كل حاجة..

انعقدا حاجبا الشيخ ونظر بثبات وصمت إلى بدر لبرهة من الوقت ثم قال له: أنت مين اللى بعثك؟

- والله يا عم الشيخ محدش بعثنى ولا حاجة الموضوع كله أنى جى أقدم خدماتى عشان أنا ناوى أصلح كل الغلط اللى عملته فى حياتى..

- طب اتفضل يا ابنى جوه الدكان.. هنشرب كوبيتين شاى وتحكىلى على اللى عايز تقولوهم ثم أحضر الشيخ عدة الشاى وقال وهو يُعده: أنت أسمك بدر سعيد.. صح..

- أيوة.. أنت عرفت اسم أبوي كمان..

- لا وأنت الصادق ده أنا أعرف أمك شخصيًا، وبعدين أنت ممكن تنادينى بالحاج رضوان..

- يا حاج رضوان أنا عملت حاجات كتير غلط وتعبت من اللى أنا فيه وجاتلى فرصة أنى أتوب فقررت استغلها.

صب الحاج رضوان الشاى وقال: كلنا بنعمل غلط مفيش حد معصوم بس أهم حاجة نتعلم منه..

- أكيد يا حاج.. أنا هختصرلك الموضوع عشان مطولش عليك.. أنا قاعد مع واحد احتمال تكون

عارفه.. اسمه عنتر، وعنتر ده راجل مفترى معندوش قلب.. ده بيتعامل مع الشياطين، وتعثرت

الكلمات على شفتيه ومرت فترة من الصمت إلى أن قال: أنا هاقولك وأنت بقى شوف هاتعمل أيه؟

الجماعة راحت لعنتر عشان ترجعك ليها وقف الحاج رضوان غاضبًا ثم جلس مرة أخرى: جماعة مين

يا بدر اللى راحت لعنتر؟ واضح أن فيه سوء تفاهم أنت يا ابنى عايزنى أنا ولا غلطت فى العنوان..

- أنا عارف يا حاج أن الموضوع حساس بس أنا هاحكىلك.. أنتوا كنتم فى البلد قاعدين عند ناس

معارفكم وفيه واحدة قابلت الجماعة فى السوق وقالتلها خلى بالك من جوزك ده بيروح عند فهيمة،

والجماعة خدت واحدة جارتها اسمها أم أحمد وجت على عنتر عشان يخليك تبعد عن فهيمة.. هو

ده الموضوع وصدقنى هو ده اللى حصل..

- اشرب الشاى يا ابنى.. أنا هتصرف فى الموضوع ده بس أنت هترجع لعنتر ده تانى؟

- بينى وبينك مش عايز أرجعله تانى وعايز أروح لأمى فى البلد..

- مش هينفع يا بنى تسببه دلوقتى لأنه هيعرف أنك جيتلى.. وكمان لازم تساعدنى أنى أقف قصاده

عشان ميأذنيش أنا وجماعتى، وزى ما أنت هتساعدنى أنا كمان هساعدك وهأخلى عنتر ميقدرش

يعملك حاجة.. قلت أيه؟

- يا حاج أنا مش عايز أدخل نفسي فى متاهات.. أنا مآذتش عنتر عشان يأذيني.. أنا مليش دعوة بالكلام ده..

- براحتك بس اعمل حسابك أن أنت عرفت حاجات كتير عن عنتر بقعدتك معاه، وهو مش هيسيبك خاف بدر وخصوصًا بعدما تذكر شكل الطفل المذبوح فقال: ماشى يا حاج شوف أنت عايز تعمل أيه؟ قام الحاج رضوان بغلق باب الدكان من الداخل نصف غلقة ثم وضع يده على جبهة بدر فسقطت رأس بدر على صدره نائمًا لا يشعر بأى شىء.. ورأى الحاج رضوان مقبرة عنتر وباطنها ورأى زوجته وهى جالسة معه، وشاهد كيف قتل بدر أباه، ورأى ذات المحاسن وماريا وعائنة عند عنتر ثم رفع يده عن جبهة بدر فاستفاق وقال: هو حصل أيه؟

توجه الحاج رضوان وفتح باب الدكان وقال لبدر: أنا حصنتك متقلقش من عنتر خالص.. روح عنده وعيش معاه عادى جدًا..

- أنا قُلتك أنا مش هرجعله تانى..

- ماشى.. صحيح أنا نسيت أسألك عن أبوك.. هو عامل أيه دلوقتي؟

أطرق بدر رأسه أرضًا وقال: تعيش أنت يا حاج.. ده مات..

الحاج رضوان مندهشًا: إزاي الكلام ده.. ده كان زى الحصان؟!

- هو فيه حد كبير على الموت.. ما إحنا كلنا هنموت..

- عندك حق.. أنا شفت ناس فجرة كتير بس مشفتش حد فى فُجرك..

قام بدر محتدًا وهم بالقيام من على الكرسي للخروج من الدكان وهو يقول: أنا فعلاً غطان أنى جيت هنا خيرًا تعمل شرًا تلقى فأشار له الحاج رضوان فشلت أطرافه وأصبح لا يستطيع الحركة وقال له مبتسمًا: يا واد أنت يا وَرَع.. عامل نفسك كويس وعايز تتوب.. ده أنت عامل مصايب سودة ثم أشار له مرة أخرى فذهب شلل أطرافه وشعر بدر بحرية حركته فبكى وقال: والله يا حاج أنا آسف.. أنا عايز أتوب فعلاً..

- أبوك مات إزاي؟

- عادى يعنى.. مات.. راجل كبير ومات.. هنقول لربنا هو مات إزاي..

ضحك الحاج رضوان وقال: مش قُلتك فاجر.. ثم أضاف بثبات هسألك للمرة الأخيرة أبوك مات إزاي؟

- وأنا للمرة الأخيرة بأقولك أبوي مات عادى..

صفع الحاج رضوان بدر على وجهه وقال: أبوك مات بأيديك يا واطى.. أنت اللي حطيتله المرض فى جرحه..

أصاب الذهول والوجوم وجه بدر ونظر مبهوثاً إلى وجه الحاج رضوان..

- إذا كنت عايزنى أسكت.. اسمع كل اللي هقول لك عليه وتنفضه بالحرف الواحد..

- اللي تأمر بيه أنا من أيديك دية لأيديك دية..

أخرج الحاج رضوان من جيبه بليه شفافة من التي يلعب بها الصبية كما أخرج قارورة صغيرة بداخلها مادة شفافة تشبه عسل النحل وناولهم لبدر قائلاً: أنت هترجع دلوقتي وتعيش مع عنتر عادى جداً والبلية دية هتُحطها فى أى مكان فى باطن القبر اللي بينزله عنتر والإزاة دية هتفضى من اللي جواها فى كل أكل بياكله عنتر، وتفضل عايش معاه عادى جداً وتسمع كلامه فى أى حاجة يقولك عليها لحد ما أجيلك أنا هناك وبعدين تقدر تعمل اللي أنت عايزه بعدها وتعيش حياتك عادى، وأوعى تفكر تلعب معاي.. أنا غير عنتر ومش هارحمك وهجيبك من آخر الدنيا، ومش عايزك تخاف من أى حاجة أنا هاعمل حجاب لقرينك ومحدث هيعرف عنك أى حاجة ولا حتى بتفكر فى أیه..

قال بدر بخوف وطاعة: حاضر.. ثم رحل تاركاً الحاج رضوان الذى أغلق دُكانه وسار إلى بيته لتقابلته زوجته كالمعتاد وإن كانت تتحاشى النظر إليه فبادرها بالقول: مالك يا حاجة فيه حاجة شغلاك؟ أم إيمان: أبداً يا حاج أنا تعبانة شوية..

- تعبانة من أیه يعنى؟ وبعدين أنت مش ملاحظة حاجة غريبة.. أنا لما كنت باجى من برة كنت بتحضرلى الأكل وتقوليلى عملت أیه؟ ده حتى لما بتروحى السوق بتحكيلى اللي حصل..

أجهشت الحاجة بالبكاء وقالت: اسأل نفسك يا حاج..

قام الحاج بأخذ رأسها على صدره وربت عليها وقال: أیه بس اللي حصل احكيلى؟ ده إحنا ملناش إلا بعض..

- ملناش إلا بعض بأمرة ما أنت بتروح لفهيمة.. ليه كدة؟ أنا عملت فيك أیه؟ بعد كل العشرة دية تروح

لواحدة تانية غيرى.. ده بنتك على وش جواز... حرام عليك اللي عملته في..

- مين بس اللي قال لك الكلام الفارغ ده؟ ومين فهيمة دية اللي أنا أبصلها؟

أنت فاكدة إحنا شفنا فهيمة دية لما كنت بشوف مين اللى سرق ورق أرض زياد وأخواته.. بقى معقولة أنا هاروح للست اللى سرقتهم وحاولت تأذيههم.. ده أنت ضُفرك بـرقبتها..

- أنا فيه واحدة قابلتني فى السوق وقالتلى أنك بتروح لفهيمة وأنا من ساعتها هاتجنن لدرجة أنى عملت حاجة مش كويسة، وحكيت لأم أحمد عن اللى حصل..
- من أمتى يا حاجة بتحكى للناس عن أسرارنا.. ده اسمه كلام..
- والله يا حاج ده اللى حصل، وعلى فكرة أنت اللى خلتنى أتصرف كدة.. سامحنى يا حاج..
- ولا يهكم.. ده أنت الخير والبركة وأنا مليش غيرك أنت وإيمان..

أجهشت بالبكاء مرة أخرى فقال لها الحاج: أيه تانى؟

- يا ريتنى ما سمعت كلامها.. بس ده كانت لحظة ضعف..
- مين دية اللى يا ريتك ما سمعت مكانها ولحظة ضعف أيه؟؟
- شوف بقى يا حاج.. أم أحمد جارتنا اللى فوق لما أنا حكتلها عن اللى حصل خدتنى لواحد بتقوله سيدنا الشيخ فى المقابر.. ثم قصت له ما حدث بالتفصيل..

ظهرت ملامح الاستياء على وجهه وقال لها: ده اسمه كلام يا حاجة يوصل ببيك التفكير للدرجة دية؟ أم أحمد دية لو ست كويسة تحاول تصلح ما بينك وبين جوزك مش تخذك توديك لواحد دجال..

- سامحنى يا حاج أنا مش هاتكلم مع أى حد فى خصوصياتنا مهما حصل..
- مش هتضريللى العشا ولا أيه؟

أعدت الزوجة طعام العشاء لزوجها الذى أخذ يفكر فى بدر وكيف سيؤدى ما هو مطلوب منه، وبعد تناوله للعشاء ونوم زوجته بجواره تسلل إلى خارج الغرفة ومارس بعض الطقوس، وانتقل فى نفس اللحظة إلى منزل فهيمة التى رحبت به وقالت: أيه الغيبة الطويلة دية؟ ده الدار نورت.. احتضنها وقال لها: أنا عايزك فى موضوع ضرورى ثم قص على مسامعها ما حدث من بدر ومن زوجته..

- أنا مش فاهمة يعنى أنا مطلوب منى أعمل أيه بالضبط؟
- أنت فكرة اللى عمله عنتر معاك ومع الملك اللى معاك..
- وديه حاجة تتنسى.. ده أنا مستنية اللحظة اللى أذل فيها عنتر ده..
- وادى الفرصة جتلنا لحد عندنا.. أنت هتطلبى من الملك ميظطرون أنه يساعدك..
- إزاي؟؟!

الحاج رضوان: زى ما أنا قُلتك أنا أديت لبدر للسائل المقروء عليه قرآن، وأنا هاخلى بدر يُحط لعنتر فى كل أكلة منه وطبعًا الشياطين اللى مع عنتر هتنبهه أن الأكل مينفعش ياكله والمطلوب من الملك اللى معاك أنه يحاول هو وأعوانه وخدامه تكبيل شياطين عنتر عشان ميبلفوش عنتر أى حاجة ولما عنتر يضعف بفعل السائل ده.. ساعتها نقدر نخلص عليه.. بس لازم تعرفى الملك إنه هيخلى أعوانه وخدامه يخدوا شكل شياطين عنتر وينفذوا أى طلبات يطلبها عشان يحسش بحاجة وبعد ما يضعف ملكك هيسيبه وهيحس عنتر بضعفه وهيحاول يستعين بشياطينه ولكنهم هيهربوا منه..

فهيمة: فهمت وهانفذ كل اللى أنت قلت عليه ثم اقتربت منه ونظرت فى أعينه وابتسمت وقالت: واحنا مش هنقعد مع بعض شوية قبل ما ترجع مصر..

الحاج رضوان: ما تبقيش فهيمة لو فوتى أى فرصة تجيلك، وغاصا معًا فى أعماق نهر النشوة ثم رحل الحاج رضوان إلى بيته على وعد من فهيمة بتلبية ما طلبه وإبلاغه به فور تنفيذه..

بعد وصول بدر لمقبرة عنتر عائداً من دُكان الحاج رضوان رمى البلية الشفافة فى باطن القبر، وجلس يفكر فيما سيحدث حينما سيضع هذا السائل الذى أعطاه إياه الحاج رضوان فى طعام عنتر، وهاجمته أحلام اليقظة لتبث بداخله المخاوف من أن يعلم عنتر بفعلته؟ وماذا سيفعل مع الحاج رضوان الذى يعلم بكيفية قتله لوالده؟

أمه النفسى يفترسه بكل ضراوة، ويُغرقه فى هواجسه إلى أن تفاجأ بوجود عنتر أمامه والذى قال له: أيه يا ابنى.. كل ده سراحان.. أنت بتحب ولا أيه؟

- لا يا عم عنتر بس أنا تعبان شوية..

- طب قوم اعمل لنا أكل أنا جايب معاي أكلة رنجة وملوحة.. قطع لنا بصل وحضر الأكل عقبال ما أستريح شوية قام بدر بتنظيف الرنجة والملوحة ووضع الليمون والخل ثم قام بإخراج القارورة الصغيرة من جيبه ووضع منها بعض السائل الذى بداخلها على الطعام.. وقام بتحضيره ثم نادى على عنتر ليجلسا معاً يتناولوا الطعام إلى أن قام عنتر بوضع يده على بطنه واكتسى وجهه بالألم وقال: الأكل ده وجع لى بطنى..

- ما أنت برضه زودت أوى فى الأكل..

- أنا مقدرش أقاوم الأكلة دية، وبعدين ما تخلص أكل وخلينا نشرب كوبيتين شاي..

أنتهى بدر من تناول طعامه، وقام بإعداد الشاي لنفسه أولاً ثم قام بإعداد الشاي لعنتر بعدما وضع له كمية من السائل فى الشاي ثم جلس مع عنتر وقال له وهما يتناولان الشاي: يا عم عنتر أنت بقالك فترة بتقول هتبتدى تعلمنى ولحد دلوقت أنا متعلمتش أى حاجة..

- ما هو البعيد حمار مبيفهمش.. أنت لازم تكون لماح وتتعلم لوحذك..

- هو أنت عملت حاجة قدامى عشان أتعلم منها ثم أشاح بوجهه وأضاف بتجهم: لو أنت يا عم عنتر مش عايز تعلمنى خلاص بس كان المفروض تعرفنى، وأنا على العموم حاسس أنى تقلت عليك، وبينى وبينك أنا قعدتى هنا طولت وأنا بافكر أكمل كُليتى، وكمان أنا عايز أروح أقعد مع أمى.. أنا بقالى كتير مشفتهاش عنتر: بطل الكلام الخايب بتاعك ده.. أنت اللى مسموذك بيه بس أنك تروح تقعد مع أمك كام يوم وبعد كدة ترجع هنا تانى وأنا يا عم هتبتلك أنى جدع وهديك أول حصة دلوقتى ثم جذبه من يده وسار به إلى فتحة باطن القبر ونزل أولاً ثم أشار لبدر بالنزول..

عندما نزل بدر ملأ وجهه الاندهاش، وجال بنظره فى المكان كأنما يراه لأول مرة، وقد لاحظ عنتر ذلك فقال له بغرور: طبعا أنت أول مرة تشوف مكان زى ده.. تعال بقى أفرجك عليه..

سارا داخل باطن المقبرة إلى أن قال عنتر: طبعًا أنت ملاحظ أن المكان هنا واسع وأنا هاعرفك السبب.. التربة دية قديمة وأنا كنت عايز تربة كبيرة عشان أقعد فيها وجيت المكان ده بالتحديد لأن لي معرفة بالتربة اللي ماسك التربة هنا وبني لي التربة دية على مدخل كهف في الجبل اللي ورا التربة.. عشان كدة المكان اللي أنت فيه ده مش مقبرة ولا حاجة ده كهف ولعلمك أنا معرفشى آخره فين.. أنا مفكرتش أغوط جواه.. وزى ما أنت شايف كدة الشموع في كل مكان.. وفيه حاجات تانية بستعملها في شغلي أنت هاتعرف تتعامل معاها بعد كدة..

في تلك اللحظة تراجع بدر مُطلقاً شهقة مكتومة وهو يشير إلى جثة الطفل المعلقة على إحدى جوانب الكهف فضحك عنتر وقال: لأ.. مش عايز قلبك يبقى خفيف كدة.. ما دام هتشتغل الشغلانة دية لازم قلبك يبقى جامد أو بمعنى أصح لازم تقتل زى ما قتلت أبوك بالضبط..

أصاب الهلع وجه بدر وقال: هو أنت عارف؟

عنتر ضاحكًا بقوة: أومال أنا خليتك قاعد من الأول معاي ليه.. أنت أصلًا شبيهى وأنا صغير.. مكنش عندي أخلاق ولا ضمير وبالمناسبة دية أنت مش عيب عليك تفكر إنى معرفش عنك كل حاجة.. ده أنا عارف أمك ولدتك إزاي.. يلا نطلع دلوقتي عشان أنا جعان وبالمرة أعلمك تقرا كتب السحر إزاي؟ صعدا مرة أخرى وأعد بدر الطعام وأضاف به كامل كمية السائل المتبقية وقال لنفسه: زى ما تيجي تيجي أنا عملت اللي طلبه عم رضوان العطار وفي نفس الوقت خلصت نفسى منه، وتناول طعامه مع عنتر الذى قال بعد تناوله: مش عارف أنا اليومين دول لما باكل بحس بتعب ليه؟

بدر: تلاقى عندك برد في معدتك ولا حاجة.. أنا هاقوم أتمشى برة شوية لحسن الأكل طبق على نفسى وأنت يا عم عنتر حاول تريح نفسك شوية..

قاطعه عنتر وقال: استنى أنا جى معاك هسطاد قطة عشان هاعمل بيها حاجة وأنت لازم تكون موجود عشان تتعلم..

خرجا معًا وسارا بين طرقات المقابر إلى أن وجدا قطة صغيرة قام بإمسакها بدر وعادا إلى مسكنهما بالمقابر مرة أخرى ونزلا إلى باطن المقبرة وطلب عنتر من بدر ذبح تلك القطة..

رفض بدر فى أول الأمر وضغط عليه عنتر إلى أن انصاع له وقام بذبح القطة وصفى دمها فى الموضع الذى أشار إليه عنتر، وسجد عنتر، فقال له بدر: أنت بتسجد ليه؟

قام عنتر وقال: اسجد لسيدي، وسيدك إبليس..

لم ينطق بدر.. فقد أصابه الذعر والفزع، وفي نفس اللحظة اهتز الكهف بقوة وارتفعت حرارة الجو وظهرت الملكة ذات المحاسن ونظرت إلى بدر مبتسمة و أشارت إليه وهي توجه كلامها إلى عنتر قائلة بتهكم: مش هو ده اللي أنت فاكره هينفعك ده واطى ومعدوش أصل، وخاين كمان..

قال عنتر بدهشة وهو يشعر بإعياء شديد: هو أيه اللي حصل؟

ذات المحاسن: ده عدم معرفتك دية فى حد ذاتها مُصيبة.. أنت فعلاً متنفعناش.. أنت يادوبك كبيرك تنصب على الناس لكن تكون مننا ده صعب قوى، وأنا هاعرفك أيه اللي عمله تلميذك النجيب اللي يا ريتك ما شفته:

تلميذك قدر يسلب منك كل قوتك!!

فزع عنتر مُلتاعاً: إزاي ده؟!

ذات المحاسن: هو بقى يحكيك أيه اللي عمله، وأنا جيت أقولك عشان خدماتك اللي قدمتهلنا زمان ثم اختفت.

نظر عنتر إلى بدر بغضب جم وأشار إليه بيديه فتصلبت أعضاؤه فى نفس اللحظة فضحك بهيستريا وقال بصوت جهورى: ما أنا قوتى لسه معايا أهي.. أومال الملكة قالتلى كدة ليه؟! ثم قال لبدر: قول الصراحة.. أنت عملت أيه؟

- أنا معملتش حاجة..

- قول بمزاجك أحسن ما أقطعك حتت وأخليك تقول غصبٍ عنك..

لم يرد بدر فأضاف عنتر: كدة أنت اللي جبته لنفسك فقام بدر على الأرض وقام بربطه فى إحدى الصخور الضخمة ثم أحضر سكيناً وأصابه بوجهه وقال له: اتكلم يا كلب..

فزع بدر عندما رأى الدماء تنزف من وجهه فطعنه عنتر بفخذه بطريقة مفاجئة وقال: أنا هاصفى دمك كله.. يأمأ تنطق أو هاموتك هنا بالبطيء ثم أدار رأسه لينظر إلى الشيء الذى لفت انتباه بدر فوجد رجلاً قوياً يقف بمدخل الكهف فقال: وأنت أيه أنت كمان؟

ابتسم الرجل ابتسامة هادئة وقال وهو يسير نحوه ويشير إلى بدر: أحسن حاجة عملتها فى الواد ده أنك هتخلص عليه لأنه ما يستاهلش إلا كدة ثم أشار بيده إلى أعلى فاتجهت نحو يده تلك البلية

التي كان قد أعطاها لبدر مسبقًا فقال بدر فى تلك اللحظة: أنا عملت اللى أنت قُلتلى عليه يا عم رضوان.. خلصنى بقى من اللى أنا فيه..

تجاهل رضوان بدر وقال لعنتر بعدما تناول البلية: شوف يا اخى بتيجى على أهون الأسباب..

أنت لسه بدرى عليك يا عنتر عشان أخذك تلميذ لي ثم أشار إلى البلية وقال: البلية دية اللى حطها لك بدر هنا كانت بتخلينى أشوفك كأنى قاعد معاك.. تقدر تقول عليها البلّورة السحرية.. وأضاف بتهكم: يا ترى تعرف تعمل زيها؟

فى هذه الأثناء أشار عنتر إلى رضوان بيديه فضحك رضوان بقوة وقال: ما هى الملكة قالتلك أنك معندكش قوة بس أنت مصدقتهاش..

عنتر بفزع: أنت عايز أيه؟

رضوان: فاكرك ستك فهمية اللى أنت افكرت أنك هتاخذها منى.. هو أنت متعرفش أن أنا محدش يعرف ياخذ منى حاجة بتاعتى..

تراجع عنتر واتجه نحو صخرة سوداء وأزاح من عليها شمعة مشتعلة، وأخذ من تحتها لفافة مُخضبة بالدماء وفتحها وأصابه الذهول فقد وجد اللفافة ممسوحة الكتابة فقذف بها بعنف وتوجه نحو بدر وقال له: أنت السبب أنت السبب.. لولا أنى عرفتك وجبتك معاي مكنش حصل اللى حصل..

رضوان: ملوش لازمة الكلام ده دلوقتى.. أنت اللى عملته مع فهمية ملوش إلا جزاء واحد.. تحب الجزاء ده يكون إزاي؟

عنتر: أوعى تفتكر إنى هاترجاك.. ده أنا عنتر.. أنا عشت حياتى بالطول وبالعرض ومش هاجى فى الآخر وانخ لواحد زيك.

ضم رضوان يديه ثم أطلقهما وهو يشير بهما إلى الأرض التى انشقت فى نفس اللحظة وأشار إلى عنتر الذى ارتفع عن الأرض وقُذف به إلى تلك الحفرة التى انشقت بباطن الأرض ثم نظر إليه من أعلى وأشار إليه مرة أخرى فتكونت كُتل اسمنتية على كفيه وقدميه شلت حركته وجعلته لا يستطيع أن يتحرك ثم ذهب إلى الإناء الذى صفى به عنتر دماء القطعة المذبوحة وسكبه كله على جسد عنتر وقال له: النهاية دية صعبة.. بس ده جزاء اللى يقف قدام رضوان.. أنت كنت فاكرك أنك هتكون خارق بعبادتك للشيطان.. دية حتى العبادة ديه ليها أصول ومش أى حد ينفع يعملها..

تمتم عنتر بجمل وعبارات عابداً بها الشيطان فقال له رضوان: مش قُلتك لسه بدرى عليك.. مفيش حد هيرحمك نفس الشيطان اللى أنت بتعبده وأنت بتموت هو نفسه اللى ساعدنى فى أنى أعمل فيك كدة.. ثم ضحك وهم بالانصراف.. فقال بدر باكياً: ارحمنى وأنا هاعمل كل اللى أنت عايزه..

رضوان: أيه ده هو أنت مخدتش بالك أن عنتر هيموت فى قبره يأما من الجوع أو من الحيوانات اللى ممكن تيجى تاكل فى لحمه وهو حى، وأنت هتموت زيه بالضبط ما أنتوا الاثنين شبه بعض وعشان أنتوا بتحبوا بعض لازم تموتوا مع بعض.. دية آخرة اللى زيكوا..

بدر باكياً: يا عم رضوان بقى ده جزأتى أنى جيتك وحذرتك من عنتر واللى كان ممكن يعمل مع مراتك..

رضوان: عندك حق.. بس أنت سرقت أبوك قبل كدة، وقتلته.. يعنى ملكش خير فى أى حد.. وبعدين هو أنت نسيت عملت أيه مع زياد ابن عمك..

بدر: أنا مكنش قصدى.. أنا كنت عايز أعيش..

رضوان: خلاص.. جه وقت الحساب..

بدر محتداً: هو أنت مين عشان تقول جه وقت الحساب.. أنت بنى آدم زينا.. وساحر؛ يعنى متفرقش عننا كتير.. كل واحد مننا ليه ذنوبه، وعلى العموم أنت برضه هيجليك اللى يعمل فيك كدة..

نظر إليه رضوان بصمت ثم ترك المكان وانصرف، وصعد إلى أعلى الكهف وأصبح على ظهر أرض المقبرة ثم تتمم واختفى ليذهب إلى فهيمة ويبشرها بأنه قد تم إخضاع عنتر له..

فهيمة: أنا أول مرة أعرف موضوع السائل المقروء عليه، وأعرف أنه بيضعف السحرة كدة.. بس الغريب أن الساحر مبيكتشفوش.. أنت قدرت توصل له إزاي..

- أنت عارفة ده مزيج من مية زمزم مقروء عليه آيات السحر من أحد الشيوخ الثقال، ومحطوط عليه شوية عسل نحل جبلى مقروء عليه برضه ومن الصعب اكتشافه..

- طب كان فيه واحدة اسمها أم أدهم، وديه ولية بتاعة فنجان ومبواظالى الشغل هنا فى البلد، وبينى وبينك اتحديتنى وجابت سيرتى عند الناس وأنا عايزة أعرفها مقامها..

- أنا ممكن أجيبهك لحد عندك، وتعملى فيها اللى أنت عايزاه..

- لأ يا حاج.. أنا عايزة أعمل كدة بنفسى.. عايزة أحس بلذة الانتصار..

- طب أيه اللى مطلوب؟

- أنا عايزاك تجيبلى إزازة من السائل اللي أنت قُلتلى عليه..
- ليه؟ هتأد هم ديه جامدة قوى كدة..
- أنا عايزة أشوفها قدامى ضعيفة مذلولة.. زى ما أنت كدة شفت عنتر ذليل ومكسور..
- نظر إليها رضوان بصمت طويلاً فقالت: أنت بتفكر تدينى السائل ولا لأ.. ولا بتفكر فيه أيه؟
- لا أبداً ده أنا حتى معايا إزازة فى جيبى دلوقتى ثم أخرج قارورة صغيرة من جيبه وناولها لفهيمة التى ابتسمت وضمت القارورة إلى صدرها وأضافت: متشكرة قوى يا حاج بس أنت مقولتليش أنت أيه اللي شغلك؟
- أنا دماغى مشغولة مع الحاجة أم إيمان ومش عارف بالى مشغول كدة ليه عليهم..
- قلبك حن ولا أيه؟
- أنا مش عارف ليه بفكر فى إيمان بنتى كتير.. وقلقان عليها قوى..
- أنت بتحب مراتك وبنتك؟
- أبقي كداب لو قلت أنا مبجبهومش.. بس زى ما تقولى كدة أن حبى للحاجة حب عشرة.. ما إحنا متجوزين بقالنا كتير قوى.. لكن حبى لبنتى مختلف.. دية برضه من صُلبى..
- أو مال أنت حبيتنى ليه؟ وحببت فى أيه؟
- أنت مختلفة.. أنت فيك حاجة شدتنى.. أنت جميلة، ومن أول ما شفتك حسيت أنى عارفك من زمان وببنى وبينك أنا مش عارف حبيتك ليه؟
- طيب قوم ارجع لبيتك ولمراتك لحسن وحشوك..
- أنت بتغيرى ولا أيه؟
- لا أبداً بس أنا النهاردة تعبانة شوية ومش هاقدر أقعد معاك فقام الحاج رضوان بالانصراف..
- بعد انصراف الحاج رضوان أخرجت فهيمة الموبايل واتصلت بدُنيا وقالت لها: أزيك يا دُنيا عاملة أيه وازى أختك أمال..
- بخير والحمد لله.. أنت اللي عاملة أيه؟ خير يا أختى هو حصل حاجة؟
- هو مينفعش أتصل ببيك إلا لو فيه حاجة.. على العموم أنا عايزاك تيجبى أختك أمال وتيجولى على العنوان اللي هديهولك دلوقت...
- بس يا أختى أنا جوزى لسه مجاش من الشغل.. وأمال هتسيب بنتها فين؟ خلينا لحد بُكرة وإحنا هنشوف هنعمل أيه؟!

- جوزك دلوقت هيعدى على آمال وهياخد منها البنت عشان يفسحها معاه.. أصله رايح فرح واحد صاحبه فى بلد جنبنا وهو هايتصل ببك بعد ما أقفل معاك.. المهم تاخدى آمال وتركبوا وتيجولى على مصر فى العنوان ده؛ وأملت عليها العنوان ووصفت لها بالتفصيل مكان العنوان وكيفية الوصول إليه.. ثم أضافت: وقولى لأمال أنى أنا لاقيتلها بدر، وخليها تجيبيلها غيار تانى جوة وبرة عشان احتمال هدومها تتوسخ.. يلا مع السلامة..

فى نفس اللحظة تحول المكان الذى تجلس به فهيمة إلى كهف ملء بالشموع وسارت به إلى أن نظرت مبتسمة إلى داخل حفرة عميقة وقالت: هما مش قالوك أنك مش هاتقدر على رضوان، وإنه لو جالك هنا أو خدك عنده مش هيرحمك..

نظر لها عنتر الذى يرقد بداخل الحفرة نظرة ملؤها الغضب وقال: لولا أن الكلب المربوط قدامك ده خانى مكنش رضوان قدر يهوب عندى هنا..

نظرت فهيمة إلى الشخص المقيد أمامها وضحكت قائلة: قصدك على الكلب ده.. أنت صعبان علي يا عنتر أنت وثقت فى شخص وصولى وأنا.. ده حتى قتل أبوه.. بس متستغربش ما أنتوا الاثنين شبه بعض..

فى هذه اللحظة نظر إليها بدر بإعياء شديد قائلاً: يعنى أنتوا كلكم ملايكة وأنا اللى شيطان.. طب ما دام أنت شايفانى ندل وشايفة عم عنتر فى مصيبة ما تخلصينا من اللى إحنا فيه..

ضحكت فهيمة وقالت: اخلصكوا كدة عادى.. وكل اللى أنتوا عملتوه أنساه بسهولة.. بس أنا فعلاً ممكن أخلصكم وده هيكون قصاد أيه؟ أصلى أنا اتعودت أن الحياة أخذ وعطا.. حاجة قصاد حاجة. على العموم سيبونى أفكر شوية..

ساد الصمت المكان إلى أن سارت فهيمة باتجاه الحفرة و أشارت إلى عنتر فارتفع جسده بالكامل من الحفرة واستقر على أرضية الكهف.. ثم نظرت وراء بدر وقالت: أيه رأيك نعمل أيه مع عنتر ده؟!

فى هذه اللحظة قال لها بدر: أنت يا ست بتكلمى مين فأشارت له فهيمة فتحرر كُليّة من قيوده وإن كان لم يستطع الوقوف فجلس على الأرض تنزف الدماء بغزارة من فخده، ونظر إلى الاتجاه الذى تنظر إليه فهيمة وهى تتكلم وقال: أنا مش شايف حاجة.. حرام عليكم أنتوا بتعملوا فى كدة ليه؟ تجاهلت الرد عليه وقالت للكائن الذى تتكلم معه.. لم ترد على أيها الملك..

الملك: عنتر ده أعتقد أنه خارق لدرجة أنه حبسنى فى إزارة عشان يوصل لك..

فهيمة: أنت تعلم أيها الملك أنك من سمحت له بحبسك حتى تصل لغرض معين أنت تعلمه، وأنا أيضًا أعلمه والآن ماذا ترى؟ هل نتركه أم نُحرره؟

الملك: كما يترأى لك ولكن إذا اتخذت قرارًا بتحريره يجب أن يعتذر لى.. وهو يعلم معنى اعتذار إنسى لجنى.. يسجد لى ويطلب منى أن أسامحه.. ووقتها يمكن أن أقبل اعتذاره أو لا..

عنتر: سألبى كل ما تأمر به أيها الملك ولكن فلتحررنى أولاً..

فى هذه الأثناء ألقت فهيمة نحو عنتر كتلة صغيرة من الدخان فاخفت الكتل الخرسانية التى كانت تُكبل يديه وقدميه وغمر هذا الدخان بدر أيضًا فالتئم جرح قدمه وشعر بالحيوية والنشاط فقال عنتر لفهيمة بضيق: أنت اتفقتى مع الملك على تحريرى أنا بس.. أنت بتحريره هو كمان ليه؟

فهيمة: لقد حررتكما معًا ولكن لن يستطيع أي منكما أن يتحرك من هنا إلا بأمرى، وإياك أن تتكلم مرة أخرى إلا بإذنى، والآن اسجد للملك ميظرون واطلب منه أن ينسى ما فعلته وأن يغفر لك، ولا تقوم من سجدةك إلا عندما أأمرك بذلك ثم ضمت أصابع يدها وأطلقتها ليتكون حاجز هلامى ضخم قسم الكهف إلى جانبين.. جانب به عنتر والملك، وجانب به فهيمة وبدر فتراجع بدر خائفًا من مشهد هذا الحاجز فقالت له فهيمة: متخافشى.. أنا لو كنت عايزة أأذكك كنت أذيتك من زمان وكنت ممكن أسيبك مربوط لحد ما تموت..

بدر: أنت عايزة منى أيه؟

فهيمة: أنا عايزة أنقذك من نفسك.. ثم أشارت بجوار بدر وقالت: أيه رأيك؟

نظر بدر بجواره فرأى أكوامًا من الذهب والجواهر؛ فتهللت أساريره..

فقالت له: أيه رأيك أن كل الذهب يبقى بتاعك، وتأخذ بعضك وتروح على البلد تعيش حياة جديدة بيهم وتشتري أراضى وتعيش بقى.. بس فيه مشكلة واحدة؟

بدر: أيه هيا؟ أنا مستعد أعمل كل اللى تقولى عليه.

فهيمة: أنا مش عايزة حاجة.. الذهب ده بتاع الملك، والملك ده مبيديش حاجة لحد ببلاش.

بدر: أيه عايزانى أسجد له أنا كمان.. أنا على أتم استعداد..

ضحكت فهيمة وقالت: لأ مش دلوقتى الموضوع ده.. أنت هتعمل حاجة تانية يمكن ترضيه.. أنت هتدبح عنتر!!

أصاب الوجوم والفرع وجه بدر فقالت له فهيمة: زى ما يكون الموضوع جديد عليك ما أنت قتلت قبل كدة ومخدتش جزاءك.. المرة دى هتقتل وهاتخذ دهب؛ وهتعيش حياة متحلمش تعيشها ثم ناولته سكينًا كبيرًا مسنونًا من الناحيتين وقالت له: اقتله..، وفى هذه الأثناء اختفى الحاجز الهلامى وانقض بدر على عنتر وهو ساجد وغرس السكين برقبتة من الخلف وأداره يمينًا ويسارًا إلى أن فصل رأس عنتر عن جسده فقالت له فهيمة: جر هذا الجسد والقى به فى الحفرة، وضع رأسه معه..

قام بدر بتنفيذ ما أمرت به.. فسمع صوت ينادى من الخارج: يا حاجة فهيمة.. فأشارت بيديها باتجاه بدر مرة أخرى فعاد مكبلًا إلى الصخرة مرة أخرى وقال: ليه كدة ما أنا عملت اللي أنت قتلتى عليه.. لم تلتفت له وصعدت إلى ظهر القبر ورحبت بالسيدتين آمال ودُنيا وبادرتها آمال بالقول: فين بدر ده؟

قالت لهما: تعالوا ورايا ثم نزلوا جميعًا إلى باطن المقبرة وشاهدوا بدر وهو يبكى والذى انهار تمامًا عندما رأى آمال زوجة أبيه..

فهيمة: أيه رأيك يا آمال مش قُلتك أنى هجيبك بدر وهخليه يبوس رجلك..

آمال: أنا عايزة أسمع منه أيه اللي عمله؟ وعمله ليه؟!

نظرت فهيمة لبدر قائلة: أنت مسمعتهاش ولا أيه؟

قول أيه اللي أنت عملته وبالتفصيل الممل ومتنساش أى حاجة؟

بدأ بدر بقص كل ما فعله وتكلم عن دوافعه لما فعله..

بصقت عليه آمال قائلة: طول عمرك واطى أنت وأمك.. أنا نفسى أكلك بسنانى وأقطعك تقطيع..

فهيمة: الواد ده لو سبناه مش بعيد يقتلنا واحدة ورا واحدة.. أنا هاقتله، وجلبت السكين الملىء بالدماء واتجهت نحو بدر و أشارت بيدها الأخرى نحو فخده إشارة خفية فانسالت منه الدماء من نفس المكان الذى كان قد طعنه عنتر فيه ثم قالت لآمال: أنا ضربته فى رجليه وكنت هاطير رقبته بس ده طارك أنت.. لازم أنت اللي تخلصى عليه بنفسك!!

دُنيا: بلاش يا أختى إحنا نسلمه للبوليس وهما يشوفوا هيعملوا معاه أيه؟

رمقتها فهيمة بنظرة غاضبة فقالت دُنيا: الواد ده لازم يندبح زى ما قالت الحاجة.. فأتجهت نحوه آمال وغرست السكين بجسده وظلت تطعنه بهيستريا طعنات كثيرة إلى أن انهارت باكية على الأرض..

فهيمة: يلا نطلع فوق من الجو ده.. عشان آمال تغسل أيدها وتغير هدومها، وصعدا معًا إلى ظهر المقبرة وقامت آمال بالاختسال واستبدلت ملابسها وقالت لها فهيمة: كويس أنك عملت كدة.. برافو عليك.. الواد ده كلب سعران وكان ممكن يعض أى واحدة فينا..

دُنيا: بس أن خايفة لحد يعرف باللى حصل ده؛ ونروح فى داهية..

فهيمة: اطمنى.. ده مش بيتنا، ومحدثش يعرفنا هنا، ومفيش حد هيعرف أى حاجة.. بس أنا ليا خدمة..

دُنيا: أنت تأمرى يا حاجة ده إحنا من أيديك ديه لأيدك ديه..

فهيمة: بس أختك آمال باين عليها ملاهاش مزاج..

آمال: أبدًا بس أنا تعبانة من منظر الدم.. أنت طلباتك أيه؟

أخرجت فهيمة زجاجة صغيرة وقامت بمناولتها لدُنيا وقالت: أنت يا آمال مش عايزة منك أى حاجة دلوقتي إحنا هنسابق دُنيا لمحطة مصر وهنستناها هناك لحد ما هتروح دُنيا مشوار وتحصلنا على هناك ثم نظرت لدُنيا وقالت: أنت هتاخدى الإزازه ديه وهو صفلك مكان واحدة هتروحيلها وتديلها الإزازه ديه وتقوليلها أنك من طرف الشيخ عنتر وهو اللى بعثك بأمانة ما رجعلك جوزك، وقوليلها عنتر بيقولك إدى الإزازه ديه لأم إيمان عشان تُحط من اللى فيها للحاج رضوان فى أكله وشربه.. عشان هو رجع لفهيمة تانى وكان بيضحك عليك، وبعد كدة حصلينا على المحطة عشان نرجع البلد مرة تانية..

رحلت دُنيا إلى العنوان وأعطت الزجاجة لأم أحمد جارة أم إيمان ثم عادت إلى محطة القطار وأخبرت فهيمة بأنها قد فعلت كل ما أمرت به، ثم أضافت سائلة الحاجة فهيمة: هى مين أم إيمان دية اللى هتخط اللى فى الإزازه دية لجوزها؟

فهيمة: ده يا أختى شغل بتاع ناس..

دُنيا: أبوة يعنى شغل أيه؟

فهيمة بغضب: شغل يا دُنيا.. اللى ملكيش فيه متسألش فيه..

آمال: ما خلاص يا دُنيا أنت فضولية ليه كدة.. إحنا فى أيه ولا أيه ثم أشارت لهما: يلا.. القطر داخل المحطة خلونا نساfer ونرتاح.. يكش القطر يتقلب بينا، وساروا جميعًا نحو القطار للعودة إلى

بلدهم، وأثناء ركوبهم القطار بادرت فهيمة أمال بالقول أنت كدة ارتحت وخذت حقك بس أنا مضمنليكش أن مفيش أى حاجة تحصل لبنتك أوتحصلك فى الفترة اللى جاية..

أمال: يعنى أيه الكلام ده.. هو ممكن حاجة تحصل تانى؟؟

فهيمة: يا حبيبتي مفيش حاجة مضمونة.. أنت فعلاً انتقمت من بدر بس اللى سلط بدر يعمل حاجة زى كدة لسه موجود، وأكد لما يعرف اللى حصل لبدر هيفكر ينتقم منك فى بنتك..

قالت أمال بوجل وارتياح: لأ.. كله إلا بنتى.. ده اللى هيمسها أنا هقتله..

فهيمة: ما هو عشان كدة إحنا لازم نحمى نفسنا منه..

قاطعتها دنيا قائلة: ومين هو الشخص اللى ممكن يأذينا؟

فهيمة: ده راجل اسمه الحاج رضوان وده كان صاحب أخو الحاج سعيد..

دنيا: أنا مش فاهمة حاجة.. يعنى إحنا فى خطر ولا أيه والمفروض نتصرف إزاي دلوقتي؟؟

فهيمة: ما هو عشان كدة أنا هاتصرف على طول ومش هتأخر لحسن يحصل حاجة، وعشان كدة أنا عايزاك يا أمال تروحي وتودى سلفتك أم زياد، ولأزم تخلى علاقتك بيها كويسة لحد ما هقولك تعملى أيه..

أمال: يا حاجة أنا مش عايزة أعرف الناس دية..

فهيمة: عشان مصلحتك يا عبيطة.. إحنا أول ما نوصل البلد تخذى بعضك وتروحي على دار أم زياد وتخلي علاقتك بيها كويسة وممتازة وتعزميها كمان عندك.. عايزاكو تبقوا زى الأخوات..

فى هذه الأثناء وصل القطار إلى البلدة، وبادرت أمال أختها بالقول: لما جوزك يبجي ويجيب بنتى معاه خليها عندك لحد ما أوصل لسلفتى أم زياد ولما أجيلك هابقى أحكيلك أيه اللى حصل؟ وسلمت على فهيمة وتركتهن وسارت إلى منزل أم زياد وطرقت الباب ففتحت لها إسراء صامته ثم قالت: أيوة حضرتك عايزة مين؟

أمال: أنا عارفة أنك مش عرفانى أنا مرات عمك سعيد.. هى ماما موجودة؟

إسراء: أه.. اتفضلى.. جاءت الأم فى تلك اللحظة ورحبت بأمال وقالت لإسراء شوفى مرات عمك تشرب أيه؟

ردت أمال : شكرًا أنا مش عايزة حاجة أنا جيت أشقر عليك أصل أنت وحشتيني، وجلسا يتبادلان الحديث إلى أن استأذنت أمال..

بعد مرور فترة وجيزة عاد زياد للمنزل فقالت له أمه: دلوقتي أم إيمان اتصلت بي وعايذانا نروح نقعد يومين فى مصر ونزور سيدنا الحسين والسيدة زينب..

زياد: ماشى يا أما وأنا هوصلك أنت وإسراء وقت ما تروحي تزوريهم وهاروح أقعد فى شقتنا هناك عشان بقالى كتير مرحتش هناك، ولما تحبى ترجعى البلد هارجع معاكوا..

الأم: خلاص لما ييجى أخوك سيد هشوف أعمله أكل أيه ياكله وإحنا مش هنا، وأعمل حسابك بعد بكرة هنروح على مصر..

سافر زياد ومعه أمه وأخته إلى مصر ومروا على دكان الحاج رضوان الذى رحب بهم ثم قام زياد بتوصيل أمه وأخته إلى منزل الحاج وانصرف عائداً إلى شقيقته..

بعد ترحيب أم إيمان بأم زياد وترحيب إيمان بإسراء.. قاموا جميعاً بإعداد الطعام وجلست الابنتان بعد تناول الطعام يتحدثان فقالت إيمان: أوعى تكونى يا إسراء لسه زعلانه منى عشان موضوع زياد؟

إسراء: أبداً يا إيمان.. يمكن الأخوات بيزعلوا من بعض؛ بس عمر الزعل ده ما يآثر على حبهم لبعض.

أنا لما كنت بتكلم معاك على موضوع زياد كان قصدى تدى نفسك فرصة تعرفيه، ويمكن لما تقربى منه نظرتك ليه تتغير وتلاقى نفسك بتحبيه وصدقينى زياد كويس قوى وأى بنت تتمناه ثم ضحكت قائلة: ده لو مش أخوي كنت اتجوزته أنا..

إيمان: أنت عندك حق.. أنا من ساعة ما جيت من عندكوا وأنا بفكر فى الموضوع ده.. والصرحة أنا تفكيرى بقى زى تفكيرك..

إسراء: يا بنتى أنا مش بقولك كلام فض مجالس أنت عارفة أنا بحبك أد أيه وتهمنى مصلحتك.. بس سيبك أنت أنا مبسوطة أن تفكيرك بقى زى تفكيرى.. بس أنا مش فاهمة أنت قررتى أيه؟

إيمان: أنا بلغت ماما أنى أنا موافقة على الخطوبة، وهاشوف بقى ساعتها قلبى هيودينى على فين؟

قامت إسراء بأحتضانها وتقيلها وقالت: هو ده الكلام.. خيلنا نفرح.. إحنا بقالنا كتير مفرحناش.. تعالى بقى نشوف الستات اللى برة دول وصلوا لحد فين؟ وخرجتا من الغرفة ليتفاجأ بقيام أمهاتهما

باحترام كل منهما للأخرى فقالت إسماء: أياه ده.. ده باين عليكم خلصتوا كل حاجة.. أنا هزغرط بقى..

أم إسماء: مبروك يا إيمان يا بنتى أنا هاتصل بزياد وهاخليه يعدى على الحاج ويجى معاه..
بعد مرور الوقت وصل الحاج رضوان وبصحبه زياد، ورحب بالجميع ثم قالت أم زياد موجهة كلامها للحاج رضوان: إحنا يا حاج يشرفنا أن إحنا نناسبك ونطلب أيد إيمان لزياد..
رضوان: والله يا حاجة إحنا يشرفنا نكون نسايبكم.. أنتوا ولاد حلال؛ وفى نفس اللحظة قامت أم إيمان بإطلاق زغرطة واحتضنت أم زياد وإسماء وقامت بتهنئة إيمان وزياد..
طلبت إسماء أن تأخذ إيمان وزياد إلى الشرفة وترك الكبار يقعدوا مع بعض، وبعد انصرافهم قالت أم إسماء: إحنا جاهزين يا حاج عشان نعمل الخطوبة فى الوقت اللي يناسبك..
رضوان وقد عقد حاجبيه: خطوبة أياه يا حاجة.. متأخذنيش أنا معنديش الخطوبة والكلام ده.. إحنا هنعمل خطوبة وكتب كتاب ودخلة مرة واحدة..

أم إسماء: بس يا حاج إحنا لسه هنبنى دور تانى لزياد ولسه هنوضبه ونجيب العفش..
رضوان: ابنوا الدور ووضبوه، وهاتوا عفشكم براحتكم وإحنا كمان نكون اشترينا الحاجات اللي ناقصة فى جهاز إيمان بس يا حاجة متزعليش منى مفيش ولا خروج ولا غيره لحد ما ربنا يسهل..
أم زياد: طب يا حاج ممكن الواد يكلم البت فى التليفون..

تدخلت أم إيمان فى الكلام وقالت: ما هما يا حاج فى حكم المخطوبين.. مفهانش حاجة لما يكلموا بعض فى التليفون..

الحاج رضوان: ماشى يا حاجة اللي تشوفوه.. أنا هستأذنكوا عشان محتاج أرتاح شوية.. وانصرف..
واتفقت السيدتان على الإسراع بتجهيز وإعداد بيت الزوجية حتى يفرحا بالأولاد..

مرت الشهور وانتهى زياد من بناء الدور الثانى بمنزل والده ببلدتهم، وساعده أخوه سيد فى تشطيب الشقة الجديدة واشتركت الأسرة بالكامل فى شراء الأثاثات وخلافه، وقام زياد بالاتصال بالحاج رضوان، وأخبره بانتهائه من إعداد بيت الزوجية ودعاه هو والأسرة إلى البلد لرؤية شقة العروس، ولبنى الحاج رضوان وأسرته الدعوة وسافروا إلى البلدة؛ وأبدوا إعجابهم بتأثيث الشقة واتفقوا على ميعاد فرش الشقة واستكملوا باقى تفاصيل الاتفاق على الزواج وحددوا ميعاد الفرح الذى سيكون بالبلدة..

وبعد مرور أسابيع تم فرش الشقة بالكامل، وتبقت أيام معدودة على العرس، وقامت الأسرتان بدعوة الأقارب والمعارف وفى صباح يوم العرس حضرت أمال إلى أم زياد التى رحبت بها وباركت لها وطلبت منها المشاركة فى إعداد الطعام والشراب للمدعوين وبأنها سوف تحضر بعض الحلويات للعرسان لوضعها مع حلة الاتفاق.. فقالت أم زياد: طبعًا يا حبيبتي ما أنت مرات عمه، وفى هذه الأثناء رن موبايل أمال التى ردت وقالت: أنا جاية دلوقتي على طول ثم استأذنت من أم زياد وانصرفت، وبعد خروجها ذهبت إلى منزل فهيمة التى بادرتها بالقول غاضبة ومحتدة: إزاي متقوليليش أن فرح زياد وإيمان النهاردة..

- مش أنت اللي قُلتيلي أوطد علاقتي بيهم، وبعدين ده فرح عادى يعنى.. أنا مش عارفة الموضوع ده مزعلك كدة ليه؟!

- مش إحنا اتفقنا أننا هانخلي بالناس دية لحد ما أشوفلكوا صرفة معاهم هما والحاج رضوان والفرصة جتلنا لحد عندنا ثم أخرجت كيسًا صغيرًا مملؤًا ببودرة بيضاء تشبه السكر البودرة وناولته لأمال قائلة لها: أنت هاتخدى البودرة دية وهتحطيتها للعريس والعروسة فى أكلهم وما تخافيش دية مش هاتعملهم حاجة دية بس هتخليهم تحت عيني على طول، والبودرة دية مش هتبان فى الأكل وملهاش أى طعم..

- أنا كنت رايحة أجيبهم طبق حلويات من المركز.. هاروح أجيبه وأنا راجعة أعدى عليك ونحط فيه البودرة دية..

انصرفت أمال وقامت بشراء طبق حلويات ثم ذهبت إلى فهيمة، وفتحت طبق الحلويات وقالت لها فهيمة: خدى حطى البودرة دية عقبال ما أعمل كوبيتين شاي، وقامت أمال برش كافة الحلويات بتلك البودرة، وكلما رشت لا يظهر للبودرة أى أثر على الحلويات فنادت على فهيمة وقالت: يا أختى أنا كل ما أرش من البودرة دية ملاقيش ليها أى أثر..

ضحكت فهيمة قائلة: دية بودرة مخصوصة جاية من برة.. أملى أنت بيها الحلويات ولفى الطبق زى ما كان وروحي وديه للعرايس.. واتأكدى أنه فى أوضة نومهم..

- وأنا هاطلع أوضة نومهم إزاي.. أنا هادى الطبق ده لأم زياد وهى تبقى تطلعوا شقة العرايس..
- اطلعى من هنا على هناك على طول، وخشى الدار واطلعى على شقة العرايس هتلاقى الباب مفتوح خشى هتلاقى كل الأبواب مقفولة إلا باب واحد وهى دية أوضة النوم.. هاتخشى وهاتحطى طبق الحلويات..

- إزاي هأخس ومحدش هيشوفنى ولا يقول لى أنت رايحة فين ولا جاية منين؟ وكمان أنت إزاي عارفة دارهم وعارفة شقة العرايس.. هو أنت شفتى الكلام ده فين؟!

- ديه حاجة بسيطة.. دية شغلتى.. نفذى بس اللى أنا بأقولك عليه وحياتك بعد كدة هتبقى فاضية ومفيش فيها مشاكل، وهترتاحى على الآخر.. وعمرك ما هتفكرى تيجيلى تانى.. عشان هاتكونى استقريتى خلاص فى دنيا تانية..

- استقريت فى دنيا تانية إزاي يعنى؟ أنا مش فاهمة حاجة..

- ماتقلقيش وروحي بس اعملى اللى أنا قلت لك عليه.. وبعدين هتفهمنى كل حاجة.. ومتنسيش الناس دية عايزين يخلصوا عليك أنت وبنتك ويهدولك حياتك كلها..

انصرفت أمال إلى منزل أم زياد ونفذت كل المطلوب منها وتعجبت بأن الأمور سارت كما رسمت أحداثها فهيمة.

وفى ليلة الغرس فرح الجميع ورقصوا إلى أن تعب الحاج رضوان فجأة وأصابه الإعياء وطلب من زوجته ألا تشعر أى شخص بما حدث له حتى تمر الليلة بسلام..

وفى صبيحة اليوم التالى صعدت أم إيمان مع أم زياد إلى العروسين لتهنئتهما وإعداد الطعام لهما.. وطرقا الباب كثيرًا ولم يفتح العروسان الباب..

نظرت السيدتان لبعضهما وضحكا وقالت أم زياد: تلاقيهم سهروا شوية تعالى ننزل ويكون الحاج صحى ونبقى نطلع كلنا سوا..

وبعد مرور عدة ساعات صعد الجميع وطرقت إسرائ الباب ولم يرد عليها من الداخل أى من العروسين.

عاودت إسرائ الكرّة مرة بعد أخرى ولم يستجب لها من بالداخل فقام سيد بطرق الباب بقوة ولم يتلق أى إجابة إلى أن قالت أم إسرائ والقلق يبدو عليها: أنا معايا نسخة احتياطى كان زياد مديهانى.. أنا نازلة أجييها.. تعالوا انزلوايا ولاد، وأنا وأم إيمان هانفتح ونخش نشوفهم لحسن يكون حصل حاجة، ونزل الجميع وصعدت السيدتان ودخلا إلى الشقة وأطلقتا صرخات متتالية فصعد الحاج رضوان وسيد وإسرائ مهرولين إلى الشقة ليروا زياد وإيمان ممدين على سرير غرفة النوم بلا حراك.. فتوجه نحوهما الحاج رضوان وتحسسهما فوجدهما وقد فارقا الحياة وعلى السرير باقى طبق الحلويات الذى كانت قد أحضرته أمال..

ولولت السيدتان وصرخت إسرائ وانهار الجميع..

انتشر خبر وفاة العروسين بالبلدة وأحضر سيد طبيب الوحدة للكشف عليهما لعمل إجراءات الوفاة وعندما أتم عملية الكشف أخبرهم بضرورة إبلاغ الشرطة لأن الوفاة غير طبيعية.. اتصل الطبيب بالشرطة وجلس ينتظر قدومها ونزل سيد إلى الحاج رضوان ليخبره بما قاله الطبيب وطرق عليه الباب فلم يرد.. ففتح الباب عليه فوجده ساجداً يُصلى وعندما انتهى من صلاته أخبره بما قاله الطبيب فقال: حُسبنا الله ونعم الوكيل إنا لله وإنا إليه راجعون.. قل ما يُصيبنا إلا ما كتب الله لنا.. يا ابني كله مكتوب.. الحمد لله.. كل اللى يجيبه ربنا كويس..

فى هذه الأثناء حضرت الشرطة وتحفظوا على الجثث إلى أن جاءت الإسعاف وتم وضع جثتى العروسين بها، وطلبت الشرطة من الجميع عدم صعود أى شخص للدور العلوى لحين ظهور تقرير الطب الشرعى وتفسير ما حدث، وتركوا شرطيين على باب المنزل..

وبعد مرور يومين ظهر تقرير الطبيب الشرعى الذى أثبت موت العروسين بالسم.. وحضر رجال البحث الجنائى ورفعوا البصمات وأخذوا عينات من الطعام لتحليلها وثبت وجود السم بالحلويات، وطالت تحقيقات النيابة مع جميع افراد الاسرة اياماً عديدة ولم يُدان أحداً منهم إلى أن تذكرت أم زياد ما طلبته منها أماً.. فطلبت مقابلة وكيل النيابة وأخبرته بأن أماً كانت قد طلبت منها جلب بعض الحلويات للعروسين.. بس هى مش عارفة إزاي الطبق ده وصل للعروسين؛ فتوجهت الشرطة إلى منزل أماً وتم القبض عليها، وفى قسم الشرطة انهارت أماً وقالت: مش أنا اللى قتلتهم دية فهيمة، ولم تردد إلا هذه الجملة فاصطحبتها الشرطة إلى منزل فهيمة وطرقوا الباب وعند عدم وجود استجابة من الداخل كسروا باب المنزل ودخلوه فلم يجدوا أى شخص.. فتشوا المنزل كثيراً ولم يعثروا على أى أثر لفهيمة ولم يتبق إلا زريبة الدار التى دخلتها الشرطة فلم تجد بها أى مواشٍ وانما وجدوا بطانية كبيرة قديمة موضوعة بالمسامير على أحد جدران الزريبة فلما رفعوا تلك البطانية وجدوا سلماً متجهاً لأسفل فنزلوه ليجدوا أنفسهم بمقبرة فرعونية ويجدوا جثة فهيمة متحللة فقال الشرطى لأماً وهو يُشير إلى الجثة: هى دية فهيمة اللى بتقولى أنها قتلتهم.. نظرت أماً فوجدت جثة فهيمة شبه متحللة فانهارت قائلة: مش ممكن دية كانت معايا إمبراح.. أنا مش مصدقة.

اصحى يا فهيمة، قوليلهم أنك أنت السبب، وأصابها الذهول وصمتت تماماً ثم قالت فجأة للشرطى: طب اسأل أختى دُنيا هى كانت معايا فى كل حاجة..

وفى أثناء اصطحاب الشرطة لأماً إلى القسم تم القبض على دُنيا أخت أماً وتم حبسهما لحين عرضهما على النيابة، وفى حضرة وكيل النيابة اعترفت أماً بقتلها لبدن الذى قام بقتل زوجها وأصرت

على ضرورة شهادة دُنيا أختها فهي من ستؤكد كلامها، واستدعت النيابة دُنيا وقامت بسؤالها: أختك بتقول إنك كنت معاها لما قتلت بدر..

دُنيا: أبداً يا بيه.. أختي من ساعة جوزها ما مات وهي حالتها غريبة وبتتخيل حاجات محصلتش..
النيابة: مش أنت سافرت معاها على مصر وخليت جوزك ياخذ بنتها معاها لما راح فرح واحد صاحبه..
دُنيا: يا بيه أنا وصلتها لحد محطة القطر بس عشان كانت رايحة مصر تشتري شوية طلبات، وبعد كدة روحت على بيتي ومخرجتش منه تاني..

قام وكيل النيابة باستدعاء أُمال ومواجهتها بأختها وأصرت كل منهما على أقوالها فأمرت النيابة بالتحفظ عليهما لحين الانتقال إلى مسرح الجريمة لتمثيل أُمال لكيفية قتلها لبدر..

وفى اليوم التالى انتقلت الشرطة والنيابة إلى مدينة القاهرة وذهبوا إلى مكان مقبرة عنتر التى كان يعيش بها وتأكدوا من جريمة القتل ووجدوا سكيناً ملطخاً بالدماء ثم عاود رئيس النيابة سؤاله لأُمال: أنت أيه اللي جابك هنا وقدرت إزاي تقتلى الشاب ده.. يعنى قدرت عليه إزاي؟؟!!

أُمال: صدقنى يا سعادة البيه مش أنا لوحدى اللي عملت كدة.. هي فهيمة اللي ضربته الأول؛ وبعدين أنا كملت، واسألوا أختي..

قالت أختها بسرعة: يا بيه أنا أول مرة أجى هنا، ومعرفش حاجة عن الكلام ده..

رئيس النيابة: على العموم أداة الجريمة أهي موجودة وهانشوف البصمات اللي عليها ثم أكمل فحص مكان الجريمة وعاد الجميع إلى البلدة مرة أخرى وظهر تقرير الطب الشرعى الذى أكد أن البصمات الموجودة على السكين تخص أُمال وحدها، وتم إحالة أوراق القضية إلى محكمة الجنايات التى أصدرت حكمها بتحويل أُمال إلى مستشفى الأمراض النفسية والعصبية للتأكد من سلامة قواها العقلية وأصدرت قراراً بالإفراج عن دُنيا لعدم ثبوت أى تُهم ضدها..

وقد حضرت أسرتنا زياد وإيمان المحاكمة وقامت أم زياد وأم إيمان بإطلاق الدعوات على أُمال وقام الحاج رضوان بتهدئتهما وخرجوا جميعاً من قاعة المحكمة وعادوا إلى منزل أم زياد، واستأذنهم الحاج رضوان للخروج للصلاة، ولكنه لم يذهب إلى الصلاة بل قاده قدماءه للتوجه إلى منزل فهيمة ووقف أمام المنزل يتأمله ففوجئ بفتح باب الدخول إليه، فتوجه إليه ودخل إلى المنزل ليتفاجأ بوجود فهيمة جالسة تنظر إليه مبتسمة فقال لها: أنت مش فهيمة.. فهيمة ميتة.. قولى لى أنت مين؟

أشارت له بأن يأتى ورأها ودخلت إلى زريبة المنزل ثم نزلت درجات سلم وسار خلفها الحاج رضوان ليجد نفسه داخل مقبرة فرعونية.. فسألها مرة أخرى.. أنت مين؟ وخليتى آمال تقتل بنتى ليه؟

فهيمة: أنت لسه مش عارفنى لحد دلوقتى وأطلقت ضحكة مخيفة..

فى هذه اللحظة ارتج المكان بقوة وهبت رائحة طيبة وانتشر ضباب أخضر كثيف فتراجعت فهيمة وأثناء تراجعها تجمع كل الضباب حولها ليصنع كتلة عظيمة من الثلج..

أطلقت فهيمة صرخات مرعبة وحاولت التخلص من هذا الثلج فلم تستطع.. وفوجئ الحاج رضوان بحضور كثيف حوله لكائنات لم يستطع تحديد شكلها ودخل من الباب رجل أشيب مهيب ومعه فتاتان حسناوتان وقال للحاج رضوان: السلام عليكم ورحمة الله وبركاته..

- وعليك السلام ورحمة الله وبركاته وفى أثناء ذلك زمجرت فهيمة بقوة وعنف فتوجهت نحوها إحدى الفتاتين مبتسمة وقالت: الدنيا دية صغيرة.. ده مفيش جن ولا إنس يقدر يتخيل إنك ممكن تكونى فى الموقف ده..

قاطعها الحاج رضوان قائلاً: أنا مش فاهم حاجة.. أنتوا مين؟ ومين فهيمة دية؟ والثلج ده حواليتها ليه؟

رد عليه الرجل الأشيب: لولا رجوعك إلى الله لم تكن لترانا أبداً..

أنا قاضى الجن، وتلك ملكة الجمال ابنتى دُرّة وهذه الملكة شمس القواميد بنت الملك الأحمر..

قاطعته فهيمة فى تلك اللحظة قائلة بتهكم: الملكة شمس.. ثم أطلقت ضحكة ساخرة وأردفت.. أنت مش جيتيلى لما أبوك طردك وأنت اللى قُلتى أن أنت اللى اتمردتى عليه.. ده جزائى بعد ما وقفت جنبك..

ضحكت الملكة شمس وقالت: أنت عارفة أنا اسمى أيه؟

أنا الملكة شمس القواميد بنت الملك الأحمر.. وعارفة مين الملك الأحمر؟

ده ملك المكائد، وعارفة ده معناه أيه؟

قاطعها الحاج رضوان قائلاً بحدة: أرجوكم قولولى أيه الحكاية؟

قاضى الجن: يا حاج رضوان.. أنت مش عارف فهيمة دية تبقى مين؟ وأنا عاذرك.. وهافهمك على كل حاجة وإحنا كنا حواليك دايماً من وقت ما لجأت لربنا..

بكى الحاج رضوان وقال: ياريتنى تبت من بدرى مكانتش بنتى ماتت..

ملكة الجمال: متكفرش بالله.. ده قدر ومكتوب.. والنصيب غلاب..

قاضى الجن: يا حاج رضوان كله مكتوب ”قُلْ لَنْ يُصِيبَنَا إِلَّا مَا كَتَبَ اللَّهُ لَنَا هُوَ مَوْلَانَا ۚ وَعَلَى اللَّهِ فَلْيَتَوَكَّلِ الْمُؤْمِنُونَ“، وبعدين ربك يمهل ولا يهمل.. وأدى بدر خد جزاءه وأمال خدت جزاءها.. وكما تدين ثدان..

فى هذه الأثناء صدرت من فهيمة أصوات مبهمه قوية بلغة غير مفهومة.. فقالت لها ملكة الجمال: لن ينقذك أحد.. نادى كما تشاءين فلن يسمعوك..

فهيمة: أنا عايزة أعرف أنت هربت إزاي؟ وأنت والملكة شمس عرفتوا بعض إمتى وإزاي؟

همت ملكة الجمال بالرد ولكن الملكة شمس أشارت لها بالصمت وقالت وهى متجهة إلى فهيمة: أنا هقولك: أنا فى الأصل صديقة ملكة الجمال وإحنا أكثر من الأخوات.. ولما جه الملك قاضى الجن والدها عند ملوك الجان عرفت ما حدث معها منك، وكيف تجرأت على قاضى الجن وكيف خطفت ابنته، وعرضت على أبى المساعدة فأطلق لى كامل الحرية فى كيفية مساعدتى لصديقتى وغمرنى بحمايته وباركنى ملوك الجان لكى أستطيع مساعدة ملكة الجمال بدون نشوب حرب طاحنة بعالمنا بيننا وبينكم..

وأنا اتقربت منك من خلال الروح الثعبان، وأوهمتك بهروبى من أبى ودخلت عالمك ومش كدة وبس ده أنت بنفسك اللى خلتينى أخش قلعتك وأعرف كل حاجة عنك، وطبعاً أنا قربت جامد قوى من خادمك عاينة، ورحت معاها القلعة بتاعتك، وشفت كمان ماريا وهى محبوسة هى الأخرى، وقاضى الجن وأبى كانوا بيراقبوك فى كل وقت لحد ما لاقوك مشغولة مع أمال وأختها بكل حواسك وفى لحظة ما كنت فى مقبرة عنتر أنت والملك ميظطرون انتهزت الفرصة دية بعد ما أبى أذنلى واستغلّيت فرصة أنى بخش وباخرج من قلعتك زى ما أنا عايزة فعرفت أدخل أعوان لى من غير ما حد من أعوانك أو خدامك ياخذ باله، وقدرت أحبس عاينة فى قلعتك وأخفيتها عن عيون الجميع بمساعدة ملوك الجان، ومتخفيش عليها حبسها مش هيطول لأنها بعد خروجى من قلعتك كل حاجة هاترجع لأصلها وزمانها فكت نفسها وعمالة تفكر أنا عملت فيها كدة إزاي، وإزاي أنت معرفتيش باللى حصل.. بس أديك

عرفتى المهم أنا خليت دُرّة تاخذ شكل عاينة وخرجنا من قلعتك بمنتهى الهدوء ومفيش حد اعترضنا بس الوحيدة اللى كان ممكن تقدر علينا هى ماريا وأنت قمت بالواجب وكنت حبساها..

قاطعها الحاج رضوان قائلاً: يعنى فهيمة دية سحارة ولا جنية..

قاضى الجن: يا حاج رضوان فهيمة دية هى ذات المحاسن بنت أبلّيس.. فاكّر محاسن اللى كنت شغال معاها زمان.. دية بقى شيطانة قدرت تتخلص من محاسن وخذت شكلها وكانت عايشة فى شقتها مكانها..

ما أنت عارف الحكاية دية بس اللى أنت مكنتش عارفه أن فهيمة هى نفسها ذات المحاسن.. وهى نفسها اللى خلتك تقدر على عنتر..

ما أنت مكنتش هاتقدر عليه لأنه عابد للشيطان زيك زمان، وهى اللى خلت بدر يقتل عنتر وخلت أّمال تقتل بدر واستعانت بالملك ميّططرون حتى تستطيع خداعك.. شفت بقى أنت كنت فى آيه وعائش إزاي؟ ده أنت تحمد ربنا أنه ابتلاك بموت بنتك بس.. وإنك على الأقل مش هتموت كافر..

الحاج رضوان: طب زى ما أنت بتقول دية لو كانت ذات المحاسن بنت أبلّيس ما كانت تقدر تخلص نفسها من الثلج إلى حوالِها ده ومكنتش تقدرُوا تحبسوها..

قاضى الجن: أنت عارف أن الجن لما بيتشكل فى أى صورة بيكون فى أضعف حالاته وإحنا عمرنا ما كنا هنقدر عليها لو كانت بهيئتها الطبيعية.. بس عشان هى متشكلة فى شكل بشرى فهى ضعيفة ومش قادرة تعمل أى حاجة وديه كانت فرصتنا أنّا نقدر نحبسها فى ثلجنا وهناخدها على ملوك الجان وهما هيقروا يعملوا معاها آيه..

ونصيحة أخيرة ليك يا حاج رضوان متتجهش للعالم بتاعنا تانى ولما يكون عندك حاجة محتاجها استعن بالله سبحانه وتعالى، وديه هتكون آخر مرة هتشوفنا فيها..

فى هذه اللحظة أحاطت بالمكان نار رهيبّة فأشار قاضى الجن إلى الحاج رضوان الذى تكونت حوله هالة ثلجية رقيقة فلم تؤثر به النار.. كما أحاط نفسه هو والملكتان ومن معهم من الكائنات بهالات مشابهة، وخرجت من النيران الملكتان عاينة وماريا وأعوان كُثر من الشياطين وأحاطوا بالملكة ذات المحاسن وحرروها من قيدها فتحولت لحية عظيمة وحاولت أن تهاجم ملكة الجمال فلم تستطع اختراق هالتها الثلجية فاتجهت إلى الحاج رضوان الذى ظل يردد ويتلو آيات من القرآن الكريم ففرت

هاربة هي، ومن معها من الشياطين، ووقتها تحرر الحاج رضوان من الهالة التي كانت تحوطه واختفى من أمامه قاضى الجن والملكتان وبقية الكائنات وسجد لله شاكرًا له طالبًا منه الغفران..

وبعد هروب الملكة ذات المحاسن وأعوانها وخدامها من منزل فهيمة طلبت من الجميع العودة للقلعة وذهبت هي إلى منزل دُنيا وظهرت أمامها فجأة فذعرت دُنيا وتراجعت للوراء مندهشة وقالت: الحاجة فهيمة.. إزاي.. مش أنت ميتة؟

- أنا مامتش ولا حاجة كل اللى حصل أنا هفهمهولك بعدين..
- طب أنت دخلت هنا إزاي وعاييزة منى أيه؟
- أنا أقدر أخش أى مكان وأعمل اللى أنا عاييزاه، وأنت عليك خدمة لي..
- أُمري يا حاجة..
- أنا عاييزة بنت أمال..
- عاييزاها إزاي يعنى؟
- أنت لازم تقدمي ضحية لسيدنا والضحية دية هتكون بنت أمال.. وساعتها هتعيشي متنغفة ومبسوطة وهاتقدرى تعملى كل اللى نفسك فيه..
- وأنت عاييزانى أعمل كدة إمتى وإزاي؟
- هأقولك فى الوقت المناسب.. ثم اختفت من أمامها..

عمر أحمد

وتستمر الأحداث مع الجزء الثاني «اللا عودة».

عندها يحاول **زياد** الدخول للعالم الخفى للزواج من ملكة الجبال
تتعرض له بنات إبليس، ويتحد معهم أبن عمه **بدر** ليتصاعد
الصراع، وينتقل إلى العالم السفلي، وإلى السحرة والعرافين
ويتحول البشر إلى وحوشٍ بشرية فيقتلون نفوساً طاهرة
بريئة بسبب حب الدنيا و حب الهال.

فهل سينتصر قاطنو الجبل الجليدي على أصحاب القلعة؟
ومن سيلتزم النجاة؟ **ومن** سيسقط إلى الهاوية؟

عمر أحمد

